





I. STOFLEERINO
FABRICAE
ASTROLABII

1553











522.41

S 871A

1553

RB 16-17

Quercus

alba

Wood

ELVCIDATIO

FABRICAE VSVSQVE

Astrolabii, Ioanne Stoflerino Iustingenfi autore:

*Cui multa & diligens accessit recognitio, vna cum
schematum negotio accommodatorum,
exactissima expressione.*

Adiectus est index rerum & verborum copiosissimus.



*Ignatius
Adrianus*

*Cortenius
2694.*

LVTETIAE,

*Apud Gulielmum Cauellat, in pingui gallina,
ex aduerso Collegij Cameracensis.*

I S S 3.

Cum Priuilegio Regis.

*Io: Bona Branelli a sauiliano Iudex
Civit. Salutaris Medici.*

Extraict du Priuilege du Roy.

PAr grace & priuilege du Roy, est permis à Guillaume Cauellat libraire iuré en l'vniuersité de Paris, d'imprimer ou faire imprimer vn liure intitulé, *Astrolabium Ioan. Stoflerini*. Et faict defence par ledit seigneur, à tous autres libraires, imprimeurs & autres personnes quelconques, de non imprimer ne faire imprimer, vèdre ne distribuer en ses païs, terres & seigneuries, autres que ceux qu'aura fait imprimer ledict Cauellat, tât en Latin qu'en François, sur les peines contenues esdictes lettres: & ce iusques au temps & terme de six ans finiz & acompliz, à compter du iour & date qu'ilz seront paracheués d'imprimer: comme plus à plain est contenu par les lettres patêtes, sur ce données à Paris le dernier iour de Septembre 1552. & de nostre regne le sixiesme.



GV LIELMVS CAVEL-

lat lectori candido S. & fi-

nem veritatis assequi.



VVM nullum sit in hac
vita maius operæprecium,
quàm nobilissimam ho-
minis partem siue in seip-
so, siue in alio excolere,
nulla autem re possit ma-
gis quàm veritate excoli,
nulla verò ipsius veritatis
pars in hoc mundo infe-

riori probando & demonstrando magis excitet, ex-
colat aut cõfirmet, quàm ipsa Mathesis in suos po-
tissimum fines deducta: fategi in hãc vsque diem,
quoad fieri potuit, etiam nõ sine rei familiaris de-
trimento & iactura, vt illæ quæ ad mathemata per-
tinent discipline, ex nostra prodirent officina, cum
summo & professorum & auditorũ compendio.
Quid verò hac in re hætenus præstiterimus, nullũ
illius doctrinæ genus intactũ relinquendo, præter-
quã q̃ volumus magis Reipublice quàm nostrũ in
ipsa Dei in nos agẽtis gratia dispẽsanda, iudiciũ æ-
stimari, facile hoc probabit, in hãc vsq; diem Pari-
siis ignotum Sacrosanctioris Arithmeticæ genus,

quod nos, Vnitatis secretioris nomine, Arabes vocabulo Algebrae vocāt, ausi sumus in lucē primi e-
dere, vt Schubelii epistola gratulatoria ad nos ea de
re missa testatur. Hic enim vir vt est summo acutis-
simóq; ingenio, nobis ea de re maximè gratiā ha-
beri voluit, quod nos, sine vlla præsente spe lucri,
eius opus, nō tamē sine suasu D. Io. Magnēnii Me-
dici, qui primus in eo publicè profiteri est ausus, vo-
luerimus edere. Quum autem sit finis mathematū,
ipse dimensionis vsus, qui in Astrolabio contine-
tur, voluimus etiam magnis quod ad nostras facul-
tates attinet sumptibus, ex ampliori illa forma qua
Ioan. Stoflerinus primarius ipsius author edi cu-
rauerat, in hanc portatilem enchiridii instar dedu-
cere, vsi hac in re industria, consilio & arte (quibus
ex æquo valet) D. Guilielmi Bordei iuuenis vt in
his rebus delineandis, & ex maiuscula in minus-
culā formā, aut cōtrā transferendis quibusuis figu-
ris summi, ita solidi iudicii acrimonia commenda-
bilis. Illius industriam laude, nostram diligentiam
& tenuitatem suo fine fraudatum non iri sperans,
te volui, candide lector, de his rebus admonitum,
vt ex hac inferiori veritatis ratione, in summam &
æternam contendens, & non tantū per causam, sed
multo maximè propter causam primam cogno-
scens, æternam ex temporanea fœlicitatem asse-
quare. Hic est mei & epistolij & instituti finis.

Vale. ad Cal. Octob.

Anno 1552.

INDEX EORVM,

QVAE HOC LIBRO IOAN-

nis Stoflerini visa sunt notatu digniora:

in quo animaduertes, a, priorem, b, verò

posteriolem pagellæ faciem notare.

A



Equationes so-
lis nō vbique
sunt æquales.

145.a

AEquinoctialis circulus.

4.a

AEquinoctialis hora. 53.b

AEquinoctialiū horarū re-
ductio. 90.b

AEstiuus æquinoctius. 22.a

Agrippina. 100.b

Alanthica. 57.a.60.a

Albertus Magnus. 21.b

Albion seu Anglia. 107.b

Albumasar. 20.a.137.a

Alchitot. 56.a.65.a

Aldebaran. 97.b.85.b

Alexandria. 100.b

Algoniza. 60.a

Alhabos. 57.a.60.a

Alhancabuth. 24.b.62.b

Alhidada. 55.b.64.b

Alexandrinæ colūna. 100.a

Alioth stella. 99.b

Aliquot inutiles astrologis
propositiones. 112.b

Almagestum. 132.a

Almaitech. 61.b

Almicanterath. 5.b.61.b

Almagrip. 61.b

Almuri. 42.a.63.b

Alphantia. 57.a.60.a

Alpheratz. 56.a.65.a

Alphrabi. 152.b

Alphraganus. 20.a

Alti & profundi eadem est
mensurandi ratio. 170.b

Altimetria quid. 153.a

Altitudinum circuli. 10.b

Altitudo solis. 68.a

Altitudo solis aut lunæ.

157.b

Altitudo tenet locū lineæ.

154.b

Amisia. 102.b

INDEX.

Ameristus geometra. 153.a

Anaxagoras Claromenius.

153.a

Andromeda. 37.a

Anguli cœli quot. 94.b

Anguli terre quot. 21.b.95.a

Annus communis. 65.b

Aquilonia declinatio. 96.b

Aquilonis incōmoda. 119.b

Aranea. 62.b

Aranea astrolabii. 24.b

Arcus æquatoris. 88.a

Arcus diurnus solis. 77.a

Arcus horæ diurnæ. 88.b

Arcus horarius. 13.b.14.a

Arcus horarum. 51.52.a.b

Arcus horarū īequaliū. 50.a

Arcus nocturnus. 88.b

Arcus nocturnus solis. 77.a

Argentina. 100.b

Argestes ventus. 119.a

Arithmetices origo. 152.b

Armilla suspensoria. 57.a.

60.a

Ascemat. 67.b

Ascensio quid. 121.a

Ascensionis arcus 131.a

Aspectus planetarum. 136.b

Astrolabii descriptio. 59.a

Astrolabii inuentor. 59.a

Astronomicus ortus quid.

120.b

Astronomorum horę. 83.b

Austrina declinatio. 96.b

Austroaphricus. 118. b.23.a

Authores qui de aspecti-

bus tractarunt. 137.b

Aux solis. 47.b

Azimuth quid. 10.b

B

Babyloniorum opinio.

92.b

Bathina vrbs. 100.b

Bethen astrologus insignis.

92.b

Borealia signa. 63.b

Boreas. 22.b.119.b

Bilimbatū quadrans. 148.b

Bipartia astrolabia. 7.a

Bis in anno inæquales sunt

horæ. 71.a

Bissextilis annus. 65.b

Bizantium. 100.b.101.a

Brumalis æquinoctius. 22.a

C

Aballus. 65.a

Cadentes anguli. 133.a

Calculator. 63.b

Cancris circulus. 4.a

Canis firi⁹ q & maior. 34.b

Cardines terræ quot. 21.b

Cardinales venti. 23.a

Cardines cœli. 95.a

Cathalzevvi. 61.b

INDEX.

Cœlestia domicilia quot.	132.a	Clauus.	65.a
Cœli anguli.	94.b	Cracouia.	102.b
Collaterales venti.	23.a	Crepusculi vespertini duratio.	78.b
Collocatio stellarum in rete.	35.b	Crepusculinæ lineæ.	62.b
Clauus vel axis.	56.a	Cubitus.	153.b
Cleomedes.	63.a	Cuiuslibet signi diuisio.	29.b
Climata septem.	20.a	Cuneus.	65.a
Cognitio horarū inæqualium.	87.a	Curta buda.	108.a
Cognitio meridiei vnde.	73.a	Cuspides domorum cœli.	132.a
Cōiunctio planetarū, quid	137.a	D	
Cōputatio horarum æqualium.	80.a		
Cōfectio almicātarath.	7.b	DAEdalicum instrumentum.	57.b
Constructio retis.	24.b	Declinatio graduū zodiaci.	95.b
Contracti notatu digna sententia.	93.b	Declinatio quid.	96.b
Corona quid.	62.a	Declinatio stellæ.	31.a
Corus ventus.	119.a	Definitio astrolabii	59.a
Corrodunum.	102.b	Descensio quid.	121.a
Circius.	22.b.119.b	Descriptiones vmbrarum.	156.a
Circuli concentrici & eccentrici.	44.b	Denticulus.	19.a
Circulus capricorni.	4.a	Differētię stellarū quot.	31.b
Circuli altitudinis.	42.b	Differētiæ vmbrarum.	156.a
Circuli azimuth.	10.b	Dies artificiales.	68.a
Circuli progressionum.	5.b	Digitus.	153.b
Circuli ventorum.	62.b	Digitus, duodecima pars.	155.b
		Distinctio climatum.	20.a

INDEX.

Diuisio horizontis per azimuth. 10.b

Diuisio limbi. 2.b.3.a

Diuisio mensium. 47.a

Diuisio rete. 25.a

Diuisio zodiaci. 25.b.28.a
95.b

Diurnus arcus solis. 77.a

Domicilia coelestia. 15.b

Domorum arcus. 62.b

Domus cœli. 132.a

Dorsum astrolabii. 2.b
& 63.b

Duodecim signa. 64.a

Duodecim venti. 21.b

Duratio crepusculi matutini. 78.b

E

Eclipsis lunaris. 101.a
Eclipticæ arcus quid. 127.a

Ecliptica linea. 63.a

Effectus ventorū varii. 118.a

Electio Maximiliani in regē Romanorum. 144.a

Eleuatio polaris. 5.b

Eleuatiōes meridianæ. 54.b

Eleuationum tabula. 147.b

Erraticæ stellæ. 85.b

Euroauster. 118.a

Euronotus. 23.a

Eurus. 22.a

Euclides Megarensis. 153.a

F

Facies astrolabii. 2.a

Fabrica horarii bilimbati. 151.a

Fabrica zodiaci. 51.a

Facies antica et postica. 60.a

Fauonius ventus. 119.a

Figura & locus vētorū. 24.a

Figura horarii bilibati. 150.b

Figura reuolutionis electionis Maximiliani. 144.b

Fiduciæ linea. 42.a.64.a

Finiens obliquus. 61.b

Finis crepusculi matutini. 78.b

Fixarum stellarum ortus & occasus. 84.b

Fixarū stellarū tabula. 32.b

Fixæ stellæ diurnū tempus. 86.a

Fixarum stellarum declinatio. 95.b

Fluens hora. 89.b

Fœlix radiatio quæ. 137.b

Fortunatæ insulæ. 100.a

Fundamentum iudiciorum quod. 136.b

G

Gades Herculis. 100.a

Geometria quid. 152.a

Geometriæ inuētores. 152.a

INDEX.

- Geometriæ species. 153.a
 Georgius Purbachius. 135.a
 Gnomon. 154.b
 Gradus eclypticæ. III.a
 Gradus æquatoris. 88.a
 Gradus polares. 5.b
 Graduum ascensio & descensio. 122.b
 Gubernamenti planetarum tabella. 93.a
 H
H Aly aben ragel. 20.a
 Haly habē rodan. 59.a
 Hemisphærij circulus. 6.b
 Hermannus Cōtract⁹. 20.a
 Hespericus sinus. 100.a
 Herculis Gades. 100.a
 Hexagonus aspectus. 137.a
 Hibernus æquinoctius. 22.a
 Hippocrates Cous. 153.a
 Hora æquinoctialis. 69.b
 Hora inæqualis nocturna. 87.b
 Horæ temporales. 13.b
 Horaria fabrilia. 80.b
 Horariæ lineæ. 150.a
 Horarij constitutio. 50.a
 Horarū æqualiū arcus. 51.a
 Horarum inscriptio. 3.a
 Horarum reductio. 83.a
 Horizon obliquus. 6.b
 Horizō sphæræ rectæ. 123.a
 Horologia officio astrolabij posse cōponi. 146.a
 Horologium solare. 93.b
 I
Iacobus Alkindus. 136.b
 Impositio stellarum. 31.b
 Impositio stellarum in araneam. 35.a
 In septimo climate, rei umbræ nunquam est æqualis. 157.a
 In siene quando nulla umbræ. 94.a
 Inæqualis diei temporalis hora. 87.a
 Inæquales horæ. 13.b
 Incertæ mensurationes. 169.b
 Incompleta hora. 89.b
 Initium crepusculi matutini. 78.b
 Initium crepusculi vespertini. 78.b
 Inscriptio azimuth. 10.b
 Inscriptio circulorū anni. 46.b
 Inscriptio linearum horariarum. 149.a
 Inscriptio signorum zodiaci. 26.b
 Inuentor astrolabij. 59.a
 Inuentio

INDEX.

Inuentio centri trium pun-
ctorum, 14.a
Inuentio nadair solis. 67.b
Inuentio poli zodiaci. 28.a
Inuentio zenith. 6.b
Inuētores geometriæ. 152.a
Ioannes Eligerus. 132.a
Io, de mōte regio. 16.a 132.a
Iudex vel ostensor. 63.b
Iulius Firmicus. 20.a

L

L Ab inuentor astrolabij
59.a

Latera quadrantis. 156.a
Latera vmbrarum. 49.a
Latio solis, quid. 70.b
Latitudo planetarum. 138.b
Latitudo plani quo pacto
mensuranda sit. 169.b
Latitudo regionis quid,
98.a
Latitudo stellæ. 35.b
Laus geometriæ. 153.a
Libonotus, 23.a 118.a
Libia arens. 126.a
Libs vel aphricus. 119.a
Limbus astrolabij. 2.b
Lincon astrologus. 137.a
Limbus seu arcus. 148.b
Linea crepusculina. 17.b
Linea eclyptica, 25.a

Linea fiducia, 42.a 65.a
Lineæ horarum. 149.b
Linea meridiei. 64.a
Locus solis nō semper qua-
drat cum loco radice.

145.a

Longitudo dici artificialis.
78.a

Longitudo spatij plani.
168.b

Longitudo stellæ. 31. a. 35.b

Longitudo regionū. 100.a

Lunæ aspectus. 138.a

M

M Agnitus stellæ. 31.b
35.b

Mayor vel minor portio æ-
quatoris, 121.a

Marcpurgium. 102.b

Margilabrum. 60.b

Margo astrolabij. 2.b

Mathematicæ artes certissi-
mæ. 112.a

Mater astrolabij. 2.b, 60.b

Materia astrolabij quæ. 2.a

Matutinū crepusculū. 17.b

Martianus. 21.a

Matutini crepusculi initiū.
78.b

Maxima solis declinatio.

4.a

Mecha

INDEX.

- | | |
|-----------------------------|------------------------------|
| Mechanica horologia. 82.a | Modus rationalis. 135.a |
| Media vmbra. 155.b | Modus varius altitudines |
| Medium cœli. 95.a | mensurandi. 156.a |
| Mediclinium. 64.b | Motus solis cognitio peru- |
| Mensium circuli. 45.a | tilis. 65.b |
| Mensurandorum inaccessi- | Mundi plagæ. 115.a |
| bilibium ratio. 164.a | N |
| Mensurarum partes eadem | N Adair. 43.a |
| habent principia. 154.a | N Naturæ vëtorum. 118.a |
| Mensuratio plani in longū. | Naturalis dies. 69.b |
| 167.b | Naturalium dierum diffe- |
| Meridianarū horarum re- | rentia. 70.a |
| ductio. 83.a | Neapolis oppidum Italiæ. |
| Meridionalia signa. 63.b | 108.a |
| Meridionalis polus zodia- | Negligendę propositiones. |
| ci. 29.a | 112.a |
| Messohala 45.a 59.a | Nicephorus. 93.b 98.a |
| Minutum quid. 71.a | Nilus ægyptius. 152.b |
| Mirach. 37.a 63.a | Noctis mediæ linea. 64.a |
| Modi cognoscendi meri- | Nocturna fixarum stellarū |
| diem. 73.a | tempora. 86.a |
| Modi inscribendi lineā cre- | Nocturnarum horarum co- |
| pusculinam. 18.a | gnitio. 76.a |
| Modi inuestigandarum la- | Nocturnarū horarum re- |
| titudinum. 98.b | ductio. 83.a |
| Modi tabulis non inniten- | Nocturnū tēpus stellæ. 86.a |
| tes. 28.a | Nocturnus solis arcus. 77.a |
| Modus conficiendi horolo- | Nomina dierum. 92.a |
| gij. 146.b | Nomina latina stellarū fixa- |
| Modus inuētjonis horæ æ- | rum cū arabicis. 38.39.40. |
| qualis. 71.a | Nomina stellarū fixarū. 32.b |

INDEX.

- Nomina ventorum. 118.a.b
 Nomina 12. signorum 26.b.
 63.a
 Nonnunquam horæ tem-
 porales æquinoctiales ex-
 cedunt. 89.a
 Nostrarum ad astronomi-
 cas & contra astronomi-
 carum ad horas nostras
 reductio. 83.b
 Norimbergium. 81.a
 Notus. 23.a
 Nototalgab. 62.a
 Nox pars diei. 70.a
 Numeri graduum signorū.
 64.a
 Numerus quotiens. 158.a
 Numerus ventorum. 21.b
- O
- O Bliqua sphæra. 121.a.b.
 130.a
 Obliquum planum metiri.
 169.b
 Obliquus circulus. 63.a
 Obliquus ortus. 120.b
 Occasus astronomicus. 120.b
 Occasus solis quotuplex. 22.a
 Occasus Solis tempus. 76.b
 Octauus orbis. 116.b
 Officio stellæ horam inue-
 nire. 80.b
- Oppositus aspectus. 137.b
 Oppidorum Europæ tabu-
 la. 9.a
 Orbis signorum. 64.a
 Orbis signorū diuisio. 43.b
 Ordines stellarū quot. 31.b
 Origo geometriæ. 152.b
 Ortus & occasus signorum
 in sphæra recta. 125.a
 Ortus solis tempus. 76.b
 Ortus solis triplex. 22.a
 Ortus stellarū fixarū. 84.b
 Ostensoris compositio. 42.a
- P
- P Almus. 153.b
 Parrhisium. 100.b
 Passium oppidum. 106.b
 Passus. 153.b
 Peronticū oppidū Thraciæ
 106.b
 Perpetua stellarum appari-
 tio. 85.a
 Pertica aut radius. 153.b
 Phæludianus Ptolemæus.
 59.a
 Pinnulæ. 55.b
 Plage terræ, quot. 21.b
 Plagæ mundi quatuor. 4.a
 Planetæ dominatus. 92.a
 Planetæ hora. 70.b
 Planetarum aspectus. 136.b
 Plani-

INDEX.

- Planimetria quid. 153.a
- Planitierum longitudes. 168.a.b.
- Plures modi noscendi meridiem. 73.a
- Poli mundi. 22.b
- Polus arcticus. 22.b
- Polus borealis. 127.b
- Polus mundi. 99.b
- Pomeridiana altitudo solis. 69.a
- Positio ventorum. 21.b
- Ptolemæus Alexandrinus. 58.b
- Præsul Imbripolensis. 21.b
- Principiū diei quando. 70.a
- Profunditatis mensuratio. 170.b
- Prouinciarum Europæ tabula. 9.a
- Puncta vmbra versæ. 168.b
- Punctorum reductio. 163. 166.a
- Pūctum verticale. 6.b. 62.a
- Q** Vadratia latera. 156.a
- Quæ stellæ appareāt semper. 85.a
- Quando fiat ortus stellæ. 84.b
- Quando vmbra, rei respon
- det. 157.b
- Quare dictus dies artificialis. 70.a
- Quantitas diei artificialis. 78.a
- Quatuor mundi plagæ. 4.a
- Quid altitudo. 166.a
- Quid planimetria. 167.b
- Quid sit Astrolabium. 59.a
- Quinpartia astrolabia. 7.a
- Quo tempore inuentum astrolabium. 59.a
- Quot azimuth in astrolabio. 10.b
- Quot anguli cœli. 94.b
- Quot arcus horarum in æq. 62.a
- Quot climata sunt. 20.a
- Quot matris circuli. 5.b
- Quot modis diuidatur rete. 25.a
- Quot mundi plagæ. 115.a
- Quot plagæ ventorum. 22.a
- Quot sint modi inuestigandarum latitudinum. 98.b
- Quot sunt aspectus. 137.a
- Quot venti numero. 21.b
- Quotuplex aspectus. 138.a
- Quotuplex declinatio. 96.b
- Quotuplex hora. 70.b
- Quotuplex ortus solis. 22.a
- Quotu-

INDEX.

Quotuplex sit ortus aut occasus astronomicus. 120.b
 Quotuplex umbra. 156.a
 Quotuplicia astrolabia. 7.a
 Quotupliciter imaginetur diuisio zodiaci. 95.b. 96.a

R

Radiatio vel aspectus. 137.a
 Radius. 65.a
 Radix quadrata. 105.b
 Ratio horologiorum cur iusta vel iniusta reddi potest. 148.b
 Ratio omnem naturæ viam perlustrat. 166.a
 Rationalis modus fabricandarum cœlestium domorum. 15.b
 Recta ascensio quid. 122.a
 Recta sphaera. 121.a
 Rectè orientia signa. 129.b
 Rectificatio plani. 170.a
 Rectitudinum circuli. 10.b
 Rectus ortus. 120.b
 Reductio horarum variarum. 81.a
 Reductio punctorum umbræ versæ. 163.a
 Regis Achas horologium. 94.a
 Regionum longitudo. 100.a

Regionum europæ tabula. 9.a
 Regula algorithmi. 105.b
 Regula ascensionis & descensionis æquatoris. 122.b
 Regula seu index. 42.b
 Regionum miliaria variant. 102.a

Rete astrolabij. 24.b. 62.b
 Rete diuisio. 25.a
 Reuolutio anni quid. 139.a
 Roma. 100.b
 Romanus annus, vulgaris. 45.b

S

SArapa oppidum. 100.a
 Sarracenorum mos. 15.b
 Schema azimuth. 13.a
 Seminocturnum tempus stellarum. 86.b
 Scala umbræ rectæ. 155.a
 Scalæ altimetræ. 42.b. 64.b
 Secundum & tertium quid. 71.a
 Septem climata. 20.a
 Septentrio ventus. 119.b
 Septentrionalia signa. 63.b
 Septimanæ dies nomen habent à planetis. 92.a
 Sextilis aspectus. 137.a
 Signa oblique orientia. 129.b
 Signa zodiaci. 26.b
 Signorum 12. diuisio. 28.a
 29.b

INDEX.

Simiophoros 63.a
Solipartia astrolabia. 7.a
Solaris annus. 65.b
Solipartia astrolabia. 72.a
Spica virginis. 37.b
Sphæra quotuplex. 121.a
Sphæra solida quid. 58.b
Stadium. 154.a
Stereometria quid. 153.a
Stella aldebaran. 34.b
Stellæ declinatio quid. 31.a
Stellæ occasus quando fiat. 84.b
Stellarū fixarū occas⁹. 84.b
Stellarū fixarū tēpora. 86.a
Stricta foramina tabellarū debent esse. 165.b
Subsolanus. 22.a 118.a
Subtractio quotiētū. 164.b
Suspensorium astrolabij. 57.a
Syene ciuitas. 93.b

T

Tabula ascensionum re-
ctarum. 26.a
Tabula astrolabij. 2.a
Tabula climatum. 20.b
Tabula miliarium. 103.b
104.a
Tabula stellarū fixarū. 32.b
Tabula veri mot⁹ solis. 66.b
Taprobana insula. 105.b

Tēp⁹ initij crepusculi. 79.b
Tempus ortus solis. 76.b
Tēporales horæ. 13.b. 53.b
Temporalium horarū ini-
tium. 88.a
Terræ angulus. 95.a
Teu vazalzene. 61.a
Thales Milesius. 153.a
Theodor⁹ Cyreneus. 153.a
Thiene metropolis. 100.a
Toletum oppidum. 100.a
Tripartia astrolabia. 7.a
Tres circuli matris. 5.b
Triangulus rectilineus or-
thogonius. 154.b
Triplicē solis ortum. 22.a
Tubingenſe gymnasiū. 5.b
Tubingenſe oppidum. 99.a
Tympana. 60.b
Tympana astrolabij. 19.a

V

Variarū horarum redu-
ctio. 81.b
Vectis teres. 65.a
Ventorum cardines. 22.a
Ventorum circuli. 62.b
Ventorum plagæ quot. 2.a
Ventorū varij effectus. 118.a
Verus motus stellæ. 35.b
Vespertini crepusculi finis. 78.b

INDEX

Vespertinū crepusculū. 17.b
 Via solis. 25.a 63.a
 Vicinitas auroræ 79.a
 Virgæ mensoriæ altitudo.
 169.a
 Visio intus causatur. 154.a
 Umbilic⁹ Andromedæ. 37.a
 Umbra recta & versa. 49.a
 Vnde cognoscatur verus
 motus solis. 145.a
 Vnde dicta stereometria.
 153.b
 Voluellum. 24.b 62.b
 Vrsa maior. 99.b
 Vsus horarij bilimbati. 151.a
 Vtilitates geometriæ. 152.b
 Vulturū. 22.a 118.a
 Vvalzagora. 59.b

Z

Zenith. 62.a
 Zenith à Sole distantia.
 110.a
 Zenith ortus & occasus so-
 lis. 112.b
 Zenith regionis. 6.b. 90.b
 Zenith solis quid. 113.a.b
 Zenith stellarum fixarum
 quid. 113.b
 Zephyrus. 22.a 119.a
 Zodiacus. 63.a
 Zodiaci polus. 22.b
 Zodiaci diuisio. 25.b. 28. a
 95.b
 Zona torrida sub nullo cli-
 mate. 109.a

FINIS



DE COMPOSI-

TIONE AUT FABRICA

*Astrolabij, eiusdémq; usu, multifarijsque
utilitatibus, Ioanne Stoflerino Iustin-
genfi Authore.*

VNIVERSIS BONARVM

Artium studiosis Ioannes Stoflerinus Iu-
stingensis S. D.



*QVVM sint in Mathema-
ticis, Lectores optimi, organa
multa perpulchra & mira-
tu dignissima, pluribus ac
eximijs authoribus explica-
ta demonstratáque volumi-
nibus longe omniũ pulcher-*

*rima de Planisphærio aut Astrolabio traditio est.
Quam his qui iam pede calcante terrenis imperare
videntur, vultu verò erecto atque sublimi cœlesti-
bus fruuntur delitijs, destinandam esse censuimus.*

A

EPISTOLA

meæ profectò erga eos benevolentia pignus immortalè. Quod pergratum & iucundum fore minimè ambigimus: tum quia Mathematicarum disciplinarum studiosis Enchiridion est, tum ob commoditatum vsuúmque fermè innumerorum nobilissimam altissimámque indaginem. Taceo quòd eius organi constructio & vsus, ab insignibus Philosophis, Hipparcho, Ptolemæo, Ammonio, Proclo, Philopono, Nicephoro, Hermannò Contracto Alemanno, Ioãne Eligero, Henrico Bate eximiis laudibus comprobantur. His patronis ducibúsq; præsentissimis, quæ ad fabricam, quæque ad vsum tendant dicere exordiemur. Valete spondere fœlici Lectores candidi. Tubingæ Anno salutis Sesquimillesimo decimo.

T R A-

TRACTATVM

2

DE ASTROLABIO, IN

duas partes distinximus. In prima enim parte fabricam aut compositionem ipsius docebimus. In secunda multiplicem eius vsum explanabimus.

PRIMA PARS DE FABRI-

ca Astrolabij, omnes circulorum, arcuum, linearum, graduum & partium inscriptiones exactissimè absoluit.

MATERIAM PRO ASTROLABIJ constructione præparare.

Propositio
prima.



AX Metallo, puta cupro aut aurichalco, vel ex ligno duro, solido ac firmo fabricetur tabula plana, quæ arte tornandi rotundetur. Ita tamen, quòd vna eius superficies concave-
tur, hoc pacto quòd limbus, margo aut pars exterior sit aliquantulum eleuatiore parte interiori. Quæ quidem superficies sic concauata, dicitur facies Astrolabij. Reliqua autem superficies quæ omni-

Facies A.
strolabij.

A ij

DE FABRICA

Dorsum A-
strolabii.
Limbus.
Mater.

no plana est, dorsum Astrolabij appellatur. Pars igitur faciei extima (vt iam exposuimus) limbus aut margo. Interior autem pars mater, haud iniuria nominatur. Concauatur autem vna superficies Astrolabij, vt plurimarum tabularum diuersis regionibus & climatibus seruientium sit capax.

Propo. 2.

LIMBVM AVT MARGINEM in suas partes congruas distribuere.

IN facie tabulae preparatae quære centrum quod vocetur. e. Super quo officio circini, describe in limbo secundum tabulae capacitatem circulum maiorem, ita tamen quod extremitatem tabulae non omnino tangat. Deinde circino constricto ex eodem centro. e. produc alium circulum minorem, tantum distantem à primo, quod inter ipsos possit scribi numerus horarum diei naturalis.

Iterum restringe circinum, & protrahe tertium circulum tantum solummodo distantem à secundo, quod inter ipsos possint cadere singulares graduum diuisiones. Rursus iterum comprime circinum & depinge in eodem centro quartum circulum, tantum distantem à tertio, vt inter ipsos possit describi numerus graduum æquinoctialis, distinctorum per 5. & 5. Hi circuli quatuor sic ritè descripti, constituunt limbum aut marginem Astrolabij

labij vbiq̃ue terrarum vniſormiter ſe habentem.


Præterea quadrabis limbum per centrum.e, duabus diametris ſignando puncta extremitatũ his literis, a, b, c, d. Locando a. in ſuperiori parte, b. verſus dextram, c. in oppoſito a, & d. in oppoſito b. Secat igitur linea a c. lineã b, d. ad angulos rectos, & erũt hæ lineæ aut diametri communes limbo & matri.

Deinde circulum ſecundum aut tertium limbi di- De diuiſio-
ne limbi. uide in 360. partes aut gradus, hoc modo: quamlibet quartam circuli iam dicti partire primũ in tres partes æquas, & iterum quamlibet partem in duas: & habes in toto circulo. 24. partes. Quibus & cẽtro.e. applica regulam, & pingẽ aut trahẽ lineas per omnes quatuor circulos, & ſunt hæ lineæ horarum diei naturalis. Poſtea quãlibet. 24. partium diuide in 3. partes: & his & centro.e. iunge & regulam, & duc lineas à ſecundo circulo vſque in quartum.

Demum quamlibet partem diſtribue in 5. particulas æquales. Quibus & cẽtro.apta regulam, & duc lineas minutas à ſecundo circulo in tertium. et ita partitus eſt circulus optatus in 360. partes aut gradus. Numerum horarum diei ſcribe in inter- De inſcri-
ptione nu-
meri horarũ capedine primi et ſecundi circuli, inchoando in linea poſt a verſus dextrã: primæ igitur lineæ adſcribe. 1. Secundæ. 2. Tertiæ. 3. & ſic deinceps vſque in 12. quæ horam conticinij aut mediæ noctis indicat: & ponuntur circa literam. c. Et poſt noctis mediũ

DE FABRICA

iterum incipe scribere ad lineas. 1.2.3. &c. continuando vsque in 12, quæ horam meridiei pandunt & literæ a.iunguntur. In spatio verò tertij & quarti circuli, signabis (iuxta.d.incipiendo siue in oriente scribendo versus.a.vel meridiem) in primo spatio. 5. in secundo 10. in tertio. 15. & sic de aliis numeris, per quinarium ascendendo vsque ad 360. quæ circa.d.in oriente sedē sibi vendicabunt. Hactenus de compositione limbi. Cuius hanc sume figuram.



TRES CIRCULOS CA-

Proposit. 3.

pricorni AEquinoctialis & Cancrī in
matre Astrolabij artificiose describere.

MATRIS descriptionem, communium astrolabiorum, quæ præter unicam superficiem intra limbum contentā, nullas recipiunt tabulas aut tympana vnius latitudinis aut eleuationis polaris astrolabia appellata, in hac & quinque sequētibz propositionibus ingeniosè patefaciemus.

Principiò omnium tres circulos Capricorni, AEquinoctialis et Cancrī inuenire debemus. Super Centro igitur e, et sub limbo, ducito circulū Capricorni tantū distantē à superficie interiori limbi, ut in tali spatio quatuor plagæ mundi inscribi possint, scilicet Quatuor plagæ mundi inscribuntur.
sub a meridies: sub b occidens: sub c septentrio: & sub d. oriens. Ob signabisque iam ductum Capricorni circulū quatuor literis. f. g. h. i. in suis quartis aut diametris (diametri enim prius in diuisione limbi facti partiuntur ipsum in quatuor quartas) ponendo f. sub a. limbi, g. sub. b. h. sub. c. & i. sub. d.

Deinde supputa ab a, à meridie, versus orientem, in gradibus limbi, maximam solis declinationem: quæ hac nostra tempestate 23. gradus & 30, minuta non excedit: & ad finem eius imprime notam: cui & centro e, applica regulam, & trahelineam occultam & subtilem à circulo Capricorni

Maxima solis declinatio.

DE FABRICA

Usque ad centrum e. Deinceps iunge vnam partem regule intersectioni circuli Capricorni & lineæ occultæ: & aliam partem regule literæ g, puncto occidentis, scilicet vbi circulus Capricorni & diameter. b. d. sese absecant. Et vbi regula diametrum a c, vel f h, quod idem est, absecat, ibi fac notam. Post hæc pone vnum pedem circini immobilem in centrum e, & alium vagantem extende in notam in diametro a c, vel f h iamiam factâ, & circino sic manente, circina circulum AEquinoctialis vel Arietis & libræ. Quæ his literis k l m n notabis, ponendo. k. sub. f. l. sub. g. m. sub. h. & n. sub. i.


AEquinoctialem primo describe occultū, quia diuisio nibus afficitur.

Quo facto apta regulam intersectioni æquinoctialis & lineæ occultæ & puncto l. occidentis in æquinoctiali: & iterum signa intersectionem diametri a c, & regulæ: & mitte vnum pedem circini in e centrum, & reliquum pedem vagum in signaturam diametri: & scribe circulum tropicum Cancrī. Tandem clarioris cognitionis gratia ipsis circulis nomina adiunge: puta circulo Capricorni ascribatur tropicus Capricorni, vel tropicus hyemalis, aut brumalis. AEquinoctiali, Aequator vel circulus æquinoctius. Cancro, tropicus Cancrī, aut tropicus æstiuus.

HVIVS

HVIUS PROPOSITIONIS

sequens sumatur schema.



CIRCULOS PROGRESSIONUM
aut almicantarath studiose elaborare.

EXPEDITI de tribus circulis Matris primariis, nunc ad descriptionem circulorum progressionū, quos Arabes almicantarath nominant, faustè properabimus. Affigatur igitur tabula in assere plano, ita ut facile moveri non possit, & circa literam *a*, ipsius limbi, annecte tabulæ lignū planum & rectum, longitudinis duorum fere pedum, & eiusdem spissitudinis cum tabula astrolabij. Quibus sic dispositis, applica regulam diametro *a, c*, & prolōga ipsam ultra *a*, in ligno conne-xo ad longitudinem pene duorum pedum.

Præterea pro confectiōe prædictorum circulo-rum opus erit prænoscere eleuationem poli aquilonij aut arctici super hori-zōtem optatæ habitationis: ad quam fabricam astrolabij instituiſti. Hanc autem etsi ex opere geographiæ Claudij Ptolemæi elicere potes, per tabulam tamen inferius exponen-dam, ad sedem propositæ habitationis aut vicinio-ris gradus polares, quos more vulgato eleuationem poli arctici nuncupamus, facili-mè patebūt. De qua & eius inuentione, officio tamen instrumenti, & item de latitudine oppidorum, alibi abunde tracta-re decreuimus. Descripturus igitur circulos pro-gressionum pro oppido & almo gymnasio Tubin-gensi

Tabulam !!
lam quare
folio 9.

genſi (vt exemplo certior reddaris) ex tabula nominata elicias eius eleuationem polarem: quæ 48. gradibus & 40. ferè minutis abſoluitur. Hanc diligenter numera in gradibus limbi à d verſus c, hoc eſt, ab oriente verſus ſeptentrionem: & in termino graduum & minutorum eleuationis polaris fac ſignaturam in limbo, ad quam & centrum e, apta regulam, & cum punctorio fac notam ſubtilem in æquinoctiali, in ea parte vbi ipſa regula æquinoctialem tangit, & vocetur. o. Conſimiliter cõputa eandem eleuationem poli à b, verſus a. hoc eſt, ab occidente verſus meridiem, iterum ſignando æquinoctialem cum ſignatura acuta (vt iam in parte oppoſita docuimus) quæ dicatur. p. Et quia hæ ſignaturæ o & p, per medium circuli diſtare debent, ſequitur, ſi ipſis regulam adieceris, hanc per centrum e tranſire neceſſum ſit. Si ſecus corrige errorem.

Quibus peractis ſiſte vnã partẽ regulæ in punctum. L. occidentis in æquinoctiali: & aliam partem regulæ applica ad ſignaturam o, in æquinoctiali: & vbi regula lineam a c, hoc eſt diametrum à meridie in ſeptentrionem tranſeuntem interſecuerit, illic imprime notam q, quæ communiter cadit vltra centrum e, verſus ſeptentrionẽ. Et regula manente in puncto L, occidentis, promoue eius partem vagam in ſignaturam p, & contactum regulæ & diametri a c, prolongatæ ſigna nota quæ vocetur. r.

DE FABRICA

Et hæc plerumq; cadit extra limbum. Postea quære centrum inter has duas notas q & r, in diametro a c, super quo describe arcum vel circulum imperfectum manifestum: tamẽ inchoando à tropico capricorni in occidente, transeundo per puncta L q n, vsque in tropicum Capricorni in oriente. Quod si rite operatus fueris, videbis arcum istum per puncta æquinoctialis L & n, in vnguẽ vergere. Si aliter cõtigerit scito te errasse: quare denuo reitera opus & corrige errorem. Arcus iste iam descriptus Horizon obliquus aut circulus hemisphærij habitationis oblatæ recte appellatur. Qui primũ & extimũ almicantarath representabit. ANTE QVAM ad descriptionem aliorũ almicantarath descẽdatur: præambula quædam audire consilium est.

Horizon ■
obliquus.

Zenith re-
gionis quid
sit, & de ei⁹
inuentione.

Habet vnaquæque regio, oppidum, aut habitatio punctum in cœlo verticale: quaquauersum ab horizonte æquidistans, quod Arabes Zenith vocant. Cuius inuentio in fabrica nostri astrolabij fit in hunc modum. Supputa in gradibus limbi a b c, versus d. hoc est à meridie versus orientem, elevationẽ poli habitationis propositæ, & fini supputationis adiunge notam. Cui & centro e, admoue regulam, & fac pũctum in sectionem ipsius æquinoctialis & regulæ, huic puncto æquinoctialis & puncto L occidentis eiusdem adice regulam, & ubi ipsa secat diametrum a c, ibi fac signum notabile

le, quod dicitur Zenith regionis oppidi aut habitationis. Cuius vtilitatem cum de usu astrolabij tractabimus, abunde accipies. Præterea in maximis & perfectis astrolabiis inscribuntur. 90. almicantarath, tot enim sunt circuli à quouis horizonte corporis sphericis in Zenith. Et in his astrolabiis vnumquodque almicantarath valet gradum vnum, & hæc appellantur solipartia. Porro in astrolabiis maioribus, quæ bipartia nuncupamus, 45. almicantarath inseruntur. In quibus vnum almicantarath duobus respondet gradibus. In nonnullis astrolabiis, vocatis mediocria & tripartia, 30. protrahuntur almicantarath, vbi vnum almicantarath 3. gradibus accommodatur. Et tandem in astrolabiis minimis quinquartiis. 18. tantum inseruntur almicantarath. In quibus vni almicantarath 5. gradus seruiunt. Animaduerte igitur, quod si astrolabiis maximis solipartiis 90. almicantarath inscribere decreueris: semicirculus æquinoctialis à puncto p, supra explorato, per meridiem transeundo usque in punctum o supra inuentum, in 180. partes vulgata diuisione partiendus est: vtpote primo in sex partes, secundo iterum quælibet pars in sex, & tertio quælibet in 5. & habes 180 partes.

Si autem (vt communiter cōsueuimus) in astrolabiis maioribus bipartiis. 45. almicantarath pingere proposueris, iam dictum æquinoctialis semicir-

Quadruplicia Astro-
labia.
Solipartia.
Bipartia.
Tripartia.
Quinpartia.

DE FABRICA

culum in 90, partes seca, primitus in 3 partes, secundo quamlibet in 6, & tertio iterum quamlibet in 5, & colliges 90. Quod si in astrolabiis medio-
 cribus tripartitis, 30 almicantarath habere volueris,
 expositum æquinoctialis semicirculum, partes in
 60. partire. primo in 3. deinde quamlibet in 4. &
 rursus quamlibet in 5. & habes 60. partes. Tandem
 pro astrolabiis minimis, quinquartis, si eorundem
 18. almicantarath formare desideraueris, sæpius no-
 minatum semicirculum diuide in 36. partes. primo
 in 3. postea quamlibet in 4. & demum quamlibet
 in 3. & videbis 36. partes. Hæc profecto sunt digna
 notatu, sed nec id silentio prætereundum est, has se-
 miæquinoctiales diuisiones iam expositas subtiliter
 valde imprimendas, vt facile deleri possint, propter
 alias ipsius partitiones figendas. His præmissis
 ad confectiorem almicantarath hac lege propera-
 bis. Et gratia exempli, accipe astrolabium mini-
 mæ quantitatis, quia forsitan minima te forma dele-
 etat, Quod quinque partium fore adoptas: huius se-
 miæquinoctialem vt supra admonuimus in 36, par-
 tes distribue, initiando à puncto p, poli arctici, in æ-
 quinoctiali inter occidentem & meridiem reperto,
 transeundo per meridiem vsque in punctum o, poli
 arctici, in æquinoctiali inter orientem & septentrionem
 impressum. Postea pone vnā partem regulæ
 ad punctum l, occidentis in æquatore, & aliā partē
 applica


Cautela.

Descriptio
 siue confe-
 ctio almicā-
 tarath inci-
 pit.

applica ad singulas diuisiones in æquinoctiali fa-
 ctas, semper notando interseccionem lineæ aut dia-
 metri a c, cum regula. Inchoando negotium in pri-
 ma diuisione per punctum p, eundo per meridiem
 versus orientem, & ultra versus septentrionem cum
 regula continuò retrocedendo per omnia puncta in
 æquinoctiali signata, signando interseccionem lineæ
 aut diametri predictæ a c, vsque in punctum o, ele-
 uationis polaris, in æquinoctiali inter orientem &
 septentrionem notatum. His interseccionibus in
 diametro a c, signatis: quære centrum inter duas di-
 stantias interseccionum maximarum in diametro a
 c, post q & r, prout supra de primo almicantarath
 præcepimus. Quo inueto inscribe circulum imper-
 fectum pro secundo almicantarath, vtrinque tropi-
 cum capricorni non excedentem. Deinde mino-
 rato circino inuestigia centrum duarum maiorū in-
 terseccionū sequentiū in diametro a c, post q, & r.
 & circina aliū circulū imperfectū pro tertio almi-
 cantarath: & hoc pacto continua operationem pro
 aliis almicantarath inscribendis. Figurabis autē cir-
 culos imperfectos: donec aliquis circulorum almicā-
 tarath sub tropico Capricorni ceciderit, tunc & cō-
 sequenter vsque in finem inscriptionis omnium al-
 micantarath, circulos perfectos conficies. Vltimi ve-
 rò almicantarath centrū est Zenith regionis aut op-
 pidi, ad quod almicantarath instituiisti.

DE FABRICA

Demum numeros ipsiſ ſcribe incipiendo inter
meridiem & orientem, ſcribēdo in primo ſpatio 5,
in ſecundo 10, in tertio 15, & ſic deinceps uſque in
90. quę in Zenith capitiſ ſedem habebunt: & hoc
intellige ſi aſtrolabium fuerit quinque partium,
cuiuſ almicātarath per 5, diſtāt gradus: quia in aliis
ſecundum exigentiam diuiſionis numeri ſunt aptā-
di. Huiuſ propoſitioniſ ſequens ſumatur figura.



9

TABVLA REGIONVM,
Prouinciarum, & oppidorum inf-
gniorum Europæ.

Nomina Prouinciarum & Oppidorum.	Gradus.	Minuta.
<i>Hybernia Insula</i>	59	
<i>Scotia</i>	59	
<i>Oxonium</i>	53	
<i>Compostellum</i>	45	
<i>Lysibonum</i>	51	
<i>Toletum</i>	41	
<i>Corduba</i>	38	
<i>Cæsar Augusta</i>	41	
<i>Rotthomagus</i>	50	
<i>Parisi</i>	48	
<i>Lugdunum</i>	45	
<i>Burdigala</i>	45	
<i>Aunio</i>	44	
<i>Tholosa</i>	43	
<i>Vienna Prouintie</i>	44	
<i>Masilia</i>	43	
<i>Prugis</i>	53	
<i>Gandauum</i>	53	
<i>Traiectum</i>	53	
<i>Colonia Agrippina</i>	52	

B

11
12
13

Nomina Prouinciarum & Oppidorum.	Gradus.	Minuta.
<i>Machilinia</i>	53	
<i>Mogontia</i>	50	
<i>Herbipolis</i>	50	
<i>Argentina</i>	49	
<i>Basilea</i>	48	
<i>Constantia</i>	47	35
<i>Tubingum</i>	48	40
<i>Augusta Vindelicorum</i>	47	
<i>Dacia</i>	58	
<i>Suetia</i>	63	
<i>Lubecum</i>	56	
<i>Dantiscum</i>	56	
<i>Prun sui ga</i>	53	
<i>Madeburgum</i>	54	
<i>Erfordia</i>	51	
<i>Lypsia</i>	51	
<i>Ingoldstadium</i>	48	
<i>Norinberga</i>	49	27
<i>Ratisbona</i>	48	
<i>Vlma</i>	48	24
<i>Praga</i>	50	
<i>Vratis laua</i>	51	
<i>Craconia</i>	51	
<i>Casconia</i>	50	

Nomina Prouinciarum & Oppidorum.	Gradus.	Minuta.
<i>Buda</i>	47	
<i>Segnia</i>	45	
<i>Vienna Pannoniæ</i>	48	
<i>Pataunia</i>	48	
<i>Saltzburgum</i>	47	
<i>Iudenburgum</i>	47	
<i>Villacum</i>	46	
<i>Brixina</i>	45	
<i>Venetia</i>	45	
<i>Ferraria</i>	44	
<i>Ancona</i>	44	
<i>Roma</i>	42	
<i>Tarentum</i>	40	
<i>Brundisium</i>	39	
<i>Neapolis</i>	41	
<i>Florentia</i>	43	
<i>Mediolanum</i>	44	
<i>Taurinum</i>	43	
<i>Genua</i>	43	
<i>Sardinia</i>	38	
<i>Sicilia</i>	37	

DE FABRICA
CIRCULOS VERTICALES,
quos Arabes azimuth appellant, via
geometrica lucubrare.

Propositio.
5.

Circuli Azi-
muth.
Verticales.

Altitudinū
Reſtituti-
onum.

180. Azi-
muth.

Inſcriptio
circulorum
Azimuth.

AZIMUTH sunt circuli imperfecti aut arcus circulorum quos latini circulos verticales vocant, eo quod omnes per verticem, id est per Zenith capitis transeunt. Et quia hi circuli per Zenith capitis quod in sphaera omnium punctorum est altissimum tendunt, plures eosdem circulos altitudinum nominant. Dicuntur hi etiam circuli reſtitutionum, quia per ipsos scimus in directo cuius partis mundi sydus aut stella oriatur atque occidat. Hi etiam circuli quamlibet quartam in 90. secant gradus: puta quartam inter orientem & meridiem in 90. & similiter quartam inter occidentem & meridiem in 90. Idem iudicium de quarta ab oriente in septentrionem, & ab occidente in septentrionem. Quare liquet, si omnes circuli azimuth aſtrolabio inscriberentur, essent numero 180, & horizontem si totus aſtrolabio insertus esset, in 360 gradus dividerent, & eundem secarent ad angulos rectos sphaerales, prout facile in sphaera solida manifestari potest, non autem in plani sphaerio.

Horum autem Azimuth inſcriptio fit in hunc ferè modum.

Affigatur tabula aſtrolabij super asserem valde

de longum cum pice, cera, aut clavis, taliter quod litera d, limbi situetur secundum longitudinem asseris sinistrorsum, & b secundum longitudinem eiusdem asseris dextrorsum. Et circa literam c, id est in parte septentrionali astrolabij, adaptetur tabula vna eiusdem spissitudinis cum astrolabio competentis quantitatis: vt in ea circulus pro diuisione azimuth possit produci.

Quibus dispositis prolonga diametrum a c, a parte septentrionis ultra limbum in tabula annexa. Deinde numera eleuationem poli in limbo a c, versus d, id est, a septentrione in orientem, & in fine numeri fac notam in limbo. Cui & centro e, apta regulam, & ad contactum ipsius cum æquinoctiali pingere notam quæ vocetur s. Præterea puncto n, æquinoctialis in oriente & notæ s, iam signatæ, iunge regulam, & tactum regulæ diametrique prolongatæ signabis notam t, quæ indicat nadair Zenith, id est punctum oppositum puncto verticali. Erit igitur linea inter t, & Zenith capitis diameter circuli inscribendi. In ea igitur quære centrum u, vocatum. Cui immitte vnum pedem circini, & aliud in Zenith aut in t: distende, & duc circumferentiam occultam, quæ necessario transibit per puncta n & L æquinoctialis: & vbi hoc fallit, est error operis merito corrigendus: taliter, vt circinus extendatur aut comprimatur donec præcise puncta præ-

DE FABRICA

dicta n & L , & Zenith capitis tangat. Et hæc circumferentia à puncto n , per Zenith in L , erit manifesta & bene apparens, & primum representabit azimuth. Sed à puncto L , pert, in n , erit aliquammodo occulta, ut descriptis azimuth facile possit deleri. Postea medietatem huius circumferentiæ à Zenith versus dextram in t , diuide per medium in puncto x . Itidem fac de medietate leua in puncto y , & protrahe diametrum occultam per x , & y . quæ (si ritè operatus es) per u , centrum huius circumferentiæ transibit. Quam prolonga ex utraque parte ultra tabulã astrolabij, in regulis longis spissitudinem astrolabij habentibus afferi affixis quanto longius poteris. In qua centrum omnium aliorum Azimuth inuenies. Si igitur cupis habere Azimuth ad 360 gradus, diuide semicircumferentiam à Zenith dextrorsum per x , in t , transeundo in 90 partes, aut eandem circumferentiam in 45 partes distribue, si azimuth ad duos gradus instituere decreueris, ut in maximis Astrolabiis obseruandum esset: vel in 30. si ad tres gradus Azimuth secernere petieris. vel in 18. si ad 5. ut in maioribus oportunum esset: vel in 15. ad 6. ut in mediocribus: vel in 9. ad 10 gradus, ut in minimis astrolabiis fieri consuevit. Ita tamen ut vnaqueq; quarta, ut supra meminimus, habeat in se numerum 90. graduum completorum.

Et ad


Et ad præsens pro exemplo sufficiet, quòd spatium inter duo Azimuth valeat. 10. gradus. Diuide igitur prædictam semicircumferentiam in 9, partes æquales, quo facto pone regulam ex vna parte super Zenith, & ex alia parte super primam diuisionem aut punctum diuisionis immediatè sequentem Zenith, & vbi regula interfecat diametrum occultam prius factam, scilicet, x, y, u, ibi fac punctum A. qui erit centrum secundi Azimuth, quod est longissimæ distantie à prædicto circulo. Deinde iterum applica regulam ad Zenith & super secundam diuisionem à Zenith, & iterum vbi regula absecat diametrum occultam, ibi fac punctum B, qui erit centrum tertij Azimuth. Et sic consequenter procede per omnes diuisiones semicirculi, faciendo puncta in diametro occulta, & adiungendo literas, C, D, E, F, G, H. Vt autem puncta diametri occultæ versus sinistram habeas, id traducendo facile absolues, hoc pacto. Mitte pedem vnum circini in centrum circuli u, & pedem vagum extende in proximum punctum diametri occultæ versus dextram. Et circino sic manente & pede fixo in u, stante, fac punctum in diametro versus sinistram. Itidem age de omnibus aliis punctis diametri versus dextram hoc modo, traducendo ipsa in partem diametri sinistram.

Exemplum
cōficiendo
rum Azi-
muth.

Cautela.

Præterea siste vnum pedem circini in punctū A. diametri remotissimum, & alium extende in punctum Zenith capitis, & duc arcum ab vna parte horizontis per Zenith, vsque in aliam partem ei oppositam (nullum enim Azimuth debet excedere primum Almicantharath, id est horizontem) qui erit secundum Azimuth. Et circino non variato transfer ipsum in punctum ei æquiualentem aut correlatiuum in latere sinistro, & fac etiam Azimuth ex illo latere. Rursus pone pedē circini in punctum B proximum remotissimo, & alium in Zenith capitis: & iterū produc azimuth quod est tertium, & etiam ex latere alio vt prius. Et sic continua donec omnia Azimuth compleueris. Quibus ritè completis, adscribe numeros initium sumendo post punctum n æquinoctialis, progrediendo versus meridiem circa primum azimuth scribēdo 10. circa secundum 20. circa tertium, 30. continuando vsque in 90. quæ circa A, aut meridiem sedem tenebunt. Idem fac ab n in septentrionem. Item à. b. in meridiem, & à. b. in septentrionem procedēdo. Hactenus de confectiōe & inscriptione circulorum Azimuth.

ID MANIFESTVM EST
sequenti schemate.



Proposit. 6. **ARCUS HORARVM INAE-**
qualiũ artificialiter planisphærio inscribere.

Descriptio
horarũ tem-
poraliũ siue
inæqualium

PER propositionem secundam huius, didicimus
confectionem horarum æquinoctialiũ, quas vul-
go æquales nominamus. Iam nũc ad descriptionem
arcuũ horariorũ temporalibus horis, quas hodie in-
æquales nuncupamus, commodorum accedam hoc
pacto. Portiones duorum tropicorum, Cancrĩ &
Capricorni sub horizonte in parte Aquilonia ca-
dentes, in duodenas partes æquas dispartire, simili-
ter semicirculum AEquatoris sub horizonte con-
tentum, in totidem partes distribue, punctis (vt as-
solet) adiectis. Quo facto accede primitus ad tria
puncta horizonti occidentali viciniora: quorũ pri-
mum est in tropico Capricorni, secundum in æqui-
noctiali, tertium in tropico Cancrĩ: & eorundem
officio circini cẽtrum inuestiga, & describe arcum
hæc tria puncta tangentem, incipiẽdo à puncto Ca-
pricorni, eundo per punctum æquinoctialis, termi-
nando in puncto tropici Cancrĩ, et hic arcus erit fi-
nis horæ primæ inæqualis, & principium secundæ.
Et circino non variato quære centrum trium pun-
ctorum proximorum in alio latere horizontis oriẽ-
talis, & duc arcum qui erit finis horæ II inæqualis,
& initium horæ 12. Vnde constat operationem hæc
faciliorem & breuiorem reddi ex eo, quòd cogni-

to centro vnius arcus horarij in vna mediate, habebitur in eadē distantia centrū alterius arcus horarij alia mediate. Porro inquire centrum ad alia tria puncta immediate post arcum horæ primæ in occidente sequentia, & produc arcum seruientem exitui horæ secundæ inæqualis, & exordio tertiæ. Et in alia parte puta orientali, circino sic stante, pinge arcum pro fine horæ 10. Et ita operationem continuabis donec omnes arcus horarios cōpleueris. Tandem adscribe numerum horarum, scilicet arcui primo vt iam admonuimus 1. Secundo dextram versus 2. Tertio 3. & parti septentrionali: diametri. a. c. circa. c. 6. post arcui sequenti. 7. stabuntque 12, in parte horisontis orientali. Gratia autem lucidioris intelligentiæ animaduertendum. Si artificiose & breuiter trium punctorum propositorum, non in linea recta positorum, centrum inuenire cupieris, siste pedem circini in vno horum trium punctorum, & alio aliquo extenso duc partem circumferentiæ occultæ. Deinde pone eundem pedem circini sub eadem extensione in secundo puncto, & iterum duc partem circumferentiæ occultæ interfecantem priorem in duobus punctis, & trahе lineam rectā occultam per ambas intersectiones in continuū & directum, versus hanc partem vbi existimas fore centrum trium punctorum.


Eodem

De artificio
sa inuentione
centri trium
punctorum
proposito-
rum &c.

DE FABRICA

Eodem modo fac duas intersectiones per circinum in tertio puncto nondum tacto, & alio sibi proximo, siue hoc possit fieri sub eadem extensione sicut prius, siue sub alia maiore, siue minore. Quia circinus semper hoc pacto debet extēdi, quod possit cau-


Ecce schema.



sare duas intersectiones, siue inter duo puncta, siue in distantia ab eis qualitercūque hoc fiat. Habitis igitur talibus intersectionibus per secundum & tertium punctum repertis, duc per easdem lineam rectam subtilem in continuum et directū, quousque secet primam lineam rectam. Et ubi hæ lineæ sese interfecāt, illic est cētrum trium punctorum propositorum.

HVIVS

HVIVS PROPOSITIO.
 nis hanc sequentem cape figu-
 rationem.



ARCUS DVODECIM DOMORUM CÆLI RATIONABILITER CONSTRUERE.

De fabrica
duodecim
cœlestium
domicilio-
rum.

HACTENVS inscriptionibus circulorum Almicantarath, Azimuth & horarum inæqualium ipsius matris operam dedimus, impræsentiarū autem astrorū iudicibus morē gerere cupiētes, fabricā arcuū duodecim cœlestiū domiciliorū docuimus. Cū autē in planitie matris penē nil vacuū remanserit, ne per confusam arcuū & circulorū positionē deturpetur quod prius decenter est figuratū, quicquid de cætero describetur leniter imprimatur: deinde pūctetur subtiliter sicut pūctāt Sarraceni horas suas in instrumentis horariis. Faciunt autē sic, vt lineæ horarum pūctis duntaxat notatæ inter alios arcus appareant absque vlla cōfusione deformi. Vel si manifestos arcus domorū inscribere decreueris alio colore, puta saphirio aut cœlestino, eosdē pin-ge vt ab aliis facile & distinctē cognosci possint.

Plurifarios autem fabricandarum cœlestium domorum accepimus modos, quos omnes, præter hunc quem rationalem nominare consueuimus, missos facimus: eorundem enim imbecillitatem & fragilitatem ostēdere sine longa digressione nequimus. Et ne disputare potius videamur, quàm Astrolabij cōpositionem aut fabricam explanare, quod profecto principaliter intendimus, silentio transimus.

Rectē

Rectè igitur philosophantes, propter variam cœ-
 li ad faciem terræ habitudinem, domorum proprie-
 tates distinxerunt, & easdem ab horizonte trūca-
 ri tanquàm rem necessariam concluderunt, asseren-
 tes sex domos totas supra horizontem, & sex sub eo
 constitui. Modus autem quem Ioannes de Regio
 monte Germanus rationalē appellat, eo quòd pluri-
 bus validis & prope inuincēdis munimētis & ra-
 tionibus sit fulcitus, diuidit ī spherico corpore qua-
 tuor quadrantes æquatoris, meridiano & horizonti
 obliquo interceptos, in trinas æquales portiones, &
 per cuncta sectionū ducit quatuor circulos magnos,
 meridiano & horizōte cōcurrentes in duabus eorū
 sectionibus, tales igitur sex circuli, coassumptis me-
 ridiano & horizonte, totum cœlum in 12. sp̄atia
 partiuntur, quæ domus nuncupantur. Hunc mo-
 dum in planisphærio hoc pacto vtiliter & exactè
 describemus. Aequinoctialem circulum à puncto
 oriētis inchoādo in 12. æquales partes distribue, pun-
 ctis (vt fit) assignatis. Item interseccionē horizon-
 tis obliqui, & lineæ a c, quam meridianā lineā iuste
 appellamus, tanquàm cōmune punctū omnium ar-
 cuū inscribendorū diligēter animaduerte. Post hæc
 inquire centrū trium punctōrū. Quorum primū est
 in æquinoctiali proximū post n, versus m intēdēdo.
 Secundū est cōmune punctū, scilicet ipsius horizō-
 tis et lineæ meridiei versus partem septētrionalem.

Modus ra-
 tionalis Ioa-
 nis de mon-
 te Regio
 Germani.


DE FABRICA

Tertium est proximū post L in æquinoctiali versus K transeundo. Per hæc centro inuento circina arcū ab vna parte tropici Capricorni ad aliam, & huius arcus pars orientalis fini primæ domus, & principio secundæ adaptabitur, pars verò eiusdem arcus occidentis termino septimæ, et initio octauæ domus seruiet. Et circino inuariato inuestiga centrum aliorum trium punctorum. Quorum vnum est in æquinoctiali ab n versus k gradiendo, secundū commune, & tertium immediatè sub L versus m in æquatore: & iterum duc arcum, vt iam suprā monuimus, haud aliter de reliquis punctis agendum est.

Postremò, arcubus domorum descriptis, numeros adice, hoc modo. Arcui horisontis orientali, qui initio primæ domus dedicatus est, ascribe 1. Arcui secundo sub horisonte orientali 2. Tertio 3. & in parte septentrionis in linea a c, circa Capricornum 4. & iterum in sequenti arcu 5. & sic deinceps vsque in 12.

HVIVS

HVIC PROPOSITIO
ni hæc accommodabitur
figuratio.



DE FABRICA
LINEAM CREPVSCVLINAM
Astrolabio inscribere.

TAMETSI superuacaneū fere cenſeo crepusculum veſpertinum & matutinum per inſcriptionem propriæ lineæ deſignare, cum per 18. Almicantarath cuiusuis Aſtrolabij id facile doceri poſſit: eiꝯdē tamen lineæ poſitio pro matris complemento duplici via breuiter abſoluitur.

Quarum prima procreat lineam arcualem ſub horiſonte obliquo: eidē per 18. gradus & quidiſtātem, hoc modo. Eleuationi polari 18. gradus addit, & id quod facta additione prouenit (vt in noſtra compoſitione 66. gradus, & 40. minuta) ſupputat in limbo à puncto, d. orientis verſus, c. punctum ſeptentrionis, & fini adiicit notam, cui & centro, e, iungit regulam, & facit punctum in æquinoctiali vocatum 3. applicatāque regula ad punctum, l, æquinoctialis, & ad punctum 3. lineam, a, c, ad regulæ contactum ſignat puncto, 7. Rurſus à puncto, a, meridiei verſus, b, in limbo conſimiliter, idem ſcilicet 66. gradus, & 40. minuta numerat: & eius termino ac cētro, e, iuncta regula notat æquinoctialem ad tactum eius puncto con. & iterum adiicit, regulam pūcto, l, & puncto con. et ſignat diametrū prolongatam verſus meridiem puncto. t. & inter puncta. 7. experitur centrum in linea, a, c, & trahit

hit lineam arcualem ab vna parte Capricorni in aliam, quam crepusculinam nominat.


Secunda via inscriptionem eiusdem lineæ per rete aut voluellum (de quo & eius fabrica insequentibus dicemus) indicat taliter, caput Cancridecimooctauo almicantarath occidentali applicat, & locum capitis Capricorni signi oppositi in parte orientali nota afficit subtili. Item principium Arietis eiusdem decimooctauo almicantarath iungit : & initium Libræ in oriente notat. Itidem facit de capite Piscium, notando signum Virginis in oriente constitutum. Harum trium notarum centrum adiumento circini inuestigat, & ducit semicrepusculinam lineam orientalem à circulo Capricorni vsque in lineam, a, c. Haud secus ac iam exposuimus agit hæc via ad 18. almicantarath orientale: pingendo notas ad signorum oppositorum initia in parte occidentali, & reperto centro earundem notarum producit semicrepusculinam occidentalem.

Secundus
modus in-
scribendi li-
neam cre-
pusculinā.

Et tandem iunctis duabus semilineis tota crepusculina emerget, cui si libuerit titulum talem, Linea crepusculina, adycere potes.

DE FABRICA

PRIMA VIA SEQVENS proponit schema.



ASTROLABII FABRICAM Proposit. 9.

quandam generalem patefacere.

SEX Propositionibus antecedentibus exposuimus, quo pacto matris descriptio communium Astrolabiorum (quæ intra concauitatem limbi nullas recipiunt tabulas aut tympana: dicta astrolabia vnius tantum eleuationis polaris) absolui debeat: restat nunc vt generalem quandam afferamus doctrinam vtilem admodum astrolabiis cõtinentibus intra matrem plures tabulas: diuersis Climatibus, Regionibus aut polaribus eleuationibus aptandas.

In primis ex aurichalco aut cupro aut alia materia durabili præparètur tabulæ valde planæ, politæ, & eiusdem spissitudinis secundum quantitatem concauitatis ipsius matris, taliter in centrum cuiusvis tabulæ siste pedem circini fixum, & cum alio distento partes exterioræ tabulæ abscinde: præter portiunculam modicam, quam veteres denticulum dixerunt. Ita tamen, quod resectis aut abscissis partibus exterioribus aut circumferentialibus, tabula ex amussim intret matrem, & ab ea capiatur: & portiuncula aut denticulus ritè subintret foramen in limbo infra literam a, fabrefactū. Et commodum est, matris concauitatem in parte inferiore in modico latiore esse quàm in superiori, vt tabulæ quæ sunt vnius quantitatis ibidem facile inclu-

DE FABRICA

dantur & extrahantur præterquam in superiori parte cōcavitatis limbi, vbi tabula ita debet iungi limbo, quòd intrādo & exūdo vndique illi adhæreat: neque vagetur huc vel illuc.

Generalis
doctrina ad
omnes re-
giones astro-
labia fabri-
care.

Dispositis & aptatis tabulis, in singulis earundem superficiebus duc diametros duas sese ad angulos rectos secantes: & diametris limbi in vnguem respondentes. Et hoc fit facile imponendo omnes tabulas in concavitatem matris, positæque regula ad puncta limbi, a, c, ducatur linea recta in superficie tabulæ supremæ per centrum eiusdem. Et iterum iungatur regula literis limbi, b, d, trahatur alia linea recta, hæ erunt diametri huius superfici ei stantes ad angulos rectos, respondentes diametris limbi. Itidem fac de reliquis tabularum superficiebus. Quam enim superficiem diametris distinguere cupieris, hanc fac supremam.

Deinceps per propositionem tertiam vni superfici ei tabulæ quæ suprema constituitur, inscribe tres circulos, scilicet Capricorni, Aequinoctialis et Cancrī, quos (quia in omni regione aut climate sunt similes aut æqualis quantitatis) officio circini traduc ad omnes superficies aliarum tabularum, assignatis literis, f, g, h, i, &c. secundum doctrinam præfatæ propositionis terciæ. Item centro cuiusvis tabulæ, e, litera apponatur.

Præterea

Præterea cuilibet superficiei vniuscuiusque tabulæ elige vnam elevationem polarem: quam etiã in loco competenti insculpes, puta ad principium, medium aut finem climatis electi, secundum quam compones *Almicantarath*, *Azimuth*, lineas horarias inæquales: Duodecim domus cæli, et lineam crepusculinã, per omnia vt in propositionibus quarta, quinta, sexta, septima & octaua docuimus. Et ne quid fabricæ nostræ desit, cõsulto adiecimus hîc in dorso huius folij tabulam climatum.

PTOLEMAEVS libro cõpositionis maioris *Quadripartiti* & *Geographiæ*: Iulius Firmicus *Siculus*, *Albumasar*, *Alphraganus*, *Hali aben ragel*, *Hermannus Contractus*, & communis prope modum turba philosophorum, septem tantum enumerant climata: Quorũ distinctio quantum ad gradus polares, hæc est quæ sequitur.


DE FABRICA
TABVLA SEPTEM CLIMA-
tum secundum Ioannem de Sacro bōsco.

Elevatio Poli.

Gradus Minuta

<i>Primi Climatis per Meroem</i>	<i>Principium.</i>	12	45
	<i>Medium.</i>	16	40
	<i>Finis.</i>	20	30
<i>Secundi Climatis per Sienem.</i>	<i>Principium.</i>	20	30
	<i>Medium.</i>	24	15
	<i>Finis.</i>	27	30
<i>Tertij Climatis per Alexandriam.</i>	<i>Principium.</i>	27	30
	<i>Medium.</i>	30	45
	<i>Finis.</i>	33	40
<i>Quarti Climatis per Rhodum.</i>	<i>Principium.</i>	33	40
	<i>Medium.</i>	36	24
	<i>Finis.</i>	39	0
<i>Quinti Climatis per Romam.</i>	<i>Principium.</i>	39	0
	<i>Medium.</i>	41	20
	<i>Finis.</i>	43	30
<i>Sexti Climatis per Boristhenem.</i>	<i>Principium.</i>	43	30
	<i>Medium.</i>	45	24
	<i>Finis.</i>	47	15
<i>Septimi Climatis per Ripheos mōtes.</i>	<i>Principium.</i>	47	15
	<i>Medium.</i>	48	40
	<i>Finis.</i>	50	30
<i>Octavi Climatis vl- tra Meotides palu- des,</i>	<i>Principium.</i>	50	30
	<i>Medium.</i>	54	0
	<i>Finis.</i>	56	0

MARTIANVS DE BONIS
artibus, libro septimo versus finem, adiungit
octauum Clima, quod secundum ipsum
vltra Paludes Meotides & Ripheos
montes protenditur, cuius
determinatio ferè
hæc est.



DE FABRICA
Propos. 10. DVODECIM VENTOS VTI-
liter dignoscere, & eosdem Astro-
labio inscribere.

Arist. de vē-
tis. 2. Mete.
ca. 8.

NEMINEM latere arbitramur, vētos in di-
uersis mūdi plagis & tractibus surgere, & ob
eorum discordiā ipsum laniare, variasq; gerere cōdi-
ditiones, præcipuē mutare aërem quantū ad imbres,
nebulas, tempestates, humiditates, siccitates, calidita-
tes, frigiditates & alias ipsius impressiones. Quare
non ab re eorundem numerū, nomina, & à qua coeli
plaga spirent nostræ constructioni adiungere decre-
uimus. Nolumus tamē impræsentiarū quorundā di-
uersas opiniones recitare, discrepantium non solū in
nominibus, verumetiam positione & numero. For-
san harum rerum causa fuit tanta discordia fratrum.
Sed nos amore natalis soli allecti nomina, locatio-
nes, & ventorum duodenarium numerum pro as-
sertione Alberti Magni præsulis Imbripolēsis, splē-
doris Sueuorum vnā affirmabimus.

Albert⁹ Ma-
gn⁹ splēdor
Sueuorū. 3.
Mete. trac. 1.

Contuendum igitur orbis terræ quatuor esse pla-
gas, cardines, angulos, aut regiones. Quod non tantū
à Philosophis & Poëtis, verumetiam ex diuinis di-
dicimus eloquiis. Inquit enim Lucanus primo
Pharsal.

Heu quantum terræ potuit pelagique parari
Hoc quem ciuiles hauserunt sanguine dextræ.

Vnde

Vnde venit Titan, & nox quæ sydera condit,

Quæq; dies medius flagrantibus æstuat horis.

Et qua bruma rigens, ac nescia vere remitti.

Astringit Scythicum glaciali frigore pontum.

Et Davidico Psalmo 106, legimus: De Regionibus congregavit eos. A solis ortu & occasu, ab a-

quilone & mari. Et saluatoris voce dicitur: Emit-

tet angelos suos cum tuba & voce magna, & con-

gregabunt electos eius à quatuor * angulis terræ.

Sunt igitur, ut ad propositum nostrum redeam, qua-

tuor ventorum plagæ aut cardines, scilicet orienta-

lis, meridianus, occiduus, & septentrionalis. Orien-

talis enim plaga ab exortu solis dicitur. Soli autem

propter signiferi obliquitatem triplex assignatur or-

tus. Aequinoctius, cum sol Arietem aut Libram

ingreditur. Aestivus cum Cancris sydes aut eius cir-

culum, quem æstivum tropicum dicimus, adit. Et hy-

bernus aut brumalis, quando cum Capricorno cõgre-

ditur, & eius circulum quem tropicum Capricorni

appellamus, accedit. Ventus itaque ab æquinoctiali

spirans ortu, & à cardine potiore Romana lingua

Subsolanus nominatur, ab æstivo ortu, Vulturnus,

ab Hyberno, Eurus.

Haud dissimiliter triplex est occasus solis Aequinoctialis principalis, æstivus & hybernus. Ab

occiduo æquinoctiali euentat cardinalis ventus Fa-

uonius aut Zephyrus. Ab hyberno Aphricus aut

Psal. 106.

Matth. 24.

Marci. 13.

* alias, ven-
tis cœli.

Quatuor vē-
torum car-
dines.

Triplex or-
tus Solis.

Aequinoctius

Aestivus.

Hybernus.

Subsolanus.

Vulturnus.

Eurus

Occasus So-
lis triplex.

Fauonius.

Zephyrus.

Aphricus.

DE FABRICA

Libs, Corus. *Libs, Ab æstiuo, Corus.* Præterea septentrionali
plaga tres etiam assignantur partes, una principa-
lis & potissimè cardinalis, à polo mundi stabili de-
terminata. Duas alias vendicat sibi partes, à polo
Zodiaci septentrionali mobili, describente circu-
lum paruum, polo mundi secundum maximam Zo-
diaci declinationem ab æquinoctiali æquidistante,
quem vsitato nomine arcticum circumulum appella-



mus. Harum par-
tium, imaginare
hominis figuram
in polo arctico fa-
ciem in meridiè
dirigentis, & fa-
cile capies quæ
pars dicatur dex-
tra & quæ sini-
stra. Idem de po-
lo antarctico, dex-
tra occidentem: si-
stra orientem re-
spicit. A polo ita-
que mundi arcti-

Boreas.
Aquilo.
Circius.

co, Septentrio efflat: à circulo arctico leuorsum Bo-
reas aut Aquilo: ab eodem dextrorsum Circius. Nō
aliter plagam meridianam tripartimur. Et à polo
mundi antarctico & maxime cardinali eiusdem
plagæ

plagæ *Austrum* aut *Notum* euentare perhibemus. à parte dextra circuli antarctici *Euroaustum* aut *Euronotum*: à sinistra *Austrophricum* aut *Libonotum*.

Auster.
Notus.
Euroauster.
Euronotus.
Austrophricus.
Libonotus.

*His cognitis duodecim venti planisphærio hac lege inseruntur. Pedem circini vnum mitte in centrum e, & alium extende ultra supremum circum limbi ad certam distantiam pro libito duc circumlū qui per diametros limbi in quatuor partes secatur, quatuor mundi cardines principales ostendentes, scilicet Orientem & occidentem æquinoctialis, & utrosque mundi polos. Lineæ igitur d, b, horizonti recto dicata circa d, id est, orientem, & spatium inter duos supremos circulos incluso inscribe Subsolanum: circa b, id est, occidentem, Favonium aut Zephyrum. Item lineæ a c, representanti circumlū transeuntem per utrosque polos mundi circa a, id est meridiem, iunge *Austrum* aut *Notum*: circa c, Septentrionem. Et sic imposuisti quatuor ventos maximè cardinales. Collaterales autem his taliter aptabis: à litera d, orientis, numera in limbo maximam solis declinationem (quæ ferè est 24. graduum) versus a, id est meridiem, & in termino numeri fac notam. Cui adscribe *Eurum* flantem ab ortu solis hyberno. Item à litera d, versus c, id est, septentrionem, eandem numera declinationem, & eius fini adde *Vulturum*, qui ab ortu æstiuo efflat.*

De ventorum inscriptione primo Cardinalium.


Secundo collateralium.

DE FABRICA

Rursum à litera *b*, occidentis, versus *a*, id est, meridiem consimiliter supputa dictam declinationem, & ubi finitur facto signo scribe *Aphricum* aut *Libs* euentantem ab occiduo brumali: & iterum facta computatione à *b*, versus *c*, id est, septentrionem, scribe *Corum* efflantem ab occiduo aestiuo: & huiusmodi numeratione facta ab, *a*, versus, *d*, scribatur *Euroauster* aut *Euronotus*: & ab, *a*, versus *b*, *Austroaphricus* aut *Libonotus*. Item, *a*, *c*, versus, *b*, inscribatur *Circius*: & tandem à, *c*, versus, *d*, *Boreas* vel *Aquilo*.

Harum

HARVM RERVM HANC
sume imaginem sequentem.



DE FABRICA
RETE ARANEAM
astrolabij artificiose
componere.

DE circulis matris & tabularum astrolabij quid sibi velint, aut quo pacto describantur, hactenus dictum. His igitur incubans Rete, Aranea, siue Voluellum, quod Arabes alhancabuth nominant, crebra excisione perforatum, signiferum, & quasdam hærentes cælo stellas continet fulgentiores, hoc modo erit metiendum ac construendum.

De cõstru-
tione Al-
hancabuth.

Disponatur tabula valde plana, talis quod infra limbum poterit contineri: volubilis tamen in cõcavitate aut conceptaculo corporis astrolabij. Et in centro e, (secundum doctrinam propositionis tertie) describe tres circulos cõcentricos matri, æqualis proportionis siue magnitudinis, ut in matre, scilicet tropicum Capricorni, Aequinoctialem, & tropicum Cancræ. quos quadrabis per duas lineas orthogonales, additis literis, f. g. h. i. k. l. m. n. ut in matre.

Deinde in linea f. h. quære centrum correspondens puncto f. tropici Capricorni, & intersectioni tropici Cancræ cum linea f. h. ultra centrum e. versus h transeundo, super quo describe circulum contingentem tropicum Capricorni in puncto f, & ex alia parte versus h, tropicum Cancræ. Quem per puncta n, orientis, & l, occidentis æquinoctialis, id est,

per duas intersecciones æquinoctialis & lineæ i, g, transire necesse est. Si enim per has intersecciones non transiuerit, errasti: reitèra igitur opus, donec verificetur. Et hic circulus representabit nobis viam solis, aut lineam eclipticam, quæ in orbe signorum, id est, in signifero aut zodiaco, medium semper obtinet locum. Et est hic circulus in vnguem & examussum inscribendus: quia in eo (vt inquit Hermannus Contractus) tota huius artis consistit efficacia. Qui etiam per lineam i, g, in bina hemisphæria, sed inæqualiter partitur: & in n, principium arietis, in l, verò libræ constituitur. Deinceps circino modicum restricto super centro zodiaci describe secundum circulum pro gradibus singularibus zodiaci. Et iterum circino restricto, duc tertium pro numero graduum. & tandem quartum pro nominibus duodecim signorum inscribendis: & hæc de circulis zodiaci.

Cautela

Linea ecliptica seu via solis.

Diuisio autem ipsius non est æqualis. Modi diuidendi sunt ferè quinque, quorum duo supponunt tabulas: alij tres, nullas. Modorum supponentium tabulas vnus procedit adiumento tabulæ ascensionum rectorum, alius auxilio tabulæ declinationis solis. Cuius primo, quia certior & faciliore est, hoc modo operare: Principio omnium circulo æquinoctialis retis aut Araneæ subcircinabis duos circulos, vnum pro gradibus, & alium pro numero graduum. Post hæc

Quinq; modi diuidendi rete.

Primus certior & facilius modus.

DE FABRICA

æquatorem in instrumentis magnis, in trecentos sexaginta gradus: in paruis, in centrum octoginta distribue, inchoando circa, *n*, id est, orientem vel initium arietis, transeundo versus, *m*. Quo ritè distributo, intercapedini secundi & tertij circuli inscribe numeros de quinque in quinque, vel de, *x*, in decem. Ita in primo spatio post, *n*, versus, *m*, gradiendo, scribe quinque: in secundo, decem: in tertio, *xv*. & sic deinceps vsque in *ccclx*. Aut si instrumentum propter paruitatem omnes gradus capere nequiverit, scribe in primo spatio decem, in secundo viginti, in tertio triginta, continuando vsque in *ccclx*.

De diuisione
zodiaci.

Diuiso æquatore, vt iam præcepimus, Zodiacus per eundem primùm in duodecim signa partendus est, hoc pacto: Ingredere tabellam hic annexam cum integro signo arietis, hoc est, cum triginta gradibus eiusdem, & in directo offendes vigintiseptem gradus, *liiij*. minuta, ascensionem totius arietis rectam. Hanc supputa in æquinoctiali ab, *n*, à principio arietis & etiam æquinoctialis, versus, *m*, & fini & centro, *e*, iungito regulam rectam, quæ abscindet Zodiacum in duobus locis oppositis. Quorum vnus sequens immediate, *n*, erit finis arietis & initium Tauri: & alius signi libræ è regione constituti, finis, & principium scorpij. Loca autem abscissionis zodiaci, vtrinque lineis manifestis per quatuor ipsius circulos tractis notato.

Tabula

TABVLA ASCENSIONVM

rectarum.

Numerus Numerus Numerus
Grad. Gr. M. Grad. Gr. M. Graduū. Gr. M.

γ

Ω

⋈

5 4 35
10 9 11
15 13 48
20 18 27
25 23 9
30 27 54

5 127 22
10 132 27
15 137 29
20 142 25
25 147 17
30 152 6

5 243 3
10 248 21
15 253 43
20 259 7
25 264 33
30 270 0

8

mp

⋈

5 32 42
10 37 35
15 42 35
20 47 33
25 52 38
30 57 48

5 156 51
10 161 33
15 166 12
20 170 49
25 175 25
30 180 0

5 175 27
10 280 53
15 286 17
20 291 39
25 296 57
30 302 12

II

≈

≈

5 63 3
10 68 21
15 73 43
20 79 7
25 84 33
30 90 0

5 184 35
10 189 11
15 193 48
20 198 27
25 203 9
30 207 55

5 307 22
10 312 27
15 317 29
20 322 25
25 327 18
30 332 6

9

m

)(

5 95 27
10 100 53
15 106 17
20 111 39
25 116 57
30 122 12

5 212 42
10 217 35
15 222 31
20 227 33
25 232 38
30 237 48

5 336 51
10 341 33
15 346 12
20 350 49
25 355 28
30 360

D

y

DE FABRICA

Consimiliter ex eadem tabella sume ascensionem rectam ad 30 gradus: Tauri scilicet 57, gradus, 48, minuta: quā, ut iam iam docuimus, ab *n*, versus *m*, numerator & termino & centro e, applicata regula, abscisiones Zodiaci duabus lineis patentibus ornato. Quarum prima post *n*, versus *m*, fini Tauri, & initio Geminorum, opposita verò termino Scorpij, & principio sagittarij alligabitur.

Haud secus ac iam præcepimus, adiuumento tabulae alia signa Zodiaci inscribes. Posteaquam autem in tabella ad signū Libræ peruentum fuerit, signiferum in 12, signa distribuisti, quare quiescendum erit. Si forsan omnimoda te delectaret præcisio: poteris institutam operationem cum Libra & sequentibus signis continuare.

De inscribē
dis nomini
nibus. 12. si
gnorum.

Zodiaco igitur in 12, signa aut spatia, non tamen aequalia distributo, signorum nomina inscribes: initiando à puncto *n*, eundo versus *m*, hoc est, transeundo à dextra versus leuam, contra motum mundi, id est primi & supremi mobilis. In primo igitur spatium duodenario post *n*, & in interstitio tertij et quarti circuli Zodiaci, scribe Aries, in secundo Taurus, in tertio Gemini, in quarto Cancer, & sic deinceps, usque in Pisces.

Præterea quodlibet signum Zodiaci in sex partes diuidendum est, quod profecto officio nostræ tabellæ, dicto citius exequeris.


GRATIA exempli, 5 gradibus Arietis in circulo recto respondent 4 gradus, & 35 minuta: hos gradus & minuta numerabis, ut antea in equatore ab n, versus m, & fini numerationis ac centro e, iungas regulam: & resectiones Zodiaci, quas regula utrinque causat, signabis lineis ductis à primo circulo signiferi, quem supra viam Solis aut lineam eclipticam nominauimus, vsque in tertiam lineam. Prima igitur linea post n, quintum gradum Arietis terminat, & alia in obiectu quintum Libræ.

Consequenter ex eadem tabella accipe ascensionem rectam 10 gradibus Arietis respondentem, scilicet 9 gradus, & 11 minuta: & operare cum his, ut iam diximus: & hac lege continua tuam operationem vsque in principium Libræ, & videbis quodlibet signum in 6 partes, etsi inæquales diuisum, Quibus in spatio secundi & tertij circuli numeros quinariorum adice. In primo circa n 5, in secundo 10, in tertio 15, & sic continuando vsque in 30, & complementum Arietis. Itidem fac in Tauro & aliis signis, & hoc in astrolabiis magnis, secus in paruis quemadmodum supra annotauimus. Postremo quamlibet 6 partium lineæ eclipticæ cum circino in 5, æquales partes seca: & his & centro e, aptata regula, duc lineas à primo circulo vsque in secundum, & prodibit Zodiacus tuus diuisus in 360 gradus in magnis, aut in 180, in paruis Astro-

DE FABRICA

labiis. Huiusmodi tabula hoc sumito schema, in quo equator & Zodiacus propter instrumenti angustiam, in 180. partes sunt diuisi, vbi vnū spaciolum duos valet gradus.

HARVM RERVM HANC
sume imaginem sequentem.



CERTIOR MODVS EX

non innitentibus Tabulis.

MODI non innitētes Tabulis in signiferi par- Primus me-
dus nō inni-
tens tabulis.
titione sunt plures. Ex quibus vnum certio-
rem & vtiliorem delegimus, bimembrem tamen,
quia iam per lineas rectas, iam per circulares aut ar-
cuales, negotium partitionis absoluit. Diuisio igitur De diuisio-
ne Zodiaci.
Zodiaci per lineas rectas, fit in hunc modum: Dispo-
sitis Aequatore, Zodiaco & aliis circulis, vt prædi-
ximus, primum polum Zodiaci septentrionalis, tan- Inuētio po-
li Zodiaci.
quam fundamentum huius operationis inuestiga-
bimus, hoc pacto: à pūcto n, Aequatoris & princi-
cipij Arietis, versus k, supputetur maxima solis de-
clinatio, & fini adiiciatur nota o, deinde iungatur
o, cum l, pūcto Aequatoris, & initio Libræ per li-
neam rectā, & scindet diametrum Zodiaci in pūcto
p: erit igitur p, polus vnus Zodiaci in plano. Polo i-
gitur Zodiaci p, reperto, addatur vna pars regulæ in-
stæ, & alia ad singulas Aequatoris diuisiones, inci-
piendo ab n, & transeundo versus m, & vbi regu-
la interfecat lineam eclipticam, fiant notæ subtiles
& occultæ: & per hunc modum ecliptica diuidi-
tur in omnes gradus facillimè: & potest primo di-
uidi (vt assolet) in 12 signa, & postea quodlibet si- Diuisio 12
signorum.
gnum in 6, partes: & tandē quælibet pars in 5. Post
hæc iungatur regula centro e, & notis occultis:

DE FABRICA

ecliptica, & ducantur lineæ manifestè pro integris
signis, partibus signorum & gradibus singularibus,
quemadmodum suprà in primo modo monuimus,
& patebit Zodiacus diuisus secundum omnē præ-
cisionem, quod fuit optatum.

HARVM RERVM HANC
sume imaginem.



ASTROLABII.
DE DIVISIONE
secunda.

29

NE aliquid in Zodiaci nostri diuisione omittamus, addam secundum modum non innitente tabulis, vtilem valde, pro stellarum fixarum impositione ad Araneam diidentem ipsum signiferum per circulos magnos, aut lineas arcuales.

Secundus
modus non
innitens ta-
bulis.

Didicimus supra inuentionem vnius poli Zodiaci, quem in corpore retis contineri ambigit nemo: Secundi autem, scilicet meridionalis poli huic oppositi, extra tabulam ipsius retis sedem habentis, talis est inuentio. Diametrum retis $f h$ circa h prolonga in directum in assere plano, cui tabula retis adhærere & complanari debet: deinde maximam solis declinationem computa ab l . puncto A Equinoctialis & principij Libræ versus m , & fini punctum q ascribito: punctis l & q applica regulam. & ubi diametrum prolongatam secuerit, fac punctum r . erit igitur, r , polus Zodiaci secundus oppositus primo. Lineam $p r$ inter vtrosque polos interceptam, diuide per medium in puncto aut centro s . Circino ergo exteso à centro, s , in p , vel r , produc circulum occultum, transeuntem per hos polos & per puncta A Equinoctialis, l & n , si saltem rite operatus fueris. Ex centro s procrea alium diametrum orthogonalem diametro $p r$, quæ vocetur $t u$, quam diligen-

Inuentio po-
li zodiaci
meridiani.
* In his di-
uisionibus
loquitur de
circulo arcu-
búsque de-
scribendis
occultis, &
tamé eisdé
figuratio ha-
bet manife-
stos, calcho-
graphicè oc-
cultos haud
admittente.

DE FABRICA


De diuisione
zodaici.

ter protrahe, & in longum continua Vtrinque in
affere plano: in hac enim centra omnium circularū
inscribendorum constituentur. His dispositis, Zo-
diacū primo (vt fit) in 12. signa distribuemus, hac
lege: semicirculum occultum à, p, versus, r, dextror-
sum eundo in tres æquales partes diuide, diuisioni-
bus adscribe puncta, x, y. Deinde, apta vnā par-
tem regulæ polo, p, & aliam puncto proximo, x, &
considera, vbi regula scindat diametrum, t, u, prolo-
gatam, & ibi fac punctum, z, & regula durante in
polo, p, promoue ipsam in punctum, y, & punctum
sectionis diametri signato puncto, & hæc duo pun-
cta traduc in aliam partem huius diametri sinistram
versus: posito igitur vno pede circini in puncto, z,
& alio extenso in polum, p, duc arcum magnum et
occultum per totum rete: aut lineam eclipticā dua-
bus duntaxat affice notis in partibus oppositis. Cir-
cino inuariato, siste vnum pedem in punctum cor-
relatiuum ipsius, z, & iterum duc arcum occultum
per polum, p, & totā retis superficiem, aut eclipti-
cam, duobus punctis è regione positis signabis.
Non aliter operare cum puncto, & suo correla-
tiuo. Per hos ergo quatuor arcus, cōsumptis dua-
bus diametris retis, videbis Zodiacum partitum in
12. signa. Præterea quodlibet signum in sex par-
tes diuidatur, taliter: Quamlibet portionem semi-
circuli occulti in 6, æquas partes distribue: & ad-
iecta

De diuisione
signorū.

iecta regula polo, p, & diuisionibus iā factis, signa-
bis puncta, vt prædiximus, in diametro prolongata,
quæ etiam transfer in partem oppositam huius dia-
metri: & singulis punctis immitte vnum pedem
circini, & alium disunge in polum, p, & pinge ar-
cus aut puncta, vt iam exposuimus: & binos arcus
semper vna circini extensione perficies. Potes e-
tiam tali ingenio, quanquam laboriosum est, quam-
libet partem in 5 gradus singulares diuidere, quod
tamen non consulo: cum per simplicem partiti-
onem etiam æqualem, nullus error sensibilis ac-
cidat.

INSPICE FIGVRAM
sequentem.



DE FABRICA ASTROLABII. 31
 STELLAS FIXAS RETI Proposit. 12
 via Geometrica imponere.

CUM rerum cœlestium peritum oporteat non so-
 lum interdiu horas inspiciere ad solem prospe-
 ctu, sed etiam ad stellas noctu: operæpretium existi-
 mamus, doctrinam aliquam inueniendam, qua fa-
 cile & sine errore id obtineamus: in reti stellas quas
 velimus describendo: non certè plurimas, sed ful-
 gentiores & clariores fixas, aut cœlo hærentes, ne ea-
 rundē pluralitas subiectos circulos matris aut tabu-
 latū astrolabij occultet. Doctrina autem descriptio-
 nis, impositionis, locationisve stellarum bimembris
 traditur. Prima tutissima et facillima, quæ imponit
 stellas per notitiam declinationis ipsarum ab orbe re-
 ctō, id est ab æquatore, & secundum hanc quatuor
 præcognoscere oportet: longitudinem, & declinatio-
 nem stellæ: partem declinationis, & eius magnitu-
 dinem. Longitudinē stellæ (secundū hanc doctrinā)
 determinat gradus orbis signorum, id est Zodiaci,
 cum quo stella venit ad medium cœli, hoc est ad cir-
 culum meridianum: quā vsitatō vocamus cœli me-
 diationem. Arcus autem de circulo meridiano in-
 terceptus inter æquatorem & centrū stellæ erit eius
 declinatio. Quia stellæ declinatio nihil aliud est,
 quàm distantia ipsius ab æquinoctiali, partē autem
 declinationis hīc intelligimus si fuerit ex parte se-

Gemina do-
 ctrina impo-
 sitionis stel-
 larum.

Longitudo
 stellæ.

Declinatio
 stellæ.
 Pars decli-
 nationis.

DE FABRICA

ptentrionis aut meridiei ab æquatore. Si enim stella ab æquatore in septentrionem vergit, eius declinatio septentrionalis aut aquilonia appellatur: si in meridiem, meridiana aut Austrina vocatur. Magnitudinem stellæ à radijs et splendore doctissimi astrologi con- cluserunt. Sex enim stellarum ordines aut differentias posuerunt: quarum quedam clarissimæ, maximi splen- doris & luminis ad primam retulerunt magnitudinem: modici et mediocri splendore, ad secundam: & iterum minoris ad tertiam (et sic deinceps) posuerunt magni- tudinem. Secundum hanc doctrinam subadnexam ordina- uimus tabulam: in qua primò stellarum nomina Latina & Arabica apparent: Secundò signa Zodiaci, gra- dus & minuta, cum quibus stellæ coelum mediant (largiori vocabulo longitudes stellarum dictæ) no- minibus alligantur: Tertio earundem declinationes ad- sunt, quæ vniuersaliter ab AEquatore supputantur: Quarto partes declinationis sequuntur. S. partem se- ptentrionalem. M. meridianam designant. Tandem stel- larum magnitudines adijciuntur. Inscriptimus etiam tabulæ nostræ propemodum ubique stellas splende- scentiores, quas Hermannus clarissimas nominauit.

Huius doctrinæ impositio est huiusmodi: Ex tabula subscripta optata stellæ disce longitudinem, de- clinationem, & eius partem atque magnitudinem. Longitudinem stellæ in gradibus & minutis com- puta ab initio signi Zodiaci, in quo est stella: secun- dum

Magnitudo
stellæ.

Declaratio
tabulæ se-
quentis.

De imposi-
tione stel-
larum.

dum hanc longitudinem, & super eius finem pone regulam ex vna parte, & ex alia super centrum, e, & duc lineam occultam per totam faciem retis vsque ad centrum, e. Postea si stellæ declinatio fuerit septentrionalis, tunc supputa ipsam in æquinoctialia k, versus, n, & vbi terminatur, fige notam, cui & puncto, l, occidētis æquinoctialis applica regulam: & vbi abscindit diametrum, f, h, fac signaturam, et locato pede fixo in centrum, e, & alio extenso in iam dictam signaturam diametri circūgira pedem circini volubilem in lineam occultam prius ductam: & vbi eandem tangit, ibi est cacumen aut centrum stellæ optatæ, cui ascribe nomen Latinum aut Arabicum, et eius magnitudinem. Si autē stella declinationem tenuerit meridianam, tunc numera ipsam in AEquatore à, k, versus, l, et fini adde notam in AEquatore, et iterum regulam adijce puncto, l, et notæ AEquatoris: et vbi regula tangit diametrum, f, h, pingue punctum, et emitte pedē vnum circini, alio in centro, e, stante, in hoc punctum, et circino non variato, verte pedem mobilem in lineam occultam, et imprime notam, quæ proposita stellæ centrum aut cacumen manifestat: quam nomine et magnitudine exornabis. Consimiliter age cum alijs stellis tabulæ, imponendo cuilibet signo duas aut plures stellas.

TABVLA STELLARVM FIXARVM, CON-
tinens earum longitudinem, secundum coeli mediationem,
declinationes, partes & magnitudines earundem.

DE FABRICA

<i>Magnitudo.</i>	3	3	3	3
<i>Pars declinatiōis.</i>	S	S	S	M
<i>Declinatio.</i>	G M	85 51	53 45	13 13
<i>Coeli mediatio.</i>	G M	1 15	3 0	10 43
<i>Signa Zodiaci.</i>	γ	γ	γ	γ

<i>Nomina Latina stellarū fixarū.</i>	<i>No. Arabica.</i>
<i>Stella polaris.</i>	<i>Alrukaba.</i>
<i>Pectus Cassiopeiae.</i>	<i>Scheder.</i>
<i>Umbilicus Andromedae.</i>	<i>Mirach.</i>
<i>Venter Ceti.</i>	<i>Bata kaytos.</i>

ASTROLABII.

<i>Cauda Ceti.</i>	<i>Deneb kaytos.</i>	γ	4	31	20	26	M 3
<i>Dextrum latus Persæi.</i>	<i>Algenib.</i>	υ	14	5	47	42	S 2
<i>Caput Algol.</i>	<i>Ras Algol.</i>	υ	11	20	39	32	S 2
<i>Pleiades.</i>	<i>Athoray.</i>	υ	20	33	22	36	S 5
<i>Navis Ceti.</i>	<i>Menkar.</i>	υ	20	54	21	54	S 5
<i>Hircus.</i>	<i>Alhaiot.</i>	υ	11	23	2	18	S 3
<i>Oculus Tauri.</i>	<i>Aldebaran.</i>	π	11	21	44	56	S 1
<i>Dexter humerus Orionis.</i>	<i>Bed algenze.</i>	π	3	18	15	55	S 1
<i>Sinister pes Orionis.</i>	<i>Rigel Algenze.</i>	π	22	37	6	16	S 1
<i>Caput Gemini antecedentis.</i>	<i>Ras algenze.</i>	π	13	48	9	14	M 1
<i>Caput Gemini sequentis.</i>	<i>Alhabor.</i>	ϐ	14	0	32	28	S 2
<i>Canis maior.</i>	<i>Algomeisa.</i>	ϐ	16	49	28	43	S 2
<i>Canis minor.</i>	<i>Kalb eleced.</i>	ϐ	5	33	15	49	M 1
<i>Cor Leonis et dicitur Rex.</i>	<i>Alphard.</i>	ϐ	16	43	6	9	S 1
<i>Cervix Leonis.</i>		Ω	22	11	14	19	S 1
<i>Lucida Hydræ.</i>		Ω	24	49	22	19	S 2
		Ω	13	14	4	32	M 2

DE FABRICA

<i>Nomina Latina stellarū fixarum.</i>	<i>No. Arabica.</i>	<i>G</i>	<i>M</i>	<i>G</i>	<i>M</i>	<i>Declinatio.</i>	<i>Pars declinatiōis.</i>	<i>Magnitudo.</i>
<i>Dorsum Vrsæ maioris.</i>	<i>Dubhe.</i>	♄	5	19	62	36	S	2
<i>Cauda Leonis.</i>	<i>Deneb eleced.</i>	♄	19	16	17	9	S	1
<i>Dorsum Leonis.</i>	<i>Aliot.</i>	♄	9	30	22	51	S	2
<i>Principium caudæ Vrsæ maioris.</i>		♄	7	17	58	7	S	2
<i>Medium caudæ Vrsæ maioris.</i>		♄	15	30	57	24	S	2
<i>Extremum caudæ Vrsæ maioris.</i>	<i>Benenatz.</i>	♄	22	57	51	42	S	2
<i>Vociferans vel Lanceator.</i>	<i>Alramech.</i>	♄	29	21	21	45	S	1
<i>Spica Virginis.</i>	<i>Azimech.</i>	♄	15	13	8	16	M	1
<i>Sinister humerus Bootis,</i>	<i>Ceginus.</i>	♄	4	0	40	32	S	3

ASTROLABII.

Corona septentrionalis.	Alpheta vel mumir.	m	20	11	28	51	S 2
Palma sinistra Serpentarij.	Yed.	m	29	0	1	58	M 3
Luminosior lancis meridionalis libræ.		m	7	51	13	29	M 2
Luminosior lancis septentrionalis libræ.		m	14	28	7	18	M 2
Caput draconis.	Ras aben.	†	26	1	52	11	S 3
Caput Herculis.	Ras Algethi.	†	11	46	15	27	S 3
Caput Serpentarij.	Ras Alangue.	†	18	10	13	11	S 2
Cor Scorpj.	Calb alatrab.	†	1	27	24	36	M 2
Vultur cadens.	Vuega.	⌘	3	51	38	36	S 1
Aquila aut Vultur volans.	Alkayr.	⌘	18	57	7	19	S 2
Dextrum adiutorium Cephei.	Alderimim.	≈	14	10	60	40	S 3
Cauda Cygni aut gallinæ.	Deneb adigege.	≈	3	55	43	43	S 2
Muscida Pegasi aut equi maioris.	Enif alpheratx.	≈	17	41	7	5	S 3
E Cauda Capricorni.	Deneb Algedi.	≈	15	8	18	46	M 3
Crus Pegasi aut equi maioris.	Scheat alpheratx.)(7	47	25	3	S 2
Humerus equi maioris.	Markab alpheratx.)(8	0	12	41	S 2
Crus Aquarij.	Scheat.)(4	15	18	0	M 3


DE FABRICA

Exempli gratia: Iubeor schemati inferius exposito imponere stellam aldebaran, quam Romano sermone oculum Tauri dicimus: supputo eius longitudinem, id est, cœli mediationem à principio Arietis in tertium gradum, & decimum octauum minutum Geminorum: & à fine duco lineam occultam in cœtrum, e, quam, o, e, vocabo. Item declinationem eiusdē, s. quindecim gradus, & quinquaginta quinque minuta, septētrionalē, numero à, k, versus, n, in AEquatore, et regula pūcto, l, occidentis, et fini numerationis declinationis adiecta, signabo diametrū, f, h, in pūcto, p, ex centro, e, in pūctum, p, expādo circinū, et signo lineam, o, e, pūcto, q, erit igitur, q, cacumen stellæ aldebaran, cui nomē et magnitudinem primā asscribo, et habeo quod fuit propositum.

Præterea precipior inscribere stellam Alhabor, quā Latini Canem maiore aut Sirium appellant: à termino igitur longitudinis, s. quinque gradus, & xxxij. minut. Cancri, traho lineam occultā ad centrum, e, dictā, e, r. Declinationē verò, scilicet quindecim gradus, quadragintanovem minuta, computo in AEquatore à, k, versus, l, & linea recta protracta ab, l, per finem computatæ declinationis scindit diametrum, f, h, in pūcto, s. Circino autē emisso ex, e, in, s, signo lineā, r, e, pūcto, t, erit igitur, t, cacumen aut centrum stellæ Alhabor, quam nomine et prima quantitate orno, & habeo cupitum.

S I M I -

SIMILIS OPERATIO RE- liquis stellis tabulæ imponendis aptatur.



SECUNDA doctrina imponendi stellas in
Araneam per notitiam earum ab orbe signorū,
hoc est, ab eclyptica linea procedit. Et secūdum hāc
doctrinam, oportet etiam quatuor præcognoscere, vi-
delicet longitudinem, latitudinem, latitudinis par-
tem, & magnitudinem stellæ.

DE FABRICA

Longitudo
stellæ & ve-
rus motus
stellæ.

Latitudo
stellæ.

Magnitudo

Declaratio
tabulæ se-
quentis.

De colloca-
tione stella-
rum in rete.

Longitudo stellæ est distantia ipsius à principio Arietis secundum signorum successionem computando: & dicitur alio nomine verus motus stellæ: et determinatur per circulum transeuntem per polos zodiaci & centrum stellæ. Talis enim circulus sic ductus, ostendit ipsius stellæ gradum & minutum in orbe signorum, & ex consequente ipsius distantiam à principio Arietis: quam stellæ longitudinem propriè nominamus. Arcus autem isto circulo interceptus inter lineam eclipticā et stellam, est eius latitudo. Partem autem latitudinis hîc intelligimus, si fuerit ex parte septentrionis aut meridiei aut ecliptica. Magnitudo à radijs, ut prædiximus concluditur. Secundum hanc doctrinam ordinata est tabula sequens: in qua primitus stellarum nomina Latina & Arabica occurrunt: Secundo signa, gradus, & minuta verarum longitudinum vel verorum motuum earundem adsunt. Tertiò adherent latitudines, quæ vniuersaliter à linea ecliptica numerantur, per literam, S, septentrionales, per M, verò meridianæ exprimuntur, & demum earum magnitudines accedunt. Si igitur secundum hanc doctrinam propositam stellam in rete collocare voveris, signabis solis maximam declinationem in quartam, k, l. æquatoris à, k, versus l, transeundo: et sit, k, q, Similiter signabis eandem in quarta æquatoris, m, n, versus, n, & sit, m, r. Deinde per propositionem

sitionem II. huius, sub titulo modorum tabulis non innitentium, vbi habetur initio. Modi nō innitentes, &c. Inuenies polum zodiaci, & sit, p.

Postea propositæ stellæ in tabula positæ considera gradum & minutum in longitudine, & per ipsum & suum oppositum &, p, polum zodiaci, fac transire arcum circuli occultum, qui sit gratia exempli, s, p, t, in quo erit stella ex parte suæ longitudinis. Præterea animaduerte eius latitudinem, quæ si fuerit septentrionalis, à linea ecliptica numerabis eam in æquatore à duobus terminis declinationis, q, & r, versus, n, punctum orientis: & à finibus huius numerationis, ducatur duæ lineæ occultæ, concurrentes in, l, puncto occidentis, quæ scindent diametrum, f, h, in duobus locis. Quod ergo cōtinetur de ipsa infra loca sectionum, diuide per medium, et ibi posito pede circini immobili, & altero extenso secundum quantitatem sectionum, circumuolue circinum donec scindat arcum, s, p, t, denominantem longitudinem ex parte sui gradus & minutorum ipsius stellæ in puncto, u: erit igitur, u, stella de qua agitur. Si autem stella fuerit meridiana, ab ecliptica sume vt iam docuimus signum, gradum & minutum eius in longitudine, et per ipsum et eius oppositum, et, p, polum zodiaci duc arcum occultum in facie retis, qui sit, x, p, z, & in eo locabitur stella ex parte signi, gradus et minuti.

DE FABRICA

Deinde considera eius latitudinem, quam numerabis in *AEquatore* à duobus finibus declinationis solis, *q*, & *r*, versus, *l*. punctum occidentis: & à terminis huius numerationis trahantur duæ lineæ occultæ in, *l*, punctum occidentis, quæ secabunt diametrum, *f*, *h*, & quod continetur infra sectiones illas, de eadem diametro, partire in duo æqualia, & ad quantitatem vnius partis extends circinum describendo circulum, qui secabit arcum, *x*, *p*, *z*, nominantem longitudinem stellæ ex parte signi, gradus & minuti, in pūcto, *T*, erit ergo, *T*, stella quæ sita. Vt autem stellas secundum hanc doctrinam reti imponere valeas, & ne arcum denotantium earum longitudinem vagando centra inquiras, resume vltimam siue secundam *Zodiaci* diuisionem propositionis vndecimæ incipientem: Ne aliquid, &c. Et scito, quòd omnia centra graduum *Zodiaci* in diametro longa memoratæ diuisionis continentur. Cognito igitur gradu stellæ per tabulam, si fuerit in aliquo minuto gradus, eius centrum perscrutaberis per eandem artem, per quam centrum graduum inuestigasti. Quo inuento, posito ibi pede circini immobili, & alio extenso vsque in, *p*, polum *Zodiaci*, describes arcum denotantem longitudinem stellæ. Deinde per eius latitudinem inuenies locum stellæ, in eodem arcu omnino, sicut iam suprà docuimus.

Aduerte

Aduerte igitur quod ista stellarum impositio concordat cum vltima diuisione Zodiaci: quare labor vnus. Vides nāque, quod circuli diuidentes Zodiacum, illo modo, sunt arcus notantes longitudes, in quibus sunt stellæ. Si igitur diuidendo Zodiacum frequenter habueris occultum ad tabulam stellarum fixarum, cum veneris ad gradum stellæ, signare poteris arcū denotantem longitudinē, & statim imponere eam per eius latitudinem.

Et habet hæc stellarum impositio magnam certitudinem: quam duobus exemplis manifestiorem reddam.

Offertur mihi stella imaginis Andromedæ in eius vmbilico posita: quam Arabes Mirach vocant, reti inscribenda: capio ex tabula eius longitudinem, scilicet 23, gradus, & 28, minuta Arietis. Per vndecimam autem propositionem huius, & eius vltimam partem, diuisus est Zodiacus per circulos magnos: Primo in 12, signa, secundo signum quodlibet in maioribus astrolabiis in 6, partes, in minoribus in 3. In maioribus quodlibet spatium valet 5, gradus Zodiaci, in minoribus 10. His partitionibus habitis, si (vt communiter fit) ad singulares graduum diuisiones non fuerit processum, per doctrinam memoratæ propositionis inuestigo ad nostrum propositum centrum pro 23, gradu, & 28, minutis Arietis: quo habito, pono ibi

Exemplum
de stella
Andromedæ.

DE FABRICA

Vnum pedem circini, & alium extendo in, p, polum zodiaci, & describo arcum occultum transfertem per 13, gradum & 28, minutum Arietis, & per, p, polum zodiaci: quem gratia differentiæ voco, s, p, t.

Præterea eius latitudinem, scilicet 27, gradus, & 20, minuta, quia septentrionalis est: computo in æquatore à terminis declinationis solis, q, & r, versus, n, punctum orientis: & à finibus computationis duco duas lineas occultas in, l, punctum occidentis: scindentes diametrum, f, h, in duobus locis: & quod de diametro continetur, infra loca sectionum partior per medium: & ibi infigo vnum pedem circini, & emitto alium secundum quantitatem sectionum: & pingo notam in arcu, s, p, t, longitudinis, quæ acumen stellæ denotabit. Cui nomen Umbilicus Andromedæ, aut Mirach ascribo.

Exemplum
de stella
Spicæ vir-
ginis.

Secundò proponitur mihi stella asterismi Virginis, Spica aut Azimech dicta, per tabulam certior reddor, eandem in longitudine 16, gradum, & 18, minutum Libræ possidere. Quæro igitur persæpius memoratam propositionem 11, centrum pro 16, gradu, & 18, minuto Libræ: cui pedem circini immitto, & reliquum in, p, polum zodiaci expando: & tracto arcu occulto per Libram, & p, polum eundem literis, x, p, z, signo, latitudinem verò eiusdem stellæ meridianam 2, graduum, & 0, minuti numero, à, q, & r, ve

r, versus, *l*, & à terminis binas in, *l*, duco lineas, secantes diametrum, *f*, *h*, in duobus locis: & quod de diametro his sectionibus intercipitur, diuido per medium, & ibi constituto vno pede circini, aliū secundum sectionum distantiam extendo, & facio punctum in arcu, *x*, *p*, *z*, quod, &, voco: cacumen dictæ stellæ signans, cui nomen & primam magnitudinem addo, & habeo propositum. Simile sumo iudicium de omnibus aliis stellis imponendis.

ET NE HVIC SECVNDÆ

doctrinæ aliquid desit, sequens capiatur schema.

TABVLA STELLARVM FIXARVM, FVL-
gentiorum, continens earum veras Longitudines, Latitudi-
nes, Partes ac magnitudines, rectificata per Ioannem
Stoßlerinum Iustingensem: Anno Christi
Optimi Maximi 1500. currente.

DE FABRICA

Magnitudo.

Pars latitudinis.

Latitudo.

Longitudo.

Characte. signo.

Nomina latina stellarum fixarum.	No. Arabica.	G M G M							
<i>Dextrum adiutorium Cephei.</i>	<i>Alderaminum.</i>	γ	6	18	69	0	S	3	
<i>Vmbilicus Andromedæ.</i>	<i>Mirach.</i>	γ	23	28	27	20	S	3	
<i>Venter Ceti.</i>	<i>Bata kaytos.</i>	γ	14	38	20	0	M	3	

<i>Pectus Cassiopeiæ.</i>	Scheder.	8	0	28	46	45	S	3
<i>Dextrum latus Persæi.</i>	Algenib.	8	24	28	30	0	S	2
<i>Caput Algol.</i>	Ras Algol.	8	19	18	23	0	S	2
<i>Pleiades.</i>	<i>Athoraye.</i>	8	21	48	4	30	S	5
		8	22	18	5	5	S	5
<i>Naris Ceti.</i>	<i>Menckar.</i>	8	7	18	12	20	M	3
<i>Stella Polaris.</i>	<i>AlruKaba.</i>	11	19	48	66	0	S	3
<i>Hircus vel Capr.</i>	<i>Alhaiot.</i>	11	14	38	22	30	S	1
<i>Oculus Tauri.</i>	<i>Aldebaran.</i>	11	2	18	5	10	M	1
<i>Dexter humerus Orionis.</i>	<i>Bed algenze.</i>	11	21	38	17	0	M	1
<i>Sinister pes Orionis.</i>	<i>Rigel Algenze.</i>	11	9	28	31	30	M	1
<i>Caput Gemini antecedentis.</i>	<i>Ras algenze.</i>	59	12	58	9	40	S	2
<i>Caput Gemini sequentis.</i>		59	16	18	6	15	S	2
<i>Canis maior.</i>	<i>Alhabor.</i>	59	7	18	39	10	M	1
<i>Canis minor.</i>	<i>Algomeisa.</i>	59	18	48	16	10	M	1

DE FABRICA

Magnitudo.

Pars latitudinis.

Latitudo.

Longitudo.

Characte. signo.

Nomina latina stellarum fixarum.	No. Arabica.	G M G M			S	2
		G	M	G		
Dorsum Vrsæ maioris.	Dubhe veledub.	Ω	9	18	48	0
Cor Leonis & dicitur Rex.	Kalbeled.	Ω	22	8	0	10
Cervix Leonis.		Ω	21	48	8	30
Lucida Hydre.	Alphard.	Ω	19	38	20	30
Principium caudæ Vrsæ maioris.	Alioth.	mp	1	48	53	30
Medium caudæ Vrsæ maioris.		mp	7	38	55	40
Extremum caudæ Vrsæ maioris.	Benenatꝝ.	mp	19	28	54	0
Cauda Leonis.	Deneb eleced.	mp	14	8	11	50

<i>Dorsum Leonis.</i>		mp	3	48	13	40	S	2
<i>Sinister humerus Bootis.</i>	<i>Ceginus.</i>	☿	9	18	49	0	S	3
<i>Vociferans aut Lanceator.</i>	<i>Alramech.</i>	☿	16	38	31	30	S	1
<i>Spica virginis.</i>	<i>Azimech.</i>	☿	16	18	2	0	M	1
<i>Corona septentrionalis.</i>	<i>Alphera vel mumir.</i>	m	4	18	44	30	S	2
<i>Palma sinistra Serpentarij.</i>	<i>Yed.</i>	m	24	38	17	30	S	3
<i>Luminosior Lancis meridionalis libæ.</i>		m	7	38	0	40	S	2
<i>Luminosior Lâcis septentrionalis libæ.</i>		m	11	48	8	30	S	2
<i>Caput draconis.</i>	<i>Ras aben.</i>	†	19	18	75	30	S	3
<i>Caput Herculis.</i>	<i>Ras algethi</i>	†	7	18	37	30	S	3
<i>Caput Serpentarij.</i>	<i>Ras alangue.</i>	†	14	28	36	0	S	2
<i>Cor Scorpj.</i>	<i>Calb alatrab.</i>	†	2	18	4	0	M	2
<i>Cauda Scorpj.</i>		†	17	8	13	20	M	3
<i>Vultur cadens.</i>	<i>Mega.</i>	☿	6	58	62	0	S	1

DE FABRICA

Magnitudo.

Pars latitudinis.

Latitudo.


Longitudo.

Characte. signo.

Nomina latina stellarum fixarum.	No. Arabica.	G M G M			
<i>Aquila aut Vultur Volans.</i>	<i>Alkayr.</i>	23	28	29	10 S 2
<i>Cauda Cygni vel gallinæ.</i>	<i>Deneb adigege.</i>	28	48	60	0 S 2
<i>Muscida equi maioris.</i>	<i>Enifalpherat.</i>	24	58	21	30 S 3
<i>Crus equi maioris.</i>	<i>Scheat alpherat.</i>	21	48	31	0 S 2
<i>Hummerus equi maioris.</i>	<i>Markab alpherat.</i>	16	18	19	40 S 2
<i>Crus Aquarij.</i>	<i>Scheat æ.</i>	1	18	7	30 M 3
<i>Cauda Ceti.</i>	<i>Deneb Kayros.</i>	25	18	20	20 M 3

POSTE A QVAM de Fabrica & descriptione retis, quantũ ad circulos necessarios stellarũq; in eodẽ locationes, expeditus es: totũ cũ perforatorio & limis vbicunq; vacat, diligenter perforabis, tantũ zodiaco, Aequinoctiali, Tropico Capricorni: duabus diametris, f, h, & g, i, & Denticulis aut Cuspibus stellis fixis passim aptatis, saluis & illæsis. Vide igitur ne laboriose inuenta, indiligenti perforatione aut excisione à suis locis moueantur: aut inutilia reddantur, præcipuẽ lineã eclipticã zodiaci integram ad vnguẽ seruabis, & quoad fieri potest, fac vt zodiaci gradus eclipticã partientes liberẽ videri possint. Quapropter circa Sagittariũ & Capricornũ nonnullæ portiones Tropici Capricorni sunt refecandæ. Quanto enim minores sunt remanentiæ circa lineam eclipticã & gradus ipsius, tanto certior erit inuentio earum rerum, quæ pereandẽ lineã & gradus habentur: sicuti per eius vsum scire volentibus faciliẽ manifestabitur. Dimittatur etiam circa cẽtrum retis paruus circulus ad portandũ corpus ipsius, ne circũuoluẽdo (vt crebrò fit) à sua rectitudine moueatur. Nonnulli denticulos, stellas per eorũ acumina designantes, vel in modũ folij vel rostri auis, vel alterius rei cõuenientis nomini stellæ protrahunt, subtile enim ingenium in huiusmodi figurationibus admodum prodesse potest.

HÆC DE RETI, EIVS FABRICA, & excisione sufficiant.



DE CONSTRUCTIONE Proposi. 13.

Ostensoris in facie Astrolabij currētis paulula quædam subiungere.

OSTENSOR, regula, Index aut Almuri Arabico sermone, in astrolabij anteriori parte currens, hoc pacto componitur. Accipe tabulam de materia solida, habentem latitudinem ferè duorum digitorum, longitudinem verò secundū quātitatem Instrumenti, quā ex vtraque parte optimè planabis.

Deinde in medio latitudinis eiusdē, protrahe lineam rectam, quæ sit, *a, b*, quam in medio secabis in puncto, *e*, super, *e*, tanquā centro describe circulum paruum secundū latitudinem regulæ vel ostensoris. Quo factō, abscinde partes regulæ ex vna parte vsq; ad lineā mediā, *a, b*, & vsque ad circūferētiā parui circuli: & ex alia parte refecato partem oppositam, ita tamen quòd circumferentia parui circuli, vbique integra maneat: & linea per centrum, *e*, & puncta, *a, b*, transiens, illæsa custodiatur: & poteris hoc opus subtiliare proprio ingenio, ita quòd in linea, *a, e, b*, non accadat error.

Huius propositionis hanc accipe figurationem.



DE FABRICA ITAQUE RE

gulae aut ostensoris pauca quaedam recensere, ac structurae faciei Astrolabij finem imponere libuit. Restat Posticae modo dorsi Astrolabij Descriptio, in qua circuli altitudinis Horizontis, orbis signorum, mensium & dierum anni, Solare horarium, & scala Altimetra accuratissimafiguratione manifestabuntur.

Propos. 14.

CIRCULOS ALTITVDINIS

& orbis signorum artificiose elaborare.

PRINCIPIO omnium in dorso astrolabij quere praecisius quo poteris, centrum correspondens centro matris aut limbi faciei: quod vocabis, e, nam si in hoc defeceris, error non parvus in operatione & usu praecipue acceptionis altitudinum orietur. Super centro igitur, e, describe circulum unum extremitatem tabulae fere contingentem, postea restricto circino super idem centrum protrahe alium & secundum, tantum a primo distantem, quod inter ipsos commodè possit scribi numerus graduum altitudinum per 5, & 5, distinctorum. Iterum restringe circinum, minus tamen quam primò, & super il
lud

lud idem centrum circinabis tertium circulum, tan-
 tum solummodo distantem à secundo, quòd inter ip-
 sos cadere possint singulares graduum distinctio-
 nes. Rursus comprime circinum, & super idem cen-
 trum lineabis quartum, tantum à tertio separatum,
 vt numerus graduum signorum per 5, & 5, inscri-
 bi possit. Tandem iterum constringe circinum, &
 ex eodem centro describe circulum quintum, tan-
 tum à quarto abeuntem, quòd inter ipsos, nomi-
 na 12. signorum zodiaci exarari possint. Hos quin-
 que circulos concentricos, limbum dorsi præ se fe-
 rentes, quadrabis duabus diametris constitutis è di-
 recto diametrorum matris: ita quòd ipsis præcise cor-
 respondeant, & easdem signabis literis, a, b, c, d, lo-
 cando, a, in superiori parte astrolabij, vbi suspen-
 dicularis circulus incathenari debet, b, in parte
 diametri, dextram versus, c, in opposito, a, & d, in
 opposito, b, erit igitur, a, punctus meridiei, c, suum
 Nadair siue punctus mediæ noctis, d, verò pun-
 ctus orientis, & b, punctus occidentis. Sic erit, a,
 b, quarta meridiei occidentalis, & a, d, quarta me-
 ridiei orientalis, b, c, quarta occidentalis mediæ no-
 ctis, & d, c, quarta orientalis mediæ noctis. Quæ-
 libet autem quarta continere debet 90, gradus: &
 ex sequela totus circulus, 360. sibi vendicabit.
 Ad distribuendum autem generaliter quemcunque

DE FABRICA

circulum in tot gradus, distribuatur gratia exempli secundus circulus descriptus, primitus diuisus in quartas, vt dictum est, scilicet per duas diametros orthogonales. Deinde quamlibet quartam secerne in tres equas partes: & regula posita in centro, e, protrahe per diuisiones in circulo factas, lineas paruas transeuntes per omnia quatuor spatia circulorum pro signis zodiaci inscribendis. Postea quamlibet partem diuide in sex equales, & iterum regula centro & his partibus iuncta, duc lineolas per 3, spatia exteriora, quinariis numeris seruientes. Demum vnāquāque partē diuide in 5, pro gradibus singularibus, & imprime (vt iam exposuimus) lineolas à secundo circulo in tertium transeuntes: & hac lege diuisus est orbis signorum 360, gradus. Quibus absolutis in exteriori intervallo, a, b, puncto occidentis versus, a, punctum meridiei, ascendendo spatiolis (lineis nunc protractis) interceptis, adscribe numeros altitudinis, vt gradus facilius numerari possint. In primo quidē 5, in secundo 10, in tertio 15, & sic semper augendo per 5, donec ad 90. perueneris, quæ ad punctum, a, meridiei locabuntur. Eodem pacto procedes à puncto, d, orientis, in, a, punctum meridiei, ascendendo in 90, gradus. Non aliter operaberis in aliis duabus quartis, incipiendo in puncto, b, occidentali, simili progressio

Facilius sic,
quamlibet
partē diui-
de in 3 &
postea quā-
libet 2, &c.

sione numerum augendo vsque ad 90, descendendo in c, punctum medię noctis: & à puncto, d, in, c, similiter descendendo. Deinceps in 3, spatio vnicuique signo sexies quinos gradus deputabis, sic 5, 10, 15, vsque in 30, & non vltra continuando: initio vt prælibauimus, à puncto, b, occidentis sumendo, & versus punctum, a, meridiei progrediendo. In quarto verò interuallo signorum vocabula inscribatur: à puncto, b, occidentali dextro, vsque ad summum australem, a, contra mundum Aries, Taurus, Gemini. Ab hinc vsque ad orientalem punctum, d, sinistrum Cancer, Leo, Virgo. Inde vsque ad, c, punctumimum septentrionalē Libra, Scorpius, Sagittarius, & dehinc ad occidentalem redeūdo Capricornus, Aquarius, Pisces. Animaduertendum est, circulum graduum esse communem circulo altitudinis & circulo signorum.

DE FABRICA
ECCE FIGVRA.



Proposi. 15. CIRCULOS MENSIVM ET
dierum anni, pro vero motu solis in-
uestigando, vtiliter describere.

DVOS inscribendorum circularum anni acce-
pimus modos, quorum primus per circulos con-
centricos, secundus verò per eccentricos inscriptio-
nis

nis operationem absoluit. Primi modi Messahalla quidem speculationem quandam exposuit, verum quo pacto executioni mandaretur, silentio præterijt: quem impræsentiarum hac lege breuiter absoluemus. Super cetro, e, & sub ultimo circulo limbi dorsi, describe quatuor circulos distantes, qui tria habebunt intervalla aut spatia: Supremum de his diebus anni: secundum numero dierum mensium: & tertium nominibus Latinis mensium anni accommodabitur. Quibus descriptis, applicabis regulam centro, e, & 20. gradui Capricorni in orbe signorum, & trahere lineam per tria horum circulorum intervalla, quæ principio Ianuarij alligabitur.

Postea ingredi tabulam veri motus Solis hic expositam, cum 5. diebus: & è directo inuenies verum motum solis, scilicet 25. gradus, & 7. minuta Capricorni: quos gradus & minuta supputa in orbe signorum à linea principij Ianuarij sinistrorsum, et secundum signorum consequentiam: & fini iunge regulam, & centro, e, & produc lineolam à supremo circulo vsque in secundum: spatium igitur inter hanc, et lineam principij Ianuarij interceptum, primis 5. diebus eiusdem mensis seruiet. Consimiliter ex eadem tabula sume motum solis decimo diei Ianuarij respondentem, scilicet nullum gradum, & 13. minuta Aquarij: quibus in orbe signorum à principio Aquarij numeratis, regulam adiunges: & fac


DE FABRICA ASTROLABII.

iterum lineolam in circulis iam iam expositis, inter-
 capedo igitur inter hanc & præcedentē, alijs quin-
 que diebus sequētibus accommodabitur. Haud se-
 cus ac iam docuimus, adiuumento tabulæ de quina-
 rio in quinarium procedēdo, memoratos circulos di-
 stribues. Deinceps vnumquodque spatium in 5, æ-
 quales seca particulas, & habebis 365. dies: annum
 Romanum vulgarem constituentes. Consequenter
 computa à principio Ianuarij quinque dies versus
 sinistram: & iuncta regula, prolonga lineolam vs-
 que in tertium circulum, & adscribe 5, & iterum
 recense 5, dies, & prolongata lineola, adscribe 10, i-
 tidem fac pro 15, 20, 25, diebus. Postea computa 6,
 dies, et termino applica regulam, & trahē lineam
 per omnia tria interualla: quæ finem Ianuario 31,
 dies habenti imponit: & hac norma procede con-
 tinuando supputationem de 5, in 5, pro alijs mensi-
 bus, dādo cuilibet debitum numerum dierum: puta
 Februario 28, dies, Martio 31. Aprili 30. Maio 31.
 Iunio 30. Iulio 31. Augusto 31. Septēbri 30. Octo-
 bri 31. Nouembri 30. Decembri 31.

Demum nomina mensium secundum ordinem
 iam dictum in tertio interuallo exarabis: initium su-
 mēdo à linea principij Ianuarij sinistrorsum eundo.

T A B V L A

DE FABRICA



SECUNDVS MODVS IN- scriptionis circulorum anni.

HI S itaque determinatis, consequens est de-
monstrare, qualiter circuli anni per eccentri-
cos figurentur. Augem igitur solis ad tempus fa-
bricæ tui Astrolabij ex tabulis Alphonsinis, aut
aliis

aliis extrahe. Quæ gratia exempli, Anno Christi Optimi Maximi decimo, supra millesimum quingentesimum currente in 1. gradu, & 16. ferè minuto Cancrì exaëto calculo reperta est. Hæc ab initio Arietis orbis signorum supra descripti supputabis. Terminat autem se solaris aut annorum Christi memoratorum pene in 16, minuto, secundi gradus Cancrì. Intermino igitur eiusdem fac punctum, f, quæ cū centro, e, per lineam rectam leniter impressam continuabis, quam ab, e, vsque ad interiorem circulum orbis signorum in 32. partes æquas dispartire. Primo in quatuor, deinde quamlibet in duas, et iterum quamlibet in quatuor, & habes 32. partes. Super primam partem ab, e, versus, f, numerando (quæ centrum circulorum eccentricorum nominatur) pone pedem circini immobilem: & alium extende vsque ad interiorem circulum orbis signorum, & depinge quatuor circulos: quorum duo primi diebus anni, secundus & tertius numeris dierum, & tertius & quartus nominibus mensium adaptabuntur. Divisiones igitur mensium et dierum anni hoc pacto institues: Adijce regulam centro, e, & 20. gradui Capricorni: & duc lineam per omnes circulos eccentricos, principium Ianuarij ostendentem: quæ vocabis, g, à qua cōtra signorum successionem, id est retrogradè, numera in orbe signorum 5. gradus & 20. quasi minuta: & fini ac centro, e, addita regula, fac
line-


DE FABRICA

lineolam à primo circulo eccentrico vsque in secundum quæ vocetur, h. Totum arcum residuum secluso arculo, g, h, diuide in 360. partes æquales: scilicet primo in 6. secundo quilibet in 2. tertio iterum quilibet in 6. et tandem quilibet in 5. Arculum verò, g, h, secam in 5. partes, et quartam vnius si omnimoda te delectat præcisio: et habebis in toto circulo 365. partes, representantes dies anni Romani, et quartam vnius diei, id est, sex horas. Diuisiones autem mensium et inscriptiones reliquarum linearum ac numerorum, dierum mensium, quia facillime sunt, et ex primo modo elici possunt, missas facio. Hic non displicebit intelligere lineam Augis Solis prædictam, e, f, secundum motum Augis Solis variari. Motum autem huiusmodi Augis et eius variationem ex tabulis astrorum, et præcipue Alphonsi, facile deprehendemus. Futuris igitur temporibus, postquam Aux solis sensibilibus est mutata, in constructione Astrolabij expositam lineam, e, f, (vt pro centro eccentricorum inueniendo) ad terminum Augis semper copulabis. Præterea instrumentis magnis plures inserunt Calendarium in hunc modum: Descripto primo circulo anni, restringunt circinum, et describunt secundum pro numeris dierum mensium: et postea tertium pro literis septimanæ: et quartum pro festis Sanctorum, et quintum pro nominibus mensium: sed quia hæc fabrica nullam habet difficultatem, ideo breuitati studens, transeo.

HVIVS-

HVIVSMODI INSCRIPTIO-

nis, vide figuram sequentem.



SCALAS ALTIMETRAS

Propositi. 15.

facile componere.

IN parte inferiori dorsi astrolabij, duos quadratos orthogonios, aut scalas altimetras tali modo

DE FABRICA

describes: Reuertaris ad centrum, e, orbis signorum, in quo pones pedem circini immobilem, & cum alio, sub vltimo circulo mensium anni describe circumlum, cuius circumferentia per diametros dorsi, a, c, & b, d, in quatuor pares secatur quartas. Quarum quartam, d, c, ab oriente in medium noctis, in puncto, k, diuides, taliter: Pone regulam super centrū, e, & quadragesimum quintū gradum altitudinis, d, c, & duc lineam à circumferentia circuli interioris iam descripta, ad centrum, e, & vbi linea tangit circumferentiam, ibi fac pūctum, i. Cōsimiliter fac in alia quarta altitudinis, b, c, occidentali, & adscribe punctum, k, deinde à puncto, i, in, k, porrige lineam rectam, quæ diametrū, a, c, secabit in puncto, l. Quibus dispositis, emitte circinum ex centro, e, in punctum, l, & circino inuariato, cum pede vago, fac in diametro, d, b, duo puncta: vnum versus, d, pūctum orientis, & vocetur, m, & aliud versus, b, punctum occidentis, & vocetur, n, ab, m, in, i, & ab, n, in, k, dirige duas rectas, & constituiisti duo quadrata certissima orthogonia æquilatera: vnum orientale, m, i, e, l, & aliud occidentale, n, k, e, l, duabus scalis altimetris hoc modo aptanda: Lineæ quadrati orientalis, m, i, produc tres lineas æquidistantes, & hoc ab intra, id est versus centrum, e, vnā pro punctis aut digitis scalæ, aliam pro numeris punctorum, & tertiam pro vmbis punctorum inscribendis. Itidē fac


cum

cum linea, n, k, quadrati occidentalis, producendo tres æquidistantes. Nō aliter procede cū linea, i, l, k. Exteriores verò lineas quadratorū partire secundū numerum punctorum vmbre, isto modo: Lineā, m, i, in duodecim æquales partes seca, et, i, l, in duodecim, et n, k, in duodecim, & k, l, in duodecim, & tūc pone regulam super centrū, e, ex vna parte, & ex alia super singulas diuisiones iam factas, & protrahe lineolas à prædictis diuisionibus, vsque ad secundam lineam interiorem, et semper à tertia diuisione, duc lineolam vsque ad tertiam lineam interiorem versus, e, centrum. quibus factis, inscribe numeros de 3. in 3. in spatio secūdo omniū linearum prædictarum. In primo igitur spatiolo circa, m, scribe tria, in secundo sex, in tertio nouē, & in quarto circa, i, duodecim. Simili forma inscribendo procede ab, n, in, k, & ab, l, in, i, & ab, l, in, k. Demum in tertio lineari interuallo, ab, m, in, i, exarabis: Vmbra versa vel latus vmbre versæ. Consimiliter ab, n, in, k, ab, i, verò in, l, vmbra recta, vel latus vmbre rectæ, & l, in, k, vmbra recta. Obseruandum tamē, cum quodlibet punctum scalæ contineat sexaginta minuta, si fuerit scala magna, potest subdiuidi in duas partes, & quælibet continebit triginta minuta: aut in tres, et vnaquæque viginti minuta possidebit: aut in quatuor, & vnaquæque quindecim minuta vendicabit. Vel aliquo alio modo cōsimili secundum

DE FABRICA

capacitatē instrumenti. Quòd si huiuscemodi minu-
torum inscriptio te forsan delectat, præpara primò
spatium, in quo signetur diuisionum minorū: secūdo a-
liud, in quo pūcta signentur: tertio aliud pro numeris
pūctorum: & quartum pro vmbreis inscribendis.

HAEC DE FABRICA SCALA-
rum altimetrarum, adiecto schemate opti-
mè descripto, dixisse sufficiat.



HORARIVM AEQUALI-

Propos. 17.

bus & inæqualibus horis vtile ar-
tificiose constitutare.

SUPEREST vt manifestemus, quo pacto in
superiori parte dorsi Astrolabij procreetur non
nulli arcus, tum æqualibus, tum inæqualibus horis
accommodandi. Quartam igitur circumferentiæ vl-
timi circuli (super, e, centro orbis signorum descri-
pti) interceptam inter, b, punctum occidentis, & a,
meridiei, in senas partes æquas distribue: & hoc fa-
cillimè absolues per gradus altitudinis eiusdē quar-
tæ, b, a, locando regulam super centrum, e, & super
15. gradum altitudinis, imprimendo notam in quar-
ta prememoratæ circumferentiæ. Post super 30, 45,
60, 75, in quarta ascendendo, et ad regulæ tactū no-
tas pingēdo in quarta circūferentiæ. Deinde diame-
trum, a, c, vltra, a, prolongabis, in qua cētra omnium
arcuum horarum inæqualium inscribendorum in-
uenies, ita pede vno circini in diametro, a, c, stante,
applica pedem reliquum mobilem (circino aut com-
presso vel extenso) vt per centrum, e, orbis signorū,
& per primam notam circumferentiæ quartæ cir-
culi circa, b, punctum occidentis, in vnguem tran-
seat: & describe arcum ab, e, centro, in eandem
notam, qui fini horæ primæ, inæquali ante, & vn-
decimæ pomeridianæ accommodabitur. Consimi-

DE FABRICA

liter agendum est de aliis notis omnibus ipsius memorata circumferentia, & conficies 6. arcus horarios, sex horis inæqualibus, quæ sunt ab exortu solis vsque in meridiem, aptandos: & per eandem viam redeundo, alijs sex horis vsque ad solis occiduum emergentibus, ita, vt iam diximus, arcus primus fini horæ primæ antemeridianæ, & vndecimæ pomeridianæ dedicabitur: secundus verò arcus horis secundæ & decimæ, tertius tertiæ & nonæ, quartus quartæ & octauæ, quintus quintæ & septimæ, sextus tandem horæ meridianæ & sextæ alligabitur.

Absolutis arcubus horarum inæqualium, restat vt his inseramus arcus horarum equaliū: tali propemodum ingenio. Primitus fabricetur Zodiacus eleuationibus meridianis pro initijs & decanis 12. signorum seruiens, taliter: semidiametro occidentali, b, e, ab extra iūge duas lineas æquidistantes: vnā pro principiis & decanis, id est, 10. gradibus signorum, & aliam pro nominibus aut signorum characteribus inscribendis. Postea ex tabella prima eleuationum signorum &c. inferius exposita folio 54. accipe eleuationē meridianam initij Cancrī, pro tua habitatione, scilicet 46. gradus, & 50. minuta: eandem eleuationem numera in quarta altitudinis occidentali à, b, versus, a & fini numerationis ac centro, e, adijce regulam, & vbi secuerit arcum horæ sextæ inæqualis, fac punctum qui sit, o, & immitte pedem

pedem vnum circini in centrū, e, & reliquum ex-
pende in punctum, o, & ab eo duc arcum vsque in
semidiametrum, b, e, et vltra in lineam vltimam æ-
quidistantem, qui eleuationi meridianæ pro princi-
pio Cæcri, aut solari, cū sol motu proprio id adierit,
aptabitur. Deinde ex eadem tabella sume eleuatio-
nem meridianā principij Arietis aut Libræ, scili-
cet 41. gradus, et 20. minuta, quam vt iam disserui-
mus, supputa in quarta altitudinis: et termino, et, e,
cētro apposita regula, fac iterū punctū in arcu horæ
sextæ, qui sit, p, et officio circini produc arcū ab eo-
dem pūcto vsque in vltimā lineā æquidistantē post
semidiametrū, b, e, hic arcus eleuationibus initiorū
Arietis et Libræ accommodabitur. Nō aliter operare
pro arcu Capricorni inscribēdo, per suā eleuationem
scilicet 17 gradus, et 50 minuta, ad eius initium ex
tabella sumptam, et sit punctus horæ sextæ adie-
ctus, q. Consimili forma officio tabellæ arcus pro
principijs et decanis reliquorum signorum inscri-
bes: præterquam quod arcus pro initio duntaxat du-
cendi sunt à semidiametro, b, e, vsque ad vltimā li-
neam æquidistantem, pro decanis autem vsque ad
secundam tantum. Hæc de fabrica Zodiaci.

Arcus autem horarum æqualium hac lege im-
pones. Prænotandum tamen, arcum horæ sextæ in-
æqualis, generaliter horæ 12. æquali alligari: pro re-
liquis verò arcubus tabellam secundam, folio 55.

DE FABRICA

subiunctam ingredi, & primum cum hora 1. post, aut 12. antemeridiana: & eleuationem ad Cancrī principium ibidem repertam, scilicet 52. gradus, & 19. minuta, cōputa, à b, versus, a, & termino ac centro, e, iunge regulam: & fac notam subtilem in arcu Cancrī ad sectionem regulæ. Consimiliter operare pro reliquis horis: per eleuationes Cancrī secundum tabulæ expressionem: continuo signando notas in arcu Cancrī.

Deinde in tabella descende ad eleuationes Capricorni (& ipsis vt iam docuimus), a, b, in, a, numeratis, fac notas in arcu Capricorni.

Quibus expeditis, cum circino quære centrum respondens notis horæ primæ in arcubus Cancrī & Capricorni, & intersectioni arcus Arietis cum arcu horæ quintæ aut septimæ inequalis: & duc arcualem lineam ab arcu Cancrī per Arietem, vsque in arcum Capricorni, seruientem horæ primæ & quali pomeridiane: aut vndecimæ antemeridiane. Consimili forma inuestiga centrum respondens notis horæ secundæ, & intersectioni arcus Arietis cum lineæ horæ quartæ aut octauæ inequalis: & produc arcum horæ secundæ post, & decimæ ante meridiem adscribendum. Non aliter operando procede pro arcubus tertiæ & quartæ horarum.

Arcus verò horæ quintæ finit se penè in Zodiaco ad quintum gradum Scorpij, pro cuius inscriptione

ptione arcum pro initio Scorpj aut Piscium protra-
ctum prolonga aliquantulum (occultè tamen) ver-
sus sinistram & per tabellam secundam, quam iti-
dem folio 53. positam offendes: sume eleuationem
Scorpj, pro quinta hora scilicet vnum gradum, &
decē ferè minuta: quam numera vt supra, a, b, in, a,
& fac notam in arcu occulto pro hora quinta: quæ-
re igitur centrum conueniens huic notæ, & notæ
horæ quintæ in arcu Cancrj, & interseccioni arcus
Arietis cum linea horæ primæ vel vndecimæ inæ-
qualis, & procrea arcum pro hora quinta æquali
pomeridiana, aut septima antemeridiana.


Arcus præterea horæ sextæ terminat se in arcu
principij Arietis aut Libræ ad contactum eiusdem
cum semidiametro, b, e, pro cuius impositione pro-
longabis principium arcus Virginis aut Tauri, se-
cundum modum iam iam expositum: & ex tabella
recipe eleuationem Virginis pro eadem hora, scili-
cet 8, gradus, & 15, quasi minuta: quam computa
vt supra: & pinge notam in arcu prolongato, & pro
eadem notæ, & ea quæ in arcu Cancrj pro 6. hora
impressa est, & contactu principij Arietis, cum se-
midiametro, b, e, inuestiga centrum: & duc arcum
horæ sextæ æquali ante & post meridiem aptan-
dum. Postremò arcus horæ septimæ ad 25. gra-
dū penè Leonis finitur, pro cuius inscriptione pro-
longa arcum principij Leonis: & ex tabella cape

DE FABRICA

elevationem Leonis memoratæ horæ scilicet 5. gradus, et 25. minuta, quam supputa ut antea: et impri-
me notam horæ septimæ Cancrī vsque in 25. gra-
dum Leonis, duc arculum horæ septimæ equali
post, et quintæ ante meridiem applicandum.

Arcubus absolutis numeros horarum ipsis, ut
prædiximus, adscribito: et videbis horarium æ-
qualibus et inæqualibus horis aptissimum, quod
fuit dudum optatum.

ECCE SEQUENTEM FI-
guram, propositionis huius de-
cimæseptimæ cum suis tabellis,
mox post decimam octauā pro-
positionem proximam, positis.



PER HORARIVM DORSO

Proposi. 18.

Astrolabij inscriptum, horas æqua-
les & inæquales dicto citius
cognoscere.

NE igitur quidpiam instrumenti huius horarij
omittamus, neve pars aliqua nostri Astrola-
bij usu & utilitate priuetur, utq; propositionē, quæ

DE FABRICA

sexagesimasexta ac vltima editionis primæ, huius operis extitit, suum in locum ordinemque redigamus, libuit paucula adhuc quædam de instrumento horario in dorso astrolabij supra scalam altimetram fabricato, & eius commoditate, subiungere. Nec id ab re nobis factum quispiam suspicetur: quandoquidem de tempore eiusdemque partibus, præcipue horariis (quod equidem longè vtilissimum arbitramur) breuiter determinare decreuimus. Tēpus enim quod horis & momētis fugit labiturque, omnium ferè subcœlestium rerum mensura est, teste sapientissimo Salomone, cum inquit: Omnia tempus habent, & suis spatiis transeunt vniuersa sub cœlo. Et idem: Omni in negotio tempus est & oportunitas. Et poëta:

Tempora labuntur, tacitisque senescimus annis:

Et fugiunt freno non remorante dies.

Hora æqui-
noctialis si-
ue æqualis.
Hora tempo-
poralis.

De obseruatione igitur temporis, quantum ad eius fractiones horarias, aduertendum est, horam esse duplicem, æquinoctialem scilicet & temporalem. Hora æquinoctialis, quæ & æqualis dicitur, est vigesimaquarta pars diei naturalis, scilicet tempus in quo de æquinoctiali quindecim gradus peroriuntur. Hora temporalis, quæ inæqualis nūcupatur, est vndecima pars diei artificialis, similiter & noctis: de his satis in propositione sexta huius disputauimus, quare lectorem ad eandem remittimus. Præterea obseruan-

obseruandum, quod in nostro instrumento horario
 duplices sunt arcus horarum, quidam cifris annota-
 ti, qui horis æqualibus & vsitatis accommodantur:
 quidam verò numero literarum designati, horis in-
 æqualibus aut temporalibus seruientes, & vtrisque
 adiiciuntur numeri horarum, prout facile patet in-
 tuenti. *Vsus huius est talis: Per septimam huius,* *Vsus hora-
rij in dorso.
Astrolabij
descripti.*
 & per paragraphum tertium aut quartum, accipe
 ad diem oblatum altitudinem solis meridianam in
 gradibus & minutis, quam supputa in quarta alti-
 tudinis dorsi Astrolabij, & fini eius iunge lineam
 fiduciæ ipsius alhidada, qua immobiliter stante, vi-
 de in qua parte linea fiduciæ tangat aut absecet ar-
 cum horæ duodecimæ, & illis fac notam cum cera
 aut atramento, aut cum cursore, si alhidada eundem
 haberet: quam etiam in biduo vel triduo nō varia-
 bis: Sole igitur radiante, suspende astrolabium, &
 paulatim subleua aut deprime alhidadam soli ob-
 iectam, donec videris eius radiū per foramina pin-
 nularum incidere: & cum hoc videris, nota lineæ
 fiduciæ iam supra inscripta, in arcubus cifris inscri-
 ptis, horam æqualem: & numero literarum depi-
 ctis, inæqualem tibi in promptu indicabit. Hæc
 igitur breuis & utilis de horarum inuentione in-
 stitutio sufficiat.

DE FABRICA
TABELLA PRIMA ELEVATIONUM
meridianarum ad principia & decanos signorum, pro polo arctico
quadraginta octo graduum,
quadraginta minorum.

Sig.	Gra.	G.	M.		Sig.	Gra.	G.	M.
♈	0	64	50		♈	0	17	50
♈	10	64	27		♈	10	18	13
♈	20	63	20		♈	20	19	22
♉	0	61	32		♉	0	21	8
♉	10	9	7		♉	10	23	33
♉	20	56	11		♉	20	26	29
♊	0	52	50		♊	0	29	50
♊	10	9	10		♊	10	33	30
♊	20	45	18		♊	20	37	22
♋	0	41	20		♋	0	41	20
♋	10	37	22		♋	10	45	18
♋	20	33	30		♋	20	49	10
♌	0	29	50		♌	0	52	50
♌	10	26	29		♌	10	56	11
♌	20	23	33		♌	20	59	7
♍	0	21	8		♍	0	61	32
♍	10	19	20		♍	10	63	20
♍	20	18	13		♍	20	64	27

TABELLA SECUNDA ELEVA-
tionum ad principia signorum Cancrī & Ca-
pricorni, præcipuè pro diversis horis
diei artificialis.

Hore pomeridianæ	I	2	3	4	5	6	7
Hore antemeridianæ	II	10	9	8	7	6	5
Cancer	62 m̃	19 m̃	55 g̃	34 m̃	46 g̃	43 m̃	37 g̃
Gemini							
Taurus							
Aries							
Pisces							
Sagittarius							
Capricornus	16 m̃	55 g̃	13 m̃	18 g̃	7 m̃	39 g̃	23 m̃

ALHIDADAM, HOC EST

regulam dorsum Astrolabij percurrentem breuiter construere.

FABREFAC tabulam, cuius latitudo duos ferè digitos, longitudo quantitatem instrumenti contineat: per medium huius secundum longitudinem, dirige lineam rectissimam, quæ sit, b, d, quam per medium sectam puncto, e, centrali obsignabis. Vocabitur autem linea, b, e, d, linea Fiducia: nam ei in capiendis altitudinibus ac aliis rebus astrologicis & geometricis exercendis fidem habemus. Deinde super medio Alhidadæ puncto scilicet, e, & secundum eius latitudinem describe circulum paruum, quo factò, subtiliter abscinde Alhidadæ partem vnā, vsque ad lineam mediā, b, e, & circulum paruum: & ex alia parte lineæ mediæ, d, e, abscindas partem oppositam, ita tamen, quòd linea media aut fiducia scilicet, b, e, d, & circulus paruus maneant integri & illæsi.

Præterea fabrica duas tabellas, quas pinnas aut pinnulas vocitamus, omnino æquales in longitudine & latitudine, ita quòd longitudo earum adæquetur circulo paruo ex centro Alhidadæ descripto, & protractis lineis in medio ipsarum, in qualibet fac duo foramina æqualiter à radice tabellarum distantia, duo quidem maiora, & duo minora: mi-

nora

nora pro radiis solaribus interdum accipiendis: Ma-
iora verò pro stellis vagis & firmis noctu obseruan-
dis. Has tabellas iunge aut innecte Alhidada for-
titer, ita quòd centro ipsius æquidistantes in extre-
mitatibus Alhidada ferè ponantur, & quòd li-
nea tabellarum per media foraminum transeuntes,
cadant perpendiculariter & rectissimè super lineam
mediam ipsius Alhidada, vt præsentì figura faciliè
edoceri poteris.





CLAVVM AVT AXEM, ARA-Proposi. 10.
bicè Alchitot, & tabellam cuneatam,
Alpheratz dictam, faciliè
componere.

VT ALHIDADAM, tabulas regionum
si quas fabrefeceris, Rete & ostensorem faciei
cum corpore matris astrolabij in medio perforato
constringere queas, fac clauum teretem, decenter
compositum, habentem capitellum & foramen, què
Arabes Alchitot, Romani clauum, Axem aut ve-
tèrem rotundum nominant: componesque tabellam

DE FABRICA

in modum cunei, aut equi, siue cuiusvis alterius figure, quam Arabes *Alpheratz*, id est, equum aut caballum vocant: quia antiquitus ex consuetudine in modum equi figurabatur. Sit autem hæc tabella taliter formata, quod clauus foramen subintrare possit. Quibus ritè compositis perforentur omnia centra (si antea non fuerint perforata) subtiliter & æqualiter, scilicet *Alhidada*, matris tabularum regionū, *Retis* & *ostensoris faciei*: & imponantur tabulæ regionum in concauitatem matris, ita ut tabula regionis sit suprema, super quam *Rete* & *ostensor faciei* ponantur, *Alhidada* autem dorso iungatur. Tunc immitte clauum iam suprà compositum, ita quod transeat per omnia centra, & quod capitellum ipsius sit in dorso, & foramen sit compressse super ostensorem faciei, per quod intret tabula parua cuneata, quæ omnia suprà memorata teneat & constringat, ne facile à suis sedibus decendant.

ECCE FIGURÆ.



DE SVSPENSORIO ASTROLABII paucula quædam differere. Proposit. 22.

PRÆDICTIS omnibus faustè completis, tandem suspensorium, hoc est, instrumentū per quod astrolabium pro vsu ipsius suspenditur fabricabis. Si ergo in ea re vetustos astronomos instrumentorum artifices egregios imitari volueris, fabricato primū armillam (vt verbis eorū vtar) ad similitudinem anuli aut circuli valde perfectā & rotundā, quæ armilla suspensoria, Arabicè *Alanthica* vel *Alphantia* aut *Abalhantica* nuncupatur. Armilla suspensoria. Secūdo fac armillā in similitudinē ansæ, quā reflexā aut recuruam vocāt, Arabicè *Alhabos*. Cōponitur autē ex ferro aut aurichalco rotundo aut terete, superius habente curuaturā ad modum circuli, à qua emergit virgula quasi recta in base habente foramen aut capitellum. Tertiò fabrica armillam fixam ex lamina, habentem in medio foramen valde rotundum. Primam igitur armillam incatenabis secundæ reflexæ, & secundā tertiæ cū clauo aut capitello ita, quòd in foramine fixæ facillimè moueatur: postremò armillā fixam affigas tabulæ astrolabij cū clauiculis, in parte superiori circa literam, a, diametri, a, c, quæ linea meridiei appellatur. Potes autem modo faciliore pro acumine ingenij tui suspensoriū aliter construere: sed quia hæc omnia visu potius

DE FABRICA ASTROLABII.

quàm verborum pluralitate deprehendi possunt,
breuitate persuasus, transeo.

SUSPENSORIO fa-
brefacto & affixo, su-
spēde astrolabium ita, quod
libere pendeat, & perpen-
dicularitatem lineæ meri-
dianæ & mediæ noctis, hoc
est diametri, a, c, ipsius dor-
si, Dædalico instrumento, quod perpendiculum vo-
citamus, diligentissimè examina hoc pacto: Astro-
labio libere pendente, dictæ lineæ meridianæ circa
a, partem superiorem apponito filum valde subtile:
& eius parti inferiori alliga nodum aut globulum
competentis grauitatis: si igitur filum dependens ce-
ciderit secundum rectitudinem memoratæ lineæ
meridianæ, suspensorium iustè est affixum, & pon-
dus astrolabij est æquale: bene igitur res se habet. Si
verò filum à lineæ meridianæ deuiare videris, corri-
ge deuiationem, suspensorium huc vel illuc mouen-
do, variando aut inclinando, vsque adeo quòd lineæ
meridiana perpendiculi filo in vnguem subdatur
vniaturque.



HIS ITAQUE PERFECTIS
lætaberis profectò, lector candide totam fa-
bricam instrumenti foelici sydere esse com-
pletam. Vale.



SECUNDA

PARS PRINCIPALIS

Traſtatus de Aſtrolabio diuerſorū terminorum interpretationes, definitiones & declarationes, necnon uſus multiplices Aſtrolabij lucidiſſimè explanat.

VOCABVLA AſTROLABICI

negotij propriè, dilucidè & breuiter enunciare.

*Propoſitie
prima.*



OMMVNIS eſt ferè omnium Philoſophorum, præcipuè tamen Peripateticorū ſententia, quid nominis in omni ſcientia præſupponi. Nominis enim interpretatio necnon dif-

*Posterior. i.
Elenco. 2*

finitio (vt diuo placuit Hieronymo) diligenter eſt aduertenda, qua ſpreta facile decipimur ac deludimur: adſtipulante Tullio primo offi. cū inquit: Omnis quæ à ratione ſuſcipitur de aliqua re inſtitu-

H ij

tio, debet à definitione proficisci, vt intelligatur quid sit id de quo disputetur. Terminos igitur quibus vtemur (paucis præambulis accommodatis) intellexisse consilium est.

Licet ad stellarum cœlo hærentium obseruationes secundum diuersas ad Solem & Lunam reliquasque stellas erraticas, item secundum varias ad Horizontem & inter se, habitudines vtile, Ptolemæus Alexandrinus procudi docuerit in octauo magnæ constructionis mathematicæ libro instrumentum, Sphæra solida, aut Astrolabium sphericum appellatum, Astrologicæ scientiæ profecto organum excellentius & præ cæteris nobilius, tum quia instar firmamenti est compositum, tum quia syderibus, id est cœlestibus imaginibus & stellis firmis accommodatius: quia tamen propter eius magnitudinem, & ob magnam impensam ad id conficiendum, non datur facilè copia ipsius, idcirco ne studiosi syderalis scientiæ suo omnino priuarentur vsu, loco ipsius astrolabium aut planisphærium accipere persuasi sunt quàm commodissimè. Id enim inter cætera antiquorum astronomica artificia propter subtilitatem constructionis, vtilitatum multitudinem, & vsus facilitatem peritorum iudicio hand iniuriâ pluribus nobilitate antefertur. Nos verò qui eius fabricam quàm apertissimè fieri potuit tradidimus, in præsentiarum ad terminorum (vt præmi-

simus

simus) expositiones, & post hac ad vtilitates felicibus astris properabimus.

Astrolabium igitur, instrumentum planum est, Definitio
Astrolabij. figure circularis, multiplicibus circulis & lineis descriptum, vtile ad Astronomiæ & Geometriæ operationes multifarias. De quo Messahalla in exordio tractatus de astrolabio sic inquit: Scito quod astrolabium est nomen Græcum, cuius interpretatio est acceptio stellarum: eo quod accipiat ex eo veritas earum rerum, quarum scientia quæritur ex locis stellarum. hæc ille. Sed Hali haben rodan, aliam nobis astrolabij inducit interpretationē: scribens enim in capitulum secundum tertij tractatus quadripartiti Ptolemæi Phæludiani, ita dicit: Prima res, in qua debemus considerare, est gradus ascēdentis, hora exitus creature. Iam dicit & hīc aperte, quia principium ipsius veridicum est in homine, & in eo in quo debemus confidere: & propterea dixit: & potest scire horam exitus creature pro certo, quia aspicit per astrolabium: & hoc est instrumentum cognitum, & dicitur, quod primus eius inuentor fuerit Abraham, & dicitur, quod fuerit inuentum tempore Regis Salomonis filij Dauid, vel Inuentio
Astrolabij. ante eum. Et dicitur, quod quidam qui vocabatur Lab, inuenit ipsum, & astor vel astro vult dicere lineæ, vnde vocatum est Astrolabium, id est lineæ Lab. hæc ille & plura alia vtilia.

Alij interpretatur Astrolabiū, à nomine Græco ἀστρολβιον, id est, σύνημα τῶν ἀστέρων, congregatio stellarum, siue signum stellis coactum, & λαβή, quod est ansa, capulus, siue manubrium, quasi dicas, siderum ansa. Est enim instrumentum ansam habens, per quam suspensum, astrorum motus & plura notatu dignissima colligimus.

VValzagora.

Hoc præterea instrumentum Hermannus Cōtractus vocat VValzagoram. Inquit enim libro secundo: Quicumque astronomica, peritiā disciplinæ, & cœlestium sphaerarum, geometricaliūque mensurarum, altiorēque scientiam diligenti veritatis inquisitione altius rimari conatur, & certissimas horologiorum quorumlibet climatum rationes, & quælibet ad hæc pertinētia industrius discriminare nititur, hanc VValzagoram, id est planam sphaeram Ptolemæi, siue à Astrolapsū solerti indagatione perquirat & discat, & perquisitam tenaci memoriæ firmiter cōmendet, &c. VValzagora igitur Arabicè sonat plana sphaera, vel plani sphaerium, aut astrolapsus Latine.

Astrolaps⁹.

Ptolemæus appellat astrolabium planam sphaeram aut plani sphaerium, ex eo, quod sit quasi sphaera extensa in plano. Astrolapsus quasi astrorum occasus vel lapsus. Per astrolabium enim non solū ortum signorum & stellarum dignoscimus, verum-

etiam

etiam occasum. Simile apud Ovidiū primo fastorū.

Tempora cum caufis Latium digesta per annum,
Lapsāque sub terras, ortāque signa canam.

Descripto astrolabio, vt perfectiūs & absolu-
tiūs eius habeatur operatio, nomina partium eius-
dem (sunt quidem plures) secundum ordinem de-
scribemus.

Prima igitur pars dicitur armilla suspensoria, Armilla su-
spensoria.
& est illud instrumentum, per quod astrolabium su-
spenditur, ad capiendum altitudinem Solis de die,
vel stellarum de nocte, & dicitur Arabicè Alan-
thica vel Alphantia, aut Abalhantica. Secunda
pars vocatur Arabicè Alhabos, id est ansa, vel cla-
uus, qui coniungit Armillam cum astrolabio. Volūt
quidam, quod sit foramen concavum factum in ali-
quibus astrolabiis, in quo armilla mouetur: de his su-
prà propositione vigesima prima abundè diximus.

Superficies plana in qua est mater, à veteribus an- Facies An-
tica. Postica
Dorsum,
Limbus.
tica, à nostris facies nominatur: alia verò postica
& dorsum, in extremitate faciei per circuitum est
limbus. In aliquibus instrumentis eleuatus, in ali-
quibus non, Arabicè Alnogiza dictus. Sicut e-
nim (vt quidam putant) limbum esse fasciam, quæ
ambit partem vestis extremam: sic limbum nostri
instrumenti reliquas partes circumdare ambigit ne-
mo. Hic in 360, partes adiunctis numeris diuidi-
tur. Inferiores numeri gradibus Aequinoctialis,

superiores horis æqualibus alligantur: quare hæ partes ad numeros Aequatoris relatæ, gradus, quorum quiuis 60, minuta complectitur, appellantur: ad superiores verò relatæ 15, partes vnā horam, & pars vna quatuor minuta temporis representant. Vnde liquidū est, memoratas partes duplicia habere officia. Plures vocant limbum Margilabrum, quasi labrum marginis.

Mater.

Intra limbum continetur mater, quæ plerunque concauata est, vt plures regionum tabulas capere possit. Nam quemadmodum naturalis mater pluralitate liberorum gaudet: ita mater nostri instrumenti multitudine tabellarum. Loquor de astrolabio ad plures regiones constructo.

Tabulæ regionum.

Tabulæ regionum à recentioribus astronomis Tympana nūcupantur. Vocantur autem tabulæ regionum, quia ad diuersas regiones, climata & poli arctici varias eleuationes sunt cōpositæ. Pro locorū enim & climatum variatione dies & noctes, ascensiones & descensiones, ortus & occasus signorum & stellarum, & alia plura variantur: de qua varietate certa ratio dabitur suo loco. Dicuntur & tabulæ regionum Tympana, ob similitudinem quā habent cum superiori parte plana Tympani. Tympanum quippe instrumentum est ex vna parte valde planum, membrana clausum, intus vacuum.

Tympana.

In tabulis regionū, aut in superficie plana matris, si in-

si instrumentum tabulis caret, sunt primitus tres cir- Tres circuli
 culi super centris earundem descripti: quorum mi-
 nimus dicitur circulus Cæcri vel tropicus æstiuus,
 Græcè *Σειρὸς ῥεομνὸς*, ideo quòd cùm sol motu suo
 ad eum peruenerit, æstatem efficit eis qui in *Aqui-*
lonis finibus sunt, hyemem autem eis quos *Austri*
flatibus oppositos dicimus: præterea quod vltra eum
 circulum Sol non transit, sed statim reuertitur, tro-
 picus est appellatus. Medius, *Æquinoctialis* si-
 ue circulus *Arietis* aut *Libre* à Græcis *ἰσημερινὸς*
 nominatus: ideo quòd Sol cùm ad eum orbē perue-
 nerit, æquinoctiū conficit: ibi enim pari cōpensatio-
 ne lucis noctisque spatia dimetiuntur. Maior verò
 circulus *Capricorni* aut tropicus hyemalis siue bru-
 malis, Græcè *Χιμερίνος Τropicὸς* vocatur: ideo
 quòd sol cùm ad eū circulū peruenit, hyemē efficit
 his qui ad *Aquilonem* spectāt: æstatem autem his
 qui in *Austri* partibus domicilia constituerunt.

Deinde sequuntur duæ linæ rectæ interfecantes
 se in cetro tabulæ aut matris ad angulos rectos: Diametri.
 de diametri instrumenti sunt appellatæ. Quarū pri-
 ma descendit ab armilla per centrum ad oppositam
 partem, et dicitur linea mediæ cœli, ita quod pars e-
 ius superior quæ est supra horizontem, vocatur li-
 nea mediæ diei: Arabicè *Ten vaxalzene*, eo quòd
 sol ascendendo, ipsa contacta, meridiem efficit: &
 descendēdo ad occasum vergere incipiat. Alia ve-

rò pars, scilicet inferior, quæ sub horizonte in septentrionem protēditur, dicitur angulus terræ, aut linea mediæ noctis, Arabicè Cathalze Vvi, quā cū Sol post occiduum adierit, mediam efficit noctem.

Secunda autem linea quæ interfecat lineā mediæ cœli orthogonaliter, est horizō aut finitor rectus: et est illorū qui habitāt sub æquinoctiali: et hæc ducitur à sinistra, id est ab oriēte in dextrā, hoc est in occiduum: cuius pars sinistra, ab Arabibus *Almastech*, id est orientalis, ab ortu syderum & diei appellatur. Dextra autem pars *Almagrip*, id est occidentalis, ab occasu syderum et diei nominatur. Hæc linea horizontis recti causatur per primos radios exoriētis Solis aut gnomonis vmbra, dum idem primū punctum Arietis aut Libræ adierit. Postea sequuntur *Almicatarath*, id est, circuli aut arcus progressionū, aut altitudinū & depressionū Solis, planetarū et stellarū: et sunt descripti in hemisphærio seu in medietate superiori versus armillā cōputando. Quorū quidā sunt perfecti, quidā imperfecti: et primus horum dicitur *Horizon*, finitor aut finies obliquus, hoc est terminator visus in sphaera obliqua: quia ipse diuidit & determinat hemisphærium superius ab hemisphærio inferiori, & quicquid est sub illo circulo, est sub Horizonte nobis occultatum: quicquid autē est supra, nobis apparet. Hi etiam circuli ob frequentem circuitiōnem & crebram retrorsionem, nunc

extra-

Almicatarath.

Finitor, finiens.

extractiores, nunc contractiones certa & necessaria exaratione, ad similitudinem penè coronæ inscripti, corona appellantur: in qua magna huius instrumenti consistit efficacia. Nec id est silentio prætereundum, centrum vltimi almicantarath esse Zenith regionis climatis, aut oppidi, ad quod tabula aut matris superficies descripta est: vnde non ab re polus horisontis dicitur. Zenith autem regionis, climatis aut oppidi punctus est in cœlo directè huic suprapositus. Latine punctus verticalis.

Post Almicantarath accedunt Azimuth: & sunt circuli imperfecti, quos Latini vocant circulos verticales, eo quod per punctum verticalem, id est Zenith, omnes transeant, & distinguunt horisontem in 360. partes, quos plures circulos rectitudinum nominant: ex eo quod per eos rectè scimus in qua parte mundi stella oriatur atque occidat.

Sub Horisonte obliquo in inferiori parte astrolabij, sunt inscripti decem arcus horarum inæqualium: qui à tropico per æquatorē tendunt in aliū tropicum. Hos Arabes Nototalgab, id est, breues horarum lineas, vocant: qui linea mediæ noctis, & horisonte obliquo coassumptis, duodecim horas constituunt, et impressis numeris singulæ denotantur: quarum dextra lineatio interdiu antemeridianis horis, sinistra pomeridianis accommodatur: noctu dextra horis ante conticinium, sinistra post conticinium alligatur.

Almicantarath dicuntur Coronæ.

Azimuth.

Arcus horarum inæqualium.

Lineæ crepusculinæ.

Inter arcus horarios aliqua astrolabia habent duas lineas crepusculinas descriptas, per quas initium diei & noctis secundum vulgus accipitur.

Arcus domorum.

Præterea incerti sunt alij quatuor arcus vergentes ab una parte circuli Capricorni, per intersectionem horizontis obliqui & lineæ mediæ cœli, in aliam partem eiusdem circuli Capricorni: qui una cum horizonte & lineâ mediæ cœli, duodecim cœlestia domicilia constituunt, & mira quadam facilitate distinguunt: & vocantur cuspides aut lineæ initiales 12. domorum, de quibus posthac abundè dicemus. Supremo denique circulo limbi superaddimus peripheriam 12. ventorum, ut à qua cœli plaga quivis spiraret, sit cognitu facillimum.

Circuli ventorum.

De circulis, arcubus, & lineis tabularum regionum, aut matris. Astrolabij quid sibi velint hætenus dictum. His igitur incubat Rete, Aranea siue Voluellum, Arabicè Alhancabuth, instrumentum quidem particulare Astrolabij mira quadam fabrica constructum, insculptum & terebratum: iccirco dictum Rete siue Aranea, ob similitudinem quam habet cum Reti aut tela Aranei. Voluellum quia manuali versatione ad demonstrandâ cœlestis sphaeræ volubilitatem & administrationem horarum æqualium & inæqualium, & aliarum rerum Astrologicarum propemodum innumerarum voluitur. Et sunt in ipso quatuor circuli, Circulus Cancræ,

Rete.
Aranea.
Voluellum.
Alhancabuth

Canceri, Capricorni, AEquinoctialis, & Zodiaci.

De tribus primis supra abunde diximus: de Zodiaco hæc pauca notabimus. Arabicè hic circulus appellatur *Mirach*. Græcè *Σημαιοφόρος* aut Zodiacus, Latine *signifer*, circulus obliquus vel inflexus.

zodiacus.
Mirach.
Simiopho-
ros.
Signifer.
Circulus
obliquus.

Est enim *signifer* (vt *Cleomedes* inquit) circulus obliquus per tropicos & æquinoctialem proiectus, qui vtrunque tropicum in puncto cõtingit, sed æquinoctialem diuiduo secat. *Mirach* enim Arabico sermone circulus signorum dicitur: *σημαιοφόρος* Græcè, Latine *signifer* Zodiacus, circulus vitæ, vel animalium, *signifer*, quia fert signa. Obliquus aut inflexus circulus, quia cum horizonte nũquam angulum rectum constituit, nec regulariter ascendit vt æquinoctialis, & à polis mundi non æquè distat. Hic in duodecim partes quas signa vocamus distribuitur: quorum nominatio & ordinatio sunt, *Aries*, *Taurus*, *Gemini*, *Cancer*, *Leo*, *Virgo*, *Libra*, *Scorpius*, *Sagittarius*, *Capricornus*, *Aquarius*, *Pisces*. Quodlibet signum trigenos gradus complectitur, vnde liquet totum Zodiacum 360 gradus possidere. Quinque gradus (vt rem vulgatam percurramus) in 60 minuta distribuitur.

Huius *signiferi* extremitas conuexa, aut circulus supremus, via Solis aut linea eclyptica appellatur. Sol enim motu suo annuo peripheriam, id est lineam circularem describens, sub qua semper mo-

Via solis.
Linea ecly-
ptica.

Signa septē
trionalia &
meridiona-
lia.

uetur & reuoluitur, ab ea nusquam deflectens sola-
re iter instituit atque nominauit. Hæc præterea pe-
ripheria, linea eclyptica dicitur, propter deliquia So-
lis & Lunæ, quæ nonnunquam in eorum conuentio-
ne aut diametrali oppositione sub eadē aut eius vi-
cinia accidunt. Signa sex, scilicet Aries, Taurus,
Gemini, Cancer, Leo, Virgo, quia intra AEquino-
ctialem circulum & centrum astrolabij continen-
tur, septentrionalia aut Borealia nuncupantur.

Vergunt enim ab æquinoctiali versus septen-
trionem. Reliqua sex quia sunt extra æquatorem,
versus circulum Capricorni, meridiana aut Au-
strina dicuntur: declinant enim ab æquatore versus
meridiem. Sunt etiam in reti passim acuti denti-
culi, qui certis in locis collocati, stellas annotant fi-
xas. Alia omnia quæ in eodem ponuntur, facta sunt
aut ad decorem, aut pro tenaculo fixarum stellarum
ibi positarum. Demum accidit regula percurrentes
faciem totius instrumenti, hanc Arabes Almuri
aut Almeri nominant: Latini Calculatorem, Osten-
sorem, aut Indicem. Ostendit enim & supputat ho-
ras, gradus æquinoctialis & Zodiaci, & alia com-
plura, quæ eius subduntur officio.

Regula.

Almuri.
Calulator.
Ostenfor.
Index.

IAM verò antica aut facie astrolabij descripta,
ad posticam aut dorsum vertatur stylus, super cu-
ius centro in exteriori tabulæ labro 5. circuli, qua-
tuor

tuor continentes interualla aut spatia sunt descripti.

Hi per duas diametrales lineas in quatuor quartas partiuntur: quarum ea quæ ab armilla per centrum

astrolabij in partem oppositâ vergit, linea meridiei & mediæ noctis aut septentrionis appellatur: quam plures ex eo, quòd cum horis superfcie omni-

Linea meri-
diei & me-
diæ noctis,
aut Septen-
trionis.

modam perpendicularitatem obseruans, fidem, cer- titudinem, & perfectionem præstat instrumento: li-

Linea fidei
aut fiducia.

neam Fidei aut fiduciæ nominant. Alia linea à si- nistra in dextram, aut quod idem est ab oriẽte in oc- cidentem porrecta horisontem generaliter signat.

Linea hori-
zontis.

In supremo interuallo memoratorum circularum ponuntur numeri graduum altitudinum, id est sub- leuationum Solis & stellarum supra horisontem, à quinque in quinque computando. Inchoando ab ho- risonte iam exposito, per transuersum instrumenti eunte, tendendo versus lineam meridiei vsque in 90.

Numeri gra-
duum altitu-
dinum.

In sequenti interuallo circularum apparent gra- dus singulares, qui ad numeros altitudinum relati, gradus altitudinũ dicuntur. In tertio interuallo po-

Numeri gra-
duũ Signo-
rum.

nũtur numeri graduum 12. signorum, de quinque in quinque scandendo vsque in 30, ad quos iam dicti gradus relati, gradus signorum nominantur. In vl- timo verò interuallo 12. signorum nomina secũdum

Duodecim
signa.

eorum ordinem sunt inscripta. Hæc igitur tria in- terualla & eorundem circuli pro coelestibus signis figurati, orbem signorum exprimunt, quare eos vsi-

Orbis si-
gnorum.

tato nomine vocamus orbem signorum. His circulis subduntur alij quatuor super centro astrolabij vt concentrici, aut quopiam alio tanquam eccentrici pro varia instrumenti fabrica descripti, mensibus & diebus anni Romani dedicati. Cauta quippe discretione singulis mensibus proprij annumerati sunt dies: Vt certo & omnibus noto tempore, certus Solis motus in orbe signorum assignetur. Nam supremum interstitium diebus anni, sequens numeris, postremum nominibus mensium alligatur.

Menses & dies Anni.

Arcus horarum æqualium. In superiori parte versus armillam sunt inscripti mira quadam constructione arcus horarum æqualium & inæqualium, in inferiori parte contextæ sunt duæ scalæ Altimetræ, aut duo quadrati orthogonij, quorum latera in 12. partes æquales sunt diuisa, qui digiti aut puncta appellantur.

Scalæ altimetæ.

Regula.

Adest etiam regula quæ extensa superponitur tabulæ instrumenti, in cuius capitibus binæ erectæ sunt tabellæ aut pinne, quæ ad accipiendas altitudines solis & stellarum, seu ad geometricaliū mensurarum scientiam binæ habent foramina sibi re-

Pinne.

Alhidada.

Spondetia: hæc Arabicè vocatur Alhidada, id est Verticulum, quia in superficie instrumenti vertitur

Verticulum

Dioptra.

& mouetur, eleuatur & deprimitur. Græcè Dioptra, id est speculatrix: qua res mathematicas scrutamur & exactè consideramus, quā alij vocant Mediclinium, quia in medio clinij, id est tabulæ rotundæ

Medicliniū

da consistit, alij haud ineptè radium dici volunt, ob
 id, quia distantijs locorum metiendis (quod Geo-
 metrarum officium est) seruiat. Per huius medium
 porrigitur linea recta, quæ non ab re linea fiducia
 nominatur, de qua supra, propositione decimanona
 primæ partis satis disseruimus.

Radium.

Linea fidu-
cia.

Postremò accedit etiam Alchitor, id est clauus
 aut vectis teres, qui astrolabio in medio perforato, ad
 constringendas partes ipsius infigitur, cui in forami-
 ne in supremo eius facto, cuneus ex parte retis trās-
 uersè inseritur, quem Alpheratz, id est caballum
 dicunt, eo quòd instar caballi formatus sit, & iam
 prout lucidius quiniimus, omnes partes astrolabij de-
 scripsimus, declarauimus, & interpretati sumus.

Alchitor.

Clauus.

Vectis teres

Cuneus.

Alpheratz.

Caballus.

PROPOSITIONES DE

Astrolabij Fabrica, eiusq; diuersorū ter-
 minorū interpretationes, definitiones &
 declarationes, hîc finē consecutæ sunt. Et
 sequuntur nunc canones, vsum vtilita-
 tesque ipsius lucidissimè declarantes.

SOLIS VERVM LOCVM

Propositi.

facile cognoscere.

DEFINITIS partibus astrolabij per pro-
 positionem antecedentem, nunc ad eius vtili-

tates accelerabimus. Quemadmodum autem cognitio veri motus solis plures nobis vsus manifestat, sic contrà ignorantia eosdem tollit & occultat.

Quapropter hanc propositionem alijs præmittendam decreuimus, per quam veram notitiam solis in orbe signorum nanciscemur. Si igitur verum motum solis, hoc est, locum solis in signifero habere cupieris, pone partem Alhidada secundum lineam fiducia super diem propositum, in circulis dierum & mensium anni, & mox in orbe signorum ad tactum lineæ fiducia, apparebit gradus, locus verus Solis appellatus, ad meridiem diei propositi, qui cuius signi sit, & quotus, signum, & numerus, in proximis subiectis linearum intervallis exarati, pa-

Nota caute.
Iam in anno
bissextili.

lam faciunt. Verum hinc quibusdam cautelis opus est: Nam in anno bissextili, quo Februarius 29. diebus completur, pro 29. die eiusdem ad primū Martij eundum est: & pro primo Martij ad secundum eiusdem, & sic deinceps vsque in finem anni.

Præterea (si te omnimoda delectat præcisio) nota quod annus communis Romanus vulgaris, qui etiam annus ecclesiæ vocatur, minor est anno Solaris ferè sex horis. Item ratio supplementi bissextilis, per additamentum vnius diei in anno quarto, qui intercalaris dicitur, nō rectè quadrat: quin quatuor anni ecclesiæ pauxillo quodam excedunt quatuor annos Solares. Ex his facile liquet verum lo-

cum

cum Solis annuū (loquimur de anno ecclesiæ) variari. *GRATIA EXEMPLI*: inueniatur Exemplum sol certo anno communi ecclesiæ, in meridie primi diei Ianuarij in 21. gradu nullo minuto Capricorni, elapso anno, non redibit sol in meridie memorati diei in vnguem in eundem gradum: desunt namque 15. fere minuta. Item quatuor annis reuolutis fit maior, in re tamen admodum parua: quæ paucis annis fere insensibilis, successu multorum annorum sensibilis redditur.

Hanc igitur variationem motus solis per subannexam tabellam hoc pacto absolues: Cum annis futuris Christi propositis, intra tabellam, & ad eorum sedem accipe minuta cum litera. A. vel S. quæ pro literæ significatione adde vel subtrahe, à verò solis motu, supra reperto: et deprehendes verum ad diem oblatum anni futuri, & hoc pro instrumenti capacitatem.

DE VSV
TABVLA VERI MOT
tus Solis.

<i>Anni Christi.</i>		<i>M</i>	<i>Anni Christi.</i>		<i>M</i>
1501	O	0	1521	<i>A</i>	9
1502	<i>S</i>	14	1522	<i>S</i>	5
1503	<i>S</i>	29	1523	<i>S</i>	20
<i>b</i> 1504	<i>S</i>	43	<i>b</i> 1524	<i>S</i>	34
1505	<i>A</i>	2	1525	<i>A</i>	11
1506	<i>S</i>	13	1526	<i>S</i>	4
1507	<i>S</i>	27	1527	<i>S</i>	18
<i>b</i> 1508	<i>S</i>	41	<i>b</i> 1528	<i>S</i>	32
1509	<i>A</i>	4	1529	<i>A</i>	12
1510	<i>S</i>	11	1530	<i>S</i>	2
1511	<i>S</i>	25	1531	<i>S</i>	16
<i>b</i> 1512	<i>S</i>	39	<i>b</i> 1532	<i>S</i>	31
1513	<i>A</i>	5	1533	<i>A</i>	14
1514	<i>S</i>	9	1534	<i>S</i>	0
1515	<i>S</i>	23	1535	<i>S</i>	15
<i>b</i> 1516	<i>S</i>	38	<i>b</i> 1536	<i>S</i>	29
1517	<i>A</i>	7	1537	<i>A</i>	16
1518	<i>S</i>	7	1538	<i>A</i>	2
1519	<i>S</i>	22	1539	<i>S</i>	13
<i>b</i> 1520	<i>S</i>	36	<i>b</i> 1540	<i>S</i>	27

<i>Anni Christi.</i>		<i>M</i>	<i>Anni Christi.</i>		<i>M</i>
1541	<i>A</i>	18	<i>b</i> 1560	<i>S</i>	18
1542	<i>A</i>	3	1561	<i>A</i>	26
1543	<i>S</i>	11	1562	<i>A</i>	12
<i>b</i> 1544	<i>S</i>	25	1563	<i>S</i>	2
1545	<i>A</i>	19	<i>b</i> 1564	<i>S</i>	17
1546	<i>A</i>	5	1565	<i>A</i>	28
1547	<i>S</i>	9	1566	<i>A</i>	14
<i>b</i> 1548	<i>S</i>	24	1567	<i>S</i>	0
1549	<i>A</i>	21	<i>b</i> 1568	<i>S</i>	15
1550	<i>A</i>	7	1569	<i>A</i>	30
1551	<i>S</i>	7	1570	<i>A</i>	16
<i>b</i> 1552	<i>S</i>	22	1571	<i>A</i>	1
1553	<i>A</i>	23	<i>b</i> 1572	<i>S</i>	13
1554	<i>A</i>	9	1573	<i>A</i>	32
1555	<i>S</i>	6	1574	<i>A</i>	18
<i>b</i> 1556	<i>S</i>	20	1575	<i>A</i>	2
1557	<i>A</i>	25	<i>b</i> 1576	<i>S</i>	11
1558	<i>A</i>	10	1577	<i>A</i>	34
1559	<i>S</i>	4	1578	<i>A</i>	20

DE VSV
SEQUITVR EXEMPLVM.

Exemplum *Exemplo facile capies. Offertur mihi 14. dies Februarij, anni Christi decimi labentis supra millesimum quingentesimum, ad cuius meridiem verum solis locum elicere iubeor. Sisto alhidada per lineam fiducia ad diem oblatum, & video eandem tangere ferè 40. minutum sexti gradus Piscium, proclamo igitur crasso quodam modo, Solem sextum gradum Piscium possidere. Pro maiori autem præcisione intro tabellam præexpositam, & ad sedem decimi anni capio 11. minuta: quæ propter literam S, subtractione signante, demo à 14. minutis supra inuentis, & remanent mihi 29. minuta. Dico igitur Solem secundum verum eius motum tenere Pisces quintum gradum, & 29 penè minutum: quod fuit oblatum & petiturum.*

Proposi. 3.

NADAIR SOLIS DICTO
citius inuenire.

NADAIR ascemat, id est oppositum Solis (quod veteres horoscopon vocauerunt, eo quod per ipsius aspectum horas inæquales, præcipuè diurnas designari statuerunt) punctum est e regione Solis in ipso Zodiaco constitutum. Vnde liquidum est, in quocunque signo et gradu Sol inuentus fuerit, eius Nadair in signo & gradu diametraliter oppositis inueniri. Supputatis igitur septem signis à signo solis inclu-

clusine, & tot gradibus quot sol à principio signi in quo est distat, in Nadair Solis deuenitur. **EXEMPLVM** breue repetatur propositionis antecedentis. Verus locus solis, in Piscibus 5. gradu & 29. minuto eorundem inuentus: scio signum Piscium diametraliter opponi signo Virginis, cōcludo igitur breuib, Nadair Solis occupare 5. gradum & 29. minutum Virginis: ecce nostræ propositionis lucida declaratio. Duas has propositiones tenaci commenda memoriæ, nam cauta earū administratione, plures sequentes propositiones facile patebunt.

ALTITVDINEM SOLIS PRO Proposi. 4. qualibet hora diei vtiliter determinare.

ALTITVDINEM Solis vocamus cursum eius, per quem ipse ab exortiuo horizonte paulatim quasi per gradus impetum mundi trahente recedēs, ad altiora in lineam vsque meridianam ascendit: & hinc descendendo in opposito ortus sui ad inferiora decedit. Est igitur summatim altitudo Solis eleuatio centri ipsius supra horizontem, sine ea certæ horæ diei sciri non possunt. Quota autem sit altitudo solis qualibet hora diei artificialis, diligenti adhibita inquisitione, sic inuenies. Altitudo solis est

Suspende astrolabium per suam armillam, aut suspensoriū ad pollicem manus dextræ aut sinistræ, vt libere pendeat, et radianti Soli oppone latus eiusdē,

ita, quòd dorsum instrumenti ad te vertatur, & continuo paulatim subleua aut deprime Alhidadam soli obiectam, donec videris eius radium forinsecus introrsum ingredientem, supernæ tabulæ aut pinnulæ foramen minus, & è regione inferioris tabellæ aliud foramen oppositum subire: & cum hoc videris, tunc diligenter considera, per quot gradus eleuatur Alhidada, secundum lineam fiduciæ in quarta altitudinis, supputando à diametro transversa, quàm supra horizontem vocauimus, hoc est à linea illa quæ transit per principia Arietis & Libræ & centrum astrolabij, & numerus illorum graduum erit altitudo Solis: ad instans tuæ considerationis, Propo-

Exemplum sito nostro breue accommodabitur exemplum, ad 14. diem mensis Februarij, in propositione secunda propositum: præcipior Solis altitudinem observare. Accepto igitur astrolabio, & à manu liberè demisso, dirigo quartam altitudinis in 90. partes distributam versus solem, deinde Alhidadā pedepressim circumago sursum deorsumque, quoad radius à sole veniens per foramen pinnulæ Alhidadæ ad solem cōuersum in alterum mihi admotum inciderit: quo viso ab orientali linea computo gradus quartæ altitudinis vsque

Exemplum ad summitatē Alhidadæ: & inuenio gratia exempli 24. dico igitur tempore huius observationis, solis altitudinem (hoc est eius supra horizontem aleuationem) 24. gradus continere: quod fuit propositum.

SOLIS

SOLIS ALTITVDO, AN AN- Proposit. 5.
te aut pomeridiana sit perscrutari.

NON NVNQVAM oritur dubium, an so-
lis altitudo instrumento explorata sit ante aut
post meridiem accepta. Vnde etiam in dubium ver-
titur, an meridies transierit, an ve sit expectandus.
Et hoc plerunq; accidit cū sol prope meridianū cir-
culum constituitur. huius dubij hanc cape determi-
nationem. Per propositionē antecedentē solis al- Exemplum
titudinem obserua: quā extra scribendo, vocabis pri-
mam altitudinē: postea modico intervallo elapso, ca-
pe sicut instruximus, astrolabium: sistēque ad solē,
& rursus recipe altitudinē solis, quam primæ sub-
scribendo, voca secundam. Tunc si secunda altitudo
fuerit maior prima, scito altitudinem primā esse an-
te meridianam, & nondum esse meridiem: quia sol
ab horizonte exortiuo ascendēdo, raptu primi mo-
bilis, nondum meridianum adiit. Si autem secunda
altitudo fuerit minor prima, scito altitudinem esse
pomeridianam, & meridiem transisse, quia tunc sol
à meridiano incipit descendendo horisonti occiduo
appropinquare, quota autem sit altitudo solis meri-
diana, postea per propriam explicabimus proposi-
tionem: per quam hæc præsens iustior & lucidior
reddetur. Hic enim supponimus primam altitudi-
nem inuentam meridianam non esse.

Verbi gratia, repetatur altitudo solis 24, graduum, per propositionem antecedentem inuenta: quæritur Vtrum ipsa sit ante aut pomeridiana, & sitne meridies præteritus futurusve. Memoratam igitur altitudinem 24, graduum seorsum scribo: & primam appello, postea expecto paululum, & iterum officio astrolabij solis altitudinem inuestigo: quam gratia exempli 25, gradus continere video: hanc priori subexaro, & secundam voco: quæ quia prima maior est, infero primam altitudinem solis fuisse antemeridianam, & tempore primæ observationis solem necdum meridiem procreasse.

Proposit. 6. **H O R A M** **AEQVINOCTIA-**
lem diei artificialis, quam vulgò æqualem
dicimus, & eius partem dignoscere.

PRO huius propositionis & sequentium intelligentia, scire operæ precium est, astronomos duplicem distinguere diem, naturalem scilicet & artificialem.

Naturalis dies, tempus est quo semel reuoluitur totus æquinoctialis motu primi mobilis circa terrā: cum tanta parte æquinoctialis, quanta correspondet arcui Zodiaci: quem sol interim motu proprio contra primum mobile perambulat. Tempus enim quod consumit sol cum fuerit eius centrum in circulo

culomeridiano, donec iterum redeat ad eundem meridianum, propriè dicitur dies naturalis, & est spatium 24 horarum: & aggregat hic dies artificiale diem cum nocte tanquam partes eius. Nox enim, ut Servio placuit, pars est diei, intellige naturalis, & non à nocte, sed a parte potiore & meliori, scilicet à lumine dies nominatur, unde vsus obtinuit, ut sine noctis commemoratione dierum numerus explicetur.

Et est dictus naturalis, quia non diuersificatur in diuersis habitationibus, imò in omnibus partibus terre habitabilis est sensibiliter æqualis, non autem dies artificialis, de qua iam dicetur.

Huius diei principium alij esse volunt à media nocte, ut Romani: alij ut Babylonij, à solis exortu: quidam ab eius occasu, ut Athenienses & Iudæi: alij ut astrologi & Arabes, à meridie. De differentia dierum naturalium, mediocrium & apparentium Ptolemæus libro 3. abundè disputat: ad illum ergo locum, breuitate consulti, lectoris diligentiam remittimus. Dies verò artificialis est latio solis supra horizontem: id est tempus mensurans lationem, id est motum Solis supra horizontem.

Dictus artificialis, quoniam diuersus est in diuersis partibus terre habitabilis: sed quia habitatio est quoddam artificiale ab arte procedens & voluntate, est enim voluntarium quod habitetur talis vel

Dies naturalis dicitur

Diei principium.

Differentia dierum naturalium.

Dies artificialis est & dicitur.

*talis locus, quare &c. At latitudo solis sub hori-
te, id est tempus mensurans huiusmodi modum, di-
citur nox. Sed quia dies tum naturalis tum arti-
ficialis, & nox vsitata diuisione in horas partiun-
tur, contuendum horam esse duplicem, æquinoctia-
lem scilicet & temporalem. Hora æquinoctia-
lis, quam æqualem dicimus, est vigesima quarta pars
diei naturalis, scilicet tempus in quo 15 gradus æqui-
noctialis oriuntur. Dicta hora æquinoctialis,
quia per motum æquinoctialis causata.*

*Hora æqui-
noctialis est
& dicitur.*

*Æqualis (secundum vulgi estimationem)
propter regularitatem & æqualitatem motus ipsius
æquinoctialis. Dixi secundum vulgi estima-
tionem, quia propter motum quo sol primo motui cō-
tra nititur, non nihil pauxillum 15 gradibus adden-
dum esset, sed quia id parui admodum momēti est,
vulgus non reputat: hanc plures vocant solarem,
quia per eius motum ipsam deprehendimus.*

*Hora tem-
poralis, natu-
ralis, in qua
lis aut pla-
netæ est.*

*Hora autem temporalis, aut naturalis, inæqualis
aut planetæ est 12, pars diei artificialis, similiter &
noctis. Horæ temporales aut inæquales ipsius
diei artificialis à solis exortu initium sumunt, no-
ctis verò à solis occasu. Hæ sunt horæ quibus
prisci utebantur, qui dies quoscunque & etiam no-
ctes in duodenas horas distribuebant. Et quia eas ho-
ras ex dominio & regimine planetarum quo hæc in-
feriora regere & disponere dixerunt, distingue-
bant,*

bant, ipsas naturales temporales & planetarum appellabant. Quas hodie inæquales dicimus: quoniam dies artificiales non semper adinuicem æquantur: immò quasi semper sunt inæquales adinuicem & cū noctibus: ideo sequitur quòd horæ vnius diei non æquantur horis alterius, neque horis noctis, immò diei longioris horæ sunt maiores, & breuioris breuiiores, & in alio loco maiores quàm in alio, cum pars determinata totius maioris maior sit, & minoris minor. Non igitur dicta est inæqualis huiusmodi hora comparata ad horas eiusdem diei, quia hæ omnes sunt æquales scilicet duodecima pars: sed respectu horarum alterius diei. & c. Bis autem in anno horæ inæquales & æquales sunt pares, aliàs nunquam: scilicet quando sol principiū Arietis & Libræ possidet. Præterea hora æqualis in 60, particulas frangitur, & vna dicitur minutum, & Minutum rursus minutū in 60, particulas diuiditur, & vna vocatur secundū: & vnum secundū in 60, partitur Secundum tertia. et sic in infinitum per sexagenariā diuisionē Tertiū, & c. proceditur. His præambulis generalibus expositionis horæ æqualis. Modus in- uentionis horæ æqualis. Ad diē oblatum, verū gradum solis per secundā huius ad- disce, quo in Zodiaco Retis explorato, ipsum aut nota materiali aut mentali signabis. Per quartam autem huius obserua solis altitudinem: quam aut ante aut pomeridianam dici per quintā huius cognosces.

Eleua ergo gradum solis in reti signatum super tantam altitudinem inter almicantarath, quanta est altitudo solis in dorso Astrolabij reperta. Et hoc absolue in parte orientali Astrolabij, si altitudo est antemeridiana: aut in parte occidentali, si fuerit pomeridiana. Quo facto, reti stante inuariato, iunge Almuri per lineam fiducie gradui solari, & summitas eiusdem Almuri in circulis horariis limbi horam & qualem & eius partem si quam habuerit, tibi in promptu indicabit. quam antemeridianam pronunciabis, si sumpta altitudo meridiem præcesserit: aut pomeridianam, si altitudo Solis post meridiem recepta fuerit. Quod si Almuri super lineam horariam in Astrolabio descriptam præcise ceciderit, adiectus numerus pædet tibi horam, quam totam abiisse & completam prædicabis, & sequentis horæ instat principium. Sin Almuri super spatium inter duas lineas horarias cõtentum ceciderit, scito horam hæc cuius spatium Almuri occupat, esse incõpletam & fluentem, certamque eius partem fluxisse. Et cum scire optaueris quanta pars ipsius sit elapsa, supputa gradus limbi à linea horæ completæ, & præteritæ vsque ad lineam fidei ipsius Almuri, & cuilibet gradui supputato, da quatuor minuta temporis, & mox cognosces, quanta pars currentis horæ sit transacta.

Exemplum

EXEMPLVM huic propositioni tale subiungendum est. Resumatur per secundam huius verus solis lo-

lis locus in 5, gradu & 29, minuto Piscium reperi-
tus, quem in Zodiaco retis quæro, & facio notam
in linea eclyptica post quintum gradum Piscium,
ferè in medio sexti gradus. Repeto etiam per quar-
tam huius altitudinem solis 24, graduum, quam per
quintam antemeridianam esse didici. Computo igitur
24, gradus altitudinis in parte orientali astrola-
bij in ipsis almicantharath, inchoando à primo, &
ascendendo versus meridiem usque in 24, almican-
tharath, in quo terminatur memorata altitudo. Quo
diligenter considerato, eidem (scilicet 24, gradui
almicantharath) iungo secundum omnem præcisio-
nem, verum locum solis in reti notatum, & reti im-
moto, Almuri gradui solis applico, & secundum
contactum ipsius limbi video horam nonam an-
temeridianam completam, & omnino transisse, ip-
sumque almuri occupare decimam fluentem. Nume-
ro præterea gradus limbi à linea horæ nonæ comple-
tæ usque ad contactum Almuri, & inuenio 8, gra-
dus & pene mediū. De cuilibet gradui quatuor mi-
nuta temporis, quod multiplicando absoluo, & se-
migraui 2. minuta: colligo 36, minuta, quæ de hora
decima transierunt, scilicet horam mediam & sex
minuta. Habeo igitur horam æquinoctialem aut æ-
qualem & eius partem, quod fuit cupitum.

Hic tamen non est silentio prætereundum, quod
in astrolabiis, quæ suprà solipartia nominauimus,

Propositio-
ne. 4. primæ
partis.

in quibus omnia almicantarath scilicet 90, sunt inscripta, singulis gradibus altitudinum seruiencia, nulla penitus est in locatione gradus solis vel stellæ super suam altitudinem difficultas. Simile ferè in astrolabiis bipartiis, vbi quodlibet spatium duobus almicantarath interceptum, duobus seruit gradibus. Ibi enim per solam æstimationem, cum nonnunquã altitudo inter duo almicantarath ceciderit, eandem facile aptabis gradui solis aut stellæ. In tripartiis verò & quinq; partiis maior est operationis difficultas, si saltem omnimoda te delectat præcisio. Quando enim (vt fit sepius) altitudo non cadit præcise super Almicantarath, sed in spatium super medium, & dubitas in quota parte spatij altitudo tua sit locanda, tunc volue gradum solis ad principium præcedentis almicantarath, & nota gradum contactus Almuri in limbo: deinde promoue gradum solis super sequens almicantarath, & iterum nota locum almuri in limbo, & gradus limbi inter primam et secundam notas contentos, multiplica per gradus altitudinis tibi dubios: & productum diuide per tot gradus, quot valet spatium inter duo almicantarath comprehensum: vt si valet tres, per tres: si quinque, per quinque. & habes in quotiente gradus: & si facta diuisione aliquid fuerit residuum, illud multiplica per 60, & diuide per id, per quod prius diuisti, & habes in quotiente minuta. Quo facto, vol-

ue Almuri à prima nota in limbo signata per tot gradus & minuta, quot exierunt in numero quotiente: & applicato gradu solis, stabit ipse præcise in sua altitudine.

ALTITVDINEM SOLIS ME- Proposit. 2.
ridianam, per quam meridiem cognoscimus, notam fieri.

PLURES huius rei cognoscendæ modos accipimus. Quorum primus est generalis in hanc ^{Primus modus.} formam: duabus ferè horis ante meridiem Solis altitudinem per astrolabium observa: & eius scribe numerum, & post paululum rursus observa: crescentemque altitudinem scribe. & id crebro facito, quoad videris altitudinem paulillo quopiam decrescere. Ex scriptis igitur altitudinibus, hæc elice quæ omnibus maior est: quam altitudinem meridianam solari gradui eiusdem diei congruentem rectè pronuntiabis.

Huius rei gratia sit sol proposito die, puta 5, ^{Exemplum} Martij in 24, gradus Piscium: Capió Solis altitudines: primò ante horam II, & inuenio 36, gradus: deinde post II, offendo 37, & postea 38, & rursus 39, demum 38, decrescentem: dico igitur 39, gradus esse altitudinem solarem meridianam pro-

posito gradui solis. Plerique altitudinē solis meridianā initium recessionis ipsius nominant, & haud absurde: nam hoc epitomate solē pro eo gradu quem occupat, non altius Zenith capitis nostri adire, verum iamiam declinare, & ab eo per altitudinis minoramentum & defectionem, in occidentem ferri significare volunt.

Secundus
modus.

Secundus modus talis est. Inuenta lineæ meridianæ in plano ad æquidistantiam horizontis posito: infige stilum teretem orthogonaliter erectum, & cum umbram stili lineæ meridianæ copulari videris, illico per instrumentum altitudinem solis observa, quæ rite numerata, eius meridianam altitudinem pro gradu signi, in quo sol optato die moratur indicat. Missam facimus hîc inuentionem lineæ meridianæ, cum alibi de ea retractetur, & quidem abundè satis, ne ampliâdi libri potius, quàm res vtilis tradendi gratiâ calamum versasse videamur.

Tertius mo-
dus.

Tertius dehinc modus hoc pacto absoluitur. Gradum solis diei oblato in reti notatum, pone super lineam meridiei in facie astrolabij, & altitudo à primo almicantarath vsque in gradum solis supputata, altitudinem solis meridianam pandet. Et quandocunque inueneris hanc altitudinem in dorso astrolabij, tunc erit verus meridies illius diei:

Verum

verum hic modus particularis est, seruiens duntaxat pro ea habitatione & poli eleuatione, ad quam mater astrolabij aut tabula regionis fabricata est: quòd si non vis falli, id sedulò notabis.

Quartus modus huiusmodi negotium officio Quartus
dus. tabulæ absoluit, hac lege. Cum verò motu solis diei propositi, tabulam altitudinum solis meridianarum ingredi, querendo signum solis aut in capite aut pede ipsius tabulæ. Signo in capite inuen-
to, gradum solis in linea numeri graduum prima lateris sinistri, à capite tabulæ ad pedem ipsius descendendo inuestiga: & in communi angulo signi & gradus offendes altitudinem solis meridianam.

Quòd si signum solis in pede tabulæ repertum fuerit, gradum eius in vltima linea numeri graduum lateris dextri, à pede ad caput tabulæ scandendo recipe: & in communi linearum concursu Solis meridianæ altitudo apparebit.

Quòd si nonnunquā motui solis minuta quæpiā adhæserint, duplici introitu agendum est: scilicet differentia elicienda, & pars proportionalis secundum proportionem minutorum iuxta integros gradus ad 60, minuta sumenda, & tandem addenda vel reiicienda, prout hoc negotium postulat: & quemadmodum in aliis tabularum operibus fieri

solet. Quod qui prius non didicerit quam astrolabij vsus aggreditur, ineptus doctrinae nostrae censetur auditor.

Exemplum

Repeto gratia exempli verum motum solis iam supra oblatum, scilicet 24, gradum Piscium, quaero signum Piscium in capite tabulae, & 24, gradum in linea prima laterali sinistrorsum, & in communi angulo signi & graduum inuenio 38, gradus, & 57, minuta, altitudinem solis meridianam praecisam, pro altitudine poli arctici in capite ipsius tabulae expressa.

TABVLA ALT.

TEMPORE NVBILO ALTI- Proposit. 3.

tudinem solis prope verum determinare.

NON NVNQVAM propter nubium densitatem, aut nebularum interpositionem, sol latet & obumbratur, corpore eius paulum apparente, ita tamē, quod perfectos & plenos radios nobis denegat. Quod si tunc solis altitudinem observare volueris: suspede astrolabium supra oculum, ita quod eius latus versus solem vergat, & Alhidadam soli obiectam ultro citroque circumagito, quod unius oculi visus per maiora tabellarum foramina in medium aut centrum apparentis solis dirigatur: & contactus Alhidadae in quarta altitudinis solis elevationem supra horizontem aut altitudinem manifestabit, quam per quintam huius, ante aut pomeridianam esse addisces, cum qua non aliter operare, ac si radiantem solem habuisses. Nullo hinc exemplo opus esse reor, propter facilitatem propositionis, praecipue si antecedentium propositionum diligentem rationem accepisti.

NOCTVRNO TEMPORE Proposit. 2.

stellarum coelo haerentium altitudines facile numerare,

DE DIVRNA altitudine aut sublimitate haetenus, de nocturna hinc dicere aggredie-

mur. Descriptæ sunt in reti nonnullæ stellæ cœlo
 hærentes clariores & fulgentiores, quas vulgò fir-
 mas aut fixas nominamus. Expedit igitur altitudi-
 nem noctu capere, volenti inspicere vnam posita-
 rum stellarum in aranea, vt Aldebaran, id est ocu-
 lum Tauri, cor Leonis, spicam, Cor Scorpj, aut aliam
 supra terram apparẽtem hoc modo. In sublime at-
 tolle instrumentum, ipsum supra tuum ponendo ocu-
 lum, & latus ipsius ad perfectam stellam quàm ma-
 ximè fieri potuerit dirige: deinde oculum inferiori
 pinnulæ Alhidada subiiciendo, ipsam sensim sur-
 sum deorsumque torqueas, quoad oculi radius per fo-
 ramen maius inferioris pinnulæ immissus, foramini
 maiori superioris coaptetur, per vtrumque pariter fo-
 ramen perspiciat, perspiciendo igitur stellam, partẽ
 considera, in quam Alhidada linea fiduciæ deci-
 dit: quota sit ab horizonte (sicut supra de sole do-
 cuimus) & hanc nota, ac stellæ altitudinem voca-
 to meridianam, aut ante, aut pomeridianã, vt supra
 de sole præcepimus. Hic sanè opus est diligentia, vt
 altero duntaxat oculo stellã spectes altero clauso: &
 vt apertum oculũ maioribus tabellarũ foraminibus
 aptes. Ob hanc causam in qualibet tabella duo ponũ-
 tur foramina, vnũ maius propter stellæ fixas, quæ ra-
 dios fortes non habet: & aliud minus propter Solẽ.

Propositio-
 ne. 5.

Infra Pro-
 positioe. 43.

De stellis fixis cognoscendis deinceps per pro-
 priam propositionem abunde dicemus.

Præterea

Præterea stellis erraticis aut planetis noctu supra horizontem apparentibus, nostra hæc propositio facillimè aptari potest. Exempla per temetipsum si nō penitus habes es, facile potes constituere.

HORAM AEQVALEM NO- Propositio.

cturno tempore artificiose cognoscere.

SICUT per solarem altitudinem diurnæ inueniuntur horæ, sic per stellarum fixarum nocturnæ eliciuntur. Nocte igitur serena, notæ stellæ inerraticæ, in reti positiæ altitudinem: & quam cœli partem possideant animaduerte: eandemque altitudinem inter almicantarath supputa in ea parte in qua rationem stellæ habuisti, hoc est in parte orientali, si stella ante lineam meridianam inuenta fuerit, aut occidentali, si post: aut in linea meridiana, si præcise meridiem tenuerit: & fini supputatæ altitudinis caput eiusdem stellæ superpone, hoc est, verte aut circumuolue rete donec acumē stellæ termino numeratæ altitudinis adamussim iunxeris: & reti immoto applica Almuri vero loco Solis, et mox summitas eius in gradibus marginis aut limbi horam æqualem nocturnam & eius partem indicat. Quam ante noctis medium aut intempestam pronuntiabis: si solaris gradus ante angulum terre inuentus fuerit, aut post medium no-

Etis: si post angulum repertus fuerit.

Exemplum

Proposita propositioni breue hoc accommodabitur exemplum. Offeritur mihi stella regia, quæ dicitur cor Leonis, quam nocturno tempore supra horizontem antemeridianam partem possidere cerno: capio eius altitudinem, quæ sit gratia exempli 48, graduum: qua ab horizonte exortiuo numerata, iungo per circumactionem retis acutiem memoratæ stellæ circulo almicantarath, qui numero 48, insignitur, & in quem numeratio altitudinis finitur: deinde suppono Solem 24, gradum Piscium possidere: adiicio ergo Almuri solari gradui in Reti notato, cuius summitas indicat mihi in limbo horam octauam æqualem, quæ noctis est, & currentis nonæ minuta quasi 2, transisse: ecce nostræ propositionis clarum exemplum. Haud dissimilis est operatio per stellas erraticas, id est, planetas: sumptis (pro oblato tempore) loco vero & latitudine alicuius planetæ ex ephemeride aut aliunde: quibus in Zodiaco retis signatis vices propemodum stellæ fixæ supplebit. Sed de ea re alibi latius tractabitur.

Proposit. II.

TEMPVS, ORTVS, ET OCCASVS Solis paucis absoluere.

GRADVM Solis in Reti notatum, diei oblato, pone super primum almicantarath ex parte orientis: & applicatum Almuri, ostendet tibi in limbo

limbo tempus ortus Solis, scilicet qua hora & quibus minutis perficiatur. Deinde circumacto Reti, gradum solis ad almicantarath extremum occidentale siste, et Almuri in contextu horarū equalium tempus occasus Solis manifestabit. Exemplum breue. Exemplum

Quinta die mensis Martij ponatur verus locus Solis in Piscibus, 24. gradu, apto 24. gradū Piscium ad primum Almicantarath orientale, hoc est ad Horizontem exortuum, & adiectum Almuri, indicat in margine solem post horam sextam equalem 11, ferè minutis exoriri. Et voluto Reti, iūgo gradū solis primo Almicantarath in occiduo, hoc est Horizonti occidentali, et addito Almuri video in limbo Solem occidere post horā quintā, minutis quasi 49.

Animaduerte tamen, quòd cognito ortu Solis per præsentem propositionem, si distantiam eius à meridie cōputaueris, ipsam occasum solis rite numerare.

Adiumento huius propositionis (si celeriores harum rerum computationem desideras) fac tabulam ortuum et occasuum Solis, tuæ habitationi propriam, inchoando ab initio signi Arietis, transeundo per omnia signa, & gradus eorundem.

ARCVM DIURNVM ET
nocturnum solis, quantitatem diei artificialis & noctis inquirere.

Proposit. 12.

NOTANDVM quòd arcus diurnus Solis
aut orbis diei, est arcus AEquinoctialis, peror-

Arcus diurnus.

Arcus nocturnus.

tus eo tempore, quo Sol motu primi mobilis mouetur ab initio ortus, vsque ad eius occasum. Arcus verò nocturnus vel orbis noctis, est arcus æquinoctialis perortus eo tempore, quo Sol mouetur ab occasu vsque ad ipsius ortum. Quos hoc pacto inuenies. Superposito gradu Solis, primo Almicantarath in parte orientali, locum Almuri solari gradui iuncti in gradibus limbi diligenter signa, postea moue gradum Solis cum Reti per meridiem vsque ad postremum. Almicantarath occidentale, & iuncto Almuri, iterum eius locum in limbo signo affice: quo facto, computa gradus limbi (impræsentiarum officium AEquatoris tenentes) à prima signatura secundum motum Retis et gradus Solis in secundam, & habebis arcum Solis diurnum. Quem si à 360. gradibus subtraxeris, nocturnus arcus Solis restabit. Arcus enim diurnus & nocturnus aggregati, semper totum æquatorem, id est 360. gradus faciunt.

De quãtita-
te aut lōgi-
tudine diei
artificialis.

His habitis, si quolibet die scire optaueris quantitatem aut longitudinem diei artificialis, id est, ex quot horis æquinoctialibus aut equalibus et earundem fractionibus, huiusmodi constet dies, diuide arcum illius diei per 15. & in numero quotiente habebis numerum horarum equalium: & si aliquid fuerit residuū, multiplica per quatuor, et habebis minuta horæ, et sic colliges quantitatem diei artificialis. Similiter si libet procede cū arcu noctis, diuidendo eū
per

per 15. et videbis in quotiēte horas noctis, et cū res-
duo, fac vt prius. Aut subtrahe lōgitudinē diei à 24
horis, et prodibit quātitas noctis. Sēper enī horæ di-
urnæ et nocturnæ simul aggregatæ, 24. horas, id est
diem naturalē constituunt. Longitudo tamen diei
et noctis ex hoc nostro instrumēto aliter hoc modo
colligetur. Stante gradu Solis, vt prædiximus, in
Horizonte orientali, fac signaturam ad situm ip-
sius Almuri in circulis horarum æqualium limbi:
reuolutoque gradu Solis ad Horizontem occiden-
talem, denuo signaturam in limbo iuxta Almuri
pinge: numerato itaq; tēpore, quod his signaturis in-
tercipitur, per meridiem gradiendo indubitātā lon-
gitudinem diei artificialis congregabis: qua à 24.
horis dempta, noctis quantitas facile constabit.

Aut aliter et facilius longitudo diei addiscitur.
Tempus occasus Solis propositi diei (quod à meri-
die numeratur) per præcedentē inuestiga, quod du-
platum, longitudinem eiusdem diei manifestat.

Resumantur gratia exempli 5. dies Martij, & lo Exemplum
cus Solis in 24. gradu Piscium. Pono 24. Pesciū ad
Horizontem exortium, & facio notam ad situm
Almuri in gradibus limbi: postea voluo eundē gra-
dum ad Horizontem occidentalē, et pingō notā in
limbo: et numerato arcu à nota in notā per meridiē
transeundo, inuenio 175. quasi gradus æquatoris, ar-
cū diurnū solis propositi diei indicātes: quē si à 360.

gradibus subtraxero, elicio arcum nocturnum 185, graduum. Item si arcum diurnum per 15. diuisero, habeo in quotiente 11. horas, & in residuo sunt 10. ferè gradus, qui dant mihi 40. quasi minuta. Colligo igitur diem artificialem 11. horarū 40. penè minorum: et per subtractionem à 24. horis, cerno noctis quantitatem scilicet 12. horas et 20. minuta. Cetera omnia sunt facilime computationis, quare transeo.

Proposit. 13.

INITIVM, FINEM, ET DV-
rationem crepusculi matutini & vesper-
tini perscrutari.

HIVS negotij veritas duabus viis acquiritur. Quarū prima, quæ certior apparet per 18. Almicantarath operatur, hoc modo: Nadair solis copulat quàm rectissimè 18. Almicantarath ex parte occidētis, & emittit Almuri ex gradu Solis in limbum, quod in circulis horarum equalium mox indicat principium crepusculi matutini, quod aurorā aut diluculum nuncupamus: quia tunc primum aer propter solarium radiorum aduectionē splendescere incipit, & fit ante Solis ortum, & in eodē se terminat. Tempus enim quod his terminis scilicet initio & fini intercipitur, crepusculum matutinum vocatur. Crepusculum, quia tempus mediū inter diem clarum & noctem obscurā, quasi crepera, id est dubia

bia lux. Deinde hæc via iungit Nadair Solis 18.

Almicantarath ex parte orientis, & Almuri à gradu Solis porrectū in margine finem crepusculi vespertini, id est defectum apparitionis Solarium radiorum, & perfectæ noctis præsentiam manifestat, cuius initium à solis occiduo metitur. Quicquid igitur temporis initio & fini dicti crepusculi interponitur, haud ineptè crepusculū vespertinū appellatur.

Secūda via negotiū præsens per lineas crepusculinas astrolabio inscriptas, absoluit taliter. Gradū solis iungit lineæ crepusculinæ orientali, & applicat Almuri, quod in limbo principium crepusculi matutini pandit. Præterea eundem gradū adiungit crepusculinæ occidentali, & ostendit Almuri in limbo finem crepusculi vespertini: quorum initia, fines & durationes determinantur, quemadmodū in prima via expositum est. Vtrūque autem crepusculū secundum Astronomos adnumeratur nocti, secundum vulgū verò diei. Si scire volueris vicinitatē initij crepusculi matutini aut auroræ, accipe altitudinem alicuius stellæ in Reti descriptæ: & caput eiusdem stellæ superpone altitudini in ipsis Almicantarath numeratæ in plaga sua, & considera secundum primam viam ubi sit Nadair Solis: si enim in 18. Almicantarath ceciderit ex parte occidētis, ecce aurora aut initium crepusculi matutini: aut si gradus solis secundum secundam viam, lineam cre-

pusculinam orientalem adierit, iterum aurora. De ceteris simile sume iudicium de propinquitate finis crepusculi vespertini.

Exemplum PRIMAE Viæ hanc exemplarē sume computationem. Repeto quintum diem Martij, & verū locum solis, scilicet 24. gradum Piscium: pro eo die initiū crepusculi matutini aut auroræ hac lege determino. Nadair Solis, id est 24. gradum Virginis superpono 18. Almicantarath, in occidente: Almuri autem applico gradui solari scilicet 24. Piscium, quod in margine ostendit mihi principiū crepusculi matutini aut auroræ: mane post quartam horam 20. fere minutis. Tempus autem numeratum à principio huius crepusculi vsque in exortū solis (qui per vndecimā huius repertus, accidit horæ 6. minuto 11.) est 1. hora, 51. minuta, duratio crepusculi matutini. Item memoratum Nadair scilicet 24. gradum Virginis, iungo 18. Almicantarath in oriente: & Almuri per gradum solis transiens indicat mihi finem crepusculi vespertini post horā 7. minutis quasi 40. Tempus ab occasu Solis (qui per vndecimā supra: est post quintā horam 49. minutis) in finē huius crepusculi supputatum est 1. hora 51. minuta mensurās quātitatē crepusculi vespertini. Hic lector notabis, quod tēpus inity crepusculi matutini (quod semper à media nocte cōputatur) à tempore ortus Solis subtractū, durationē crepusculi matutini pādit. Secundo

cundò quòd tempus durationis crepusculi matutini æquale est tēpori durationis crepusculi vespertini, ergo vno habito, habetur et reliquum, nisi quid pauxillæ diuersitatis variatio motus Solis ingerat. Tertiò quod quantū distat principiū crepusculi matutini à meridie, tantum distat vespertinū post meridiē ab ipso meridie. Exemplum secūde viæ per suprà expositū facilè liquere potest: ac cætera omnia sunt facilis computationis: quare omitto & supersedeo.

HORAS AEQVALES AB OR- Proposi. 14.
tu Solis interdiu, & ab occasu eiusdem noctu, breuiter computare.

SI QVQVIS die artificiali scire optaueris quot horæ æquales ab ortu solis vsque ad horam tuæ considerationis transierūt, pone gradum in quo est sol, die oblato: super æqualem altitudinem inter *Almicātarath* ex parte orientis vel occidētis, qualem inuenisti in dorso *Astrolabij*: et signa locū *Almuri* in gradibus limbi: deinde volue retro gradum Solis ad *Horizontem* exortiuum, et iterum nota locum *Almuri* in gradibus limbi: postea à prima nota in secundam, secundum motum *Almuri*, numera tempus in limbo, & colliges horas & minutas ab exortu Solis transactas. Haud dissimiliter operare pro horis noctis æqualibus ab occiduo Solis transactis dignoscendis: capiendo horam æqualem

per decimam huius: signādo locum *Almuri*, redu-
cendóque gradum *Solis* ad Horizontē occidenta-
lem, & iterū signando locum *Almuri* in margine.

Numerato enim tēpore his notis in limbo inter-
cepto, habebis horas & minuta ab occasu *Solis*.

Exemplum

In exemplo facile intelliges, sit vt antea poneba-
tur, *Sol* 5. die *Martij* in 24. gradu *Piscium*. Obseruo
altitudinē *Solis* post meridiē, et inuenio gratia exem-
pli 26. gradus: quibus in *Almicatarath* numeratis,
iungo 24. gradū *Piscium*, et ostendit mihi *Almuri*
in limbo, tertiā horam pomeridianā. Facio ibidē no-
tam, et regiro gradū *Solis* ad horizontem orientālē, et
iterum imprimo notā in limbo ad præsentiā ipsius
Almuri, quod tāgit limbum post sextā 11. quasi mi-
nutis. Supputo igitur tempus à prima nota in secun-
dam, et reperiō 8. horas, et 49. minuta: trāsierunt igitur
ab ortu *Solari* 8. horæ, & 49. minuta ipsius diei
artificialis. Nō aliter exēplificabis de nocte per ho-
ram equalē officio stellæ inuentā, et per occasum *Solis*.
Harum rerum certior et facilior est inuentio:
præambulis nōnullis adhibitis. Per sextam nāque
et decimā propositiones antecedētes, facile infertur,
nos initium supputationis horarum equalium, aut à
media nocte, aut à meridiē fecisse. Inducti forsan
cōsuetudine natalis soli, vbi horaria etiā fabrilī ar-
te confecta (dicta horaria media secundum cursum
duodecim horarū) signāt horas, principiū numera-
tionis,

tionis, aut à medio noctis, aut à meridie sumendo.

Præterea tempus ortus Solis per 11. repertū à media nocte (vt fit) computatū, tempus seminocturnū dicitur, quia duplicatū, vniuersaliter tempus quantitatis noctis indicat. Tēpus verò occasus Solis per eandem elicitū, à meridie numeratū, tempus semidiurnum nominatur: quia duplatū, vt prædiximus, longitudinem diei artificialis constituit. Ceterum Reductio
horarum no-
strarum ad
horas No-
rinbergen-
sum. plura oppida etiam Germaniæ, præcipuè Norinbergium, horas diurnas ab ortu Solis, & nocturnas ab occasu supputant. His expositis, horas diurnas, ab exortu Solis principium numerationis statuēdo, hoc modo cognosces. Per sextam huius addisce horā solarē, quæ apud Sueuos, vt in primo præabulo docuimus, à media nocte vel à meridie computatur. Per 11, autem elicias tempus ortus Solis, quod per secundum præambulū iuste tempus seminocturnū appellatur. Subtrahe igitur tempus seminocturnū ab horis Solis diurnis à medio noctis numeratis: à meridie verò incipientium subtrahe idem tempus seminocturnū 12. superadditis horis: & habes tempus ab ortu Solis in horis & minutis transactum, secundum signaturam horologij Norinbergensis, vt in tertio præabulo notauimus. Nocturnas autem horas ab occasu Solis numeratas, sic absolues. Per decimam huius obserua horā noctis, quæ aut à meridie, aut à media nocte calculatur, per vndecimā disce tēpus

semidiurnū, quod occasus Solis pandit. Dempto igitur tēpore semidiurno ab horis nocturnis à meridie supputatis, aut à medio noctis incipiētū cū additamento 12. horarū, prodibit tempus nocturnū in horis & minutis ab occasu Solis cōputatū, secundū indicationē horologij Norinbergensis: et hoc pacto horas nostras facile traduces in horas Norinbergēsū. Repetatur verbi gratia quātus dies Martij, cuius ortus Solis fuit 6. hora, minuto 11. dictus, tempus seminocturnū: Occasus hora 5. minuta 49. nominatus tempus semidiurnū: proponitur per sextā huius, hora 11. diurna à media nocte numerata: subtraho tēpus seminocturnū ab 11. horis, et remanēt 4. hora 49. minuta, tēpus ab ortu Solis transactum: indicat igitur horariū Norinbergēse 4. horam diei artificialis esse completam, & de quinta hora 49. minuta fluxisse.

Pro nocturna hora hoc sume exēplū. Sit hora secūda post noctis mediū nobis cognita, addo 12. et colligo 14. horas, à quibus surripio tempus semidiurnū supra repertum, & residuo 8. horas 11. minuta: tempus nocturnum ab occasu Solis lapsum, quod etiā horologium Norinbergensū signat. Conuerso autem modo cognitis horis diurnis ab ortu, aut nocturnis ab occasu Solis supputatis, si eas in horas nostras reducere cupis, horis ab ortu numeratis, adde tēpus seminocturnum: ab occasu semidiurnum: et facta additione, si numerus horarum, duodenarium excesserit,

De redn-
ctione ho-
rarum No-
rinbergen-
sium ad no-
cturnas.

rit, reijce duodecim, & residuum, horas tibi cognit-
tas ostendet: diurnas post meridiem, nocturnas post
medium noctis numerandas. Si autem facta addi-
tione, horæ duodenarium non exceſſerint, diurnas à
medio noctis, nocturnas à meridie computabis. Ex-
empla sunt faciliſſimæ computationis, quare tranſeo.

HORAS A MEDIA NOCTE Propoſit. 15.

aut meridie exordiētes, reducere in horas
ab ortu Solis incipientes, & expansim in
24. ſeſe terminantes.

Perisſque mos eſt ab ortu Solis horas, ab vna ſi-
ne numeri interruptione in 24. computare. Me-
chanica etiā horologia huiſcemodi horas indican-
tia (qualia ſunt in Bohemia) horologia integra, aut
decuſſu 24. horarum appellantur. Si igitur ad or-
tum Solis horas redigere, & quota ſit hora æqualis
ſecundum curſum horarij de 24. horis ſcire volueris,
detrahe tempus ſeminocturnū ab horis à media no-
cte incipientibus, cum ſupplemento 24. horarū, ſi a-
lioque detractio fieri non poſſit, à meridie verò ex-
ordientibus, deme tempus ſeminocturnum 12. ſu-
peradditis horis: ſic enim relinquetur numerus ho-
rarum ab ortu Solis numerandarum. In exemplis Exemplum
reſumatur tempus ſeminocturnum pro quinta die
Martij, ſcilicet 6. horæ 11. minuta, & ſemidiur-
num, ſcilicet 5. horæ 49. minuta. Obijcitur mihi

L ij

hora quarta cognita à media nocte oblata diei numerata: iubeor inuenire horā ab ortu Solis cōputatā: sed quia tempus seminocturnū scilicet 6. horas et 11. minuta à 4. horis detrahere nō possū, ideo addo eis 24. et colligo horas 28. detracto igitur tēpore seminocturno, habeo in residuo 21. horas, et 49. minuta: tempus ab ortu Solis diei prateriti in oblatū vsque diem numerandum. Præterea offertur mihi hora quinta propositi diei à meridie cōputata, et præcipior elicere horā ab ortu, adiūgo 5. horis 12. et habeo 17. horas: à quibus reijcio tempus seminocturnū: remanēt 10. horæ 49. minuta, tēpus ab exortu Solis supputatum.

Conuersa huius propositionis hæc est: horis ab ortu Solis oblatis, adde tēpus seminocturnū: quæ si ultra 24. horas creuerint, depone 24, et residuum indicabit tibi horas à medio noctis numerandas. Si autem duntaxat 24. horas facta additione collegeris, etiam si adhæserint minuta, remoue 12, & habebis horam 12. mediæ noctis completam. Si verò post additionem tēporis seminocturni, collectæ horæ 12, excesserint, deme 12. & reliquū horas post meridiem pandet. Si præcise 12. collegeris horas, minuta non cura, si non constituunt horam: habebis horam duodecimam meridianam. Si tandem post factam additionem seminocturni temporis, horas 12. minores congefferis, has à medio noctis supputabis: propter facilitatem non reor opus esse exemplis.

HORAS A MEDIA NOCTE Proposit. 16.

aut meridie exorfas, traducere in horas ab occiduo Solis initium computationis sumentes, & in 24. sese finientes.

PLVRES ab occasu Solis initiū supputationis horarum equalitū sumunt, et vsque in 24. numerationem terminant: quod facile horaria solaria & fabrilia ex metallo rotis dentatis cōposita, indicant.

Ad occasum igitur hoc modo rediges horas. Subtrahe tempus semidiurnū ex numero horarū à meridie incipientiū, superadditis 24. horis, si aliās subtractio fieri nequeat. Si verò à media nocte fuerint cōputatæ, deme tempus semidiurnū 12. horis superadiunctis: sic enim relinquetur numerus horarū à principio noctis computandarū. **EXEMPLA** bre

Exemplum

uia 5, Martij semidiurnū tempus est 5. horæ 49. minuta: offertur mihi hora 4. pomeridiana cōuertēda in tempus à Solis occiduo inchoatū: sed quia semidiurnum subtrahere à 4. nequeo, addo 24. horas, & colligo 28. à quibus subtraho tempus semidiurnū: et residuo 33. horas, 11. minuta: tempus ab occasu Solis dici præteritæ numerandum respondens horæ quartæ propositæ. Item obijcitur mihi hora cognita scilicet, 7. post mediū noctis, traducenda ad occasum, superaddo 12. & habeo 19. à quibus deme semidiurnum, & remanent 14. horæ 11. minuta, tempus à principio noctis numerandum: ecce reductionem.

Possẽm huic propositioni adiungere conuersam:
quam tamen propter facilitatem missam facio.

Proposi. 17. HORAS ASTRONOMORVM
breui calculo in nostras & contrà redigere.

Consequens reor demonstrare horarum computa-
tione, qua astronomi in supputandis deliquijs,
coniunctionibus, oppositionibus, planetarum aspe-
ctibus, & ceteris huiuscemodi rebus vtuntur. Nu-
merant etenim astronomi horas suas à meridie exor-
dientes, & easdem in 24. ad meridiem sequẽtis diei
finientes. In horis igitur pomeridianis nostris vul-
garibus, et astronomorum vsque in mediam noctẽ,
nulla est numerandi diuersitas: quare nulla opus re-
ductione. Horas autem nostras à medio noctis cœ-
ptas, in astronomicas hoc modo reduces. Propo-
sitis horis à media nocte numeratis, adde 12. et ha-
bes horas à meridie antecedẽti numerandas. Ab ho-
ris autem astronomicis propositis duodenarium ex-
cedentes, deme 12. & residuabis horas à media no-

Exemplum Ete computandas. In exemplo offertur genitura
alicuius nati: anno Christi 1510. currentes 5. die
Martij, mane hora 6. addit astronomus duodecim
horas, & reducendo in suas, dicit hanc genituram
factã quarta die Martij hora 18. In alio. Anno me-
morato, futura est oppositio Solis & Lunæ, 23. die
Aprilis, hora 15. minuto 52. secundum astronomos,
subtrahere

subtraho 12. horas, et fiet hæc oppositio secundū vulgares 24. die Aprilis, mane post noctis medium hora 3. minuto 52.

DIES et noctes, ortus et occasus ipsius anni sibi Propositi. 18.
 inuicē æquales concludere. Ex quo omnis dies artificialis anni habet aliū sibi in lōgitudine parem: item nox noctē æquabilē: ortus ortū, & occasus occasum: quod ex æquali declinatione graduum Zodiaci haud difficiliter demonstrari potest. Si ergo horum æqualitatem scire desideras, recipe duos gradus signiferi æqualiter ab altero solstitiorum distantes, quos cum sol motu suo adierit, dies artificiales et noctes: itē ortus & occasus æquabiles proclamabis: relatiua tamē relatiuis cōparando. Huic propositioni tale exemplū subiungendum est. Exemplum
 Offeritur mihi initium primi gradus Geminorū, cui adiumento astrolabij, & per 12. huius, determino quantitatem diei, 15. horarum & 12. minutorum, noctis 8. horarum, 48. minutorum. Per 11. verò offendo ortum Solis 4. hora 24. minuto, occasum 7. hora 36. minuto. His habitis, iubeor explorare gradum Zodiaci proposito gradui in quantitate diei & cæteris expositum respondentem atque parem, cerno primum gradum Geminorum propositum, quantū ad eius principium, distare à solstitio æstiuo, id est, à principio Cancrī 30. gradibus: & ab eodem principium Leonis pari distante trigenorum graduum abesse.

Concludo igitur principia primorum graduū signorum, Geminorum & Leonis aequales obtinere dies, noctes, ortus & occasus: & ex consequutione dies anni, quibus Sol his aderit gradibus in iam memoratis, æqualitatem seruare: quod fuit exponendum.

Proposi. 19. **TEMPVS ORTVS ET OCCASVS** stellarum fixarum paucis explorare.

A Nimaduertendum erit, & si stellarum ortus et occasus est multifarius, Heliacus scilicet, Cosmicus, Chronicus & Astronomicus, de quibus alibi fusius tractatur. Hic autem Cosmicum à Chronico nō distinguemus. Quare de ortu & occasu largiori quodā modo dicendū erit. Ortus igitur stellæ fit, cū de inferiori hemisphærio ad superius ascendit: & is per diem naturalem semel accidet stellæ. Occasus verò cū à superiori hemisphærio descendit ad inferius. Præterea cū in hac nostra propositione, de tēpore ortus et occasus alicuius stellæ loquimur, hoc de tempore quod per Solē accipimus, lector intelligas: quare id ad horas & minuta Solis referendum est: ac propositio sonaret: Explorare horā aut partem horæ solaris, qua stellæ firmæ oriuntur et occidant. Hoc etenim tempus ortus & occasus, admodum diuersum est secundum solis per signa Zodiaci mutationem. Est et alius ortus et occasus stellæ, non ad solem relatus, sed ad ipsam stellā: sicut

Ortus stellæ

Occasus
stellæ.

sicut cū alias de hora stellæ, nō Solis mentionem facimus. Imaginare igitur stellam vices gerere Solis. Tunc si eam Horizonti orientali iunxeris, & per ipsam Almuri duxeris: mox in margine ad situm Almuri stellæ ortum, & ex sequela tempus seminocturnum à media nocte numerandum addices: & si eam occidentali horizonti copulaueris, eius occasum & tempus semidiurnum à meridie computandum deprehendes. De hoc ortu & occasu parumper in sequenti propositione, & plenius ac vtilius in tabulis directionum tractatur.

Ceterum habitantes septentrionem, habent aliquas stellas omnino nunquam orientes & occidentes: quas in quavis hora apparere (nisi lumen solis obstet) necesse est: sicut sunt habitantibus septimum clima: omnes stellæ Arctos minoris & principales Arctos maioris: Draconis, Cephæi, Cassiopeiæ, nonnullis Cygni, Persæi & aurigæ. Omnes enim stellæ araneæ nostri instrumenti, quæ in eius ratione, Horizontem non tangunt, neque exoriuntur, neque occidunt, sed sunt perpetuæ apparitionis. Aliæ verò sunt stellæ orientes & occidentes, ut sunt stellæ signiferi, & aliæ plures. Quæcunque enim stellæ Araneæ sub Horizonte deprimuntur, eas oriri & occidere rite concludimus.

Quibus hæc nostra propositio hoc pacto accommodabitur.

Exercitiū.

Iunge propositam stellam in reti positam, pro oblato die, Horizonti exortino: & ducito Almuri per gradum solis oblato diei, ipsum in cōtactu limbi tempus ortus ipsius stellæ in horis & minutiis palam faciet: qua ad horizontem occidentalem traiecta, Almuri solari gradui adhærens, occasum eius aperiet. An autem huiusmodi ortus & occasus fiat interdiu vel noctu: quia id cognitu facillimū est (præcipuè si ea quæ circa ortum & occasum Solis, & horas diurnas & nocturnas inuestigandas iamdudum monuimus, rectè didicisti) consultò præterimus.

Simili ratione stellarum erraticarum, quando loca eorum æquata in longitudine & latitudine notaueris, tempus ortus atque occasus deprehendes.

Exemplum

In exemplo quinta die Martij habebat Sol 24. gradum Piscium. Volo inuenire ortum & occasum stellæ Aldebaran, quam oculum Tauri nominamus. Pono igitur cacumen stellæ super Horizontem orientalem, & addo Almuri gradui Solis: & dico eam oriri post horam nonam antemeridianam diurnam, minutis penè 12. Eandem etiam applico Horizonti occidentali, & Almuri per gradum Solis veniens, ostendit mihi eius occasum post meridiem, hora 11. nocturna, minuto ferè 33. Non aliter operandum est cum aliis stellis firmis & etiam erraticis.

TEMPVS DIVRNVM ET Propos. 29.

nocturnum stellarum fixarum
perscrutari.

TEMPVS diurnum stellæ impresentiarum Tempus di-
urnum stel-
la. vocatur tempus, quo ipsa supra Horizontem mo-
ratur, scilicet tempus quod stella consumit ab eius
exortu vsque in occasum: siue Sol sit sub, siue supra
Horizontem. Nocturnum verò dicitur tempus, quo
stella sub Horizonte mouetur: & cõputatur ab eius
occasu, in reditum ipsius in Horizontem exortium:
& loquimur de stellis orientibus & labentibus.

Deinde vt in secundo notando præcedentis Tempus no-
cturnum stel-
la. propositionis partim docuimus, tempus seminoctur-
num stellæ inuenitur per iunctionem ipsius cum
Horizonte orientali, & transitum Almuri per ip-
sam stellam: tempus enim à media nocte ad ta-
ctum Almuri in limbo computatum, tempus se-
minocturnum indicat: quod duplatum, quantita-
tem noctis, id est, moram stellæ sub Horizonte
exponit. Semidiurnum verò tempus, reperitur per
missionem stellæ in Horizontem occiduum, &
ductionem Almuri per eam: tempus enim à meri-
die ad cõtactum Almuri in margine numeratum,
tempus semidiurnum manifestat, quod duplica-
tum, longitudinem diei, id est, moram ipsius stellæ
supra Horizontem exponit.

Exercitiū.

His prenotatis, ad rem ipsam veniamus. Oblatam stellam iungito finitori exortiuo: per quam emitte Almuri, & eius tactum in limbo, puncto obsignabis. Post eandem reti voluto, siste in finitorem occidentalem, & iuncto Almuri, denuo limbum puncto signabis: à puncto in punctum per meridiem transeundo numera tempus, & congregabis tempus stellæ diurnum: quod à 24, horis demptum, nocturnum pandit tempus.

Idem aliter experieris, & multo vtilius. Elice (secundum doctrinam iam iam expositam) tempus stellæ seminocturnum: quod bis sumptum, tempus nocturnum relinquit. Elice præterea tempus semidiurnum, & id duplatum, tempus diurnum stellæ indicat.

Partis primæ exemplum per 12. huius facile addiscitur.

Exemplū.

Secundæ verò hoc sume exemplum. Repetatur stella Aldebaran, quam addo Horizonti orientali: & Almuri per ipsam ductum, ostendit mihi tempus seminocturnum, scilicet 4, horæ, & 49, minuta: quod duplicatum, tempus nocturnum ipsius exprimit, scilicet 9, horarum, & 38 minutorum. Item Aldebaran iungo Horizonti occidentali, & per eam Almuri emitto in limbum: quod mihi tempus semidiurnum manifestat, scilicet 7, horas, & 11, minuta, quo duplato, tempus diurnum
emerge

emergit 14, horas, & 22, minuta: quod fuit absolue-
dum. De erraticis stellis simile sume iudicium.

TEMPORALEM HORAM Propos. 21.
diei, quam hodie inæqualem nuncu-
pamus, facilè indagare.

DE HORIS Aequinoctialibus aut Ae-
qualibus, quo pacto diu noctuque inueniendæ
sint, & ad quid eorum cognitio conducatur, satis tra-
ctauimus. Consequitur, ut iam de horis naturali-
bus, temporalibus aut inæqualibus dicamus. Nolu-
mus hîc definire horam temporalem aut inæqua-
lem: neque causas nominum exponere: cùm de his
rebus in propositione sexta diffusè tractatum sit:
quare lectorem ad eandem remittimus.

Horam ergo inæqualem diei breui hac lege co-
gnosces. Per sextam huius, horam æqualem & e-
ius partem addisce, gradumque solis ipsius araneæ
fac immobilem durare in hora æquali & eius par-
te, per tertiam huius accipe nadair Solis: quo in re-
ti notato, ipsum illico in lineis horarum inæqua-
lium, horam temporalem diei indicabit: hanc nomi-
nabis antemeridianam, primam, secundam, tertiam,
quartam aut quintam. Si horam æqualem diurnâ
ante meridiem obseruasti, aut sextam: si sol in meri-
die inuentus, duodecimam æqualem signauerit.

De cogni-
tione hora-
rû inæqua-
lium diei.

Septimam verò dices aut octauam, nonam, decimā, undecimam, vel duodecimam: si æqualem diurnam post meridiem obseruasti. Quòd si nadair solis in lineam horariam præcisè ceciderit, completam horam secundum numeri adscriptionem dicito: & sequentem exordiri. Si verò nadair super intercapedinem duarum linearum ceciderit: linea præcedens horam completam & perfectam pandit, sequens autem fluentem & imperfectam.

Exemplum

Huius propositionis tale subiungitur exemplum, Sit Sol proposito die puta 31. Martij in 20. gradu Arietis: iubeor hora nona æquali antemeridiana per sextam supputata, explorare horam inæqualem, pono gradum Solis in reti inuentum, adiumento ipsius Almuri, in directum propositæ horæ nonæ, & signo Nadair Solis, scilicet 20. gradum Libræ, quod cadit in spatio duarum linearum inæqualiū horarum, scilicet inter tertiam & quartam. Dico igitur tertiam horam temporalem (quæ in hoc exemplo antemeridiana diurna est) transisse, & quartam fluere atque labi.

Proposi. 22. **H O R A M I N A E Q V A L E M**
nocturnam breuiter cognoscere.

PER decimam huius discè horam æqualem nocturnam, gradus itaque solis in limbo æqualem

lem horam indicans: idem in lineis horariis temporalibus, inæqualem ostendit, quæ dicitur nocturna prima. 2. 3. 4. aut 5, si æqualis ante medium noctis reperta fuerit: aut sexta, si sol lineam mediæ noctis, duodecimam nuncians accesserit. Septima verò. 8. 9. 10. 11. aut 12. si æqualis hora post noctem mediam observata fuerit.

In summa: horæ temporales diei incipiunt ab ortu solis, & finiunt se in occasum, & inuestigantur per nadair solis. Nocturnæ autem inchoant ab occasu solis, & terminant se in eius exortum, & inquiruntur per gradum solis. Sunt enim tam diei artificialis quàm noctis 12. horæ temporales, non plures nec pauciores.

In exemplo resumatur locus solis, scilicet 20. gradus Arietis, propositionis antecedentis, & offertur mihi hora 2. æqualis post medium noctis, præcipior numerare inæqualem respondentem æquali: iungo gradum Solis horæ æquali propositæ, & idem gradus statim indicat mihi horam octauam inæquale completam, & nonam initiatam fluentemque.

Exemplum

ARCVM AEQVATORIS ET
longitudinem horæ inæqualis de die & nocte artificialiter demetiri.

Proposit. 23.

GRADVS Aequatoris, qui in vna hora temporali peroriuntur, dicuntur arcus aut por-

tio horæ inæqualis, qui in tempus (vt affolet) re-
 dañti longitudinem vnius horæ inæqualis mani-
 festant. Si igitur ad certum diem oblatum arcum æ-
 quinoctialis horæ inæquali diurnæ correspondente
 scire volueris: per duodecimam huius elice arcum
 diei artificialis, quem per 12, partire, & in quotien-
 te habebis numerum graduum horæ diurnæ tem-
 poralis, & si aliquid manebit residuum, id multi-
 plica per 60, & diuide per 12, vt prius, & colliges
 in quotiente minuta gradus, id est fractiones arcus
 horæ inæqualis vltra gradus integros. Hi igitur gra-
 dus & minuta per huiusmodi diuisionem inuenta,
 dicuntur portio aut arcus æquatoris horæ inæqualis
 diurnæ, quem si à 30, gradibus subtraxeris, residua-
 bis arcum horæ temporalis nocturnæ. Et est ratio
 quare à 30, gradibus subtrahitur, quia arcus horæ
 inæqualis diurnæ, cū arcu horæ inæqualis noctur-
 næ, omni die faciunt 30, gradus, qui in 2, horas in-
 æquales resoluuntur.

Inuenies etiam aliter arcum horæ inæqualis no-
 cturnæ, secando arcum nocturnum per duodecimā
 huius repertum, per 12, operando quemadmodū iam
 de inuentione arcus horarij diurni docuimus.

Idem aliter & breuius, pro arcu horæ diurnæ
 inæqualis extrahendo: pone nadair solis super lineā
 horariam inæqualem quam volueris: et partem quā
 denotauerit almuri in gradibus limbi signa puncto:
 post

post admoue nadair sequenti lineæ horariæ, & adde notationem Almuri: iterum fac punctum in gradibus limbi, deinde numera gradus limbi his punctis interceptos, & habebis arcum æquatoris vnius horæ inæqualis diurnæ. Non aliter operare cū gradu solis, sicut fecisti cum nadair pro arcu horæ temporalis nocturnæ eliciendo.

Arcum præterea æquatoris horæ temporali respondentem, siue sit diurnus siue nocturnus, conuertere in tempus hoc modo, da cuilibet gradui 4. minuta temporis: si summa minutorum in 60, vel ultra euaserit, pro 60. ablatis, scribe vnam horam, reliquis in suo loco dimissis: & colliges longitudinem vnius horæ inæqualis. Vel distribue quantitatem diei aut noctis per 12, & idem eueniet.

Ex his facile liquebit horas temporales nonnunquam æquinoctiales excedere: & quandoque illas his minores existere.

Omitto propter prolixitatem exemplum primæ partis huius propositionis. Secundæ autem hoc summe. Repetantur dies gradus solis, & eius nadair propositionis 21, volo elicere arcum æquatoris vnius horæ temporalis diurnæ. Pono nadair Solis, scilicet 20. gradum Libræ, super lineam horæ sextæ inæqualis (& hoc gratia lucidioris intelligentiæ) & ad situm Almuri pingo notam in gradibus limbi, & est directè in linea mediæ noctis. Deinde trans-

Exemplum
secundæ par-
tis.

fero nadair in lineam horæ 7, & iterum pingo notam in limbo ad situm almuri. Supputo gradus his notis interiectos, & habeo 16. gradus & $\frac{1}{2}$. id est, semigradū, ecce arcus æquatoris horæ inæqualis diurnæ, quæ à 30. demo, & residuo. 13. gradus, & $\frac{1}{2}$. arcum horæ nocturnæ. Conuerto arcum horæ diurnæ in tempus, & colligo 1. horam & 6. minuta: ecce longitudo horæ diurnæ temporalis maior hora æquinoctiali. Conuerto etiam arcum horæ nocturnæ in tempus, & colligo 54. minuta horæ æquinoctialis, scilicet longitudinem horæ nocturnæ inæqualis, minorem hora æquinoctiali.

Proposi. 24.

QVOTA PARS HORAE temporalis incompletè transi- uerit determinare.

SAEP IV S cū quæritur hora tēporalis: gradus solis aut eius nadair nō præcise cadit super lineā horariam temporalem in Astrolabio descriptā, sed in spatium inter duas lineas horarias contentū: tunc enim talis hora est fluens & incompleta. Et si scire volueris, quota pars ipsius sit elapsa, scilicet an medietas, tertia, quarta, quinta aut sexta pars: tunc non mouendo almuri, nota locum almuri in margine: deinde moue nadair solis si est in die, vel gradum solis, si est in nocte, ad initium illius horæ, & iterum signa almuri. Postea computa gradus in limbo

bo inter primam notam & secundam secundū motum almuri, & eos memoriæ commenda. Consequenter transfer almuri ab initio horæ vsque in finem ipsius: & iterum signa locum Almuri. Quo facto, vide quot gradus sint inter secundam & tertiam notam: quia ipsi sunt arcus vnius horæ inequalis, & quo pacto se habet numerus graduum inter primam & secundam notam repertus, et memoriæ commendatus ad numerum totius horæ, sic se habet pars horæ transactæ ad totam horam.

Verbi gratia, resumatur exemplum 22. propositionis, vbi nadair solis horam temporalem indicans fuit repertum in interstitio tertiæ et quartæ linearū horariarū inequaliū: admoueo ipsi Nadair, Almuri, et noto limbum. Deinde reduco Nadair et Almuri ad initium tertiæ lineæ, et iterum noto limbū ad denotationem Almuri. Numero gradus his notis interpositos, et habeo ferè 5. quos memoriæ commendo. Per vigesimam tertiam autem capio arcum vnius horæ inequalis, scilicet 16. graduum et dimidij. Cōfero igitur 5. gradus ad 16. et sunt quasi pars tertiæ: et dico tertiam partē de hora quarta corrente penè elapsam: quæ in tempore 20. ferè minuta facit.

Exemplum

Potes totum negotium absolvere per tempus: resoluendo 5. gradus in 20 minuta horæ, et arcum horarium scilicet 16. gradus, et $\frac{1}{2}$ in 66. minuta temporis: et in promptu videbis tertiam propemo-

dum partem horæ quartæ temporalis transisse, quod fuit determinandum.

Proposi. 25, HORAS AEQVINOCTIALES
in temporales aut contrà reducere.

CONSIDERANDV Merit, horas æquinoctiales siue æquales, hic per quartamdecimã huius ab ortu aut occasu Solis esse numerãdas. Nec ab re: nam & temporales siue inæquales aut à principio diei aut noctis supputantur.

Horas igitur æquales ab ortu aut occasu solis numeratas, multiplica per 15, & erunt gradus: & si cum illis fuerint minuta, pro quibuslibet quatuor minutis accipe gradum, & adde cum prioribus gradibus, & totum diuide per quantitatem, id est arcum vnius horæ inæqualis: & numerus quotiens ostendit tibi horas inæquales: & si aliquid fuerit residuum, id multiplica per 60, & diuide per idem vt prius, & habebis minuta horis inæqualibus iungēda.

Si verò horas inæquales cupis reducere ad æquales, tunc numerum horarum inæqualium multiplica per arcum vnius horæ inæqualis, & productum diuide per 15, & exhibunt horæ æquales. Residuum verò diuisionis si fuerit, multiplica per 60, & productum diuide per 15, vt prius, & prodibunt minuta, quæ debent iungi horis æqualibus.

Exemplum

Exemplum breue. Proponatur hora 11. equalis *Exemplum*
antemeridiana, & supponatur ortus solis hora 5. per
propositionem decimam quintam, video 6. horas æ-
quales ab ortu solis transisse, quas in temporales cō-
uertere iubeor, eas multiplico per 15. gradus, et exi-
bunt 90. gradus. Supponatur consequenter, quòd ar-
cus horæ temporalis diurnus sit 17. graduum: diui-
do igitur 90. per 17, & habeo in quotiente 5. horas
temporales, & remanent 5. gradus, quos multiplico
per 60, & proueniunt 300, minuta, quæ similiter
per 15. partior: & prodibunt in quotiente 17. minu-
ta, quæ horis appono: & dico quintam horam tem-
poralem diurnam transactam & completam: &
de sexta incompleta, fluxisse 17. minuta. Exem-
plum verò reductionis horarū in æqualium in æqui-
noctiales, quia facile est, ideo transeo.

HORAS AEQVALES ET Proposi. 26. inæquales in dorso Astrolabij dicto citius indagare.

IN dorso nostri instrumenti fabricauimus hora-
 rium, per quod horas diurnas æquinoctiales &
 temporales hoc pacto facile discernes. Ad diem
 propositum per septimam huius addisce Solis alti-
 tudinem meridianam: qua in quarta altitudinis dor-
 si, à principio Arietis numerata, fini eius adde al-

hidadam: & Vbi linea horæ 12. aut quod idem est, sextæ secat lineam fidei ipsius alhidada, ibi fac notam in alhidada cum atramento, cera aut alia re, & hanc notam si libuerit, seruabis ad biduum vel triduum, quia interea notabiliter non variatur. Deinde Sole radiante cape eius altitudinem, quam per quintam huius, ante aut pomeridianam cognosces, Et alhidada in altitudine inuenta durante, statim nota in horariis lineis horas indicabit: æquales quidem in lineis horarum æqualium, & inæquales in lineis temporalibus, quas pro altitudine Solis, ante aut pomeridianas proclamabis.

Exemplum

In exemplo facilius forsitan accipies. Sit sol 31. die Martij in 20. gradu Arietis, per septimam elicio altitudinem meridianam 49. ferè graduum: qua in quarta altitudinis numerata, fini numerationis iungo Alhidadam: & pingo in ea notam in parte qua ipsa lineam duodecimam aut sextā interfecat. Postea quando placuerit, accipio altitudinem solis, quam gratia exempli reperiō 26. graduum & antemeridianam: durante igitur alhidada in hac reperta altitudine, nota in lineis horariis æqualibus indicat mihi horam octauam antemeridianam completam, & nonam in re parua initium sumpsisse. Item eadem nota in lineis horarum inæqualium, ostendit mihi secundam temporalem perfectam: & de tertia currente tertiam pro-

propemodum partem abiice. Ecce breuem & facilem horarum inuentionem.

DE HORIS TEMPORALI-Propos. 27.
bus nonnulla notatu digna subiungere.

VETERES horarum temporalium precipui observatores (ut testis est Hermes Trismegistus) fuerunt Babylonij: qui dominiū planetarū per horas cognitum, tanquā quoddam secretum paucis ostendebant. Diem enim quēcunque ac etiam noctē in duodenas partes fregerunt, quas planetarum horas appellabant: & eorum gubernamento dicauerunt. Denominabant etiam dies septimanæ à planeta, qui prima huius diei hora dominatum habet, ut diem Sabbati à Saturno omnium summo, Dominicum à Sole, Secundam feriam à Luna, Tertiā à Marte, Quartam à Mercurio, Quintam à Ioue, et Sextam à Venere. Has septenorum dierum nominationes ex his metris facile addisces.

Prima dies Phœbi sacrato nomine fulget.

Vendicat & lucens feriam sibi Luna secundam.

Inde dies rutilat iam tertia Martis honore.

Mercurius quartam splendētem possidet altam.

Iupiter ecce sequens quintam sibi iure dicauit.

Concordat Veneri magno cum nomine sexta.

Emicat alma dies Saturno septima summo.

M iij

DE VSV

Affirmabant praterea Babylonij, planetas successiue, & debito seruato ordine per horas diurnas & nocturnas dominari, quorum ordinatio hæc est: Saturnus, Iupiter, Mars, Sol, Venus, Mercurius, Luna. Vnde metricè dicitur:

Post sim sum vltima Luna subest.

Babylonios secuti sunt plures astrologi viri doctissimi, & præcipuè Bethen, qui de horis planetarum proprium composuit tractatum, cuius principium est: Cum fuerit hora Saturni, &c.

Si igitur scire libet, cui planeta debeatur quælibet hora proposita, scias in primis ex suprâ notatis, cuius planeta sit dies præsens, quo cognito, addisce per astrolabium horam temporalem, deinde diem planeta quære in capite tabellæ inferius expositæ: & horam diurnam temporalem in prima linea numeri laterali, nocturnam verò in eadem & sequenti linea per numerum, & in communi angulo diei & horæ, planetam horæ dominum inuenies.

Poteris etiam in articulis digitorum planetam propositæ horæ gubernatorem supputare: sed quia huiusmodi res penè vulgata est, transeo.

Tabella

TABELLA GVBERNA- menti Planetarum.

<i>Hora Diei.</i>	<i>Hora Noctis.</i>	<i>Dies Solis.</i>	<i>Dominicus.</i>	<i>Dies Lune.</i>	<i>Secunda Feria.</i>	<i>Dies Martis.</i>	<i>Tertia Feria.</i>	<i>Dies Mercurij.</i>	<i>Quarta Feria.</i>	<i>Dies Iouis.</i>	<i>Quinta Feria.</i>	<i>Dies Veneris.</i>	<i>Sexta Feria.</i>	<i>Dies Saturni.</i>	<i>Sabbathum.</i>
1	3	☉	☾	♂	♀	♂	♀	♂	♀	♂	♀	♂	♀	♂	♀
2	4	♀	♂	☉	☾	♂	♀	♂	♀	♂	♀	♂	♀	♂	♀
3	5	♀	♂	☉	☾	♂	♀	♂	♀	♂	♀	♂	♀	♂	♀
4	6	☾	♂	♀	♂	☉	☾	♂	♀	♂	♀	♂	♀	♂	♀
5	7	♂	☉	☾	♂	♀	♂	☉	☾	♂	♀	♂	♀	♂	♀
6	8	♂	☉	☾	♂	♀	♂	☉	☾	♂	♀	♂	♀	♂	♀
7	9	♂	☉	☾	♂	♀	♂	☉	☾	♂	♀	♂	♀	♂	♀
8	10	☉	☾	♂	♀	♂	☉	☾	♂	♀	♂	♀	♂	♀	♂
9	11	♀	♂	☉	☾	♂	♀	♂	☉	☾	♂	♀	♂	♀	♂
10	12	♀	♂	☉	☾	♂	♀	♂	☉	☾	♂	♀	♂	♀	♂
11		☾	♂	♀	♂	☉	☾	♂	♀	♂	☉	☾	♂	♀	♂
12		♂	☉	☾	♂	♀	♂	☉	☾	♂	♀	♂	☉	☾	♂
1		♂	☉	☾	♂	♀	♂	☉	☾	♂	♀	♂	☉	☾	♂
2		♀	♂	☉	☾	♂	♀	♂	☉	☾	♂	♀	♂	☉	☾

Initiū
hora-
rū no-
ctis.

Cæterum prisci insignes philosophi astrolabij expositores: puta Nicephorus, Messahalla, Hermannus & alij complures, primarias institutiones de inuentione horæ temporalis in eorum commentarijs nobis reliquerunt. Qui etiam temporales horas negotijs eorum peragendis absoluendisque aptauerunt. Immo (vt Hermannus contractus testatur) diuina officia temporalibus horis adaptata fuisse. Idem enim tractatu secundo de vtilitate astrolabij, in capitulo de concipienda Solis altitudine: postquam docuit inuenire horam temporalem aut inæqualem per Nadair Solis: in calce capituli ita inquit: Hoc quidem dignissimum ad diurnum horarum celebrandum officium, & per nimium ad scientiam vtile esse videtur, quanto gratius & decentius cuncta procedunt, dum cum summa reuerentia debitis horis sub regula iusti iudicis, qui in nullo vult falli, vicissitudinis obumbraculo Dominica ministeria conuenienter peraguntur?

In lib. 2. de
somnia
Scip.
Syene.

Præterea horologia solaria vetustorum artificum horas temporales & non æquinoctiales indicauerunt. Quod liquido constare poterit ex horario Syenensi, de quo Macrobius ita loquitur: Ciuitas autem Syene quæ præuinciæ Thebaidos post superiorum montium deserta principium est: sub ipso æstiuo tropico constituta est, & eo die quo sol certam partem ingreditur Cancris, hora diei sexta (quoniam tunc sol
super

super ipsum inuenitur verticem ciuitatis) nulla potest illic in terris de quolibet corpore vmbra iactari. Sed nec stylus hemisphærij monstrantis horas, quem gnomona vocant, tunc de se potest vmbra creare: & hoc est quod Lucanus dicere voluit, nec tamen plenè vt habetur absoluit. Dicendo enim:

—atque vmbra nunquam flectente Syene:

Pharſal. 2.

Rem quidem attigit, sed turbauit verū, non enim nunquā flectit, sed vno tēpore. Ex verbis Macrobij facile liquet, horologium hoc pro horis inæqualibus mōstrandis fuisse cōfectū: quod breuibus ita infer-tur. Sol existēs circa principium Cācri tempore meridiano, ciuitati Syeni verticalis est: & iam medietatem diei artificialis cōpleuit. Dies autē æstiuus, ob id quòd in principio Cancrī inuenitur, maximus est, scilicet 13. horarum, et 30. minutorum, cuius medietas est fere 7. horarum. AEquinoctialium. Sole ergo existente in meridie, & supputatis horis æqualibus ab exortu, vtique septima et non sexta esset numeranda: cuius contrarium dicit Macrobius. Sed ex quo hora sexta inæqualis semper meridiem tenet: & horologium eandem indicauit directè in meridie: consequens est, horarias lineas pro inæqualibus & minimè æqualibus inscriptas fuisse.

Non aliter videtur mihi sentiendum de horologio Achas regis Iuda, de quo quartus regum 20. & secundus Paralip. 32. & Esaias 38. memorant:

Horologiū
Achas.

quod pro assertione doctissimorum mathematicorum ad horas inæquales elaboratum fuit. Quod latius exponere modo tempus non est, & ne temerarius alienæ meæ falcem immittere videar.

Proposi. 28.

QUATVOR COELI ANGULOS
utiliter perscrutari.

HÆC propositio præambula & propemodum Isagogica est in duodenariam cœlestium domiciliorum partitionem, de qua sequentibus propositionibus abundè dicemus: & nisi me veterum astrologorum autoritas compulisset, qui iam inter initiales penè institutiones de usu astrolabij determinant, profectò ipsam impræsentiarum silentio præterissem. Observandum igitur, quòd cœlum ocysimè motum ad circulos ei extrinsecos horizōtem & meridianum elatum, pro omni instanti, secundum alias & alias eius partes, in quatuor distribuitur principales portiones: quas aut angulos, aut cardines appellamus, scilicet ortū, occasum, mediū cœli, et imū cœli. Ortus, gradus ascēdēs aut horoscopus, est pars illa Zodiaci, quæ in horizonte exortiuo primū

Ortus.

Occasus.

emergit. Occasus aut gradus occidēs est pars illa cœli, quæ in horizonte occiduo demergitur: quæ semper (vt facilius intelligas) gradui ascēdenti diametraliter opponitur. In quocunque enim signo gradus ascen-

ascendens fuerit inuentus, in signo & gradu oppositis occasus constituitur. *Medium cœli aut gradus mediæ cœli, pars est signiferi, quæ in linea meridiei aut in circulo meridiano supra terram locatur. Imū cœli aut gradus mediæ noctis aut angulus terræ, pars est Zodiaci in linea mediæ noctis, aut meridiano circulo sub terra inuenta, quæ etiam gradui mediæ cœli aduersa ac è regione subiicitur. Hæ partes sunt cœli quatuor anguli aut cardines: quos diligenti debemus ratione colligere, vt astrologica iudicia verissimis pronunciationibus explicemus.*

Medium
cœli.

Angulus
terræ.

Si igitur ad quodcunque tempus præsens, præteritum aut futurum oblatum, quatuor cœli cardines determinare volueris: ad idem quære gradum Solis per secundam huius. quo (vt fit) in Reti signato, numera tempus propositum per horas & minuta in margine Astrolabij, & fini adde Almuri & gradum Solis in Reti signatum, & gradus signi, qui cadit super primum Almicantarath ex parte orientis, id est super horizontem exortiuum, ille est horoscopus aut gradus ascendens ad tempus oblatum, & qui ex opposito cadit super primum Almicantarath ex parte occidentis, id est super Horizontem occiduū, est gradus occidens aut occasus, qui verò in linea meridiana constituitur, gradus est mediæ cœli, & ex aduerso in linea mediæ noctis reperiuntur: imum cœli aut angulus terræ nominatur.

De quatuor
cœli cardi-
nibus deter-
minandis.

Exemplum

Gratia exempli. Anno Christi 1510. corrente, offertur mihi oppositio Solis et Lunæ, quæ cadit in 25. diem Martij post meridiem hora secunda, minuto 41. Iubeor ad tēpus oppositionis iamiam propositum inuestigare quatuor cœli angulos. Per secundam huius inuenio solem in 14. gradu Arietis: signo locum Solis in Reti, deinde supputo tempus oppositionis scilicet 2. horas 41. minuta post meridiē in limbo scilicet à 12. hora meridiē, et termino iungo Almuri & gradum Solis ipsius Retis, & in horizonte orientali video oriri signum Virginis cum quarto gradu, ecce horoscopus aut gradus ascendēs. In horizonte occidentali, in opposito video labi 4. gradum Piscium: ecce occasus & gradus occidens. In linea meridiē cadit 26. gradus Tauri: ecce mediū cœli. Ex aduerso in lineā mediæ noctis intrat 26. gradus scorpj, ecce imū cœli aut angulus terræ.

Propo si 29.

SOLIS, STELLARVM FIXARVM, & generaliter cuiuslibet gradus Zodiaci declinationem computare.

VT facilius huius propositionis & sequentium habeatur intellectus, prenotandum nobis est, quòd Zodiacus dupliciter imaginatur diuidi. Primò secundum longitudinem in 12. partes æquales, quas signa appellamus, puta Aries, Taurus, Gemini,

ni, &c. Quodlibet signum in trigenas partes: vnde De diuisione
zodiaci. conspicuum est, totum Zodiacum in 360. partes, quas gradus nominamus, distribui: secundum hanc partitionem ab initio Arietis supputamus motus Solis & planetarum & stellarum fixarum. Secundò intelligitur diuidi secundum latum: omnes enim celestis spheræ circuli vt linea, solus Zodiacus vt superficies imaginatur: latitudinem habens 12. graduum, & secundum hanc sumitur latitudo stellarum erraticarum & inerraticarum: quæ est distantia earum à via Solis, seu à linea ecliptica. Quam intelligimus diuidere totum Zodiacum secundum latum in duas pares portiones: ita quòd ex vna parte relinquat 6. gradus, & ex alia parte totidem.

Secatur hæc linea in duos semicirculos, quorum vnus est à principio Cancræ, vsque in principium Capricorni per Libram transeundo: alter ab exordio Capricorni in initium Cancræ per Arietem computando. Sole enim Cancræ principium addeunte: his qui Aquilonem habitant, solstitium æstiuale maximusque dies constituitur: ex eo quòd capitibus eorum propius non accedit: sed quasi stando incipit deflectere, & ab eis ad inferius hemisphærium gradiendo sese conuertere. Item sol in principium Capricorni vergens, solstitium hyemale & diem breuissimum efficit: quia ab Aquilonaribus longissime abit: et iterum penè stans, mox ab eos redire incipit.

Declinatio. Præterea notabimus, quòd declinatio est distantia stellæ, planetæ aut gradus signiferi ab *AEquinoctiali*, & computatur in corpore spherico in circulo transeunte per polos mundi & per verum locum stellæ, planetæ aut gradus Zodiaci. Et est duplex, septentrionalis & meridionalis. Septentrionalis est ab *AEquatore* versus polū arcticum vel centrum *Astrolabij*. Meridionalis verò ab *AEquatore* versus polum antarcticum vel circulum Capricorni.

Sed quia *AEquinoctialis* secat lineam eclipticam in principio *Arietis* & *Libræ*, facile infertur, Zodiacum in his principijs nullam habere declinationem, in alijs autem partibus ipsius maior aut minor accidit declinatio, secundum quod plus vel minus distant à principio *Arietis* aut *Libræ*.

Nulla etiā Zodiaci pars aut gradus maiorem habet declinationē, quam primus gradus *Cæcri*, et primus gradus *Capricorni*. Et talis hac nostra tēpestate est 23. graduum et 30. ferè minutorum. Et quācunque declinationem habet aliquis graduum Zodiaci, tantam habet sol in tali gradu existens.

Suprà pro-
positione.
18.

Nec id ignorandum est, quod omnes duo gradus æqualiter distantes ab aliquo duorum solstitionum memoratorum, æquales habent declinationes, aut *Aquilonias* aut *Austrinas*, et dies artificiales, eorū noctes, vmbre & altitudines meridianæ, Sole in ipsis existente, sunt æquales.

His

His prenotatis, ad operationem propositæ propositionis hoc pacto proceditur. Stellâ, Solem aut gradum Zodiaci, cuius declinationem scire adoptas, pone super lineam meridiei instrumenti, & vide per quot gradus eleuatur ab Horizonte inter Almicantarath, & numerum serua. Deinde pone primum gradum Arietis aut Libræ super eandem lineam meridiei, & consimiliter vide ipsius altitudinem ab Horizonte inter Almicantarath, & numerum serua: numerum minorem deme à maiori, & quod remanserit, erit declinatio propositæ stellæ Solis aut gradus Zodiaci. Septentrionalis quidem, si altitudo stellæ, aut Solis, aut Zodiaci, fuerit maior altitudine Arietis aut Libræ: Meridiana autem, si contrâ, scilicet altitudo Arietis aut Libræ, fuerit maior altitudine stellæ, aut Solis, aut Zodiaci.

Propositioni nostræ breue accommodabitur exemplum: Offertur mihi Sol, vigesimooctauum gradum Arietis occupans: iubeor Solis declinationem numerare. Pono igitur vigesimooctauum gradum Arietis super lineam meridiei, & video altitudinem meridianam quinquagintaduorû graduum, quam seruo. Item consimiliter pono principium Arietis super eandem lineam, & offendo altitudinem quadraginta vnus graduum, & ferè viginti minutorum, quam etiam seruo. Subtraho secundam altitudinem, quia minor à prima, & re-

Exemplum

manent mihi decem gradus, & quadraginta quasi minuta: declinatio Solis septentrionalis, ex eo quod altitudo Solis maior est altitudine Arietis.

Vel aliter et facilius: Siste cacumen stellæ, Solem, aut gradum Zodiaci, super lineam meridianā, & vide quot gradus de gradibus Almicantarath sunt inter circulum AEquinoctialem & cacumen stellæ aut Solem, siue gradum Zodiaci: et habes declinationem quæsitam, quæ cuius sit partis, septentrionalis aut meridiana, ex supradictis facile addiscitur. In exemplo proponitur mihi stella Aldebaran: sisto eius cacumen super lineam meridianam, et numero à cacumine stellæ sursum vsque in circulum AEquinoctialem, et inuenio sexdecim propemodum gradus declinationem septentrionalem propositæ stellæ.

Exemplum

Ex his (habito astrolabio ritè confecto) diligens supputator facile inferet distantias trium orbium aut circulorum, æstiu inquam tropici, æquinoctialis, et hyberni tropici. Est autem ab hyberno solstitio ad æstiuum vsque interuallum graduum quadraginta-septē, ut est ex Almicantarath inscriptione cognoscere. Distat nāque ad septentrionē ab æquinoctiali (ut etiā supra notauimus) æstiuū solstitiū gradus 23. & triginta minuta, et ad austrū hybernum solstitiū tantūdem. Principium nāque sumēdo in quouis climate, et notando Almicantarath, quod Capricorni
ad

ad meridiem attingit principium: & rursus secundum, quod Arietis & Libræ attingit principia: et tertium, quod Cancræ attingit principium: annumerandoque interiecta Almicantarath, inuenies à Capricorno in Arietem vsque trigintaduos gradus & dimidium. Ab Ariete autem ad Cancrum, alios vigintitres & dimidium: vt sint à Capricorno in Cancrū gradus quadraginta septem, quod interuallum signiferi continet obliquitas.

LATITVDINEM REGIONIS, climatis, oppidi, lociue cognoscere. Proposi. 32.

LATITUDO regionis, climatis aut loci, est Latitudo regionis.
distantia ipsius, hoc est, puncti verticalis ab æquatore circulo: quæ aut versus septentrionem, aut meridiem se extendit. Et est semper æqualis altitudini aut eleuationi poli septentrionalis supra Horizontē, aut depressioni poli oppositi sub Horizonte.

Nicephorus Græcus de latitudine climatum cognoscenda, doctrinam attulit particularem valde, (admiror) scilicet cum Sol Arietem aut Librā ingredi incipit, quod solum bis in anno accidere latet neminem. Taceo Solem rarissimè tempore meridiano Arietē Librām de ingredi, quod tamen Nicephori traditio supponit. Ego autem huius rei generalem dabo modum, geographicis negotijs profectō vtilem, qui talis est. In dorso Astrolabij

quemadmodum supra constituimus, altitudinem Solis meridianam addisce. Quòd si tempore meridiano principium Arietis aut Libræ adierit, (quod raro cōtingit) ipsa altitudo meridianæ eleuationem principij Arietis aut Libræ, & ex consequutione æquatoris circuli supra Horizontem indicat: quæ à 90. gradibus subtracta, latitudinem regionis, climatis, aut habitati loci relinquet.

Quòd si sol in septentrionali quopiam signo inuentus fuerit, declinationem eius septentrionalem per propositionem antecedentem cognosce: quam à Solis altitudine meridianæ surripe: & patebit eleuatio arietis aut libræ atque æquatoris: quæ vt iam iam monuimus, à nonaginta gradibus sublata, latitudinem regionis & generaliter vniuscuiusque loci, quem observationis tempore colis, pandet.

Quòd si sol per meridianum graditur signum, declinationem eius meridianam per præcedentem inuentā, altitudini meridianæ adde: et prodibit eleuatio arietis aut libræ, et ex sequela æquatoris: quæ vt iam bis dictū est, à nonaginta reiecta, latitudinē regionis & cæterorum expositorum manifestabit.

In summa igitur habes tres modos latitudinum inuestigandarum tempore diurno opportunos: scilicet cum sol principium arietis aut libræ, aut aquilonia siue austrina signa occupauerit. Non omnium exempla subiungam, sed secundi dūtaxat, qui medius est

est (medio enim tutissimus ibo) tale accipe exemplum. Supponatur quòd oppidum gymnasij Tu- Exemplum
bingensis, sit locus habitationis cognoscendæ latitudi-
ni propositus, repeto breuiter exemplum primum
propositionis antecedentis, in quo ponebatur sol in
vigesimo octauo gradu signi arietis, & altitudo So-
lis meridiana 52. graduum. Item Solis declinatio se-
ptentrionalis decem graduum, & 40. minutorum:
subtraho igitur declinationem ab altitudine meri-
diana, & remanent mihi 41. gradus, et 20. minuta,
elevation arietis: & ex sequela æquinoctialis oppidi
Tubingensis, quam à nonaginta gradibus demo, &
remanebit mihi latitudo oppidi prædicti, scilicet
quadragesimo octo gradus, & 40. minuta, quod fuit
absoluendum.

Nocturno verò tempore hoc idem per aliquam
stellam firmam, tibi cognitam, quæ exoritur & oc-
cidit, hoc modo absolues: Obserua eius altitudi-
nem meridianā, necnon declinationem septentrio-
nalem aut austrinam, prout negotium postulat: qui-
bus habitis, operaberis quemadmodum iam supra de
Sole expositum est:

Euidentiæ gratia, quæro altitudinem meridia-
nam stellæ Aldebaran, & reperio quinquaginta-
septem gradus, & viginti penè minuta. Inuestigo
etiam eius declinationem, quæ per antecedentem
propositionē inuenta est quasi graduum 16. septen-

trionalis. subtrahō hāc ab illa, et habeo 41. gradus, & viginti ferē minuta eleuationē Arietis: quam à 90. minuo, et video latitudinem oppidi Tubingensis supra elicitam, scilicet 48. gradus, 40. minuta.

Per stellam autem quæ nec oritur nec occidit, sic operare: Nocte hyberna observa eius altitudinem maximam & minimam. Bis enim meridiano coniungitur, scilicet in eius parte superiori, vbi altitudine maxima afficitur: & inferiori, vbi minima. Has altitudines iūge simul, & totius aggregati medietas est latitudo regionis aut loci observati. Et hoc verum est de stellis fixis, quæ circa Polum arcticum rotantur, & vltra Zenith regionis aut loci observati, non euagantur.

Exemplum

In exemplo offertur stella Alioth, quæ est principium caudæ Ursæ maioris; capio per Astrolabium eius altitudinem maximā, scilicet 80. ferē graduum: capio etiam minimā, 17. quasi graduum: has iungo, & colligo 97. gradus: quorum medietas est 48. gradus & 30. ferē minuta, latitudo oppidi observati.

Hæc propositio perutilis est, pro instrumentis astronomicis, ad diuersas habitationes conficiendis. Nam cognita latitudine, cognoscitur quoque quot gradibus polus mundi supra Horizontem cuiusvis loci aut habitationis propositæ extollitur: sine quorū cognitione instrumenta rite cōponi minime possunt.

LONGITVDINES REGIO - Proposi. 31.

num, oppidorum locorumque notas fieri.

EX QVO in mentionem latitudinum regionum, climatum ac locorum incidimus, paucula quædam de eorundem longitudine non ab re disserere decreuimus.

Aduertendum igitur, quòd *longitudo regionis*, Longitudo
regionis. oppidi locique, est distantia meridiani circuli vnius à meridiano circulo alterius. Et computatur in terra, in circulo magno AEquatori directè supposito: præcipuè in ordine ad situm cuiusque regionis, oppidi aut loci distantis ab occidente. Numeratur autem ab occidente versus orientem: & vt nonnullis placuit, à Gadibus Herculis sitis in occidente, vsque ad columnas Alexandrinas sitas in oriente: que distantia est semicirculus continens 180. gradus. Claudius autè Ptolemæus omnium in geographia clarissimus, principium sumit in occidente ab insulis Fortunatis, sitis in mari occidentali, quod sinus Hespericus appellatur, & terminat in oriente in Sinarum regionem metropolim Thyene, aut oppidum Sarapa. De hac longitudine regionum, oppidorum & locorum, diffusè tractat memoratus Ptolemæus. Et sic dicimus, Nouium habere longitudinem 6. graduum & 10. minutorum; tantum enim distat ab occidente. Toletum habere longitudi-

nem 10. graduum. Parrhisium 24. graduum 30. minutorum. Agrippinam 28. graduum 40. minutorum. Argentinam 28. graduum 50. minutorum. Gannodurum 29. graduum 30. minutorum. Romam 36. graduum 30. minutorum. Bizantium 56. graduum. Alexandriam 60. graduum 30. minutorum. Bathinam & Corodnam 90. graduum: distantes ab occidente & oriente æqualiter.

Metiturus itaque oppidorum aut regionum distantiam secundum longitudinem, addisce per tabulas eclipsium oppidi alicuius notæ longitudinis, initium eclipseos Lunaris: & in alio oppido, cuius longitudo tibi ignota fuerit, observa per astrolabium principium eclipsidis. Quod si initium eclipsidis ex tabulis oppidi noti supputatum, & principium eiusdem oppidi ignotæ longitudinis per astrolabium observatum, in horis & minutis concordauerint, concludas ambo oppida eandem habere longitudinem, & unum meridianum: ita quod inter ipsa nulla est distantia longitudinis. Si autem initium deliquij Lunaris per astrolabium observatum fuerit, plus in horis & minutis quam initium per tabulas computatum, aut contra: infer ea oppida diuersos habere meridianos, et diuersam longitudinem: quam sic cognosces. Subtrahe numerum horarum et minutorum minorem à maiori: et id quod remanserit dicitur differentia temporis unius oppidi ab alio.

Accipe igitur pro qualibet hora 15. gradus, & pro quibuscumque quatuor minutis temporis vnum gradum, & pro quolibet minuto 15. minuta gradus. Tandem adde gradus gradibus, & minuta minutis, & collectum longitudinem oppidorum propositorum indicabit. Cum autem nullas oppidorum tabulas habueris, tunc te in vno oppido, & socio tuo in alio existentibus, principia eiusdem eclypsis Lunaris per astrolabia debent observari, quibus habitis, operare vt prius.

Nec id silendum est, illud oppidum orientalius esse alio cuius principium eclypseos in tempore maius est repertum: & generaliter longitudo maior oppidi vnius, respectu longitudinis minoris oppidi alterius, orientalitatem manifestat: vt in exemplo, Toletum habet in longitudine 10. gradus: Byzantium 36. dico Byzantium orientalius esse Toletum, quia eius longitudo maior est.

Iam propositioni nostræ exemplaris computatio subiicienda est. Exemplum
Anno Christi. 1504. currente bissextili, 29. die mensis Februarij post meridiem, Luna deliquio vniuersali affecta est. Supputaui ex tabulis & radicibus Toletanis per Alphonsum verificatis, principium huius deliquij, quod inueni in Toletum post meridiem predicti diei horis 10. minutis ferè 27. Obseruaui etiam per a-

astrolabium idem deliquium in oppido Vlmensi, mihi quantum ad longitudinem incognito, & offendi eius initium post meridiem, hora 11. minuto quasi 49. Subtraxi tempus minus à maiori, & remansit mihi 1. hora 22. minuta, differentia temporis dictorum oppidorum. Dedi 1. horæ 15. gradus, & 20. minutis temporis 5. gradus: & 2. minutis 30. minuta, gradus: & collegi 20. gradus & 30. minuta, distantiam longitudinis inter Toletum & Vlmam. Sed quia Toletum, ut Ptolemæus testis est, distat ab occidente, aut insulis Fortunatis 10. gradibus, conclusi Vlmam ab eodem occidente versus orientem distare 30. gradibus & dimidio. Est igitur longitudo oppidi Vlmensis 30. graduum, & 30. minutorum, quod fuit optatum. Verum per Germaniam in opere Ptolemæi plures locorum latitudines & longitudes, debitos numeros minimè habere satis compertum est, stabimus tamen cum Ptolemæo vsque dum emendatio Germaniæ prodibit descriptio. Nolo etiam optime lector, ut credas locorum longitudes, non aliter quàm per eclipses posse observari. Sunt enim & aliæ harum rerum sciendarum viæ: sed ut omnibus astrolabij nostri vsus multifarius appareret, eclipses easdem venari libuit.

MILIARIA INTER DVAS Proposi. 32

regiones aut oppida diametri.

CONTVENDVM, quòd regionum aut oppidorũ distantia, aut est in latitudine tantũ, aut lōgitudine: aut in latitudine et in lōgitudine simul.

Si igitur in latitudine solũmodo distant, & eorũ mensuram terrestrem nosse anhelas, subtrahe latitudinem vnius à latitudine alterius: & videbis gradus, quos differentiã latitudinum nominamus: hos multiplica per 60. miliaria Italica, aut Alemanica 15. communia, aut 12. Suenica: quo factò, distãtia eorundem oppidorũ aut regionum in promptu erit.

In exemplo obseruatione Ptolemica: Roma & Exemplum Ancona in longitudine æquantur, differunt tamen latitudine: quia Roma 42. ferè gradus, Ancona autem 44. obtinet. Demo latitudinem minorem à maiori, & habeo duos gradus differentiæ latitudinum, quos multiplico per 60. & colligo 120. miliaria Italica: aut per 15. & habeo 30. Alemanica cōmunia: aut per 12. & congrego 24. Suenica. idem iudicium de aliis. Ex hoc infertur illud generale, quòd singulis gradibus latitudinum correspondent equalia miliaria in terra, siue sint Italica, Alemanica, Gallica aut cuiusuis alterius nationis.

Sinautem oppida sola longitudine differunt, iam exposita forma terrestris mensuræ non satis-

facit, nisi sub circulo æquinoctiali, & ferè vsque in latitudinem 18. graduum vtrunque. Secus nusquam gentium veritatem habet: quanto enim magis ab æquinoctiali ad arctos gressum dirigimus, eo magis spatium terre vni gradui correspondens, minui compertum habemus secundum parallelorum & tractuum terre diminutionem, & propter meridianorum circularum in polis mundi concursum. Quapropter oppidorum & locorum distantias tabulari computatione absolueri decreuimus, hoc modo. Oblatis duobus oppidis, longitudine duntaxat distantibus: latitudinem eorundem in tabula subiuncta in prima linea (quæ incipit ab 1. & finitur in 80.) sub titulo gradus latitudinum diligenter inuestiga, & è directo offendes miliaria aut Italica, aut Alemanica cõmunia, aut Sueuica, vni cœlesti gradui prope verum secundum situm oppidorum respondentia: pro libito igitur tuo ea elige, quibus ad tuum propositum vti volueris. Deinde elice oppidorum differentiam in gradibus longitudinum, quam multiplica per miliaria electa vni gradui conuenientia, & habebis oppidorum distantiam pro eorum situ secundum longitudinem, & optato potieris.

Exemplum

Sit pro clariore intellectu exemplum tale. Corrodunū, nunc Cracouia, & Amisia, nunc Marckpurgium, Ptolemæo asserente, eādem habent latitudinem, 51. quasi graduum: distantia solummodo longi-

longitudine: quia secundum eundem *Amisia*, id est, *Marckpurgium* continet 31. gradum, 30 minuta: *Corrodunum* autem, id est, *Craconia* 42. gradus 40. minuta: subtraho longitudinem minorem à maiori, & habeo 11. penè gradus: differentiam longitudinum. Ingredior tabulam cum 51. gradibus latitudinis, et inuenio in miliaribus communibus (quæ impresentiarum eligo) 10. miliaria Vni gradui pro huiusmodi situ respondentia: quæ multiplico in 11. gradus, differentiam longitudinum: & colligo 110. miliaria communia, distantiam mensuræ terrestris oppidorum propositorum.

	Longitudo.	Latitudo.
<i>Lubecum.</i>	35	56
<i>Dantiscum.</i>	45	56

SE Q V I T V R T A B V L A
 Miliarium, longitudinum, regionum & oppidorum, secundum diuersos parallelos
 & terræ tractus.

Alemanica						Alemanica							
Grad. latitudinu.	Miliaria Italica	Miliaria communia	partes et sunt quar.	Miliar. Sueuica.	Partes et sunt tot	Quarte.	Grad. latitudinu.	Miliaria Italica	Miliaria communia	partes et sunt quar.	Miliar. Sueuica.	Partes et sunt tot	Quarte.
1	60	15	0	12	0		22	58	14	2	11	2	
2	60	15	0	12	0		23	57	14	1	11	1	
3	60	15	0	12	0		24	57	14	1	11	1	
4	60	15	0	12	0		25	57	14	1	11	1	
5	60	15	0	12	0		26	56	14	0	11	1	q̄st
6	60	15	0	12	0		27	56	14	0	11	1	q̄st
7	60	15	0	12	0		28	55	13	3	11	0	
8	60	15	0	12	0		29	55	13	3	10	0	
9	60	15	0	12	0		30	54	13	2	10	3	
10	60	16	0	12	0		31	54	13	2	10	3	
11	60	15	0	12	0		32	53	13	1	10	2	
12	59	14	3	12	0		33	53	13	1	10	2	
13	59	14	3	11	3		34	52	13	0	10	1	
14	59	14	3	11	3		35	52	13	0	10	1	
15	59	15	3	11	3		36	51	12	3	10	1	q̄st
16	59	14	3	11	3		37	50	12	2	10	0	
17	59	14	3	11	3		38	50	12	2	10	0	
18	59	14	3	11	3		39	49	12	1	9	3	
19	58	14	2	11	2		40	48	12	0	9	2	
20	58	14	2	11	2		41	47	11	3	9	1	
21	58	14	2	11	2		42	47	11	3	9	1	

<i>Alemanica</i>					<i>Alemanica</i>				
Grad. Latitudinum.	Miliaria Italica.	Miliaria communia	partes et sunt quatr.	Miliaria Sueuica.	tot sunt tot Partes Quartæ.	Grad. latitudinum.	Miliaria Italica.	Miliaria communia	Partes et sunt quatr. Miliaria Sueuica.
43	46	II	2	9	I q̃si	62	29	7	I 5 3
44	45	II	I	9	0	63	28	7	0 5 2
45	44	II	0	8	3	64	27	6	3 5 I
46	44	II	0	8	3	65	26	6	I 5 I q̃si
47	43	IO	3	8	2	66	25	6	I 5 0
48	43	IO	3	8	2	67	24	6	0 4 3
49	42	IO	2	8	I	68	23	5	3 4 2
50	41	IO	I	8	I	69	22	5	2 4 I
51	40	IO	0	8	0	70	21	5	I 4 I q̃si
52	39	9	3	7	3	71	20	5	0 4 0
53	38	9	2	7	2	72	19	4	3 3 3
54	37	9	I	7	I	73	18	4	2 3 2
55	36	9	0	7	I q̃si	74	17	4	I 3 I
56	35	8	3	7	0	75	16	4	0 3 I q̃si
57	34	8	3	6	3	76	15	3	3 3 0
58	33	8	I	6	2	77	14	3	2 2 3
59	32	8	0	6	I	68	13	3	I 2 2
60	31	7	3	6	I q̃si	79	12	3	0 2 I
51	30	7	2	6	0	80	II	2	3 2 I q̃si

DE VSV
HAEC TABVLA VERSATVR
circa prope verum, & accedit Ptol.
geo. Idem accipe de tabu-
lis sequentibus.

QUOD si duarum regionum aut oppidorum longitudine & latitudine differentiū, spatium terræ interiacens geometrica mensura scire optaueris, latitudines eorum per propositionem 40. inuentas considera: & minorem à mediocri deme: residuumque, quod differentia latitudinis dicitur, seorsum serua. Longitudines eorum per propositionem 31. repertas itidem animaduerte: & iterum per subtractionem minoris à maiori differentiam addisce: quæ differentia longitudinum appellatur. Vtrasque differentias tam latitudinis quàm longitudinis quadratè multiplica, id est, in se duc, vel multiplica: & multiplicatione procreata, simul aggrega, id est, adde: & aggregati quære radicem quadratam: quā multiplica aut per miliaria Italica, scilicet 60. aut Alemanica communia, 15. aut Sueuica 12. & productum, mensuram terrestrem in miliaribus duarum regionum aut oppidorum manifestabit. Hæc veterum doctrina de diuersa regionum & oppidorum latitudine & longitudine loquens, facit computationem distantiarum secundum lineam diagonalem, quæ aut quadrati aut quadranguli

guli diameter nominatur: & nisi ritè accipiatur, in magnum nos abducit errorem. Cum gradus longitudinum cum gradibus latitudinum solummodo sub æquatore aut eius vicinia, vt suprà exposuimus, eandem seruent mensuram: aliàs gradibus longitudinum versus vtrunque polum vbiuis diminutionem patientibus.

Circa æquinoctialem igitur hæc doctrina vsque in latitudinem ferè 18. graduum satis quadrat, quare eandem exemplis lucidiorem reddam. Primum generale. Sit *A*, oppidum habens in longitudine 30. gradus, & in latitudine septentrionali 2. gradus, *B*, verò sit aliud oppidum habens in longitudine 38. gradus, & in latitudine septentrionali 8. gradus. Iubeor metiri eorum distantiam in terra, subtraho igitur longitudinem 30. graduum oppidi, *A*, à longitudine 38. graduum oppidi, *B*, et habeo 8. gradus differentiam longitudinum. Similiter subtraho latitudinem 2. graduum oppidi, *A*, à latitudine 8. graduum oppidi, *B*, & habeo 6. gradus, differentiam latitudinum. Deinde multiplico 8. gradus, differentiam longitudinum in se quadratè: & dico octies octo sunt 64. similiter 6. gradus, differentiam latitudinum duco in se: dicendo, sexies sex sunt 36. producta per multiplicationem aggrego simul, id est, addo, & colligo 100. Huius numeri sic collecti quero radicem qua-

dratam, secundum regulam algorithmi, de radicum quadratarum extractione, & inuenio 10. gradus pro radice quadrata: tot enim graduum est linea diagonalis constituta in quadrangulo, ubi duo latera habent 8. gradus, & alia duo sex. Hos decem gradus multiplico per 15. miliaria communia: & proueniunt 150. miliaria distantia terrestris inter

Exemplum
ex Ptole. li.
6. ca. 8. Sileū
Lon. 37. La.
17. Cōcona-
ti insula.
Lon 3. Latit.
83.9.

A, & B. Secundum exemplum sumptum ex opere Ptolemæi Claudij lib. 7. cap. 4. est tale. Nuberta oppidum insule Taprobana, habet in longitudine 122. penè gradus, in latitudine, 0, ex eo quod sub equatore situm est. Modotti emporium eiusdem insule habet in longitudine 128. gradus: in latitudine verò 12. gradus: differunt igitur hæc duo oppida longitudine & latitudine. Cupio scire eorundem distantiam. subtraho longitudinem 122. graduum oppidi Nubertæ à longitudine 128. graduum Modotti, & remanent 6. gradus, differentia longitudinis horum oppidorum. Differentia autem latitudinis est 12. graduum, multiplico 6. in se, & habeo 36. Similiter 12. & habeo 144. quæ simul iungo, & colligo 180. huius numeri radix quadrata est 13. graduum & ferè $\frac{1}{2}$, multiplico 13. gradus per 15. miliaria communia, & produco 195. miliaria: & pro dimidio gradu addo quasi 7. & colligo 202. miliaria: distantiam oppidorum propositorum.

Quòd

Quòd si regiones aut oppida latitudine & longitudine differentia, Latitudines maiores 18. gradibus habuerint, eorundem elice differentias tam latitudinum quàm longitudinum secundum modum suprà traditum. Postea cum gradibus amborum latitudinum ingredere tabulam præexpositā, & ad sedes earum recipe numeros miliarium, præcipuè Alemanicorum communium: & si numeri miliarium non differunt, aut si differunt, id tamen nullius est penè momenti, & vix notatu dignum. Tunc si iustam oppidorum distantiam habere voveris, opus erit, vt differentiam graduum longitudinum cōuertas in gradus æquinoctiales, quod prope verum tabulari officio in hunc modum absolues. Latitudines oppidorum propositorum inuestiga in primis numeris lateralibus tabellarum subiunctarū, quibus repertis, vel ad minus vna, gradus differentie longitudinū quære in numeris sub titulo gradus longitudinum: & in directo eorum sub titulo gradus æquinoctialis, offendes gradus, & nonnunquam minuta his gradibus respondentia, quæ extra scribe. Intra etiam tabellam (vt assolet) duplici introitu, si gradus differentie longitudinum non præcise inueneris: & quod post huiusmodi introitum extra scriptum fuerit, voca gradus æquatoris: quos in se quadratè multiplica, & similiter gradus differentie latitudinum, & procede

secundum formulam supra expositam: elicienda ra-
 dicem quadratam: quam in miliaria Italica aut
 Alemanica conuerteres: & habebis mensuram ter-
 restrem oppidorum propositorum. Verbi gratia: Pto-
 lemaeo docente, Peronticum nunc Pera oppidum
 Thraciae, habet in longitudine quasi 55. gradus, in
 latitudine autem 44. Passium oppidum Iasigis,
 Metanastis, nunc Septem castrorum, habet in lon-
 gitudine 45. gradus, in latitudine penè 47. diffe-
 rentia longitudinum est 10. gradus, latitudinum 3.
 Per latitudines dictorum oppidorum inuenio ex ta-
 bula supra exarata numeros miliarium communiū
 ferè aequales: ita, quod vix est dabile medium, nisi
 quis res minimas plus subtiliter quam vtiliter pro-
 sequi velit: quod impresentiarum minimè atten-
 tabo. Quocirca easdem latitudines quaero in lateri-
 bus tabellarum subannexarum, quas tabellae quar-
 tae annecti conspicio: per eandem igitur 10. gradus
 differentiae longitudinum secundum situm tractus
 terrae, & latitudines propositorum oppidorum con-
 uerte in gradus aequinoctiales, hac norma. In secun-
 da linea numeri memoratae tabellae reperio 10. gra-
 dus, differentiam longitudinum praedictorum oppi-
 dorum: in quorum directo habeo penè 7. gradus
 aequatoris his gradibus correspondentes. Concludo
 igitur, quod 10. gradibus longitudinis in Parallelo la-
 titudini 45. 46. aut 47. graduum supputato, respondent
 ferè

ferè 7. gradibus æquatoris. Multiplico ergo hos 7. gradus æquatoris quadratè, & habeo 49. Similiter 3. gradus differentiam latitudinum, & habeo 9. quæ aggrego simul, & colligo 58. quorum radix quadrata vicinior est 8. gradum. quos multiplico per 15. miliaria Alemanica communia, & habeo 120. miliaria, distantiam oppidorum oblatorum.

Demum si Regiones aut oppida longitudine & latitudine distantia: latitudines maiores (vt prædiximus) 18. gradibus habuerint: & per ingressum tabulæ præexaratæ cum latitudinibus videris miliaria notabiliter differre: eorundem distantias hoc pacto cognosces. Primum extrahe differentias latitudinum & longitudinum, quas seorsum serua. Deinde de differentia latitudinum accipe medietatem, quam aut latitudini minori vnius oppidi propositi adde: vel (& est idem) à latitudine maiori alterius oppidi subtrahe: & quod facta additione aut subtractione prodierit, serua: quia significat tibi latitudinem mediam inter latitudines duorum oppidorum propositorum contentam. Hanc igitur latitudinem mediam quære in primis numeris lateribus tabellarum subscriptarum: & circa quam tabellam eandem inueneris, per eam gradus differentie longitudinum supra seruatos, in gradus æquinoctialis conuerte: quos facta conuersione, quadratè multiplica, similiter gradus dif-

ferentia latitudinum: & procede prout supra instituimus, & habebis optatum.

Exemplum
Londinū.

Huius partis hæc sume exempla. Londinum, teste Ptolemæo, oppidum Albionis, modò Angliæ, tenet in longitudine 20. gradus: & in latitudine

Toletum.

54. Toletum verò oppidum Hispaniæ habet in longitudine 10. gradus, in latitudine autem 41. differentia longitudinum est 10. graduum, latitudinum 13. Cum latitudinibus intro tabulam præexpositam, & video miliaria admodum distare, quare medietatē differentie latitudinis, scilicet 6. quasi gradus recipio: quos latitudini Toleti minori scilicet 41. addo: & colligo 47. latitudinē propemodū mediam inter latitudines memoratorū oppidorū. Cum qua ingredior tabellas subiunctas, & eam offendo in latere quartæ tabellæ, per quā 10. gradus longitudinis reduco in gradus æquatoris, scilicet 6. gradus, 40. minuta: & loco 40. minutorum recipio gradum integrum, & habeo 7. quos in se duco, & proveniunt 49. consimiliter differentiam latitudinum, scilicet 13. gradus in se multiplico, & prodibunt 169. producta per multiplicationem aggrego, & habeo 218. cuius radix quadrata est ferè 15. gradus minus $\frac{1}{3}$: multiplico 15. gradus per 15. miliaria communia, & produco 225. miliaria. à quibus demo 5. propter tertiam, & habeo in summa 220. miliaria, distantiam oppidorum oblitorum.

Aliud

Aliud exemplum. Curta buda, nunc (Vt fert Curta buda. opinio) Ofen, regum Hungariæ sedes, Ptolemæo tradente, habet in longitudine 42. gradus, in latitudine 47. Liciburgum verò, nunc Rostockium, oppidum Germaniæ magnæ, modò ducatus Pomereani, tenet in longitudine 39. gradus: in latitudine 56. differentia longitudinum est 3. graduum, latitudinum 9. Latitudo media est ferè 51. graduū. Gradus differentię longitudinum per quintam tabellam cōuersi in gradus æquinoctialis, faciunt penè 2. gradus, qui in se multiplicati constituunt 4. Item gradus differentię latitudinum multiplicati quadratè, faciunt 81. producta per multiplicationem sunt 85. Radix quadrata est 9. gradus $\frac{1}{4}$: quæ per miliaria communia multiplicata dat 139. miliaria. ecce distantia oppidorum propositorum.

Hactenus exemplificando integros gradus attulimus, facilitate operationis persuasi: nunc vnico exemplo fractiones proponemus, finem nostræ propositionis statuentes. Neapolis (Vt Ptolemæus asserit) Italiæ oppidum in longitudine accepta 40. gradus: in latitudine autem 41. Colonia verò Agrippina, Germaniæ oppidum, obtinet in longitudine 28. gradus, 40. minuta: & in latitudine 51. gradus, 30. minuta: subtraho longitudinem minorem à maiori: & residuo 11. gradus, 20. minuta: differentiam longitudinum. Similiter demo latitudinem

Potius. 33.

minorem à maiori, & habeo 10. gradus, 30. minuta: differentiam latitudinum. Latitudo media est 46. penè graduum, quam in latere quartæ tabellæ offendo. Per eam igitur tabellam conuerto differentiam longitudinis in gradus & fractiones æquatoris, & colligo 7. gradus 30. minuta æquatoris. Et ex quo in differentia longitudinum reducta, & etiam in differentia latitudinum habeo fractiones, scilicet semigradus: resoluo gradus integros amborum differentiarum in consimilem denominationem, id est, semigradus, & procreo ex differentia longitudinum conuerse 15. semigradus: & ex differentia latitudinum 21. multiplico igitur 15. in se, & produco 225. similiter 21. duco in se, & produco 441. iungo producta, & habeo 666. huius numeri radix quadrata est ferè 26. semigradus, qui ad integra reducti, faciunt 13. gradus. quos tandem multiplico per 15. miliaria communia, & produco 195. miliaria distantiarum oppidorum in exemplo propositorum.

TABELLAE CONVER-

MEDIO ABERRANTES PE-^{Proposit. 33.}

lago; aut in solitudinibus degentes, in quo
simus climate, inuenire.

INTERD IV capimus Solis altitudinem me-
ridianam, secundum modum primum propositio-
nis septimæ huius secundæ partis, supra expositum:
& per trigesimam huius eleuationem Arietis aut
Libræ, hoc est æquatoris, & demum latitudinem lo-
ci nobis incogniti in quo degimus, addiscemus. Ean-
dem latitudinem, quia polari eleuationi semper æ-
qualis est: in tabella septem climatum supra propo-
sitioni nonæ primæ partis annexa sub titulo, Eleua-
tio poli, inuestigabimus: quam si præcisè inueneri-
mus, mox leuorsum clima quod incolimus, offen-
demus, vna cum expressione principij, mediij, aut fi-
nis eiusdem.

Quod si numerus latitudinis in tabella non præ-
cise apparuerit, considerabimus duos numeros iuxta
eum viciniore. Nam penes situm eius ad illos con-
iectabimus clima, terrestrémque tractum quem ha-
bitamus: & an inter principium eius & medium,
aut mediū & finem degamus, facile concludemus.

Quod si latitudinis numerus minor duodecim
gradibus & quadragintaquinque minutis repertus
fuerit, inferemus sub torrida Zona prope AEqua-
torem, & in nullo nos climate habitare.

Quòd si numerus latitudinis quinquaginta gradus & triginta minuta excesserit, versus Aquilonem post terminum septimi climatis indubitato degimus.

Exemplum

Exemplum breue: Per organum astrolabicum inuenio eleuationem Arietis loci incogniti sexagintaquinque graduum, & quadragintaquinque minutorum. Et ex consequutione eius latitudinem aut polarem eleuationem vigintiquatuor graduum, quindecim minutorum, quam in tabella climatum præcisè reperiò. Quare rectè cōcludo, me esse in medio secundi climatis. Reliquas autem varietates operationum, quia faciles sunt, ingenio lectoris relinquendas censuimus, ne dicacitati potius quam utilitati studuisse videamur.

Nocturno verò tempore, idem per aliquam stellam fixam, in Aranea astrolabij positam, exorientem & occidentem hoc pacto absoluemus. Officio astrolabij cognita stellæ supra Horizontem apparentis, meridianam sublimitatem obseruamus: quæ habita, per propositionem trigesimam huius, eleuationem Arietis aut Libræ elicimus, & demum latitudinem obseruati loci: cum qua adiumento tabellæ climatum operabimur, quemadmodum iam præcepimus, & habebimus cupitum.

Exemplum

Verbi gratia, stellæ sinistræ manus Virginis, quæ dicitur Arista aut Spica, altitudinem meridianam dili-

diligenti obseruatione inuenio quadraginta sex graduum, per quam elicio per trigesimam huius eleuatione Arietis aut AEquatoris esse quinquagintaquatuor graduum, sexdecim minutorum. Elicio præterea latitudinem loci obseruati incogniti trigintaquinque graduum & quadragintaquatuor minutorum: qua in tabella climatum non reperta, capio illic minorem trigintatrium graduum & quadraginta minutorum: & maiorem triginta sex graduum, & viginti quatuor minutorum, quibus latitudo obseruati loci intercipitur. Infero igitur locum incognitum hoc pacto obseruatum, contineri inter principium & medium quarti climatis, quod fuit optatum.

DISTANTIAM SOLIS A ZE Proposi. 34.
 nith verticali puncto propositæ habitationis facillè inuestigare.

SCIT A (per septimam huius) sublimitate Solis meridiana, ad certum diem tibi oblatum, propositæ habitationis: eandem deme ab arcu nonaginta graduum, & arcus residuus pandet tibi distantiam Zenith aut verticalis puncti oblatae habitationis à centro corporis solaris.

Quòd si cui libet gradui distantiæ sexaginta miliaria Italica, sive quindecim Alemanica cōmunia,

aut duodecim Sueuica assignaueris, colliges mēsuram terrestris itineris ab initio propositæ habitatiōis meridiem versus proficiscendo directo itinere, quousque Sol meridiano tempore super verticem capitis proficiscentis stabit.

Exemplum

In exemplo, reperiatur Sol in decimosexto gradu Geminorum: cuius altitudo meridiana est sexagintaquatuor graduum, quos subtraho à nonaginta gradibus, & remanebunt vigintisex gradus distantie capitis oppidi Tubingensis, à centro Phœbei corporis, eo die anni, quo Sol decimumsextum gradum Geminorum possidebit. Deinceps multiplico vigintisex gradus distantie capitis per quindecim miliaria Alemanica communia, & proueniunt trecenta sexaginta miliaria. Ecce mensura terrestris itineris.

Proposi. 35.

AD QVOD CLIMA, REGIONEM, aut oppidum, Mater aut tabula astrolabij sit fabricata aut descripta, perscrutari.

SI dubitaueris ad quam latitudinem aut polarem elevationem climatis, regionis, aut oppidi, mater aut aliqua tabula (quam moderni tympanum vocāt,) in astrolabio posita, sit confecta, supputa in linea meridiana, gradus & minutias si quæ fuerint,

in almicantarath, ab æquinoctiali circulo vsque ad Zenith capitis, & numerus almicantarath latitudinem ostendet: qua scita, facile in climatis, regionis, aut oppidi cognitionem deducêris.

Vel, & est idem, numera in linea mediæ noctis, à centro astrolabij vsque ad primum almicantarath, id est, Horizontem versus septentrionem: et habebis iterum super quam altitudinem mater aut tabula astrolabij sit composita.

Altitudo verò capitis Arietis au Libræ, est tot graduum, quot fuerint ab horizōte vsque ad æquatorem, vel à Zenith vsque ad centrum astrolabij.

Nullo hîc exemplo propter facilitatem propositionis opus esse reor.

GRADVM ECLYPTICAE,
cum quo stella in reti descripta, oritur
vel occidit, inquirere.

Proposi. 36.

LOQVIMVR impresentiarum de stellis orientibus & occidentibus. Stella igitur oblata apiculum exortiuo Horizonti adiunge, & mox in linea ecliptica apparebit gradus cum quo stella exoritur: qui cuius & quotus sit signi, per nominis & numeri ascriptiões facile addisces. Præterea reti gy rato stellæ caput horizonti occiduo applica: & iterum in ecliptica videbis gradū, cum quo stella labi-

turet occidit, nomine signi et quoto gradu adiectis.

Exemplum *Huius rei gratia, sit mihi oblata stella Tauri Aldebaran: iubeor inuestigare, cum quo gradu eclipticæ vel oriatur, vel occidat. Pono cacumen eius super arcum Horizontis orientalem, & dico ipsam oriri cum vndecimo gradu Geminorum: deinde reti circumducto, eius cacumen iungo arcui horizontis occidentali, & dico ipsam occidere ferè cum vigesimo octavo gradu Tauri. Simile iudicium de stellis reliquis.*

Proposi. 37. **GRADVM ECLYPTICAE,**
cum quo stella quæuis in aranea posita
cælum mediat, perscrutari.

SI SCIRE cupis, cum quo gradu eclipticæ, stella aliqua meridianæ lineæ sese iunget, pone ipsius cacumen super lineam meridianam, & gradus Zodiaci, qui super eandem lineam ceciderit, est gradus cum quo stella cælum mediat. Qui cuius sit signi, & quotus in ordine graduum, adiectæ scripture dicto citius indicabunt.

Exemplum *In exemplo repetatur stella Tauri Aldebaran, qua vsi sumus in propositione antecedente: apto cacumen eius lineæ meridianæ, & dico eam cum 3. gradu Geminorum mediare cælum, quia cum eodem ad lineam meridianam peruenit.*

Aliud.

Aliud. Stella Vrsæ maioris in principio caudæ eiusdem existēs, dicta Alioth, applicata lineæ meridiane, mediat cœlum ferè cum 7. gradu Libræ. Non aliter cum alijs stellis operaberis.

QVORVNDAM VVLGAR Proposi. 3.
rium astronomorum propositiones fragiles & penè inutiles in vsum astrolabij introductas, negligere.

ET SI omnibus ferme bonis artibus nonnullæ deprauationes & contagia immiscentur, vt somnij cuiusdam & anilis fabulæ speciem apud plures etiam doctissimos contrahant, illa tamen in mathematica omnino pudenda sunt & intolerabilia, quæ confessu omnium perpetuam præ se fert certitudinem. Cum autem nonnullorum nouitiorum astronomorum commentaria conspicio, effutiunt ipsi (bona venia impetrata) canones (vt aiunt) aut propositiones plures, quibus per cæcitatem stolidam præcones propriæ ineptiæ, vsum nostri instrumenti potius obtenebrant & occultant quàm elucidant. Vt igitur homines nostræ ætatis cautiorez fiant, & ne telis ledantur improuisis, libuit eas breuibus recensere. Propositio ergo prima explodenda & negligenda est hæc.

Per astrolabium scire signum & gradum Lunæ.

Secunda, per idē inuestigare loca vera Saturni, Iouis, Martis, Veneris, et Mercurij ī ipso signifero.

Tertia, cognoscere latitudines Luna & omnium planetarum, dempto Sole, qui latitudine caret.

Quarta, inquirere an planeta sit directus aut anomalus, siue retrogradus.

Quinta, perscrutari in quo gradu signi sit quālibet stella fixa in reti descripta.

Sexta, scire latitudines stellarum fixarum.

Septima, determinare signum & gradum cuiuslibet stellæ fixæ in Aranea non positæ. Hæ propositiones & similes fuge optime lector, vt Scyllam & Charybdim. Quarum fragilitatem & imbecillitatem ostendere impræsentiarum silentio prætereundum censeo, ne paulo licentius euagari videar: cum et potissimum quotidianum exercitamentum earundem falsitates tibi indicabit. Taceo quod à mente omnium antiquorum astronomorum sunt prorsus alienæ.

Proposi. 39.

ZENITH ORTVS ET OCCASUS Solis & stellarum fixarum vtiliter inuestigare.

PRO intellectu huius & sequentis propositionis aduertendum est, quod horizon seu primum almicanth distribuitur in quatuor quartas: quarum

rum prima inchoat à puncto, vbi æquator interfecat primum almicātarath aut horizontem exortiuum. In quo quidem puncto Sol principium Arietis aut Libræ possidens, toti vniuerso æqualiter oritur, et finitur in linea meridiana sub armilla aut suspensorio: & vocatur Quarta orientalis meridionalis. Secūda incipit à linea meridiana, & terminatur in puncto vbi æquator interfecat primum almicantarath, aut horizontem occiduū: in quo Sol initium Arietis aut Libræ tenens, cunctis occidit mortalibus: et appellatur Quarta meridionalis occidentalis. Tertia initiatur ab eodem puncto vbi terminatur secunda: et finit se in lineam mediæ noctis interfecantē primum almicantarath siue horizontem: & nominatur Quarta septentrionalis occidentalis. Quarta incipit à fine terciæ quartæ: et terminatur in principio primæ quartæ, & dicitur Quarta septentrionalis orientalis, et quælibet quarta à principio vsque in finem eius continet 90. gradus: quos azimuth nobis indicant, & ideo si habueris in qualibet quarta nonaginta azimuth, quodlibet azimuth valet vnum gradum. Si 45. tenet, valet duos gradus. Si 30. quodlibet valet 3. gradus. Si quindecim, quodlibet valet 6. gradus. Si nouem (vt in nostro astrolabio) quodlibet valet 10. gradus, & sic consequenter.

Præterea contuendum, quòd Zenith ortus Solis, aut, vt generalius loquar, Zenith Solis non accipi-

rur hic pro puncto verticali, scilicet pro puncto ca-
 pitis eorum quibus sol meridiano tempore secundum
 rectam lineam insidet: sed accipitur hic Zenith or-
 tus Solis pro puncto distantia aut elongationis ortus
 Solis: ab oriente vero, quem sol in principio Arietis
 aut Libra designat. Sic per Zenith occasus Solis
 intelligitur punctum distantia occasus Solis ab oc-
 cidente eiusdem vero, quem sol in exordio Arietis
 aut Libra aperit, quare recte dicimus, solem per
 Borealia aut septentrionalia signa decurrentem, Ze-
 nith ortus & occasus Boreale aut septentrionale
 habere. Et eundem per Austrina aut meridiana si-
 gna gradientem, Zenith ortus & occasus Australe
 aut meridianum sibi vendicare.

De Zenith ortus & occasus stellarum fixarum,
 haud secus atque de Sole argumentandum est.

Deinde (ut generalem quadam adducamus do-
 ctrinam) Zenith Solis aut stelle fixae in hac mate-
 ria, est distantia ipsius ab initio alicuius quartae iam-
 iam memorata: hoc est, aut ab initio lineae veri oriē-
 tis aut occidentis: meridiei aut mediae noctis.

His praenotatis: cum scire optaveris Zenith ortus
 aut occasus Solis, aut alicuius stelle fixae, siste gradu
 Solis aut cacumen stelle super horizontem exorti-
 um: & ad situm gradus Solis aut cacuminis stelle
 horizontem nota affice: postea adiumento ipsorum
 Azimuth supputa gradus horizontis orienti vero,
 id est

id est æquinoctio, & notæ signatæ interiectos: & numerus graduum qui in nota sese terminat, pandet tibi Zenith ortus Solis aut stellæ: scilicet distantiam ortus ipsius ab ortu Arietis aut Libræ. Et dicitur Zenith huiusmodi ortus meridionale, si fuerit in quarta prima inuentum: aut septentrionale, si in quarta quarta repertum fuerit. Et super similem numerum graduum Azimuth erit Zenith occasus: & etiam in simili quarta, puta septentrionali aut meridiana.

In exemplis lucidius capies. Sit Sol in 25. gradu Exemplum
Geminorum: volo Zenith ortus ipsius explorare, pono .25. gradum Geminorum super horizontem orientalem: & cadit in spatium horizontis inter trigesimum & quadragesimū azimuth contentū. Facio igitur ad gradum solis notam in spatio horizontis: & postea illud spatium partior à trigesimo Azimuth in quadragesimum in 10. & video Zenith ortus solis esse septentrionale, & distare ab oriente vero vel æquinoctio 37. penè gradibus: & cōsimiliter Zenith occasus septentrionale dico ab occidente vero abesse 37 gradibus. Aliud. Offeritur mihi Azimech, Spica Virginis, cacumē eius iungo Horizonti exortiuo, & concludo Zenith ortus ipsius meridionale 13. ferè graduum. Huius propositionis vtilitas hæc est, quòd per eam scimus, in quo loco Horizontis Sol vel stella fixa oritur aut oc-

cidit: administrat etiam cognitionem stellarum nobis nondum cognitarum, prout sequentibus propositionibus abunde accipies.

Proposi. 40. **ZENITH SOLIS ET STELLARUM fixarum indagare.**

ZENITH Solis, hoc est, distantiam centri ipsius ab initio alicuius quartæ, sic inuenies:

Ad horam propositam officio astrolabij observa altitudinem Solis, deinde gradum Solis in reti pone super numerum consimilem in ipsis almicantharath observatæ altitudinis, in ea parte qua fuerit sol: quæ admodum pro horarum inuentione facere cõsueuisti: et azimuth super quod ceciderit gradus solaris, ostendit tibi Zenith Solis, id est eius distantiam ab initio alicuius quartæ, si saltem destiterit. Et necesse est quòd huiusmodi Zenith aut sit in quarta meridiana orientali, aut meridiana occidentali, aut septentrionali orientali, aut septentrionali occidentali.

Haud dissimiliter agendū est cum stellis fixis in reti locatis. Quod si centrum solis aut stellæ apiculus in intervallo duorū azimuth ceciderit, age pro gradu distantiæ sciēdo, aut per æstimationē, ut plerūque facimus, aut per diuisionē intervalli in decē gradus, prout in propositione antecedenti satis didicisti.

Exemplum

Resumatur gratia exēpli, sol in propositione proxima supra in vigesimoquinto gradu Geminorum repertus,

reperitus, & supponatur quòd sit hora nona æqualis antemeridiana. Capiò eadem hora solis sublimitatē supra horizontem, quā inuenio penè quadraginta-septem graduū: apto igitur vigesimūquintū gradum Geminorum super 47. almicantarath, et elicio Zenith Solis esse meridionale orientale, distans ab oriente verò viginti ferè gradibus.

Item repetatur spica Virginis, & sit sol iterum in vigesimoquinto gradu Geminorum, & ponatur quòd sit hora decima noctis æqualis: per observationem video Spicam eadem hora eleuari vigintitribus quasi gradibus, ac contineri in quarta meridionali occidentali, et eius Zenith abire à linea meridiana, iam dictam quartam initiantē, propemodum quadragintaquatuor gradibus. ecce.

QVATVOR MVNDI PLAS- Proposi. 41. gas vtiliter inuestigare.

MESSAHALLA harū rerū duos modos operādi exposuit. Verū quia primi exequutio admodum difficilis est, ex eo quòd in locatione astrolabij super planum horizonti æquidistans ad modicā eius motionem aut rotationem circularem, lineæ quatuor plagarum indicatiuæ, facile à veris mundi plagis recedunt. Quocirca eundem modum in præsentiarum missum faciemus.

Secundū autem, quē idem in calce Capituli pa-

rumper tetigit, lucidius hoc pacto prosequemur:

Recipe altitudinem solis ad horam optatam: qua quatuor mundi plagas, hoc est, Orientem & Occidentem, AEquinoctios, Meridiem et Septentrionem scire desideras: & pone gradum Solis super inuentam altitudinem inter almicantarath, in ea parte qua fuerit sol. Et animaduerte in qua quarta de supra expositis quartis sit sol, & per quot gradus de gradibus azimuth distet à principio alicuius quartæ. Numerum igitur graduum azimuth supputa in dorso astrolabij in consimili quarta: & ubi numerus terminatur, ibi pone regulam, qua inuariabiliter manente, apta astrolabium secundum superficiem planam, æquidistanter horizonti: & verte astrolabium, ut umbra amborum laterum tabellarum regulæ affixarum, cadat super duo latera regulæ directæ, scilicet umbra dextri lateris tabellæ super dextrum latus regulæ, & sinistra super sinistrum: vel æquidistanter: et mox quatuor lineæ concurrentes in centro astrolabij, indicabunt tibi quatuor mundi plagas: videlicet lineæ orientis, Orientem, meridiana, meridiem, & sic de reliquis.

Verum id facilius, et forsan veriùs, per inuentionem lineæ meridianæ modo vulgato, aut per horarium Compassi absolues: habita enim lineæ meridianæ in plano ad æquidistantiam horizontis posito, iunge rectissimè lineam meridianam astrolabij lineæ meridianæ

ridiana inuenta: ita quòd armilla versus meridiem statuatur: quo factò, linea mediæ noctis instrumenti lineæ meridianæ versus septentrionem copulabitur, & habebis optatum.

Exemplum hîc nullum adiiciemus, quia solus vsus & visus te artificem facient.

COGNITA VNA STELLA Proposi. 42.

fixa Araneæ, aliarum incognitarum notitiam inquirere.

SI TIBI aliqua stella fixa in Aranea posita nota fuerit, per eam quamlibet aliâ tibi incognitam in Aranea descriptam, hoc modo cognoscēs: Nocte serena altitudinem stellæ tibi notæ observa, deinde cacumen eius pone super observatam altitudinem inter almicatarath ab oriente aut occiduo computando, secundum quod videris eam in firmamento situatam. Quo factò, vide concito ad stellam tibi incognitam in reti positam, et eius altitudinem inter almicantarath considera, & in qua parte de quatuor partibus mûdi ceciderit, super æqualem altitudinem pone Alhidadam in dorso astrolabij: & verte te versus eandem plagam mundi, in quam cadebat stella ignota: & maiorem aut fulgentiorem stellam quam videbis per foramina tabellarum, ipsa est quam quæris: & sicut operatus es cum vna, sic age cum qualibet alia stella in reti locata.

Exemplum

Breue exemplum accipe: Ponatur sol in vigesimo octavo gradu Geminorum, & hora æqualis decima pomeridiana, & sit azimech Spica Virginis, stella mihi nota. Alkayr autem siue Aquila volās in coelo incognita, quam cupio notam fieri. Accipio ad horā propositam altitudinem stellæ Spicæ, quam inuenio vigintiduum graduum: sed quia ipsa locatur in parte mundi occidentali, idcirco computo vigintiduos gradus altitudinis Spicæ à primo almicantarath occidentali versus lineam meridianā, & 22. Almicantarath cacumen stellæ dictæ iungo, & mox conuerto me ad stellam Alkayr in reti positā in coelo incognitam: quam video situatam in parte orientali, habentem altitudinem triginta fere graduum. Pono igitur Alhidadam dorsi super trigesimum gradū quartæ altitudinis, & suspensio (ut solet) astrolabio, verto me versus orientem, per tabellarum foramina prospiciendo, & stella quæ visui obijcitur, ipsa est Alkayr, aut Aquila volans. Ecce incognitæ stellæ notitia, quod fuit cupitum.

Propos. 43.

NULLIS STELLIS OCTA-
ui orbis cognitis, in earum notitiam artificiosè peruenire.

QUID (per DEVM immortalem) iucundius,
quid amœnius, quid denique suauius oc-
los

los nostros afficere potest, quàm illa tot & tantorum luminum venustissima & ordinatissima series? Eò quippe si rapiemur animo, experiemur nihil nos vnquam sensisse in hac vita delectabilius. Quocirca si nullius stellæ fixæ tibi cognitio fuerit, & earum in coelo notitiam habere optaueris, hoc pacto operare. Per horologium bene correctum observa horam noctis, ad quæ gradum solis in reti (vt assolet pro nocturnarum horarum notitia habenda) applica. Quo facto, vide quæ stella super horizontem exortium ceciderit, ea cuius notitiam querebas, tunc temporis oritur: & quæ super horizontem occiduum ceciderit, tunc occidit. Et vt absolutius & lucidius rem capias, considera per decimam nonam huius, qua hora noctis stella cuius notitiam quæris, veniat ad horizontem orientalem. Præterea per trigesimam nonam huius aduerte Zenith ortus stellæ, & numerum graduum inter Azimuth & quartam in qua stella exorietur. Quibus habitis, per quadagesimam huius pone astrolabium secundum quatuor mundi plagas, & applica Alhidadam ad gradum Zenith ortus in ea quarta, in qua stellam offendisti: & cum iam tempus ortus stellæ appropinquare decreueris, vide per foramina maiora tabellarum, & orientis stellæ radij oculo tuo per foramina incidentes, notitiam propositæ stellæ indicabunt. Similis est de occasu stellæ operatio, & profecto (me iudice)

facilior: cum ipsam supra horizontem morantem
 Etiam occiduum petentem tabellarum foramini-
 bus sese applicare facilius cōiectabis, unde prom-
 ptior eius notitia nanciscetur. Habita igitur noti-
 tia aliquarum stellarum pro modo huius institutio-
 nis, per antecedentem huius, in cognitionē omnium
 in reti descriptarum pedetentim deduceri.

Exemplum

In exemplis: Sit sol in principio Tauri, &
 stellæ Alkayr mihi incognita notitiam habere cu-
 pio, per astrolabium elicio eandem hora vndecima
 nocturna accedere horizontem orientalem, qua-
 re paululum ante vndecimam quæro Zenith or-
 tus stellæ, quod est 12. ferè graduum quartæ se-
 ptentrionalis orientalis. Deinde in loco sublimi
 quo liber patet horizon, apto astrolabium quatuor
 plagis mundi, & alhidadam iungo 12. gradui or-
 tus Zenith stellæ in 4. orientali septentrionali: &
 iuncto oculo maioribus tabellarum foraminibus,
 stella quæ circa vndecimam oriendo oculo obiici-
 tur, ipsa est Alkayr, cuius notitiam petebam. A-
 liud, Ponatur Sol in principio Cancri, cupio stellæ
 Azimech, hoc est, Spicæ Virginis notitiam acqui-
 rere, per propositionem 39. supra, habeo quod Zenith
 occasus eius est 13. graduum quartæ meridionalis oc-
 cidentalis, & officio astrolabij scio eandem circa
 duodecimam horam noctis appropinquare occasui,
 quare tunc astrolabium quatuor plagis, & alhi-
 dadam

dadam 13. gradui in quarta meridionali occiden-
tali applico. Oculo autem foraminibus tabellarum
apposito, stella fulgentior occiduum petens, pau-
lum post duodecimam, radios per foramina oculo
immittens, ipsa est Azimech quam noscere cu-
piebam, & sic de reliquis.

VENTORVM NOTITIAM Proposi. 44. vtiliter habere.

CUM ventorum flatus varia mortalibus & re-
bus subcœlestibus, potissimum aëri donent mu-
nera, nonnunquam enim imbres, nebulas, tempestates,
humiditates, siccitates, caliditates, frigiditates, seren-
itates, pestilentiasque præstare noscuntur, non ab re
(priusquam ad operationem pro ventorum cogni-
tione descendatur) eorundem naturas, condiciones
& situs sub epitomate narrare decreuimus. Ventus
itaque Subsolanus primarius à Solis ortu æquino- Subsolanus.
Etio spirans (nascitur enim sub Phœbeis radiis,
dum sol æquinoctialis insidet) calidus est, siccus,
temperatus, suavis, purus, subtilis, & salubris, præ-
cipue mane. Nam à sole purior & subtilior effi-
citur, unde nihil veneni, mortalium infert cor-
poribus.

Vulturnus, Græcia sermone Cacias appellatus, Vulturnus
altè flat, vt
dexterior Subsolani, ab æstivo Solis exortu ve-

vultur volat.
Ita secundū
Arist. fiat vt
nubes non
procul pel-
lat, sed ad se
vocet, inde
adagiū: Ma-
la ad se tra-
hit, vt Cae-
cias nubes.

niens, cui ab occiduo hyberno ad rectam lineam
Aphricus opponitur: calidus, cuncta desiccans, Al-
titonans dictus. De quo Lucretius:

Altitonās Vulturnus, & auster fulmine pollēs.

Eurus à sinistro latere venit Subsolani, à Bri-
mali Solis ortu prouens, calidus, & siccus remissè,
orientem nubibus irrigans, eo flante (teste Aristo-
tele) omnia videntur esse maiora solito. Auster,
secundum Græcos Notos, plagæ meridianæ ventus
cardinalis, humidus, calidus, atque fulmineus, gene-
rans largus nubes & pluuias latissimas, faciens aëre
crassum, densum & spissum: nubila nutrit, & ne-
bulas mittit, nonnunquam pestifer ipse est spiri-
tus, maximè dum per Cyrenaicam regionem volat,
de quo Ouidius:

x. Meta. fab.
2. & 7.

—contraria tellus,
Nubib⁹ assiduis, pluuióq; madescit ab Austro.
Et idem.

Emittitque Norū, madidis Notus euolat alis.

Euroauster:

Euroauster aut Euronotus, ventus calidus &
humidus, lateralis Austro orientem versus. Into-
nat enim à dextris Austri. Euroauster vocatus, quia
ex vna parte habeat Eurū, ex altera Austrū, haud
dissimili ratione Euronotus dictus.

Austroa-
phricus.

Libonotus.

Austroaphricus aut Libonotus ventus tempe-
ratus, calidus, lateralis Austro versus occidentem.
Spirat enim à sinistris Austri. Austroaphricus ap-
pellatus, quod iunctus sit hinc inde Austro & A-
phrico,

phrico. Et Libonotus, quia Noto & Libe vallatus.

Zephyrus aut Fauonius Ventus principalis occiduus, euentans ab occasu Solis & equinoctio, caloris *Zephyrus.
Fauonius.*
& humoris habens temperiem, salubris in calce diei, pruinas & niues resoluens, & quæ aspero gelu induruerant, dissipat, et relaxat, herbarum florumque origo. Omne mortale genus ad eius flammam luxuriat, reuocans Venerem, producendæ sobolis gratia. De quo Boëtius secundo met. 3.

Cum nemus flatu Zephyri repentis.

Vernis irriguit rosis.

Spiret insanum nebulosus Auster.

Iam spinis abeat decus.

Aphricus aut Libs Ventus à dextro Zephyri latere intonans. Ad meridiem enim ab ipso recedit, brutale occupans Solstitium, frigidus, humidus, pluuiosus, tempestatisque presagus, ab Aphrica & Libya regionibus unde euentat, nomina sumit. De quo Vergilius primo Aeneid. *Aphricus
aut Libs.*

Vna Euris Notusq; ruunt, crebèrque procellis Aphricus, & vastos tollunt ad sidera fluctus.

Corus, quondam dictus Caurus, sinistram tenet Zephyri, à tropici æstiu occasu efflans, frigidus & humidus, paruum secum ducens rigorem, quoniam ad Arcton respicit. Eo flante in oriente nubila sunt die sereno. Lucanus 1. Pharsal. *Corus
Argestes.
lapis.*

—Non Corus in illum,

Ius habet aut Zephyrus, solus sua littora
turbat Circius.

Septentrio. *Septentrio ventus primarius, Austro obiectus, à polo flans arctico. Dictus Septentrio, eo quod sub plaustri septem stellis (quarum quæ antè eunt triones, hoc est, boues aratorij compellatæ) originem ducit. Græcè verò quod ab arcto flet, Aparctias appellatur, frigidus & siccus, faciens frigora & nubes siccans, constringens corpora, poros claudens, humores purificans, aërem pestiferum leuans.*

Circius. *Circius à Graiis Thracias dictus, hic à plerisque Latini nominis expers creditur, à dextris septentrionis efflans: hunc Hispani Gallicum vocant, propter flatum eius à parte Galliciae. Circius vocatus, eo quod Coro vicinus sit, faciens niuium & grandinum coagulationes & abundantiam. De quo Lucanus supra. Non Corus, & cætera.*

Aquilo aut Boreas. *Aquilo aut Boreas lateralis septentrioni orientem versus, ex alto flans, gelidus & siccus, sine pluvia, ledens flores & fructus teneros: corrumpens vineas germinantes, florètes exurens herbas, & arborum vires spolians, & vterque plerunque pro cardinali, scilicet septentrione ponitur, & Aparctias nominatur. Ovidius:*

—Scythiam septémque triones,
Horrifer inuasit Boreas &c. *Virgilius:*
Et glacialis hyës Aquilonibus asperat vndas.

Boëtius

Boëtius primo 6.

Nunquam purpureum nemus

Lecturus violas petas:

Cum sæuis Aquilonibus,

Stridens campus abhorruit.

Et Prouerbiorum 25. Ventus Aquilo dissipat pluuias.

Hæc breuiuscula pro liquidiore nostræ propositionis intelligentia notanda censuimus. Iam iamque ad operationem pro ventorum notione, & à quibus spirent oris accedendum restat. In loco igitur præcelso & aperto dispone Astrolabium (per quadragesimam huius) secundum quatuor mundi cardines aut plagas, ita ut pars antica aut facies appareat. Et in centro eius erige hastulam, cui fac vexillum in parte superiori adherere. Taliter, quod ad flatum venti facile possit agitari, atque circumferri, quibus dispotis, vento flante, considera quem pars prior vexili indicet, aut cui applicetur. Eius enim venti obiectus oppositusque spirare perhibetur.

Gratia exempli, video vexillum porrigi versus Exemplum Subsolanum, dico tepentem Zephyrum aut salutarem Fauonium ventum cardinalem occidentalem Subsolano obiectum spirare. Item cerno vexillum in Austro aphricum dirigi, infero procellosum Aquilonem aut Boream Thracium, sonorūque, col-

*lateralem Septentrioni versus orientem euentare.
simile de aliis sume iudicium.*

DE ORTV ET OCCASV SI-

gnorum, graduum, & stellarum, pro more
Proposi. 45. Astrologico præambula quædam dicendis
accommodare.

HIC de ortu aut ascensione signorum & eo-
rundem partium, de stellis firmis & erraticis,
item de descensione siue occasu signorum, partium,
& stellarum, quorum ortuum & occasum præser-
tim astronomis præcipua cura est, exequemur.

Ortus igitur astronomicus signi, est portio æ-
quatoris, quæ vna cum signo ex Orientis parte su-
per horizontem emergit aut ascendit, & hoc pacto
de ortu partis signi dicatur, qui bifariam diduci-
tur, in rectum & obliquum.

Ortus astro-
nomicus
quid, & du-
plex, Rectus
& obliquus.

Signum rectè oriri dicitur, cum quo maior pars
æquatoris oritur, & ita de parte signi dicendum.

Sed obliquè, pronè aut tortuosè signū oritur, cū
quo minor pars æquatoris super horizontem se at-
tollit, & ita quoque de parte signi dicatur.

Occasus A-
stronomicus
quid, & du-
plex, Rectus
& obliquus.

Occasus autem astronomicus signi, est pars æ-
quatoris, quæ cum signo occidente tendit sub hori-
zontem, idem de parte, & etiam bifariam secatur,
in rectum & obliquum.

Occasus

Occasus signi rectus est, quoties maior pars æquatoris, cum eo simul occidit, tenditq; in occasum.

Occasus signi pronus aut obliquus, est quoties æquatoris portio minor sub horizontem simul vnâque cum signo demergitur.

Et intelligitur maior portio æquatoris cū signo ^{Maior portio.} aut oriri aut cadere, quoties plures triginta gradibus æquatoris cum signo aut emergūt, aut decidūt.

Et cōtrā, minor, si pauciores triginta gradibus cum ^{Minor portio.} eo oriantur, occidant ve: & hoc pacto de ortu & occasu partium intelligere facillimum est.

Ortum autem signi astrologi assucto vocabulo ascensionem nuncupant: Occasum Verò descensionem.

Ascensio igitur signi quid est, nisi pars æquatoris, quæ cum signo oriente peroritur? ^{Ascensio & descensio qd}

Descensio autem signi pars est æquatoris, quæ signo occidente vnâ occidit & labitur, & vtraque in rectam & obliquam distinguitur, quemadmodū de ortu & occasu iam suprā notauimus.

Cæterū non incommode & hoc quidem hīc ^{Sphæra duplex: Recta, & obliqua.} notandum est, quod astronomi sphæram diuidunt in rectam & obliquam.

Sphæra recta est eorum qui sub æquinoctiali circulo habitant, quæ prouidè recta dicitur, quòd illis pari intervallo in medio duorum polorum interstitio positis, neuter polorum alteri magis eleuetur,

Et quia eorum horizon æquinoctialem ad angulos rectos æquosque interfecat.

Sphæra o.
bliqua.

Sphæra obliqua, est sphæra habitantium ultra citraque æquatorem, quæ ideo obliqua, prona, et declinis dicitur, quod æquo intervallo in medio polorum interstitio siti non sint, verum illis unus polorum semper eleuatur, alter autem iisdem semper depressus occultatur, aut quod illorum horizon æquinoctialem circulum ad angulos obliquos inæqualesque intercipit atque secat, quem proinde horizonta artificialem nuncupant, quod diem artificialem à nocte artificiali dirimat, & inæquales (nisi bis in anno) reddat. Et semper obliquæ declinisque sphære horizontem angulis imparibus æquatorem secare verum esse constabit, nisi omnino è directo sub polo iaceant, horum enim horizon æquinoctialem circulum non interfecaret: imò eundem æquatori circulo idem esse contingeret. Sphæram tamen propter primam causam obliquam declinèque habere censentur, quod alter polorum illis eleuatus maximè superemineret, alter verò maximè depressus semper occultaretur.

In sphæra igitur tum recta tum obliqua, signa Zodiaci & eorum partes rectè & obliquè ascendant & descendunt, sequentibus propositionibus id facile indicantibus. Quare titulus communis tabulæ ascensionum habitantium sub æquinoctiali circulo,

culo, quem plures circulum directum aut rectum vocant, non crudè accipiendus est, ac si habitantibus sphaeram rectam solummodo essent ascensiones rectæ & nullæ obliquæ. Titulus enim is est: Tabula ascensionum rectarum, qui hoc modo accipendus est: Tabula ascensionum rectarum, id est, eorum qui habitant sphaeram rectam, vel eorum qui sunt constituti sub circulo directo aut recto. Si titulus tabularum colentium sphaeram obliquam aut declivem moderandus est, cum sonat: Tabula ascensionum obliquarum ad latitudinem 49. ferè graduum: obliquarum, id est, habitantium sphaeram obliquam, quanvis etiam ibidem aliqua signa rectè, aliqua obliquè ascendant & orientantur.

Tabularum
ascensionum
in sphaera
recta.
Declaratio
tituli tabule
ascensionum
rectarum.

In communibus autem nostris locutionibus, cum iubemur quærare ascensionem rectam alicuius signi, partis, vel etiã stellæ, id per tabulam ascensionum rectarum absolvimus, ac si iussi essemus investigare ascensionem huiusmodi per tabulam ordinatam pro sphaera recta, aut (ut alij dicunt) pro circulo directo siue recto. Item cum precipimur elicere ascensionem obliquam, ingredimur tabulam pro sphaera obliqua confectam ordinatamque. De his satis.

Præterea contuendum, quod ascensio gradus Zodiaci aut stellæ pars est æquatoris à principio Arietis initium numerationis sumens, & in horizonte

Ascensio
gradus.

exortino, cui gradus aut stella iungitur sese terminās. Quam si in sphaera recta cōputauerimus, ascensionem rectam gradus aut stella appellabimus, obliquam verò si supputationem in declini sphaera perfecimus.

Descensio
gradus.

Descensio autē gradus aut stelle, est portio equatoris ab initio Arietis in cōtactum horisontis occidentalis, cui gradus aut stella adheret, computata.

Regula ascē
sionis & de-
scensionis
equatoris.

De ascensione & descensione equatoris aduertenda est hac regula: Aequinoctialis circulus tum in sphaera recta, tum declini regularis vni formisque ascendit & descendit, ita, ut in temporibus equalibus continuē equalis arcus portionēque conscendant & descendant: quo fit, ut cū in omni horisonte 24. horarū interualla completā equatoris circuli reuolutionem contineant: In vna ergo qualibet hora continuo equatoris 15. gradus emergunt. Cuius ratio hac sumitur, quia in polis propriis qui sunt primi mobilis circumfertur, cuius motus regularis & vni formis est semper. In propriis igitur polis equator motus, inexistens mobili regulari, necessario regulariter mouetur.

Regularitatem autem motus ipsius equatoris ex nostro Astrolabio hoc pacto facile colliges. Siste principium equatoris ad horisontem orientalem, cui Almuri applica, quo facto, promoue rete cū Almuri initio equatoris immoranti ab hora sexta lim-
bi

bi æquali, vsque in principium septimæ succedentis, & videbis de æquatore 15. gradus exortos, promoue consequenter rete, & eius ostēforem ad initium octauæ horæ æqualis: & videbis in Horizōte alios quindecim gradus æquatoris emerfisse, & ad quotquot horas ostensorem accōmodaueris, semper quindecim gradus æquatoris exortos conspicias. Quare sponte confiteberis motum æquatoris esse vniformē & regularem. His tanquam prælibamentis sequentium propositionum præhabitis, stilum ad propositiones scitu dignas vertemus.

VNIUS SIGNI ZODIAGI Proposi. 46

aut potius eclipticæ vel plurium ascensionem & descensionem in sphaera recta facilè numerare.

Horizontem sphaeræ rectæ in nostro instrumēto Horizon sphaeræ rectæ. ostendit diameter faciei per transversum astro labij trāsfiens. Cuius pars vna sinistram versus, orientalem horizōtē, & quæ versus dextrā, occidentalem indicat: prout abundè propositione prima huius secundæ partis differuimus. Præterea huius Duplex exercitium. sequentiū propositionū exercitiū, aut per gradus limbi æquatorem præ se ferentes, aut per æquatorem retis in trecentos sexaginta gradus diductum absolui potest. Et si operando amborum modorum periculū sumpseris, inuenies eos in nullo distare.

Si igitur vnius signi duntaxat ascensionem in circulo directo scire desideras, initium signi siste in linea horizontis recti in parte orientali: & almuri adiecto fac notam in gradibus limbi, aut (quod idē est) in gradibus æquatoris retis. Postea moue rete, ita quod almuri initio signi firmiter adhareat, donec finis signi cadat in eandem lineam horizontis recti: & iterum ad situm almuri fac notam in gradibus limbi aut æquatoris. Deinde supputa gradus limbi aut æquatoris à prima nota vsque in secundam. Tot enim gradus, quot supputando collegisti de æquatore, ascendunt cum tali signo in horizonte recto, qui ipsius ascensio aut ortus nuncupantur. Quos si per quindecim diuiseris, horas, & residuum per quatuor multiplicaueris, minuta horæ elicies: & habebis horas & minuta, quibus propositum signum in sphaera recta exoritur.

Exemplum

In exemplo offertur mihi signum Arietis, cuius ascensionem in sphaera recta numerare præcipior: principium eius applico horizonti recto in parte exortiuo, & almuri vel ostensore adiecto, pingo notam in gradibus limbi aut æquinoctialis. Postea rete cum ostensore voluo, vsquequo terminus Arietis in lineam recti horizontis ceciderit, & ad ostensoris tactum, gradus limbi aut æquatoris, nota afficio. Tandem coputo aut in limbo, aut æquatore, gradus his notis interceptos, & colligo penè viginti octo. Di

coigitur, quòd ascensio arietis est vigintiseptē quasi graduū. Tot enim, Ariete oriente, de æquatore vna exoriūtur. Diuido vigintiocto grad^o per quindecim & habeo vnā horā: & in residuo tredecim gradus: quos per quatuor multiplico, & emergūt quinquagintaduo minuta. Quare Aries in sphaera directā, in vna hora equali et quinquagintaduobus ferè minutis, ortum perficit.

Non dissimili operatione ascensionem duorum trium, vel plurium signorum inuestigabis: & id in exemplo facile capies: Proponuntur mihi duo signa, Virgo & Libra, quorum ascensionem in horizonte recto extrahere iubeor: sisto principium Virginis vnā cum almuri ad horizontem rectum, & in limbo aut æquatore pingo signaturam: postea gyro rete cum almuri, vsquequo finis Libræ recta horizonti iungetur, & iterum facio signaturam. Et numeratis gradibus, signaturis interiectis, colligo ferè quinquaginta sex, forsā minus decem minutis, ascensionem horū duorum signorū in sphaera recta.

Simile iudiciū est de portione vnius signi, &c.

Descensio autem signi vel signorum aut portionum zodiaci in circulo recto similis est ascensioni: quamobrem non est opus seorsum tradere, quo pacto huiusmodi descensio computetur.

Ceterum si arcui eclipticæ aut signo Zodiaci assignato, ascensionem in sphaera recta, à sectio-

ne vernali, id est, à principio Arietis initium numerationis sumendo, breui cōputo deputare volueris: siste finem oblatis arcus aut signi super horizontem rectum in parte orientali, & gradus æquatoris Araneæ tangens eundem horizontem, dicto citius indicabit tibi ascensionem ipsius in sphaera directa. Quod si hoc per gradus limbi scire volueris, termino arcus aut signi in horizonte recto stante, applica ostensorem ad principium Arietis, & scribe notam in gradibus limbi. Postea numera gradus limbi à linea horizontis recti vsq; in notam, & habebis optatum.

Exemplum

Exemplum breue: Proponitur mihi arcus aut signum Leonis: volo secundum modum iam expositum, inuenire eius ascensionem in sphaera recta. Finem signi Leonis addo horizonti recto, & in promptu video æquatorem tangere horizontem in centesimo quinquagesimo secundo gradu. Sunt igitur centum quinquaginta duo gradus, ascensio Leonis in circulo recto, ab initio sectionis vernalis supputando. Aut termino Leonis in horizonte recto durate, applico ostensorem principio Arietis, & habeo in limbo ad situm ostensoris centum quinquaginta duos gradus, ut supra. Hic modus vsitatus est astrorum iudicibus. Dicunt enim: quære mihi ascensionem rectam Leonis, ac si dicerent: Inuestiga mihi per tabulam ascensionum sphaera recta, ascensionem Leonis ab Arietis initio computando. Idem de descensione.

Quæ

QVAE SIGNA RECTE, ET Proposi. 47.

quæ obliquè in sphæra recta oriantur occidantque, paucis absoluerè.

SUMPTO experimèto per propositionē antecedentē de ortu et occasu singulorū signorum, inuenies Arietem, Taurum, Leonem, Virginem, Libram, Scorpionem, Aquarium & Pisces in circulo directo obliquè oriri & descendere. Nam cuiuslibet signi seorsum examinati, portio æquatoris unā conscendens vel descendens trigenis gradibus minor est. Geminos, Cancrum, Sagittarium & Capricornum, hæc quatuor tantum rectè oriri & occidere affirmabis: quia æquatoris portio eorum ortui & occasui respondens, trigenis gradibus maior est. Colliges etiam diligenti examine adhibito, signa opposita æquales habere ascensiones descensionésque. Hæc & quedam alia ex subiecta formula facileprehenduntur.

TABELLA ORTVS
& occasus signorum in sphæra recta integris signis seorsum acceptis accommodata.

DE VSV

		G.	m.	horæ	min.	secūd.
Oblique	γ	27	54	1	51	36
Oblique	δ	29	54	1	59	36
Recte	ιι	32	12	2	8	38
Recte	ϙ	32	12	2	8	38
Oblique	Ω	29	54	1	59	36
Oblique	mp	27	54	1	51	36
Oblique	≈	27	54	1	51	36
Oblique	m	29	54	1	59	36
Recte	†	32	12	2	8	38
Recte	℥	32	12	2	8	38
Oblique	≈	29	54	1	59	36
Oblique)	27	54	1	51	36

Quare non immeritò hi reprehensione digni sunt, qui Lucani metra perperam interpretantes, affirmant constitutis in æquinoctiali circulo, omnia signa recte oriri & occidere: quin semper maior pars æquatoris oriatur occidatque, cum iam liquidum sit, sub æquinoctiali octo signa oblique, & quatuor tantum recte oriri & occidere. Inquit enim Lucanus nono Pharsal.

Depreſsum eſt hūc eſſe locū, quo circulus alti Solſtitij medium ſignorum percutit orbem. Non obliqua meant, nec Tauro Scorpius exit Rector, aut Aries donat ſua tempora Libræ.

Aut Astræa iubet lentos descendere Pisces.

Par Geminis Chiron: & idem quod Carcinus ardens.

Humidus egoceros: nec pl^o Leo tollitur Vrna.

Loquitur Poëta de processu Catonis, & exercitus ipsius per arentem Libiam versus æquatorem, ubi sunt Garamantes, Syrtes, templum Iouis Ammonij, et eius fons, cum ait: Deprehsus est hunc esse locum, &c. Et cum subiungit: Non obliqua meant. loquitur de signis oppositis, ac si diceret: signa Zodiaci opposita non meant, id est procedunt oriendo aut occidendo obliqua: hoc est vnum obliquius alio sibi obiecto: sed signa opposita habent ascensiones & descensiones æquales, neque aliud rectius aut obliquius oritur aut occidit reliquo, sed vniiformiter. Sat est.

ASCENSIONEM RECTAM ^{Proposi. 48.}
gradus eclipticæ & stellæ breuiter cõputare.

SI ASCENSIONES cuiuslibet gradus eclipticæ aut zodiaci aut stellæ cuiusvis cognoscere volueris: siste gradum aut cacumen stellæ super horizontem rectum exortiuum, & iuncto ostensore mox in æquatore intueberis ascensionem rectam huic gradui proposito aut stellæ respondentem: computadam à sectione vernali, hoc est à prin-

cipio Arietis. Quod si eādem in gradibus limbi numerare optaueris, operare prout iamā instituimus. Ostensorē tamen sectioni vernali adijcito, gradibus limbi notā inscribendo: postea à linea horizōtis re-
cti numera gradus limbi vsque in notā inscriptam, et habebis optatum. Est autem ascensio recta gradus aut stellæ eius descensio, vt plenè suprà patuit.

Exemplum Verbi gratia. Obijcitur mihi 5. gradus Virginis, cuius ascensionem rectam iubeor inuestigare. Pono eundem super horizontem rectum in parte orientali: & iuncto ostensore, capio in equatore 157. fere gradus ascensionem rectam propositi gradus. Item reti sic stante, addo ostensorem sectioni vernali, & pingo notam in gradibus limbi, & numerando ab horizonte recto orientali in notam vsque, colligo 157. gradus vt suprà.

Itē offertur mihi stella Tauri Aldebaran, cuius ascensionē rectā inuenio hoc modo. Cacumē memoratæ stellæ applico horizōti recto, et video in equatore aut limbo secundum operationē iam expositā 61. propemodum gradus, ascensionem rectam eiusdem.

Proposi. 49.

EX ASCENSIONE RECTA
stellæ cognita arcum eclipticæ sibi coascendentem indagare.

RETI inuariabiliter stante pro ascensione recta stellæ secundum doctrinam propositionis
antece-

antecedentis, computa signa & gradus Zodiaci ab Ariete initiādo vsque ad horizontem rectum exortium. Hæc enim signa, hi gradus, quotquot supputando congesseris, arcum eclipticæ coascendentem palam faciunt.

Repetatur gratia exempli per propositionem antecedentē ascensio recta stellæ Aldebaran 61. graduum: cupio experiri arcum eclipticæ huic ascensionem respondentem: sisto stellā ac si primum ascensionem rectam extrahere velim, & noto cōtactum lineæ eclipticæ cum horizonte recto, & facta numeratione à principio Arietis vsque in notam, colligo 2. signa, & tres ferè gradus de gradibus Geminorum. Ecce arcus eclipticæ duorum signorum & trium graduum ascensionem rectæ debitus.

ARCUS ECLIPTICÆ QUAN- Proposi. 59.

tocunque ascensionem in sphaera obliqua per certum computum deputare.

ARCUM eclipticæ vocamus vnum signum aut partem eius siue duo, tria aut plura signa. Quorum ascensiones in sphaera obliqua cognitu facilimæ sunt, si ea quæ circa ascensiones sphaeræ rectæ in propositiōe quadragesimæ sextæ monuimus et operati sumus, recte didicisti. Aduerte tamē ascensiones & etiam descensiones sphaeræ declinis per

astrolabium repertas, solummodo seruituras huic habitationi, ad quam mater aut tabula astrolabij secundum poli Borealis supra horizontem eleuationem, composita est.

Vnius igitur signi seorsum in sphaera obliqua ascensio hoc modo inuestigatur. Principiū signi applica horizonti obliquo in parte orientali, quem primum almicantharath facile indicat: & almuri adiuncto, fac punctum in gradibus limbi. Deinde promoue rete vna cum almuri, principio signi fixē immoranti, vsquequo exitus signi ceciderit super eundem horizontem obliquum: & iterum fac punctum in limbo ad tactum almuri, & gradus quibus mouetur almuri a primo puncto vsque in secundum, erunt ascensio eiusdem signi pro eleuatione poli, ad quam astrolabium est confectum.

Diductis gradibus ascensionis per 15. exhibunt horæ: & residuo per quatuor multiplicato, proueniunt minuta: quibus horis et minutis signum oblatum in sphaera obliqua peroritur. Quod si idem per equatorem in suos gradus partium absolucere volueris: initio signi, ut iam docuimus, horizonti obliquo applicato, ad contactum horizontis & equatoris, fac notam in equatore. Deinde reti moto taliter quod finis signi horizonti obliquo iungitur: denuo ad tactum horizontis & equatoris scribe notam in equatore: numerati gradus his notis intercepti ostendunt ti-

bi ascensionem signi in sphaera obliqua.

Exemplum primæ operationis. Cupio elicere a- Exemplum
scensionem signi Leonis seorsum in sphaera obli-
qua ad elevationem polarem 49. ferè graduum.
Initium Leonis pono in parte exortiva super hori-
zontem obliquum, & ostensore iuncto, pingo no-
tam in gradibus limbi. Deinde Reti vnà cum Al-
muri motis, statuo finem eiusdem signi in eodem
Horizonte: & rursus locum Almuri in limbo
nota afficio: tandem supputo gradus his notis inter-
positos, & colligo 41. gradus, & 15. penè minuta: a-
scensionem Leonis per se in sphaera obliqua, cætera
omnia facilia sunt, ideo transeo.

Consimilis operatio est cum duobus, tribus aut
quatuor signis: siue aliquo alio arcu eclipticæ se-
orsum accepto.

Ad habendum autem ascensiones arcuum ecly-
pticæ, hoc est signorum aut graduum, siue etiam stel-
læ in sphaera declini, à sectione vernali computan-
do, pone initium Arietis super horizontem obli-
quum in parte orientis, & ostensore iuncto, nota lo-
cum eius in gradibus marginis, postea moue rete v-
nà cum ostensore, donec finis arcus eclipticæ aut si-
gni, aut gradus signi, aut apiculus stellæ cadat super
eundem horizontem, & gradus quibus motus est o-
stensor, sunt ascensio signi, gradus aut stellæ in spha-
ra obliqua à principio Arietis computata.

Exemplum

In exemplo facilius accipies. Habeat arcus quidam eclipticæ propositus finem Leonis: volo inuenire ascensionem eius in sphaera obliqua, in habitatione ubi polus eleuatur ferè 49. gradibus. Initium Arietis addo horizonti obliquo in parte orientali, & applicato Almuri, facio signũ in gradibus marginis aut limbi: deinde Rete cum Almuri in initio Arietis durante, moueo vsque quo finis leonis memorato horizonti in vnguem copulabitur, et iterum facio signum ad situm Almuri, demũ numero gradus, signis his interceptos, & colligo ascensionem à sectione vernali computatam 139. quasi graduum in sphaera obliqua, & pro polari eleuatione quadragintanouem ferè graduum. Non aliter exemplificandum est de stellis fixis siue erraticis, &c. Idem potes absoluerè per æquatorem Retis in suas partes distributum. Facile est, ideo transeo.

Proposi. 51.

DESCENSIONES SIGNI AUT
signorum seorsum, siue à sectione vernali
& partium signorum, item stellarum in
sphaera obliqua, breuiter computare.

OPERATIO descensionum extrahenda-
rum & cognoscendarum signi vel signorum
& partium seorsum, non distat ab operatione ascen-
sionum, tradita in propositione antecedente: præter
id

id quod in horizonte obliquo occidentali, easdē inuestigamus atque absoluiamus. Quare exemplari duntaxat computatione lectoribus satisficiemus.

Repetatur per propositionem precedentem signū *Exemplum*
Leonis singulatim acceptum. Eius ascensionem in sphaera obliqua extraximus, nunc eiusdem descensionem hoc pacto inuestigabimus: Initium Leonis pono super Horizontem obliquum occiduum: & iuncto Almuri, pingo notam in limbo, aut in equatore, ad contactū tamen ipsius cum Horizonte declini. Deinde voluo rete cū almuri, principio Leonis inhaerenti, taliter quod finis Leonis horizōti obliquo precise iungetur, & rursus facio notam in limbo, aut in equatore, ad tactum eius cum horizonte.

Deinceps cōputo aut in limbo, aut equatore gradus notis interpositos: & inuenio descensionē Leonis octodecim graduum, et triginta ferè minutorum in sphaera obliqua, vbi polus borealis subleuatur quadragintanouem ferè gradibus. haud aliter operor cum pluribus signis seorsum acceptis.

PRO signis autem, quorum descensiones à principio Arietis in limbo sunt numerandæ, similiter pro stellis fixis aut erraticis (in equatore enim nulla est difficultas) sic procede. Sis te initium Arietis super Horizontem obliquum in parte occidentali, et iuncto Almuri, fac signaturam in limbo, deinde volue Rete cum Almuri versus lineam mediæ no-

Etis, quousque finis ultimi signi propositi, aut cacumen stellæ ceciderit super eundem Horizontem: & rursus fac signaturam in limbo ad tactum Almuri: præterea numera à prima signatura in secundam, & incipiendo quinque, decem, quindecim, viginti &c. continuando de quinque in quinque, usque in secundam signaturam: & quod sic numerando conflabis, descensionem propositorum signorum aut stellæ à principio Arietis in sphaera obliqua indicat. Vel (& est idem) à numero graduû limbo inscripto, quem Almuri ostendit, subtrahes centum octoginta gradus cum accommodatione trecentorum sexaginta, si alias subtractio fieri nequeat: & residuum tene pro descensione &c.

Proposi. 52.

QVAE SIGNA IN SPHAERA obliqua rectè, & quæ obliquè oriantur occidantque, paucis perstringere.

PER DVAS propositiones præcedentes, sume (cādide lector) singulorum signorum ascensiones siue ortus, & descensiones siue occasus: & experimento certior eris, sex signa, puta Cancrum, Leonem, Virginem, Libram, Scorpionem, & Sagittarium, rectè oriri & obliquè cadere. Nam cum quouis signo per se examinato, portionem æquatoris una condescendentē trigenis gradibus maiorem,

& vnâ decidentem, trigenis minorem reperies.
 Contra, Capricornum, Aquarium, Pisces, Arie-
 tem, Taurum, Geminos, obliquè pronèque oriri, &
 rectè occidere profiteberis. Quare non incongruè
 infertur, in sphaera declini sex signa rectè orientia,
 obliquè occidere: & sex obliquè orientia, rectè ca-
 dere. Præterea infertur, cuiusvis signi ascensionem,
 esse descensionem signi oppositi: & descensionem,
 obiecti ascensionem. Rectè igitur dixit poëta:
 Recta meant, obliqua cadunt à fidere Cancri,
 Donec finitur Chiron: sed cætera signa
 Nascuntur prono, descendunt tramite recto.
 Hæc & alia ex subiecta tabella facile eliciuntur.

TABELLA ORTVS

& occasus signorum per se ac-
 ceptorum in sphaera obliqua,
 & ad eleuationem poli borea-
 lis quadragintanouè ferè gra-
 duum.

R ij

Signa	Ortus			Tempus Ortus.			Occasus			Tempus Occasus		
		G	m̄	Hore	min.	secūd.		G	m̄	Hore	min.	secūd.
γ	Oblique	14	31	0	58	4	Rectè	41	17	2	45	8
δ	Oblique	18	33	1	14	12	Rectè	41	15	2	45	0
π	Oblique	27	18	1	49	12	Rectè	37	6	2	28	24
σ	Rectè	37	6	2	28	24	Oblique	27	18	1	49	12
Ω	Rectè	41	15	2	45	0	Oblique	18	33	1	14	12
mp	Rectè	41	17	2	45	8	Oblique	14	31	0	58	4
z	Rectè	41	17	2	45	8	Oblique	14	31	0	58	4
m	Rectè	41	15	2	45	0	Oblique	18	33	1	14	12
†	Rectè	37	6	2	28	24	Oblique	27	18	1	49	12
⋈	Oblique	27	18	1	49	12	Rectè	37	6	2	28	24
≈	Oblique	18	33	1	14	12	Rectè	41	15	2	45	0
⋈	Olique	14	31	0	58	4	Rectè	41	17	2	45	8

QVANTVS ARCVS ECLY- Proposi. 55.

pticæ debeatur cuicūque ascēſioni vel deſcenſioni oblatae in ſphæra obliqua perſcrutari.

OBLATVM arcum aſcenſionis numera in æquatore à principio ſectionis vernalis, & finem numerati arcus applica præciſius quo potes horizonti obliquo orientali, & illico gradus eclypticæ eundem horizontem tangens, palam faciet tibi arcum eclypticæ huic aſcenſioni debitum, ſcilicet ſigna & gradus à principio Arietis uſque in gradum contactus. Si autem per limbum operari uolueris, computa arcum oblatae aſcenſionis in gradibus limbi à linea horizontis recti orientalis verſus meridiem & ultra, ſi opus fuerit, & fini iunge principium Arietis, & gradus eclypticæ tangens Horizontem obliquum, negotium tibi abſoluet pro modo iam ſuprà expoſito.

In exemplo: Offertur mihi aſcenſio obliqua arcus ſtellæ aut gradus eclypticæ, 105. graduum, quos ſi in æquatore computauero, & finem centeſimi & quinti gradus horizonti obliquo exortiuo iunxero, video quintum gradum Leonis horizontem tangere, vnde cōcludo, arcum eclypticæ, oblatae aſcenſioni debitum eſſe quatuor ſignorum et quinque graduū. Idem eſt, ſi numerauero 105. gradus in limbo ab horizonte recto orientali verſus meridiem, & ultra,

Exemplum

Et fini adiumento ostensoris principium Arietis copulauero, habeo ut antea quintum gradum Leonis in Horizonte, unde infero, ut supra. Hæc de arcu eclipticæ, quæ ascensioni debetur, nunc de arcu eclipticæ, quæ descensionis propositæ respondet, breuiter dicemus. Propositam descensionem supputa in æquatore ab initio Arietis, et terminum eiusdem descensionis iunge horisonti obliquo occidentali, quo factò, gradus eclipticæ eundem horisontem tangens indicabit tibi arcum eclipticæ huic descensionis debitum, à principio Arietis numerandum.

Si autem te delectat operatio in gradibus limbi, arcum oblatae descensionis numera in gradibus limbi, sumendo principium numerationis à linea Horizontis recti occidui, procedendo versus lineam mediæ noctis et ultra, secundum numeri quantitatem, si opus fuerit, et fini adiumento ostensoris iunge principium Arietis, et gradus eclipticæ Horizontem obliquum in parte occidentis possidens, pandet tibi arcum eclipticæ à sectione vernali supputandum.

Exemplum

Exemplum breue. Proponitur mihi descensio obliqua alicuius gradus eclipticæ, aut stellæ 105. graduum, quos computo in æquatore ab initio Arietis, et vltimum gradum, scilicet quintum post centesimum, applico Horizonti obliquo occidentali: et video iam memoratum Horizontem tange-

re eclipticam in 18. gradu Geminorum. Vnde infero, arcum eclipticæ propositæ descensioni respondentem, esse duorum signorum & 18. graduum, quod fuit petatum. Sat est.

INITIA DVODECIM DOMORUM COELI FACILÈ CONSTITUERE. Proposi. 54.

AEQVANDARVM domorum ex nostro Astrolabio duos accepimus modos.

Quorum primus est Nicephoro philosopho Greco, Messahallæ, Ioanni Eligero, & vetustis astronomis vsitatissimus.

Secundus est modernorum astronomorum, præcipuè Ioanis de mōte Regio Germani, Astronomicæ disciplinæ restauratoris et defensoris egregij, quæ ipse cōmodiorē rationalēque vocat. De his duobus modis et etiam quadam tertio, quem idem futilem & alienum à mentibus antiquorū philosophorum nominat, consule eius scripta in *Almagestum*, id est, in compositionem maiorem Ptolemæi.

De primo modo accipe hæc pauca. Cum qualibet hora, aut quocunque tempore oblato, duodecim cælestia domicilia, quibus in suis iudijs Astrologi vtuntur erigere, constituere, aut æquare, hoc est, eorundem principia aut cuspides (vt aiunt) inuenire volueris, per propositionē 28. huius (quam præambulam & Isagogicam in duodenariam cœli parti-

tionem appellauimus) ad horam aut tempus oblatū disce gradum ascendentem, quem horoscopum nominamus, quem in vnguem applica horizonti obliquo in parte orientali, & ipse gradus ascendens est initium, & cuspis primæ domus, & Nadayr eius, id est, gradus oppositus in Zodiaco, cadēs super horizontem occidentalem, est principium aut cuspis septimæ domus, quæ semper primæ opponitur domui, & dicitur gradus descendens. Gradus autem tangens lineam mediæ noctis, quartæ domui initium donat, cuius obiectus lineam meridianam possidens exordium decimæ domui, quam regiam vocitamus, aperit.

Præterea, gradum ascendentem applica arcui octauæ horæ inæqualis, & gradus retis tangens lineam memoratam mediæ noctis, secundam initiatur domum, cuius è regione locatus gradus initio octauæ domus præficitur.

Rursus gradum ascēdentem immitte arcui decimæ horæ inæqualis, gradusque lineam mediæ noctis occupans, initium est tertiæ domus, & eius Nadayr meridianam tenēs lineam, nonam domum incipit.

His absolutis, pone gradum initiātem septimam domum super arcum secundæ horæ inæqualis, & gradus retis in lineam mediæ noctis cadens initio quintæ domus alligatur. Et Nadayr eius lineæ meridianæ adherens, vndecimam domum orditur.

Demum

Demum eundem gradum septimæ domus adiunge arcui quartæ horæ inæqualis, & gradus lineæ mediæ noctis possidens, sextæ domui dat initium, cuius oppositus meridianam lineam tenens, capiti duodecimæ domus adaptatur. Et sic habes omnes cœlestes domus æquatas secundum modum primum. Quarum prima, quarta, septima, & decima appellantur cardines domus, aut anguli principales, siue primarij. Secunda, quinta, octava, & undecima, quæ præfatas immediatè sequuntur, succedentes nominantur. Reliquas autem quatuor, puta tertiam, sextam, nonam & duodecimam cadentes appellare consueuimus.

Hos gradus omnes duodecim domibus cœli principia dantes, unâ cum signis quibus continentur extra scribe in abaco, obseruata domorum serie, & tandem inscribe figuræ aut schemati geometrico, prout infra in exemplo edoceberis.

Sit igitur gratia exempli natiuitas cuiusdam Exemplum hominis, Anno Christi. 1510. corrente, die 15. mensis Iunij: hora quarta æquali pomeridiana, iubeor erigere ad tempus propositum figuram 12. domorum cœlestium.

Principio in quodam plano describo via geometrica schema cœli generale. Quemadmodum infra depictum vides. Deinde elicio verum locum Solis ad tempus propositum, quem inuenio in tertio

gradu Cancrī, eumque diligenter signo in ecliptica
 retis. Præterea, applico Almurī ad horam quartam
 pomeridianam in limbo, quæ fuit hora propositæ ge-
 nituræ, & volue rete taliter, quòd tertius gradus
 Cancrī præcise in linea fiduciæ ipsius Almurī ia-
 ceat. Quo factò, in Horizonte exortino obliquo vi-
 deo ascendere 16. gradū Scorpij, ita quòd ferè totus
 est ortus. Est igitur 16. gradus Scorpij, ascendens &
 horoscopus huius genituræ principiumque primæ
 domus, quare ad lineam vel cuspidē schematis pri-
 mæ domus scribo characterem Scorpij & gradum
 eius 16. sic, m. 16. Oppositus autem huius gradus est
 16. Tauri, qui ponitur in horizonte occidentali, ini-
 tium dans septimæ domui, quæ primæ diametraliter
 obijcitur, quare ad lineam septimæ domus schema-
 tis scribo, 8 16. Deinceps reti inuariato, venio ad
 lineam mediæ noctis, quæ inum cœli & initium
 quartæ domus nuncupatur, & offendo ibidem pri-
 mum gradum Piscij, scribo igitur ad lineam quar-
 tæ domus schematis sic, 11 1. Et gradus huic opposi-
 tus est primus Virginis, lineam mediæ cœli aut me-
 ridiei possidens, principium dans decimæ domui op-
 positæ quartæ, quapropter ad lineam decimæ do-
 mus schematis exaro, 10 1. & sic habeo quatuor do-
 mus primarias, de quarum inuentione suprâ propo-
 sitione 28. abunde diximus. Quibus habitis, princi-
 pia reliquarum 8. domorum secundum hunc mo-
 dum

dum primum hoc pacto extrahuntur. Gradum ascē
 dentem vel initium primæ domus, scilicet 16. Scor
 pij, pono super arcum octauæ horæ inæqualis, & cer
 no lineam mediæ noctis tangere 21. gradum Sagit
 tarij, qui mihi initium secundæ domus ostendit, scri
 bo igitur ad lineam secundæ domus schematis, ¶
 21. Cuius Nadair 21. gradus Geminorum locatus
 in linea meridiana, indicans mihi principium octa
 uæ domus, ad lineam ergo octauæ domus exaro, II
 21. Postea gradum ascendentem promoueo in arcum
 decimæ horæ inæqualis, & habeo in linea mediæ
 noctis quasi 25. gradum Capricorni, dantem initiū
 tertiæ domui: quare ad lineam tertiæ domus sche
 matis pingo, 25. ferè. Cui in linea meridiana op
 ponitur 25. quasi Cancrī, principium nonæ domus,
 scribo igitur ad lineam nonæ domus, 25. ferè. His
 quatuor domibus constructis, relinquo gradum ascē
 dentis, & venio ad gradum septimæ domus descen
 dentem, qui est 16. Tauri, quem pono super arcum
 secundæ horæ inæqualis, & video in linea mediæ
 noctis 25. gradū Piscium, quintam domū initiantē,
 exaro ergo ad cuspidem quintæ domus, X 26. Cu
 ius Nadair in linea meridiana existēs, est 26 Virgi
 nis principiū vndecimæ domus, quare lineæ vndeci
 mæ domus ascribo, 26. Tandem gradū septimæ
 domus, scilicet 16. Tauri, applico arcui quartæ horæ
 inæqualis, & habeo in linea mediæ noctis 22. gradū
 Arietis

DE VSV

Arietis, dantem principium sextæ domui, quapropter lineæ sextæ domus inscribo γ 22. Cui opponitur 26. gradus Libræ initians duodecimam domū, quare ad lineam duodecimæ domus scribo \simeq 22. Et sic habeo principia 12. cælestium domorum secundum mentem primi modi.

CVIVS TALIS MODI
pingo schema.

Figura genituræ .N.



SECUNDVS modus inueniendi initia duodecim coelestium domiciliorum est modernorum astromorum, præcipuè Ioannis de Regio monte & Georgij Purbachij, quem probant rationibus validissimis esse veriore[m] aliis modis omnibus, quare eundem rationalem vocant, iam vsitatus admodum in scholis vniuersalibus, à primo modo in quatuor cardinibus principalibus minimè discordans, in reliquis verò sæpenumero. Pro cuius cognitione in nostro astrolabio inscripti sunt quatuor arcus transeuntes per intersectionem horizontis obliqui & lineæ mediæ noctis, qui quatuor arcus vna cum horizonte obliquo & linea diametrali transeunte ab armilla per cætrum astrolabij in partem oppositam (meridianum circulum præ se ferente) totū coelum in 12. partes, inæquales tamen, distribuunt, quas domos appellamus. Horizon igitur obliquus in parte orientali initium primæ domus & gradum ascendentem, horoscopum nobis manifestat. Deinde arcus subsequens memoratum horizontem, versus lineam mediæ noctis aut angulum terræ transeundo, principium secundæ domus aperit, & iterum sequens initium terciæ. Linea autem mediæ noctis seruit principio quartæ domus, & sequens arcus versus dextram quintam domum initiatur, & sic consequenter procedendum est usque in arcū 12. domus. Et sunt semper 6. domus sub

Exercitiū.

terra siue horizonte, scilicet 1. 2. 3. 4. 5. & 6. Reliquæ 6. sunt supra horizontem aut terram, scilicet 7. 8. 9. 10. 11. 12. Huiusmodi secundi hanc sume operationem. Ad tempus quodcunque propositum, per propositionem 28. huius addisce gradum ascendentem, quem officio retis horizonti obliquo orientali in vnguem applica, & reti sic stante, initia 12. domorum in arcubus & lineis iam supra expositis sine omni difficultate patebunt. Sic, gradus retis tangens horizontem obliquum exortiuum, dat initium primæ domui, quare eundem & eius signum inscribe figuræ cœlesti ad hoc præparatæ, & depictæ circa lineam aut cuspidem primæ domus. Deinde gradus retis tangens arcum secundæ domus, initiatur secundam domum, scribe ergo ipsum & eius signū circa lineam secundæ domus figuræ. Item gradus retis adiectus arcui tertiæ domus, eiusdē ostendit principium, quare ipse & eius signū in lineam tertiæ domus figuræ inscribendi sunt. Similem observa formam operandi per omnes lineas & arcus omnium aliarum domorum secundū ordinem vsque in duodecimam. Et hoc pacto cū magna facilitate, & ferè sine labore potes constituere 12. domos cœlestes ad omne tempus oblatum, præteritum, præsens & futurum. In exemplo proponitur mihi coniunctio Solis & Lunæ mēsis Augusti, quæ anno Christi, 1510. corrente cadit in quartum diem eiusdem mēsis post meridiem

Exemplum

meridiem hora 6. minuto 22. ad quam præcipior erigere figuram 12. domorum pro aura diiudicanda. Ad idem igitur tempus inuenio Solem ferè in 21. gradu Leonis, què noto in gradibus retis, & per adiunctam regulam applico eundem gradum vigesimo secundo minuto post horam sextā pomeridianam in horis æqualibus, quo factò video in promptu, in arcubus & lineis 12. domorum principia omnium domorum secundum ordinem, quæ inscribo schemati in hunc modum.

Thema coeleste



ADVERTENDVM tamen, quòd sex domibus, quantum ad earum initia cognitis, aliæ sex per diametralem oppositionem in ipso Zodiaco facili-
mè cognoscentur. Primæ domui opponitur septima,
secundæ octaua, tertiæ nona, quartæ decima, quintæ
vndecima, & sextæ duodecima. His etiam domi-
bus ex Ephemeride inscribe vera planetarum loca,
nec non stellas fixas fulgentiores potioresque: in eam
enim domum planetam intrudes, quæ eius gradum
sub quo planeta decurrit, in figura cœlesti compre-
hendit. In quam autem domum stellæ firmæ cadāt,
arcus & lineæ domorum apertè indicant: & per
iam expositū cœleste schema facile informaberis.

Proposi. 55. ASPECTVS ET TRADITIO-
nes planetarum vtiliter cognoscere.

CVM scientia de planetarum aspectibus tam
in astrologicis quàm Physicis iudiciis sit valde
utilis & necessaria. Nam crises morborum, cæteri-
que naturæ effectus ad bonum vel malum, varieta-
te aspectuum superiorum corporum variantur, te-
stāte Iacobo Alkindo, radiationes planetarum esse
fundamentum & radicem iudiciorum. Ideo noui-
tiis adolescentibus astronomicas institutiones adire
volentibus, paucula quædam de planetarum aspe-
ctibus in Zodiaco duntaxat sumptis explicabimus:

nam de his rebus alibi abundantius tractare decreuimus.

Notandum igitur, quod *aspectus* aut *radiatio*, Aspectus.
Radiatio. est certa habitudo & distantia planetarum in diuersis partibus circuli, quibus sese in suis influxibus iuuant aut impediunt notabiliter, & isto modo acceptionis *aspectus*, coniunctio proprie non dicitur *aspectus*, quia non est certa planetarum distantia, &c. Planeta enim quando coniunguntur secundum longitudinem, tunc sunt in vno signo, in vno gradu & minuto signi, igitur non distant, nisi largiori modo accipiatur *aspectus*, prout capiunt *Albumasar* & *Lincon*. scilicet pro omni habitudine, qua planeta alteri influentiam & virtutem suam largiri poterit. Accipiendo igitur communiter *aspectum*, quinque erunt, scilicet *Coniunctio*, *Sextilis*, *Quartus*, *Trinus* & *Oppositus*. Stricteriori tamen vocabulo tantum quatuor postremi erunt, dempta coniunctione.

Coniunctio igitur quantum ad propositum Coniunctio. sufficit, quæ secundum longitudinem Zodiaci accipitur, est planetarum coitio in vno signo, signi gradu & minuto.

Aspectus sextilis siue hexagonus, est distantia Aspectus
sextilis. planetarum per sextam circuli aut Zodiaci portionem, quæ duo signa continet, aut 60. gradus, qui sunt quantitas duorum signorum, vt planeta existens in principio *Arietis*, respicit alium existentem in principio

Geminorum huiusmodi aspectu, & est mediocriter prospera felixque radiatio, vel (ut aiunt) latentis benevolentiae ac imperfectae amicitiae.

Aspectus
quartus.

Aspectus quartus, quadratus siue tetragonus, est distantia planetarum per quartam circuli partem, quae tria signa complectitur, aut 90. gradus, qui sunt quantitas trium signorum, & est hic aspectus minax, malitiosus, discors atque mediae inimicitiae.

Aspectus tri-
nus.

Trinus aut trigonus aspectus, est planetarum distantia per tertiā circuli portionē, eo quod teneat tertiam partem circuli, hoc est, quatuor signa completa, aut 120. gradus, & est aspectus foelix & prosper perfectae concordiae & amicitiae.

Aspectus op-
positus.

Aspectus oppositus aut diametralis, est distantia planetarum per medietatem circuli, eo quod contineat sex signa, aut 180. gradus. Et est aspectus malignus & minax, perfectaeque & patentis inimicitiae. Exempla omnium sunt facilia.

De aspectibus
tractant hi.

Ptolemaeus Pheludianus in quadri. tract. 1. c. 14. & eius com.

Iulius Firmicus. li. 2. c. 25.

Marcus Manilius. li. 2. c. 7.

Albumasar in intraduēt. maiori.

Alkabitius different. 1. & eius cō.

Guido Bonatus tract. 2. c. 13.

Leopoldus Austriae. & c. 10. Esch-

cuidus trac. 1. di. 12. 10. Lincon.

Scire

Scire etiam debemus ex sententia Iulij Firmici, Albumasaris & aliorum, duplicem esse aspectum, dextrum scilicet, & sinistrum. Dexter aspectus sextilis quartus aut trinus est contra successionem signorum, sinister verò secundum successionem signorum.

In exemplis, Luna in principio Arietis inuen- Exemplum
ta, habet aspectum hexagonum dextrum ad Iouem in principio Aquarii repertum, quia Luna à Ioue abest duobus signis, quæ à Luna in Iouem contra signorum consequentiam numerantur: igitur. Item, Luna in principio Arietis facit aspectum sextilem sinistrum ad Venerem in principio Geminorum repertam, nam à Luna computantur 2. signa in Venerem secundum signorum sequelam, quare &c. Præterea, Luna in exordio Arietis inuenta aspicit Iouem quadrato dextro in principio Capricorni inuentum, & Venerem quadrato sinistro in Cancri initio repertam. Eadem Luna principium Arietis possidens trigonica radiatione dextra afficit Iouem, in principio Sagittarii existentem, & sinistra Venerem, principium Leonis occupantem, & tandem Luna ut supra radiatione opposita, aspicit Iouem, initium Libræ adeuntem, simile sume iudicium de alijs signis & planetis.

His prænotatis si aspectus planetarum in Zodiaco scire desideras, addisce ex Ephemeride aut alium de, vera loca planetarum propositorum, & ea in

eclyptica retis signa, & vide distantias eorum, quos si offenderis per 60. gradus distare, dic eos esse in aspectu sextili, si per 90. in aspectu quarto, si per 120. in aspectu trino, quos verò per 180. in aspectu opposito. Si autem non præcise inueneris numerum prædictorum graduū, sed minus quatuor, quinque, aut sex gradibus, dicas esse applicationem ad aspectum, si plus quatuor, quinque, vel sex gradibus, pronuntia separationem & recessum ab aspectu.

In exemplo. Anno Christi 1510. currente 29. die mensis Iulij ad meridiem inuenio Lunam in Geminis 5. quasi gradu, & Saturnū in Libra quinto ferè gradu, cupio scire, an ne quopiam aspectu sese afficiant, Signo igitur in reti pro Luna 5. gradum Geminorum, & pro Saturno 5. gradum Libræ, & cōputo à Luna in Saturnum secundum ordinem signorum gradus interceptos, & inuenio 120. dico ergo Lunam aspicere Saturnum aspectu trino sinistro.

Hic non est silentio prætereundum, quòd si quam planeta latitudinem habuerit, parum poterit per eā aspectus in eclyptica impediri, etiam si latitudo posset esse 10. graduum, quia vix faceret huiusmodi latitudo diuersitatem in aspectu per 30. minuta vnius gradus, & hoc solum accidit in aspectu sextili & trino, sed quia id modicum est, ideo impræsentiarum non curabimus.

GRA-

GRADVM REVOLVTIONIS Proposi. 56.

annorum mundi ascendentem nati, & etiam alterius rei habentis exordium, vtputa ædificij inuenire.

Sciendum quòd reuolutio anni est reditus solis in eundem pūctū in quo fuit in principio illius anni. Reuolutio anni, annorum mūdi, alicuius nati, annorum alicuius ædificij ascendentis.

Reuolutio autē annorū mundi est introitus solis in principium siue in primum minutum Arietis.

Reuolutio alicuius nati, est reuersio solis ad eundem pūctum Zodiaci in quo fuit natiuitatis hora.

Reuolutio annorum alicuius ædificij, est reuersio solis ad eundem locum in Zodiaco, in quo fuit in principio foundationis, scilicet quando ponebatur primus lapis & cætera.

Reuolutio verò ascendētis nihil aliud est, quàm inuenire gradum ascendentē qui est in contactu horizontis, cum reuolutio anni mūdi, nati aut alterius rei principium habentis, fuerit completa.

Cum igitur quolibet anno volueris scire gradum reuolutionis annorum mundi, id est, ascendens tempore introitus solis in Arietem, addisce primū introitū solis in Arietē aliquo anno tibi noto, bene verificatum, sub certo numero dierum, horarum, minutorum, & secundorum, quantum possibile est, & id tempus introitus solis in Arietem appellabis radicem. Deinde horas & minuta (vt assolet) recen-

DE VSV

se in limbo astrolabij diligenti-
us quo potes, & fini iunge Almuri, &
locum eius in margine signa.

Præterea, considera annum incarnationis, ad quem cupis scire huiusmodi gradum reuolutionis, & subtrahere numerum annorum incarnationis radicis tanquam minorem à numero annorum propositorum tanquam à maiori, et residuum numerabit tibi annos interceptos annis radicis, & annis tuæ considerationis. Est enim huiusmodi residuum quantitas annorum, qui sunt à tempore radicis tuæ usque ad illud annum, cuius ascendens quæris. Pro quolibet ergo anno residui moue Almuri à loco in limbo signato per 87. gradus,

TABELLA REVOLVTIONIS ASCENDENT-

tium annorum mundi, natiuitatum & ædificiorum.

Nu.	An.	Gr.	Mi.
1		87	19
2		174	38
3		261	57
4		349	16
5		76	35
6		163	54
7		251	12
8		338	31
9		65	50
10		153	9
11		240	28
12		327	47
13		55	6
14		142	25
15		229	44
16		317	3
17		44	22
18		131	41
19		219	0
20		306	19
40		252	37
60		198	56
80		145	15
100		91	33
200		183	6
300		274	40
400		6	13
500		97	46
600		189	19
700		280	52

et 20. ferme minuta gradus, quo facto, applica principium Arietis almuri secundum omnem præcisionem, & gradus retis qui ceciderit super horizontem obliquum orientalem, erit ascendens anni propositi, & dicitur gradus reuolutionis annorum mundi. Quo cognito, per 28. huius & etiam 54 facile poteris æquare omnes duodecim domos, & constituere figuram reuolutionis anni propositi, per quam anni status iudicatur. Verum cum nonnunquam anni residui sint multi, laboriosum, tædiosum & difficile esset, toties per 87. gradus, & 20. minuta Almuri mouere à loco in limbo signato. Ideo ordinauimus tabellam hinc annexam, per quam huiusmodi negotium facile absoluitur, hoc pacto. Numerum annorum residui, qui numerantur ab anno radice usque in annum considerationis, quære in linea prima numeri annorum lateris sinistri tabellæ, & in directo versus dextram offendes gradus & minuta, quibus à loco limbi signato numeratis, & termino numerationis Almuri & principio Arietis applicatis, videbis in horizonte exortiuo gradum ascendentem, ut supra.

Quod si annos residui non præcisè in linea prima numeri annorum inueneris, intra duplici introitu quemadmodum pro medijs planetarum motibus supputandis agere consueuimus, & si facta additione graduum & minutorum per duplicem introi-

tum inuentorum, numerus graduum in 360. gradus aut ultra euaserit, reiice 360. & residuum serua, cum quo residuo age, ut iam supra exposuimus, & habebis propositum, scilicet gradum ascendentem anni propositi, quem gradum reuolutionis annorum mundi appellamus, & ex consequutione, 12. cœli domicilia.

Exemplum

Exemplum huius partis tale subiungendum est. Ad meridianum oppidi Tubingen. introitus solis in principiu Arietis in vnguem examinatus fuit, anno salutiferae incarnationis 1500. currẽte, die 10. mensis Martij post meridiem hora sexta, minuto ferme 22. tempore equato, hunc introitum Solis in Arietem, quantum ad diem, horas, & minuta, & etiam quatum ad numerum annorum Christi, seruo pro radice annis futuris. Supputo igitur horas & minuta in limbo post meridiem, & fini 22. minuti post sextam applico Almuri, faciõque notam notabilem in limbo, quam etiam seruabo tanquam radicem futuris annis opportunam. His præhabitis & ordinatis, obiicitur mihi annus futurus, Millesimus quingentesimus decimus tertius currens, ad quem iubeor explorare gradum reuolutionis annorum mundi &c. Subtraho ergo annos CHRISTI radice, scilicet mille quingentos, ab annis oblatis scilicet mille quingentis tredecim, & habeo in residuo tredecim. tot enim annis distant anni propositi

siti ab annis radicis. Cum tredecim annis residui,
ingredior tabellam reuolutionis ascendentium &c.
Et in linea numeri annorum prima, ad sedem Tre-
decim, inuenio quinquagintaquinque gradus &
sex minuta. Gradus hos & minuta supputo cum
Almuri in gradibus limbi à nota notabili versus
dextram, & fini iungo Almuri vnà cum princi-
pio Arietis, et video in Horizonte orientali ascen-
dere decimumquartum gradum Scorpj, Proclamo
igitur gradum reuolutionis mundi pro anno oblato
fore decimumquartum Scorpj, quod fuit optatum.
Item gradu ascendentis reuolutionis in Horizon-
te durante, habeo duodecim cœli domicilia, secun-
dum modum rationalem & institutionem propo-
sitionis 54.

Fabrico

Fabrico igitur thema cœleste tale.



INVENTO gradu reuolutionis mundi ad cer-
tum annum oblatum, si scire optaueris tempus in-
troitus Solis in Arietē, id haud difficulter hoc mo-
do cognosces: Stātibz Reti in gradu ascēdente re-
uolutionis, et Almuri in principio Arietis, cōtactus
Almuri ostendit tibi in margine horam æqualem
à meridiē cōputandam, necnon minuta horæ si qua
fuerint. Dies autem mensis hac nostra tempestate
est decimus Martij, introitui Solis in Arietem de-

dicatus. Futuris tamen annis, idem introitus propter æquinoctij verni anticipationem nono diei Martij alligabitur. Quamobrem si errorem declinare volueris per propositionem secundam huius, aut verius per tabulas Solis, supputa eius verum locum in zodiaco ad meridiem decimi diei Martij: quem si inueneris in Piscibus vigesimo nono gradu cum certis minutis, manebit dies memoratus apta sedes solaris introitui: à cuius meridie horæ & minuta supra inuenta, supputanda sunt: quibus completis, sol principium Arietis adibit, æquinoctiumque vernum vniuerso mundo præstabit. Quod si ad meridiem decimi diei per calculum inueneris solem iam aliquam partem Arietis etiam quantulamcunque occupantem, reijce decimum diem, et assume nonum Martij: à cuius meridie computa (vt iam docuimus) tuas horas et minuta, & certificaberis de die, hora, & minuto introitus &c.

In exemplo, Anno tertiodécimo supra millesimum quingentesimum supra proposito, cupio scire introitum Solis in Arietem. Durante igitur Reti in gradu ascendente reuolutionis, ita quod finis decimi-quarti gradus Scorpj, tangat Horizontem exortium, & Almuri in principio Arietis: Video Almuri tangere. limbum ferè in secundo minuto post decimam horam æqualem pomeridianam. Dico ergo eodem anno solem intraturum Arietem die de-

Exemplum

cimo Martij, hora decima, minuto secundo ferme. Ve
autem de hac re summam dicam, habes optime le-
ctor primò gradum reuolutionis annorum mundi:
secundò figuram duodecim coelestium domiciliorum
reuolutionis anni propositi: & tertio introitum So-
lis in caput Arietis eiusdem anni propositi.

Hic docet
erigere figu-
ram coele-
stem huma-
næ genitu-
re.

De reuolutione gradus ascendantis genituræ hu-
manæ, de figura coelesti reuolutionis, et de tempore
eiusdem, nonnulla perstringemus. Annum proposi-
tæ genituræ, diem mensis, horam & partes horæ, ra-
dicem inueniendis supponito. Disce etiam verum lo-
cum Solis ad tempus genituræ, quibus habitis, nume-
ra horas & minuta genituræ in limbo Astrolabij à
meridie, quemadmodum supra de horis & minutis
introitus Solis in Arietem pro gradu reuolutionis
mundi inquirendo præcepimus, & termino iunge
Almuri, & pingue notam in limbo, quæ tanquã ra-
dicalis quædã nota, reuolutionibus futurorũ anno-
rum genituræ seruiet. Si igitur quocunque anno fu-
turo gradum reuolutionis oblata genituræ, item coe-
leste thema, & tempus reuolutionis scire deside-
ras, non aliter operaberis, quàm supra institui-
mus in paragrapho, Præterea considera &c. præter id
quod Almuri applicabis signo et gradui Solis tem-
pore natiuitatis inuentis.

Exemplum

In exemplo facile capies: Natus est quidam an-
no gratiæ Millesimo Quadringentesimo Quinquage-
si-

gesimonono, die vigesimo secundo mensis Martij, post
meridie hora quarta, minuto fere vigesimo, sole per
Arietem decimum gradum, et 39. minutum, et 40.2^m.
gradiente. Annos Christi iam propositos, die mensis,
horas & minuta, appello radicem huius geniturae:
computoque quatuor horas & 20. minuta à meridie,
et fini computationis inscribo notam: à qua omnes
futurarum reuolutionum gradus ascendentes supputabo.
Præterea offertur mihi annus decimus post millesimum
quingentesimum: ad quem gradum reuolutionis
ascendentem propositæ geniturae duodecim cœli domos,
et tempus reuolutionis præcipior determinare. Demo
ergo annos radicis ab annis oblatis, et habeo in residuo
51. annos, cum quibus intro tabellam reuolutionis
duplici introitu, eo quod eosdem ibidem nusquam
offendo. Primò cum 40. annis, cum quibus reperio
252. gradus 37. minuta, quæ extra scribo. Secundò
intro eandem tabulam cum 11. annis residuis, ad
quorum sedem inuenio 240. gradus & 28. minuta,
quæ alijs subscribo: et facta additione colligo
493. gradus et 5. minuta. Sed quia gradus
excedunt 360. idcirco reijcio 360. gradus, et
remanent mihi 133. gradus 5. minuta. Minuta
quidem quia pauca sunt, reijcio: gradus autem
computo in limbo à nota facta: et termino applico
Almuri, et 11. gradum Arietis. Et mox in Horizonte
orientali video ascendere 29. gradum Sa-

gittarij: qui dicitur gradus ascendens reuolutionis huius geniturae, anni decimi propositi: dās initiū primæ domui, ipsoque inuariabiliter in horizōte durante, reliquarū domorū principia in arcubus et lineis domorū in promptu apparēt: vnde cœli figurā in hunc modū erigo atque constituo. Tandē *Almuri* indicat mihi in margine, quo tēpore reuolutio perficiatur, sit enim hora 13. minutis 12. fermē post meridiem non 21. diei Martij, sed 21. Vt facile ex *Ephemeride* huius anni constare poterit.



NON dissimiliter operaberis in reuolutionibus aliarum rerum principia habentium, ut puta in reuolutionibus ædificiorum ab exordio constructionum, electionum ad dignitates, honores, officia, &c. Sed quia pauca aut propemodum nulla sunt mihi per Germaniam ædificiorum exordia cognita, ideo de his exemplificare prætereo. Vnicum tamen ut nostræ propositioni finem imponamus, de electione exemplum subiungemus.

Inuictissimus & serenissimus D.d. Maximilianus Cæsar electus est in Regem Romanorum, anno Virginei partus 1486. Currente, die 15. mensis Februarij, hora 23. Sole existente in Piscibus 7. gradu 14. fere minuto. Huius electionis petitur reuolutio: quantum ad gradum ascendentem figuram cœlestem et tempus anno salutis 1510. currente, computo primum tempus electionis in horis à meridie, & facio ad finem notam in margine: deinde subtraho annos electionis ab annis propositis, & habeo in residuo 24. cum quibus duplici introitu ingredior tabellam reuolutionis, et colligo 655. gradus 35. minuta. Et facta (propter excessum) reiectione 360. graduum, remanet 295. gradus 35. minuta, quibus à nota radice supputatis, terminoque Almuri iuncto, nec non septimo gradu, & 14. minuto Piscium, offendo in Horizonte gradum ascendentem reuolutionis anni propositi 8. quasi Piscium. Tempus

Electio Maximiliani in Regem Romanorum.

DE VSV

revolutionis 15. die Februarij 18. hora 42. minuto.

Figuram autem 12. domorum prout
subannectitur.



Quandoque accidit in revolutionibus genitu-
rarum, ædificiorum, et etiam electionu, quod
verus locus Solis quæsitus ex tabulis bene exami-
natis, ad tempus revolutionis etiam inæquatū, (præ-
sertim, cū plures anni à radice transferunt) non con-
cordat cum vero loco radice. Quandoque enim est
maior

maior, quādoque minor. Quod ex eo euenire doctos mathematicos non latet, quod equationes Solis, per quas eius verus motus addiscitur, in vno loco Zodiaci citius crescunt aut decrescunt, in alio tardius. Sole enim existēte in auge, puta Cancro aut circa, vel in augis opposito, scilicet Capricorno aut prope: equationes solares citius variatur, quā Sole trāseunte per longitudes medias, puta Arietē aut Librā, aut loca his vicina. Ibi enim ad annos plurimos equationes inuariatæ manēt, aut ad minus nullā sensibile diuersitatem causant. Quare fit (vt diximus) quod nonnunquam verus locus Solis ad tēpus reuolutionis etiam inæquatum, prout hoc negocium postulat, nō directē quadrat cū vero loco radice: quod absurdū est, cum talis modi reuolutio nihil aliud sit, quā reditus Solis ad suū verissimum locū, in quo fuit in radice geniturae, edificij aut electionis. Quare si omnē errorē vitare volueris, computa ad tempus reuolutionis suprà inuentum, reiecta tamē prius dierū equatione, verum locū Solis in vnguē: qui si à verò loco radice minimē discordauerit, tempus reuolutionis iustē est extractū et inuentū: si discordauerit, quære verū locum Solis ad tempus aut minus aut maius, prout negotiū petit: et ad quod inueneris verū locum Solis per omnia cōcordantem cum loco radice, (quod hoc facile absolues per tabulam veri motus Solis in horis & minutis) id tēpus addita dierū equatione,

erit verum tempus reuolutionis: & potes illud pro noua radice acceptare, & per hoc inuestigare futurorū annorū gradus ascendentes reuolutionum, figuras cœlestiū domorū &c. Quare si quis peteret scire gradus ascendentes reuolutionū ad principia omnium duodecim signorū, item figuras duodecim domorum, & tempus introitus Solis in eadem: eliciat aliquo anno sibi noto radicem pro introitu Solis in Arietem, vt prædiximus: cuius vsus propter tarditatem variationis equationum Solis in longitudine media pluribus seculis accommodabitur: idem ferè de signo Libræ accipiendum est. Pro reliquis autem signis, elaboratis radicibus introituum Solis in ipsa ad certum annum, elapsis viginti aut triginta annis, propter causam superius expositam, instituendæ sunt nouæ radices, & habebis rescertas nullo errore inuolutas.

Proposi. 57. **TABVLAM ELEVATIONVM**
signorum, qualibet hora diei confectioni
horologiorum seruientem componere.

HERMANNVS Contractus libro secundo de Vtilitate Astrolabij, ita inquit: Quicunque Astronomicæ peritiæ disciplinæ & cœlestiū Sphærarum, geometricaliūque mensurarum, altiorēque scientiam diligenti veritatis inquisitio-

ne altius rimari conatur, & certissimas horologiorum quorumlibet climatum rationes, & quælibet ad hæc climata pertinentia industrius discriminare nititur: hanc Vualzagoram, id est, planam spheram Ptolemæi, siue Astrolapsum, solerti indagatione perquirat & discat, & perquisitâ tenaci memoriæ firmiter commendet &c. Cùm dicit, Et certissimas horologiorum quorumlibet climatum rationes &c. voluit nobis ostendere, quòd officio astrolabij possint componi horologia ad diuersa climata, & eorundem causæ reddi, quare vnius climatis horologium ab alio alterius climatis differat. Egregiè profecto dixisset Gentilis noster Hermannus, si modum executionis aut constructionis horologiorum silentio non præterisset. Nos autem nouitijs in hac arte astrologica morem gerere volentes, docebimus, quo pacto tabulæ quædam adiumento Astrolabij componendæ sint. Quibus habitis horologia ad diuersa climata, diuersasque eleuationes polares componi possunt. Adijciemus etiam in calce propositionis, vt omnia lucidius pateant, pro exemplo compositionem cuiusdam quadrantis horarij, quæ bilimbatum appellabimus.

Ex Astrolabio igitur tabulam eleuationum signorum ad eleuationem poli borealis certi climatis, ad quâ mater astrolabij aut tabula fabricata est, hoc modo compones: Principiò omnium per propositione

Horologiorum compositionis ad diuersa climata.

trigesimam quintam huius addisce, ad quam polarem eleuationem, & ad quod clima mater aut tabula astrolabij sit composita: quam à nonaginta gradibus deme, & habes eleuationem meridianam ad principia Arietis et Libræ, quæ dicitur eleuatio æquinoctialis. Cui si addideris vigintitres gradus et triginta minuta, Solis maximam declinationē colliges, eleuationem meridianam principij Cæcri. Et si Solis maximā declinationē ab eleuatione Arietis subtraxeris, videbis eleuationē meridianā ad principium Capricorni. Hastres eleuationes meridianas ad horum triū signorum exordia per astrolabiū hoc modo cognosces: Pone principium signi super lineam meridianam, & numera almicantarath, inchoando à primo vsque in almicantarath aut eius partē, quod principium signi tangit, & habebis idem, scilicet eleuationem principij signi tempore meridiano: nō tamen secundum omnimodam præcisionem, quantum ad minuta propter instrumenti paruitatem. Et hoc modo per astrolabium addisce eleuationes meridianas pro principijs omnium signorum, & etiam ad partes signorū, puta ad decem et viginti gradum cuiuslibet signi, aut ad quindecim. Quibus habitis, conde tabulā, et sub hora duodecima scribe has principiorū signorū, etiam partium eorundē eleuationes meridianas, prout in subiecta tabula visu est facile.

Præterea pro eleuationibus principiorum signo-

rum ad horas pomeridianas extrahendis taliter operare. Applica Almuri horæ primæ pomeridianæ, cui iūge principij propositi signi, et numera in Almicantarath eius eleuationem in gradibus & minutis, quantum possibile est: & eandem scribe sub hora prima tabulæ in directo principij signi propositi. Caterum applica Almuri horæ secundæ unā cum principio signi propositi: & iterum supputa in arcubus Almicantarath eleuationem, quam tabulæ inscribe sub titulo horæ secundæ, & in directo principij propositi signi, & hoc pacto pro eleuatione aliarum horarum operaberis vsque in occasum principij signi, et ita procede cum initiis sex signorum, scilicet Cancri, Leonis, Virginis, Libræ, Scorpij & Sagittarij. Potes etiam, si te labor delectat, præter tamen necessitatem, contexere tabulam pro eleuationibus partium signorum ad horas pomeridianas. Extractis autem eleuationibus signorum ad horas post meridiem, easdem facile eleuationibus horarū antemeridianarum aptabis. Nam eleuatio signi horæ primæ pomeridianæ ascripta, horæ undecimæ antemeridianæ seruiet, & eleuatio secundæ post, decimæ ante, & eleuatio terciæ post, nonæ ante, & sic de reliquis horis.

Harum rerum omnium accipe hanc
tabulam pro exemplo.

T iij

TABVLA ELEVATIONVM SI-

gnorum qualibet hora diei ad elevationem Po-
larem quadraginta octo graduu, &
viginti ferè minutorum.

Hore ante merid.		12	11	10	9	8	7	6	5
Hore post merid.		12	11	10	9	8	7	6	5
Signa	G Signa	G G M	G M	G M	G M	G M	G M	G M	G M
69	0	30 65	10 62	20 55	30 46	40 37	0 27	0 17	0 8
	10	20 64	50						
	20	10 63	40						
Ω	0	0 61	50 59	0 52	50 44	10 25	0 24	40 15	5 20
	10	20 59	30						

NON aliter operandum est, quàm iam exposuimus, pro compositione tabulæ eleuationum signorum ad aliud clima, aliámque polarem eleuationem à prædicta distantem, præhabita tamen tabula aut matre, & videbis tabulas in eleuationibus signorum admodum differre: quare & horologia adiuumento harum tabularum fabricata, notabiliter distabunt. Vnde horologiorum rationes facile reddi possunt, & quare vnum horologium iustas horas pro certo climate aut polari eleuatione indicet, & aliud iniustas.

Conditata tabula eleuationum signorum, per ipsam plura horaria solaria confici possunt, ad eandem tamen polarem eleuationem, ad quam tabulam construximus: quorum confectioes in præsentiarum missas facimus, præter cuiusdam quadrantis bilimbati, cuius compositionem supra polliciti sumus, hic pro exemplo adiiciemus.

Exemplum In plano igitur describe quadrantem, cuius arcum, quem limbum appellamus, in nonaginta gradus (ut assolent) partire: & ponantur differentie gratia, a, in centro quadrantis, b, sinistram versus in arcu et linea recta, ab, a, in arcum porrecta, & c, in eodem arcu versus dextram, & in linea ab, a, in arcum producta. Asscribantur etiam gradibus limbi numeri de quinque in quinque, se augmentantes vsque in nonaginta, inchoando à litera, b, transeundo versus, c.

Lineam

Lineam, a, b, in duas æquales seca partes, d, puncto medię sectionis adiecto. Deinde siste vnum pedem circini in centrum, a, quadrantis, & alium emitte in punctum, d, & produc arcum à linea, a, b, in lineam, a, c, qui vocetur, d, e, & accommodabitur initis Arietis & Librę: arcus verò, b, c, limbus initis Cancrī & Capricornī. De initis autem aliorum signorum inscribendis, & omnium partitione, infra dicemus.

Lineas horarias hac lege inscribe: In arcu aut limbo, b, c, supputa adiumento tabulę eleuationum & c. eleuationem Arietis ad horam duodecimam, & adiecta regula centro, a, iunge eandem fini supputationis iam dictę, & pingē notam in arcu Arietis & Librę, dicto die. Consimiliter in arcu, b, c, supputa eleuationem Cancrī pro hora duodecima, & fac notam in eodem arcu, b, c. A nota horę duodecimę arcus Arietis, duc lineam rectam in notam arcus, b, c, quę horam duodecimam meridianam, Sole gradiente per borealia signa, puta Arietem, Taurum, Geminos, Cancrum, Leonem & Virginem, representabit.

Antequam autem alię horarum lineę inscribatur, necesse est initia aliorum signorum, & generaliter omnium, trifariam partitionem describere. Pro principio igitur Tauri, numera in arcu aut limbo, b, c, (tabula indicante) quinquagintatres gradus fere,


elevationem eius meridianam, & applicata regula centro, *a*, & termino quinquagintatrium graduum iam numeratorum, fac signaturam in linea horæ duodecimæ, in quam ex centro, *a*, expande circinū, & pinge arculum in linea, *a*, *b*, pro initio Tauri. Item pro initio Geminorum computa in limbo, *b*, *c*, propemodum sexagintaduos gradus, elevationem meridianam, & per applicationem regula, ut iam docuimus, fac signaturam in linea horæ duodecimæ, & cum circino describe arculum in linea, *a*, *b*, pro initio signi Geminorum, & sic modo quodam latenti habes initia duodecim signorum, propter eorum ascensum & descensum in latere huius quadrantis, quorum inscriptio quia facilis est, ex effigie horarū dicto citius sciri potest. Haud aliter quàm iam diximus, operandum est pro diuisione signorum trifaria, id est, per decem & decem gradus, sumptis elevationibus meridianis, ad partes signorum ex tabula. Et hoc modo fabricabis scalam quandam adhaerentem lineæ, *a*, *b*, pro signis integris & partitione eorum. Reliquas horarum lineas, Sole per borealia signa transeunte, taliter efficies: Ex tabula accipe elevationē Arietis ad horam primam, scilicet quadraginta gradus, quibus in limbo, *b*, *c*, numeratis, fini & centro, *a*, iunge regulam, et fac notam in arcu Arietis & Libræ. Non dissimiliter in eodem arcu, *b*, *c*, computa elevationem Can-

cri ad horam primā, scilicet sexagintaduos gradus, viginti minuta ferè, & imprime notā arcu, b, c, has notas copula per lineam rectam, & habebis lineam horæ primæ pomeridianæ, Sole (vt diximus) borealia signa tenente. Consimiliter operare pro hora secūda, tertia, quarta, quinta & sexta. Pro septima autem hora recense in limbo, b, c, octo gradus, et pinge notam in eodem, à qua duc rectam in quintum gradum Tauri lineæ, a, b. Lineis horariis borealibus completis, ascribe eis circa limbum, b, c, (quem limbum maiorem vocabimus) numeros horarū primæ, secundæ, tertiæ, quartæ, quintæ, sextæ, septimæ post meridiem, & quintæ, sextæ, septimæ, octauæ, nonæ, decimæ, vndecimæ ante meridiem. Lineæ autem horariæ Sole per Australia signa tendēte, hoc pacto inscribentur: Eleuationem Capricorni meridianam, scilicet octodecim gradus, decem minuta, computa in arcu, b, c, & impressa nota, ab ea duc rectam lineam (alterius tamen coloris cum lineis borealibus, distinctionis gratiā) in notā horæ duodecimæ arcus Arietis, & habes lineam horæ duodecimæ pro signis Austrinis, puta Libra, Scorpio, Sagittario, Capricorno, Aquario & piscibus. Pro hora prima supputa in arcu, b, c, eleuationē Capricorni ad eandem horam, scilicet septemdecim gradus, & fini imprime notam: à qua duc lineam rectā in notā horæ primæ Arietis, & habes lineam horæ primæ

DE VSV

pro signis Australibus: et sic operare pro lineis aliarum horarum. Linea autem quinta horæ ducitur à nota quinta arcus Arietis, in quintum gradum Scorpij: vel, & est idem, in quintum gradum Tauri. His lineis superscribe numeros horarios circa arcum Arietis, quem limbum minorem appellabimus.

ECCE FIGVRAM HORARIJ Bilimbati.



ASTROLABII.
DE FABRICA HO-
rarij Bilimbati.

151

Proposi. 58.

CAETERVM centro *A.* innecte filum
subtile & tenue, cui margarita aut nodulus ho-
rarum ostensor adhæreat: & termino fili alliga plu-
rum, aut aliquod simile alicuius ponderis.

Demum super lineam, *a, c,* fabrica duas pinnu-
las aut tabellas eleuatas, quarum vna sit versus, *a,*
centrum, & alia versus limbum quadrantis. In
ea quæ est versus centrum fac foramen paruum, in
alia punctum: taliter, quòd sibi mutuò directe re-
spondeant: & quòd vnum sit in tanta altitudine:
& tantum distet à linea, *a, c,* sicut aliud.

DE VSV HORA-
rij Bilimbati.

Proposi. 59.

HACTENVS de fabrica horarij bilimba-
ti: nunc paucula de eius vsu. Pone filum ad
scalam signorum, scilicet lineam, *a, b,* & promoue
Margaritam aut nodulum in signum & gradum
Solis, secundum quòd precipius potes. Deinde sini-
strum latus horarij & pinnulam perforatam obii-
ce Soli radianti, ita, quòd radius solis per foramen
pinnulæ veniēs, directe in punctum alterius tabu-
læ cadat: et illico situs Margaritæ in lineis horariis

DE VSV ASTROLABII.

quæsitam horam (cum hac tamen cautione) indicabit. Ab exordio enim Arietis in finem Virginis, cum sol per septentrionalia aut Borealia signa graditur, quærentur horæ in limbo maiori & in lineis numero literarum vulgariis designatis. Ab initio autem Libræ in finem Piscium, Sole per meridiana aut Australia signa currente, horæ in limbo minori & lineis cifris correspondentibus inuestigantur.

NUNC DE MENSURA
tionibus Geometricis, Altimetris,
planimetris, profundimetris, tractatus cum
earum demonstrationibus,
& figuris sequitur.



DE GEOMETRICIS MENSURATIONIBUS

rerum, altitudinum accessibilium & inaccessibilium, etiam rerum in planitie & profunditate constitutarum, in longum, latum, & profundum mensurandarum, tractatus incipit.

MENSURIS GEOMETRICIS
præambula quædam accommodare.

Proposi. 60.



ST IGITUR Geometria disciplina magnitudinis & formarum, quæ secundum magnitudinem contemplantur. Hæc autem disciplina (simplicibus loquor) à terræ mensura Græcū nomen accepit.

¶ enim Græcè, Latinè terra dicitur: & μέτρον Græcè, Latinè mensura exprimitur. Hinc Geometria, quasi terræ mēsurā. Huius inuētores, te-

Geometria,
quid.

De geometria & eius inuentoribus.

DE GEOMETRICIS

ste Alphorabio, primi traduntur Aegyptij, pro necessitate diuisionis terminorū terræ quos Nilus inundationis tempore limo obducens cōfundebat, eosdem Aegyptij geometricis principiis rursus distinguiebant, unicuique reddentes quod suum est. Sed quauis ad terræ dimensionis commoditatem primitus inuenta, vocabulūque inde sortita sit, à posterioribus tamen rationem eius diligentius inuestigantibus, ad alia quoque nonnulla, quæ vel cognitu vtilia, vel exercitio iucunda videbantur, speculatio hæc accommodata est.

*Arithmeti-
ces origo.*

Nec mirum videri debet, tam hanc quàm alias disciplinas, ab opportunitate & commodo sumpsisse principium. Nam sicut apud Phœnices propter mercimonia & conmutationes, examinata numerorum cognitio sumpsit initiū, ita sane apud Aegyptios geometria ob id memoratā scaturiuit causam.

*De vtilitati
bus geometricis.*

Vtilitatem & necessitatem huius disciplinæ (optime lector) experientia cognoscēs, cū mensurandi modos instrumento deprehenderis. Porro multas promit artes, mechanicam, perspectiuam, quibus vitæ etiam conducit humanæ. Instrumenta siquidem bellica, machinæ, arietes, propugnacula, huius scientiæ præceptis inuenta sunt atque instructa: horarum cogniti cursus, positionesque locorum, & emensiones terræ, marisque. Lances & trutinas hæc procudit. Mundi ac vniuersitatis ordinem

dinem per imagines oculis subiecit humanis: omnium
coelestium corporum, orbium scilicet & stellarum
distantias & magnitudines demonstrauit: multa,
inscitia & caligine obruta hominibus detexit: quæ
nullam admittebant sua sponte fidem, reddidit
probabilia.

Fertur itaque Thales Milesius, primus Aegyptum petens, hanc disciplinam illinc in Græciam adduxisse: inuenitque ipse in ea facultate multa. Post hunc fuit Ameristus Geometriæ studiosus. Hunc secutus Anaxagoras Clazomenius, Theodorus quoque Cyreneus. Primus autem fertur Hippocrates geometrica scripsisse elementa: his succedens Plato, maximum adiecit fundamentum: præterea plures alij. Post hos Euclides elementa collegit.

GEOMETRIÆ duæ sunt species: Theorica scilicet & Practica.

Theorica est, quæ sola mētis speculatione quantitates, proportionēs, & earum mensuras intuetur.

Practica est, quando alicuius rei quantitatem ignotam, experimento sensibili mensuramus.

Genera mensurationum triplicia in usu ut plurimum versantur, scilicet Altimetria, Planimetria, & Stereometria. Altimetria est de mensuratione quantitatis secundum vnā diuisionem, scilicet secundum longitudinem tantum. Planimetria est de mensuratione quantitatum secundum longi-

DE GEOMETRICIS

tudinem & latitudinē. Stereometria est de mensuratione quantitatum secundum longum, latum, & profundum. Dicta à *σεπεός* Græco, quod est solidum, & *μέτρον* mensura, quasi mensura solidorum. Solidū autem dicimus, quicquid tribus interuallis seu dimensionibus porrigitur: id est, quicquid longitudine, latitudine, profunditatēque distenditur. Primo modo linearem dimensionem metimur: secundo modo dimensionem superficialem, & tertio dimensionem corporalem.

Quantitatem autem aliquā mensurare, est inuenire quoties in ea aliqua famosa quantitas reperitur, vel quota pars aut quotæ partes sint alicuius famosæ quantitatis. Famosæ autem quantitates sunt quæ apud omnes aut multos vsitatæ sunt: vt sunt, *Digitus*, *Palmus*, *Pes*, *Cubitus*, *Passus*, *Pertica*, *Stadiū*, *Miliarium*, *Leuca*, & his consimiles.

Digitus est minima, qua agris metiendis antiqui utebantur, mensura, continens quatuor hordei grana, & latitudine contiguatim disposita, talis:




Palmus digitos habet quatuor.

Pes palmos habet quatuor.

Cubitus pedem recipit vnum & dimidium, quem plures vocant *vlnam*.

Passus pedes habet quinque.

Pertica aut *Decempeda*, aut *Radius*, *Virga* est oblon-



oblonga, decē continens pedes, vnde decēpeda dicta est. Pertica verò dicitur, quasi portica, à portando. Manu nanque mensoris ad agros metiendos virga mensuralis portatur.

Stadium passus habet centum viginti quinque. Dictum autem fertur à stando stadium, siue quòd iuuenes currentes emenso hoc stadio starent, seu quòd Hercules primus hoc spatium vno anhelitu transcursum stando signauerat.

Miliarium stadia habet octo, quæ faciunt mille passus, à quibus miliarium dicitur.

Leuca recipit miliarium vnum & dimidium, finitur enim passibus mille quingentis.

Altimetrie tres assignantur partes: quarum vna est de mensurationibus altitudinum secundum longitudinem tantum, alia de mensuratione planitierum secundum longitudinem tantum, & tertia de mensuratione profunditatum.


Generaliter tamen omnium partium mensurarum eadem sunt principia. Nam, vt in physicis habetur, omnis visio intus (suspiciendo species rei visibilis) causatur, & sub quodam acuto angulo comprehenditur quantitas rei visibilis per modum basis: & quanto acutior est, tanto ratio quantitatem iudicat minorem, iuxta illud principium: Minori angulo minor correspondet basis, & sic in visione altitudinis altitudo locum tenet vnius rectæ lineæ:

DE GEOMETRICIS

spatium vnius alterius, & linea visualis tenet locum tertiæ: ex quibus tribus lineis cōstituitur triā-
gulus reċtilineus orthogonius. Et sic altitudo qua-
libet mensuranda, seu spatium vel profunditas de-
bet semper secundum lineas reċtas imaginari, vt pa-
tet in figura sequenti, figurata per, a, b, c : & semper
altitudo cum spatio constituunt angulum reċtum,
scilicet, c : & aliquando sub angulo, b , comprehen-
do statum, a, c , & aliquando sub angulo, a , compre-
hendimus, b, c , & sic secundum paruitatem illorum
duorum angulorum acutorum, a , & b , comprehen-
ditur res maior & minor: & hoc per sensum cum
iudicio rationis, vt in perspectivā habetur.

SED quia non est bene possibile, vt sensus &
ratio veram quantitatem anguli acuti variati co-
gnoscant: ideo difficillimum esset, naturaliter per
solam scientiam perspectivā certissimam rei quan-
titatem comprehendere. Vnde vetusti rerum men-
sores, instrumentis quibusdam artificialibus inue-
nerunt artem, qua mediante quantitates rerum fa-
cile cum certitudine dignosci possunt. Sunt autem
huiusmodi instrumenta plura, & longum diffi-
cileque esset omnium compositiones & usus red-
dere, ideo transeo: & dico in dorso astrolabij repe-
ritur quadrans aut gnomon, continens scalam alti-
metram. Cuius quadrantis linea mediæ noctis vo-
catur.


catur Status, quæ tenet locum altitudinis seu profunditatis, scala verò sibi iuncta, trāsuersaliter posita, est scala vmbre rectæ vel extensæ: & est diuisa in 12. partes æquales, quæ dicuntur digiti aut puncta gnomonis vmbre rectæ. Secunda verò sca-



la expositio Status sita recta versus armillam, est scala vmbre versæ: & duodecim diuisiones in ea, sunt digiti aut puncta vmbre versæ. Diameter qua-

DE GEOMETRICIS

drantis dicitur *umbra media*. *Linea fiducia* *Al-*
hidade dicitur *umbra* vel *visualis linea*. In exem-
 plo accipe hanc *figurationem*.



DE INCEPS considerandum, in rebus men-
 surandis supponimus quamlibet magnitudi-
 nem finitam, siue sit longa siue brevis, diuidi in 12.
 partes æquales: quas digitos aut puncta nominamus:
 Et sic digitus aut punctum est duodecima pars rei.
 Ex his igitur partibus quandoque quedam sunt æ-
 quales numero cum umbra, sicut in altitudine: quã-
 doque pauciores: quandoque verò plures, secundum
 quod

quòd Umbra est maior vel minor ex diuersa Solis aut Lunæ altitudine : & propter hoc Quadrans habet duo latera, in duodecim partes æquales partita: iuxta quas partes huiusmodi diuersitates rerū & Umbrarum addiscimus . Est autem duplex Umbra, scilicet recta & versa. Umbram rectam siue extensam dicimus, quam res orthogonaliter super superficiem Horizontis erecta efficit in ipsa superficie Horizontis, ut est Umbra turris vel alterius huiusmodi. Sed umbram versam vocamus umbram, quam res Horizontis superficiei æquidistans efficit in superficie orthogonalī super Horizontem: velut est Umbra stili in pariete aut chilindro. Et Umbra recta ante meridiem continuo fit minor: & post meridiem maior . Sed Umbra versa contrā, ante meridiem crescit, & post meridiem decrescit. Cum autem habueris puncta Umbræ rectæ, & volueris ea reducere ad puncta Umbræ versæ: tunc 144. diuide per numerum punctorum Umbræ rectæ, & numerus quotiens erit numerus punctorum Umbræ versæ. Similiter si habueris puncta Umbræ versæ, et volueris ea cōuertere in puncta Umbræ rectæ: diuide 144. per puncta Umbræ versæ, & numerus quotiens erit numerus punctorum Umbræ rectæ.

Notandum etiam, quòd rerum altitudines metiuntur duplici via, aut cum instrumento, aut sine instrumento. Sine instrumento (intellige verò) aut

DE GEOMETRICIS


mediante rei vmbra, aut mediante linea visuali re-
cta aut reflexa. Instrumenta quæ nos iuuant men-
suras capere, multiplicia sunt, vt prædiximus, inter
quæ vnum gnomon seu altimetra scala nuncupatur:
& illud est quadrans in dorso astrolabij, per quod
rerum altitudines indagare possumus, mediante li-
nea visuali seu radio luminosi corporis, vt paulò an-
tè dicebatur. His præambulis summam expositis,
ad geometricas mensuras feliciter accedimus.

Proposi. 61. **ALTITVDINEM VNIVSCV-**
iusque corporis in plano perpèdiculariter
stantis, per vmbra ipsius deprehendere.

CV cuiuslibet rei accessibilis perpendiculari-
ter erectæ super planum, cuius summitas &
terminus inferior videntur, altitudinē per eius vmb-
rā metiri volueris: Sole aut Luna illucescente, in-
terdiu officio astrolabij accipe altitudinē Solis, no-
ctu verò Lunæ: & si linea fiduciæ Alhidada præ-
cisè ceciderit super lineam mediæ vmbre, hoc est,
super diametrum quadrantis aut scalæ: tunc enim
altitudo Solis aut Lunæ est 45. graduum, & cuiuslibet
rei altitudo æqualis suæ vmbre. Mēsurā igitur vmb-
ram rei, & habes sine ambiguitate altitudinem
ipsius.

IN

MENSURATIONIBVS. 157
IN EXEMPLVM SIT
adiecta figura.



HIVS partis magna est vtilitas. Nam si nonnunquam altitudo Solis aut Lunæ non fuerit præcise 45. graduum, expecta paulisper donec talem altitudinem in Astrolabio habueris, et tunc Umbra altitudini rei æquabitur.

In nostro climate septimo, Sole meridiana signa possidente, nunquam Umbra rei æqualis est ei: quia Sol nunquam etiam tempore meridiano, 45. gradi-

DE GEOMETRICIS

bus supra horizōtem eleuatur. Secus de Luna, quæ propter latitudinem suam septentrionalem etiam in signis meridianis nonnunquam ad sublimitatem 45. graduum peruenire potest. Sole autem per septentrionalia signa eunte, à nono gradu Arietis vsque in 21. Virginis, omni die sole radiante, ad minus semel vmbra corporis altitudinem eius indicat. Semel cū eleuatio Solis meridiana est præcisè 45. graduum, quod accidit circa nonum & decimum gradus Arietis. Similiter circa 20. & 21. Virginis. Bis autē huiusmodi eleuatio accidit, scilicet semel ante, & semel post meridiem, Sole ab vndecimo gradu Arietis in 19. Virginis tendente. Quo autem tempore ante & post meridiem id fiat, adiumento quartæ propositionis facile addisces. Quapropter ante prædicere potes: illo die, tali hora ante aut post meridiana, vmbra rei altitudinem ipsius mensurabit. In Luna ferè idem sumitur iudiciū, præterquam quòd eius latitudo quandoque altitudinem augmentat, quandoque minuit: & diuersitas aspectus ipsius etiam nonnullam variationem ingerit, quare in Luna certior via est, cum noctu ipsam lucētem habueris, expectare vsque dum eleuabitur 45. gradibus: & tunc pronuncia rem vmbre æquari.

Secunda
pars huius
propositio-
nis.


Præterea si Solis aut Lunæ altitudo maior fuerit 45. gradibus: tūc altitudo rei maior erit vmbra sua: & habet se altitudo ad suam vmbra in ea proportionē

tionē, in qua se habet 12. ad puncta tacta à linea Fiduciæ in scala vmbre rectæ. Vt si puncta per lineam Fiduciæ ipsius alhidadæ tacta esset quatuor, habet se 12. ad quatuor in propositione tripla: est ergo altitudo rei maior sua vmbra in triplo: quare si vmbre quantitatem ter recepero, habeo altitudinem rei.

Item si puncta per lineam fiduciæ abscissa essent 6. habet se 12. ad 6. in proportionē dupla: quare altitudo rei dupla est ad suam vmbra. Si igitur vmbre quantitatem bis sumpsero, habeo ipsius rei certam altitudinem: & sic de alijs censendum est. Metire ergo vmbra rei aliqua mensura tibi nota: quam multiplica per 12. & productum diuide per puncta vmbre rectæ per lineam fiduciæ tacta, & numerus quotiens ostendit tibi altitudinem rei.

In exemplo sint puncta vmbre rectæ 8. inuen- Exemplum
ta per eleuationem Solis aut Lunæ: sit vmbra corporis orthogonaliter erecti sex perticarum, multiplico 6. perticas per 12. & colligo 72. perticas, quas diuido per 8. puncta vmbre rectæ inuenta, & habeo in quotiente 9. dico igitur altitudinem corporis esse 9. perticarum.

DE GEOMETRICIS
HVIVS REI HANC
cape figuram.



HIC diligenter aduertendum est, quòd quan-
docunque linea fiduciæ de scala vmbra rectæ
refecat 6. puncta præcise: quod fit quãdo Sol aut Lu-
na eleuatur supra horizontem 63. gradibus & 30.
siue 40. ferè minutis, tunc vniuscuiusque rei vmbra
recta habet se ad altitudinem rei, sicut vnũ ad duo:
sed vnum bis sumptum constituit duo: sic vmbra rei
bis sumpta cõstituit altitudinem rei. Est enim tunc
vmbra

Umbra medietas rei. Vt si Umbra esset 20. pedum, altitudo rei esset 40. & sic de alijs.


Ceterum si altitudo Solis vel Lunæ fuerit minor 45. gradibus, tunc linea fiducia cadet super puncta ^{Tertia pars huius positionis.} scala Umbrae versa: & Umbra maior erit altitudine rei: & habet se altitudo rei ad suam Umbram in ea proportionem, in qua se habent puncta versa absissa per lineam fiducia ad 12. Vt gratia exempli: sint puncta Umbrae versa quatuor: habet autem quatuor se ad 12. tanquam pars tertia, ita habet se altitudo rei ad suam Umbram: est enim tertia pars Umbrae. Si igitur accepero tertiam partem Umbrae, habeo rei altitudinem. Item ponantur puncta Umbrae versa esse sex: est autem sex medietas respectu 12. ita rei altitudo est medietas Umbrae: recepta igitur medietate Umbrae, habeo altitudinem rei.

Exemplum

Mensura igitur Umbram rei, aliqua mensura tibi cognita: & eandem multiplica per puncta Umbrae versa super qua cecidit linea fiducia: & productum diuide per 12, & numerus quotiens ostendit tibi altitudinem rei petitam.

Gratia exempli: sint puncta Umbrae versa per al- ^{Exemplum} hidadam resecta quatuor, Umbra rei perpendiculariter stans 45. passuum: multiplico Umbram per quatuor, et produco 180. quem numerum partior per 12. & habeo in quotiente 15. infero igitur altitudinem rei metiendam esse 15. passuum.

DE GEOMETRICIS
ECCE FIGURA.



VEL si placet, reduc (per doctrinam propositionis 58.) puncta umbræ versæ in puncta umbræ rectæ: & tunc multiplica umbrā rei per 12. et productum diuide per puncta umbræ reductæ, quæ post reductionem vocantur puncta umbræ rectæ: & proueniet idem in quotiente, scilicet altitudo rei. Vt in exemplo iam exposito: habeo quatuor puncta umbræ versæ, per quæ diuido 144, et proueniunt in quotiēte 36 puncta vocata puncta umbræ rectæ: quæ seruo ad partem. Deinde propositam umbram 45. passuum multiplico

multiplico per 12, & produco 540. quæ diuido per 36. puncta reducta: et habeo in quotiēte 15. Vt supra: quare dico altitudinē rei, puta turris esse 15. passuum.

Circa hanc vltimam partem animaduertendum, quòd quodocunque in acceptione altitudinis Solis aut Lunæ linea Fiduciæ de scala vmbra versæ abscindit 6. puncta præcise, quod accidit quando Sol & Luna eleuatur supra Horizontem 26. gradibus & 30. fermè minutis: tunc vniuscuiusque rei vmbra recta, habet se ab altitudinem rei sicut duo ad vnum, continet autem duo vnum bis: sic vmbra recta in duplo maior est quàm sua res: quare eius medietas rei altitudinem perfectè indicat. Vt si vmbra arcus turris esset 60. pedum: altitudo turris esset 30.

Potes propositionē istam secundum tres eius partes ampliare per dicta propositionis antecedentis, ~~nam~~ radius Solis aut Lunæ tenet locum lineæ visualis: vmbra locum spatij, res erecta locum status: igitur constituitur triangulus rectilineus orthogonius, & hoc patet ex tribus exemplis figurarum adiectarū.

CVIVSLIBET REI ELEVA- Proposi. 62.

tæ accessibilis, in æquali planitie constitutæ, altitudinem aliter quàm per vmbra inuestigare.

SISTE alhidadam secundum lineam Fiduciæ in medio quadrati aut scalæ, hoc est, super lineā

DE GEOMETRICIS

Umbra mediæ vel super 45. gradum quartæ altitudinis: et leuato suspensioque astrolabio de manu tua contra ipsam altitudinem rei metiendæ tam diu moue te ante vel retro, quousque visualis linea per ambo foramina pinnularum trāsiens summitati rei occurrat: id est, donec per vtriusque tabulæ foramen summitatē aut cacumen rei videas. Quo habito metire spatium, quod est à medio pedis tui vsque ad radicē aut basim rei eleuatæ: adiecta tamen quantitate staturæ tuæ: à visu oculi tui in terram ad planitiem computando: quam post te directē semper adijcies: & quanta erit hæc quantitas adæquata, tanta proculdubio erit altitudo rei eleuatæ.

Exemplum *In exemplo sit turris in planitie constituta: mensuranda, a, b, & stante linea fiduciæ in linea Umbra mediæ, contemplor per vtrunque mediclinij foramen cacumen turris: & sit spatium inter basim turris & medium pedis mei, d, b. Longitudo staturæ ab oculo meo in terram, i, d, quam spatio, d, b, retro proyiciendo addo, & voco spatium facta additione staturæ, i, d, b, quod metior mensura aliqua mihi cognita, eandemque pronuncio æqualem altitudini turris.*

ECCE



LOCO NON MVTATO, VBI

Proposi. 53

primùm steteris, altitudinis coram positæ
mensuram comprehendere.

SI hoc idem quod in antecedente propositione
determinauimus, non mouendo te de loco, sed fir-
mato pede absolueres volueris, hoc pacto operare:

Sume Astrolabium, et subleuato eo contra altitu-
dinem mediclinium torquendo coaptabis, quousque
per vtrunque foramen tabellarum summitatem al-

DE GEOMETRICIS

titudinis videas: tunc si linea fiduciæ ceciderit super
latus vmbre rectæ vel extensæ, denotat quod altitu-
do rei maior est spatio intercepto inter basim aut ra-
dicem altitudinis, et medium pedis tui: & in quan-
ta proportione se habent duodecim * ab ista puta
quæ abscindit linea fiduciæ, in tanta se habebit al-
titudo rei ad spatium inter te & ipsam, addita quan-
titate stature tuæ, ut supra admonuimus.

■ ad ista
puncta.

Et practicatur sic: Numerum punctorum recto-
rum per lineam fiduciæ abscisorum, serua: deinde
metire spatium, quod intercipitur inter radicem al-
titudinis rei mensurandæ & pedem tuum, aliqua
mensura tibi nota, puncta per pedes vel passus &c.
Et multiplicentur per duodecim: et productum di-
uidatur per numerum punctorum supra seruatum:
& quod ex diuisione exierit, erit altitudo rei, ad-
dita quantitate stature tuæ.

Verbi gratia, sit altitudo, b, c, mensuranda: spa-
tium à radice altitudinis ad pedem meum, c, d, quin-
que passuum: Statura verò, d, e, duorum passuum.
Puncta scalæ vmbre rectæ tacta ab Alhidada,
sex: duco spatium quinque passuum in duodecim,
& procreo sexaginta, quæ diuido per sex puncta
rectæ, & habeo decem passus: quibus addo sta-
turam duorum passuum, & colligo duodecim pas-
sus. Concludo igitur altitudinem propositam habe-
re duodecim passus.

HVIVS

HVIVS DEMONSTRATIONIS præsentem cape figuram.



SI verò linea fiduciæ ceciderit super latus vmbre versæ, tunc spatium inter te & basim rei eleuatæ, cum statura tua est maius altitudine rei eleuatæ. Et in qua proportionem se habent puncta abscissa per lineam fiduciæ ad duodecim, in eadem se habebit altitudo rei mensurandæ ad spatium inter te & radicem altitudinis rei, adiecta tamen semper statura tua.

DE GEOMETRICIS

Huius partis practica hæc est. Puncta vmbre
verse per lineam fiducie ostensa, serua ad partem;
deinde mensura distantiam inter te & radicem
rei mensurandæ, aliqua mensura tibi cognita, &
eam multiplica per puncta vmbre verse supra ser-
uata: & quod prouenit per duodecim partiariis, &
habebis in quotiente quantitatem altitudinis rei,
addendo vt supra quantitatem stature tue.

Exemplum

In exemplo sit altitudo rei mensurandæ, f, g,
spatium inter pedem meum & radicem altitudi-
nis, g, h, quadraginta pedum: puncta vmbre verse,
sex: statura mea, h, i, sit quinque pedum. Multiplico
quadraginta pedes per sex puncta vmbre verse, &
excrescit numerus CC XL. quem diuido per
duodecim, & in quotiente habeo viginti pedes, qui
sunt altitudo rei mensurandæ propositæ.

H V I V S

MENSURATIONIBVS.
 HVIVS PARTIS HANC
 sume figuram.

163



V E L, si placet, reduc per propositionem quin-
 quagesimamoctauā huius pūcta vmbre versæ, quæ
 sunt sex, ad pūcta vmbre rectæ, et erūt puncta vmb-
 re rectæ correspondentia vigintiquatuor, per quæ
 summā resultantē ex ductu quadraginta in duode-
 cim, scilicet quadringentos octoginta, diuide: & in
 quotiente exhibūt viginti passus, qui mensurāt alti-
 tudinē, f, g, addita siatura tua, quæ fuit quinque pe-
 dū: & sic in eundē hæ duæ operationes tendūt finē.

X iij

DE GEOMETRICIS

Animaduertendum tamen, quòd ea quæ dicta sunt, habent veritatem, si spatium inter te & rem mensurandam, fuerit planum: si secus, tunc pone aliquid cum linea fiduciæ super diametrum trāuersalem astrolabij, hoc est, super principium quartæ altitudinis: & vide per ambo foramina Tabellarum, aliquod punctum vel signum in re mensuranda, quod nota: & illud punctum aut signum & oculus tuus, sunt in vna linea recta horizōti æquidistante. Deinde officio astrolabij vide cacumen eiusdem rei: & mensura spatium inter pedem tuum & rem mensurandam per lineam rectam, puta cum chorda, & operare consequenter, prout suprā docuimus: et habebis altitudinem rei à puncto notato vsque ad summitatem ipsius: et tunc non accipias altitudinem quæ est ab oculo tuo vsque ad terrā: sed loco ipsius accipe altitudinem rei à puncto signato vsque ad terram: quam adde ad altitudinem rei ab eodem puncto notato vsque ad summitatem rei inuentam: & habebis quæsitum.

Propo. 64.

REI INACCESSIBILIS IN
planitie perpendiculariter stantis, altitudinem artificiosè metiri.

QUOD si fortè fluuij, fossæ, aut vallis alicuius obiectu spatium inter mensoris pedem & rei mensu-

mensurandæ radicem, interceptum commeabile nō sit: hoc modo poteris propositæ longitudinis mensuram inuenire.

In loco plano, subleuato Astrolabio alhidadam contra cacumen rei mensurandæ dispone, donec per vtrūque foramen Tabellarum summitatem videas: & cōsidera subtilius, super quod latus vmbre Linea fiduciæ alhidadæ cadat. Quæ si ceciderit (vt frequenter accidit in huiusmodi modo mensurationis) super latus vmbre versæ, vide quot puncta linea fiduciæ abscindat, et per numerum punctorum diuide duodecim, & quotientem serua. Vt si linea fiduciæ ceciderit super tria puncta, tunc in quotiente erunt quatuor, quæ serua. Postea signato loco in quo stetisti, retrocede vel progredere modicū à priori loco: & rursum in secunda statione astrolabium subleua, & iterū summitatem rei per foramina tabellarum respice, & numerum punctorum per lineam fiduciæ abscisorum perpende: per quem iterum diuide duodecim, & quotientem tunc prouenientem subtrahere à primo quotiente prius seruato, si fuerit minor: aut contrà, si fuerit maior: & serua excessum. Verbi gratia, vt linea fiduciæ in secunda statione cadat super sex puncta, diuide per ea duodecim, manebunt in quotiente duo: quibus subtractis à prioribus quatuor seruatis, excessus est duo, quem serua. Postea mensura spatium inter pri-

DE GEOMETRICIS

nam & secundam stationes quacunque mensura
volueris: & numerum illius mensuræ diuide per
excessum prius seruatum, scilicet duo: & nume-
rus qui ex diuisione exierit, addita longitudine
tua, ostendit quod queris.

Exemplum

Exempli gratia. Si numerus mensuræ spa-
tij tui esset quadraginta pedum, tunc diuidendo
quadraginta per duo, quæ sunt excessus: exeunt
in quotiente viginti pedes, qui sunt pars altitudi-
nis rei: quibus adde staturam mensurantis, quam
pono esse septem pedum, & colliges vigintiseptem
pedes altitudinem rei eleuatæ.

Ex his infertur regula hæc generalis: facta sub-
tractione quotientum supra seruatorum extracto-
rum, puncta vmbre versæ duabus stationibus in-
uenta. Si pro excessu vnum remanserit, statio-
num intervallum erit æquale altitudini rei men-
surandæ, addita, vt iam sæpius admonuimus, sta-
tura mensoris. Si duo remanserint, intervallum sta-
tionum erit duplum ad altitudinem rei: quare si
intervalli dimidium acceperis, & staturam tuam
adieceris, mensurandæ rei altitudinem certò eli-
cies. Si tria remanserint, spatium duarum statio-
num erit triplum ad rem mensurandam. Quocirca
si spatij tertiam partem acceperis & eidem statu-
ram tuam addideris, altitudinem rei dignoscēs.
Idem sume iudicium, si quatuor remanserint.


Et si.

Et si ex iam expositis satis exemplificatū est, Exemplum
 lucidioris tamen intelligentiæ gratia hoc exemplū
 adiiciemus. Proponitur mihi res metienda in plani-
 tie sita, ignotæ altitudinis, quæ sit, *h, i*, præcipior eius-
 dem inuestigare altitudinem: & supponitur, quod
 ad radicem rei mensurandæ propter aquam, fos-
 sam aut aliud impedimentum adire nequeam. Su-
 spenso igitur astrolabio (vt assolet) facio stationem
 primam in puncto, *k*, & visa rei summitate per pin-
 nularum foramina, inuenio per contactum lineæ fi-
 duciæ in scala vmbre versæ, puncta 6. per quæ par-
 tior 12. & habeo in quotiente duo: quæ seorsum ser-
 uo. Deinde secundum lineam rectam retrorsum per-
 go, & facio secundam stationem in puncto, *l*, & in-
 tueor iterum (vt iam iam exposui) cacumen rei, &
 offendo 2. puncta vmbre versæ: per quæ diuido 12.
 & habeo in quotiente 6. à quibus subtraho 2. supra
 seorsum seruata: & remanet mihi excessus 4. quem
 ad partem seruo. Postea metior spatium à statione
 prima, *k*, in stationem secundam, *l*, & inuenio gra-
 tia exempli 16. passus: quos per excessum 4. serua-
 tum diuido: & habeo in quotiente quatuor. Vnde
 dico partem altitudinis huius rei eleuatæ, *h, i*, esse
 quatuor passuum: quibus staturam meam quam po-
 no esse duorum passuum adiicio: & tandem con-
 cludo altitudinem, *h, i*, esse 6. passuum: quod fuit ab-
 soluendum. Vel, & est idem, facta punctorum sub-

DE GEOMETRICIS

tractione remanserūt quatuor, accipio igitur de spatio 16. passuum inter, k, & l, quartam partem, hoc est quatuor passus, & habeo ut prius partem altitudinis rei, h, i, cui iungo staturam meam duorum passuum, & colligo mensuram 6. passuum, ut supra.

Ecce figuratio.



ET NOTA quòd foramina tabellarum per quæ transit radius visualis ad rei altitudinem comprehendendam, debent esse admodum stricta: aliter enim facile accideret error.

Plures.

Plures practicando hanc propositionem, reducunt puncta umbræ versæ duabus stationibus re-
perta, in puncta umbræ rectæ secundum doctrinam
propositionis 58. & spatium duabus stationibus in-
terceptum aliqua mensura nota mensuratum mul-
tiplicant per 12. Postea numerum minorem puncto-
rum rectorum subtrahunt à numero maiori: & per
differentiam diuidunt productum multiplicatione
inuentum: & per quotientem adiuncta altitudine
stature, altitudinem rei pronunciant. Et tendit hic
modus in eundem finem cum modo nostro suprâ
exposito: quare ampliori sermone eundem haud
prosequemur.

ALTITVDINEM REI SVPER Proposi. 65.

montem erectæ, cuius altitudinis termi-
nus inferior & summitas videntur oculo
existente in valle, metiri.


DE ALTITVDINE in plano metien-
da (præcipuè nouitiis altimetris) dicta suffice-
re possunt. Nunc restat demonstrare qualiter cuius-
libet altitudinis in eminentiore loco, puta monte cõ-
stitutæ, nobis in imo, puta in valle positæ mensura cõ-
prehendi possit. Hoc quidẽ etsi difficilius videtur
esse, ratio tamẽ omnem viã naturæ perlustrat. Om-
ne ergo quod de terræ superficie emergens sursum tol

DE GEOMETRICIS

litur, & vertice in altū eleuato, circūiacentis plani
 æqualitatem transcēdit, altitudo est: quæ si à loco
 dissimili aliquando à vallibus ad montes metienda
 occurrat: primum inquirat mensor in imo aut valle
 naturalem suæ stationis Horizontem, id est, quod
 habeat aliquam planitiem Horizonti æquidistan-
 tem, in qua operationem mensurationis perficere pos-
 sit. Qua habita, consideret primò altitudinem mon-
 tis per duas stationes secundum doctrinam proposi-
 tionis antecedentis. Deinde obseruet altitudinem
 turris & montis similiter per eandem propositionē:
 & tunc subtrahat altitudinem mōtis ab altitudine
 totius aggregati similiter, & residuū erit altitudo
 turris. In exemplo facilius forsità capies. Sit altitu-
 do turris, a, b , supra montē, b, c , cuius summitas, a , &
 terminus inferior, b , videatur à mensore existēte in
 valle. Primum per propositionem antecedentem ad-
 disco altitudinem montis per punctum, b , verticalē
 ipsius visui meo obiectum: & inuenio gratia exem-
 pli in prima statione quæ sit, d , puncta 6, vmbra ver-
 sæ, per quæ partior 12. & elicio in quotiente 2. quæ
 seruo: in secūda autem statione quæ sit, e , reperio 4.
 puncta vmbra versæ: per quæ iterum diuido 12. &
 habeo in quotiēte 3. quæ seruo. Deinde subtraho mi-
 norem quotientem, scilicet 2. à maiori, scilicet 3. &
 remanet mihi vnum pro excessu. Quare infero per
 regulam antecedētis propositionis spatium duarum
 stationum

stationum, d, e, semel acceptū vna cum statura mea, mensurare altitudinem montis. Sit igitur spatium inter duas stationes, d, e, quatuor perticarum, hoc est 40. pedum, & statura mea semipertica, id est 5. pedum: concludo altitudinem montis, b, c, esse 4. perticarum & dimidia, hoc est 45. pedum. ecce primum absolendum.

Præterea considero altitudinem montis & turris simul adiumento puncti, a, supremi turris, & offendo in prima statione quæ sit, f, 4. puncta vmbre versæ: per quæ distribuo 12. & habeo in quotiente 3. quæ seruo: in secunda autem statione quæ sit, g, inuenio puncta 3. per quæ iterum diuido 12. & habeo in quotiente 4. Subtraho 3. quotientem minorem à 4. quotiente maiori, & habeo excessum 1. vnde iterum elicio, quòd interuallum harum stationum, f, g, cum statura mea est æquale altitudini turris & montis simul. Recipio igitur hoc interuallum semel, & adiicio staturam meam, & habeo altitudinem aggregati, id est turris & montis simul. Sit igitur spatium inter has duas stationes, f, g, 9. perticarum, cui si adiunxero semiperticam, habeo altitudinem turris & montis. Subtrahis igitur 4. perticis & dimidia altitudine montis, a, 9. perticis & dimidia altitudine vtriusque, manent 5. perticæ altitudo turris. quod fit optatum. Ecce sequens schema.



Proposi. 66. **PLANIMETRIAM, HOC EST,**
longitudinum mēsuram per Astrolabium
experiri.

HABIT A notitia dictorū de altitudine rei
perpendiculariter stantis mensurāda, facile in-
telliges hæc paucula, quæ de mensuratione plani se-
cū dum longitudinem subiiciemus. Nam suprà per
longitudinem notam didicisti altitudinem ignotā,
hîc contrā, per altitudinem notam, cognosces longi-
tudinem planitie ignotam.

Cūm

Cum igitur planum cuius terminus videtur, siue sit accessibilis, siue inaccessibilis, officio astrolabij secundum longitudinem metiri volueris, principio omnium dispone virgam mensuriam, quæ secundum omnem præcisionem sit tantæ longitudinis, quantæ est statura tua ab oculo vsque ad pedem: quam per certam mensuram tibi cognitam diuide, & melior (me iudice) sit ipsius diuisio in 12. partes æquales, quæ disposita, sta in vno termino plani secundum longitudinem mensuradi: & suspenso astrolabio, eleua aut deprime alhidada, quousque per vtriusque tabellæ foramina ex aduerso alterum limitem aut terminum plani videas. Quo perspecto, supputa diligenter puncta per lineam fiduciæ abscisa: quæ ferè semper sunt puncta vmbre versæ. Tunc enim maior est longitudo plani quam virga mensoris. Per puncta igitur abscisa iam supra inuenta, diuide 12. & numerus quotiens ostendit tibi, quota est pars virgæ mensoriæ, respectu longitudinis planitiei quæ mensuratur.

Si enim linea Fiduciæ præcisè ceciderit super lineam mediæ vmbre, id est, super diametrum quadrantis, erit longitudo plani æqualis virgæ mensoris. Si autem linea Fiduciæ ceciderit super punctum 11. vmbre versæ, erit longitudo virgæ semel sumpta cum eius parte vndecima longitudo planitiei.

Si linea Fiduciæ ceciderit super punctum decimum vmbre

DE GEOMETRICIS

Umbrae versa: erit longitudo virgæ semel accepta cū duabus decimis virgæ, longitudo spatij plani.

Si præterea linea fiducia ceciderit super 9. puncta Umbrae versa: erit virgæ longitudo semel accepta cum tribus nonis ipsius, mensura longitudinis plani.

Si fiducia linea ceciderit super 8. puncta Umbrae versa, longitudo virgæ & eius dimidium mensurabunt longitudinem planicie.

Si linea fiducia inciderit in 7. puncta Umbrae versa, erit longitudo virgæ semel sumpta & 5. eius septimis longitudo plani.

Quod si fiducia linea ceciderit in 6. puncta Umbrae versa, per quæ 12. diuisa, in quotiente relinquuntur 2. unde infertur, quod longitudo plani est dupla ad Virgam: quare si longitudinem virgæ bis sumpseris, habebis longitudinem rei mensurandæ.

Si linea fiducia super 5. puncta Umbrae versa ceciderit, & per ea 12. diuiseris, colliges in quotiente 2. & habes in residuo duas quintas: quare si virgæ longitudinem bis acceperis, & duas eius quintas, videbis plani longitudinem.

Si deinceps linea fiducia super quatuor puncta Umbrae versa ceciderit, & per ea 12. partiantur, in quotiente apparebunt 3. Quare si virgæ quantitatē ter receperis, longitudinem plani numerabis.

Si fiducia linea tria puncta versa Umbrae tetigit,

gerit, & per ipsa 12. distribueris: numerus quotiens erit 4. significans quod longitudo virgæ quater sumpta, spatij longitudinem metitur.

Si linea fiduciæ super duo puncta vmbre versæ ceciderit, per quæ 12. diuisa in quotiente emergunt 6. quare longitudo spatij mensurandi habet se in proportionem sextupla ad ipsam virgam. Quam si sexies sumpseris, habebis longitudinem planicie.

Et demum linea fiduciæ vnum absicans punctum, signat (vnitas enim non diuidit) quod spatium longitudinis habet se in proportionem duodecupla ad virgam. Quare si eandem duodecies sumpseris, plani longitudinem colliges.

Harum rerum particulare hoc sume exemplum, Exemplum
proponitur mihi planities, b, c, metienda: sit virga altitudinem meam præ se ferens, a, b, sit oculus meus in, a, puncto virgæ superiori: pes autem in, b, puncto virgæ inferiori & termino vno plani. Subleuato igitur astrolabio, moue alhidadam donec radius visualis transeat per ambo foramina pinnularum, & occurrat altero termino plani, c. Video lineam fiduciæ tangere 3. puncta lateris scalæ vmbre versæ: per quæ partior 12, & habeo in quotiente quatuor: & mox ex suprâ narratis concludo, quod virga mensoria quater sumpta mensurat in vnguem planicie longitudinem. Simile iudicium de aliis sumendum est.

DE GEOMETRICIS
Ecce figuram hîc annexam.



Q V O D si planicies esset admodum magnæ
quantitatis, puta centum vel ducentorum passuum
in longitudine, & tu stans in vno termino plani
prospectans per foramina tabellarum in alterum
terminum eiusdem: nullius (vt ita dicam) aut mo-
dicæ proportionis secundum staturam tuam, ad tam
ingentem longitudinem planiciei, ita quòd tunc
alhidada secundum lineam fiduciæ tangit primum
punctum aut eius aliquam partem vmbre versæ, in
quo casu mensurationes sunt valde incertæ: si igitur
certitudinem amaueris optauerisque, erige in
vno

Vno termino plani hastam, perpendiculariter infixam terræ, continentem staturam tuam ter, quater aut quinquies, aut ad libitum, & hasta inuariabiliter stante, adiunctis structuris vsque adeo ascende, vt oculus tuus summitati hastæ præcise copuletur: quo facto, per astrolabium respice eminus terminum alterum plani, & nota puncta vmbre versæ, & per ea & longitudinem hastæ ab oculo tuo vsque ad terram operare secundum modum supra expositum de virga mensoria, & habebis propositum, in hoc enim casu hasta supplet vices virgæ mensoriæ.

Latitudo verò plani haud aliter quàm longitudo mensuratur, notatis duobus signis in limitibus plani secundum latitudinem mensurandi.

Nec in silentio prætereundum est, si planum metiendum non fuerit rectum, neque horizonti æquidistans, sed eleuatum, eminens, lacunosum aut obliquum: hoc igitur planum ante omnia rectificabis hoc pacto. Pone duas regulas aut virgas longas & eleuatas in limitibus plani aut rei mensurandæ: & dispone alhidadam, quòd linea fiduciæ tangat in vnguem diametrum transversalem astrolabij. Illa dispositione stante applica oculum foraminibus tabellarum & radio visuali, considera signum aliquod in regula cui præsto es. Quod gratia exempli Exemplum vocetur, d: à puncto igitur, d, iterum per foramina

DE GEOMETRICIS

Videndo aduerte in regula altera erecta, quod vocetur, e. Radius igitur visualis emissus à signo, d, in, e, causat lineam horisonti æquidistantem: & rectificat planum. Quo rectificato, iunge pedes tuos puncto, d, regulæ secundum omnem præcisionem, ita quòd, d, sit basis stationis tuæ & perfice operationem mensurationis in punctum, e, secundum institutionem præhabitam, & habebis optatum.

Huius partis accipe hac figurationem.



PROFVNDRITATEM PVTEI Propos. 67.

aut cisternæ, cuius terminus inferior visu
percipi potest, breuiter metiri.

TERMINVS inferior impræsentiarum di-
citur punctus communis lateri putei aut cister-
næ et fundo eius, si aqua caret, aut superficiei aquæ.

Metiuntur autem profunditates ferè eodem mo-
do quo suprà altitudines, nisi quòd astrolabium in
hac operatione super extremitatem profunditatis, id
est, super labrum aut orificium putei vel alterius rei
profundæ: quæ quidem extremitas tenet locum al-
titudinis, & respicitur per ambo foramina pars op-
posita profunditatis, et tenet locum spatij, vbi prius
ponebatur Alhidada. Et sic in hoc modo mensuran-
di profunditates per latitudinem notâ, deuenimus
in cognitionem profunditatis ignotæ, sicut prius per
spatiū notum cognoscebamus altitudinē ignotam.

PROFVNDRIMETER igitur primum
sciat quantitatem diametri latitudinis putei. Qua
cognita, suspenso astrolabio (vt fit) applicet alhida-
dam labro aut extremitati oris putei, & torqueat
eandem eleuando aut deprimendo, donec per vtri-
usque tabellæ foramina ab isto latere in quo stat, vi-
derit terminum in fundo putei lateris oppositi: ita,
quòd vno prospectu terminum superiorem putei &
inferiorem ei oppositum contempletur, quo factò, si

DE GEOMETRICIS

linea fiducia ceciderit super lineam umbra media, erit profunditas æqualis latitudini putei.

HVIVS PROPOSITIONIS
vide figurationem sequentem.




SI AVTEM linea fiducia, vt propemodum
semper accidit, ceciderit super puncta umbra re-
cta, tunc profunditas maior est latitudine. Conside-



ra igitur numerum horum punctorum, deinde diametrum latitudinis putei mensura aliqua mensura tibi nota, et eandem multiplica per 12. productumque diuide per numerum punctorum vmbre iam supra inuentorum: & numerus quotiens profunditatem putei ostendit. Vel aliter et facilius: per numerum punctorum inuentorum diuide 12. & quotientem serua, qui tibi in promptu ostendit quoties latitudinem putei recipere debeas, vt putei profunditatem elicias: & secundum hunc modum age per omnia, vt diametro latitudinis putei quemadmodum in propositione antecedente cum virga mensoria et punctis operatus es, & habebis optatum.

Breue accipe exemplum. Sit puteus, a, b, c, d, cu- Exemplum
 ius diameter aut latitudo, a, b, sit, 8. pedum, puncta vmbre recte diligenti obseruatione reperta sint tria: multiplico latitudinem putei, a, b, 8. pedum per 12. & produco 96. quæ diuido per tria, & habeo in quotiente 32. dico igitur profunditatem putei esse 32. pedum. Aut, & facilius, per 3. puncta inuenta distribuo 12. et habeo in quotiente 4. quæ seruo: si igitur latitudinem putei 8. pedum quater recepero propter 4. seruata: et habeo profunditatem putei 32. pedum: nam quater octo sunt 32.

HVIVS PARTIS ACCIPE
hanc figurationem sequentem.







G. 12-7-5-18 190751

1782565





